



BIBLIOTECA NAZ.

XXV

A

2

NAPOLI

XXV

a

2

BIBLIOTECA NAZ.
Vittorio Emanuele III

XXV

A'

2

NAPOLI

DANIELIS BERCKRINGERI
INSTITVTIONES
ETHICÆ,
SIVE
DE,
MORIBUS.



TRAIECTI ad RHENVUM,
Ex Officinâ GISEBERTI à ZYLL,
c13 13 c LXIII.





MANIPULUS EXCERPTORUM,
EX
ANTONII MONTECATINI
FERRARIENSIS
PRÆFATIONE,
IN
Politica, five Civiles Libros
Aristotelis.

I. *Quòd Politica non sit pars Iuris Romanij,
sive Iurisprudencia Romana.*

Quia secùs omnes regiones & gentes, quæ Romano Jure non utuntur (sunt verò istæ multò plures, quàm quæ utuntur, atque inter eas nonnullæ artibus moribus legibus politissimæ,) omnes, quæ impostèrum non utentur, omnes, quæ hætenus non sunt usæ, denique ante hoc jus conditum omninò omnes, caruerint, carituræ sint, careant Politicâ omni, omniquè civili ratione, nec civiles so-
cie-

cietates ullas , quæ sine civili ratione prorsus esse non possunt, habeant , habuerint , aut habituræ sint.

II. *Quòd eadem Politica non sit pars Iuris Cuiusvis , sive Iurisprudencia Communis.*

Quia, dum Jurisconsulti asseverant, non differre Politicen à Jurisprudentiâ , innumeras Politicas faciant, cùm una sola esse Politicæ simpliciter debeat, quanquam multæ formæ sint civilium societatum ac Rerumpublicarum , quemadmodum una sola simpliciter sit Medicina, licet multæ sint rationes medendi , variatæ locis , temporibus, ætatibus, temperaturis.

III. *Quòd Iurisprudencia potius sit pars Politices fuscè accepta.*

Cùm enim tres sint partes Rerumpublicarum , magistratus, consilia, & judicia , pro his tribus partibus in tres partes similiter distribui Politicen , quarum una attineat propriè ad summum magistratum , νομοθετικὴ Græcis, legislatoria sive legumlatrix Latinis, altera

altera ad consilium , βουλευτική Græcis , consiliaria sive senatoria Latinis , tertia δικαστική Græcis , judiciaria sive justitiaria Latinis , atque hanc esse ipsissimam Jurisprudentiam.

IV. *Quòd eadem Jurisprudentia ministra non pars sit eminentis atque eximia Politicæ, quæ κατ' ἀπονομασίαν Politicæ nominatur.*

Quia , ut servus ad domini , minister ad architecti , formulam & præscriptum agunt , nullâ ab ipsis petitâ præceptorum ratione , sic judiciaria agat ad præscriptum & formulam consiliarie ac legumlatricis , ita se habens ad duas superiores , ex quibus jungitur princeps ac dominans Politicæ , sicut se habet nauclerus ad navim , quem dat dominus navis , non ut dominum tamen.

V. *Quòd eadem Jurisprudentia non sit sola vera & non simulata Philosophia.*

Num enim , inquit , simulata naturalis , divina , mathematica , & civilis tantummodò vera ? An hujus civilis
Phi-

**Philosophiæ vera est sola illa pars ,
quam tractant Jurisconsulti , simulata
altera , unde hæc manavit , putà , mo-
ralis familiaris & civilis ?**

*Hæc & alia complura ille , præfabundus in
τὰ Πολιτικά Aristotelis.*

INST.

INSTITUTIONUM
ETHICARUM,
LIBRI PRIMI,
QUI EST,

Περὶ

Τῆς Εὐδαιμονολογίας,

DE

Vitæ Beatæ Regimine,

CAPUT I.

*Philosophia definitio nominalis Pythagoræ,
realis sive essentialis Aristotelis, accidentalis Lu-
ciani & Ramistarum.*

PHILOSOPHIA in genere,
si nomen sive nominalitatem
ejus spectes, definitionem, in-
quem, ὀνοματῶδη, nihil al-
liud est, quàm amor desi-
derium & studium sapien-
tiæ, quæ definitio, aut descriptio veriùs,
sumpta ex vocis impositione, non rei dis-
positione, tum quia, si Philosophia reâ-
pse foret amor & studium sapientiae, tum
verò juvenis, amator ac studiosus sa-
pientiae, còpse esset Philosophus, tum
quia

A

4 INSTIT. ETHICARUM

quia Philosophia πρώτως καὶ κυρίως primariò & principaliter, significat habitum intellectus, amor autem in appetitu, tum quia aliud studiũ rei, aliud ipsa res, quemadmodũ aliud v. g. avaritia, quæ est studium pecuniæ, aliud ipsa pecunia, cùm illa cupiat, hæc concupiscatur, illa quærat, hæc quærat.

2. *Sin rem sive realitatem, ejusvè accidentia, definitionem. inquam, partim οὐσιώδη, hoc ὑπολήψεως τρόπῳ, concipiendi modo, Philosophia secundum Aristotelem fuerit, ἐξίς τῶν ἐπιστητῶν καὶ πρακτικῶν, habitus eorum, quæ sub scientiam & actionem cadunt, partim ἐκτυπώδη, hoc posteriori ὑπολήψεως τρόπῳ, concipiendi modo, eadem Philosophia, secundum Lucianum & Raméos, fuerit systema sive syntagma scientiarum & prudentiarum, quarum definitionum altera ἀρχίτυπός καὶ ἐνδιάθετος, considerans Philosophiam in mente artificis, tanquam exemplar primigenium mente conceptum, altera ἔκτυπος, considerans eandem extra mentem artificis in libris, tanquam exemplar secundigenium, proximè accedens ad fidẽ primigenii. Philosophiam dogmaticam & systematicã voces licet differitis causâ, ut sic distinguatur à Philosophiâ habituali.*

C A P U T I I.

Philosophia diviso dichotomica secundum Peripateticos, in Theoreticam & Practicam.

§. 1. Par-

§. I. **P**artes Philosophiæ secundum Peripateticos dua sunt, Theoretica & Practica.

2. Quam dichotomiam Peripateticorum laudant rationes. I. Quia membra ejus sunt verè dividenda, hoc est, contradivisa. Quamvis enim nulla sit pars Philosophiæ, in quâ non theoria copuletur cum praxi aliquâ, cum τὸ πραγματικὸν sit quasi quoddam ἀπὸτέλεσμα τοῦ θεωρητικῷ, tamen propriè illa Philosophia est & dicitur Theoretica, quæ, etsi practicam aliquam habeat adjunctam notitiam, præcipuè tamen functiones suas exercet in theoriâ, & contrâ illa practica, quæ quamvis theoricam aliquam notitiam familiarem sibi habeat, tamen præcipuè operationes suas exerit in praxi, ipsamquæ aded, quam habet, Theoriam, ordinat ad praxin, tanquam finem ultimum, à quo sumenda differentia disciplinarum. II. Quia hæc divisio suo diviso est condvisa. Omnia siquidem in Philosophiâ sunt gemina, geminum subjectum, geminum objectum, geminus finis. Geminum subjectum. Philosophia namque Theoretica residet in intellectu speculativo, cujus ἰδίων ἔργον, proprium opus & munus, res absolutè simpliciterquæ cognoscere, ut res sunt, hoc est, quatenus habent essentiam definitione explicabilem, bonitate aut malitiâ morali nullo modo consideratâ, Philosophia con-

trâ Practica residet in intellectu activo, cuius ἰδιότης ἐγγον, res cognoscere sub differentiâ morali, hoc est, quatenus bonæ vel malæ sunt. Geminum objectum. Philosophia namque Theoretica occupatur circa objectum contemplabile, hoc est, circa res, sempiternas, & à naturalibus ac necessariis causis fluentes, id est, tam eas, quæ semper eodem modo sunt, nec fiunt, quàm eas, quæ fiunt quidem, sed à naturâ per necessarias causas eodem modo operante, at Philosophia Practica circa objectum operabile, hoc est, circa ea, quæ nostro arbitrio sunt subjecta, cuiusmodi sunt res humanæ contingentes, quas agere, aut non agere, sic vel aliter agere, in nostrâ est manu ac potestate. Geminus finis. Philosophia namque Theoretica contemplatur, ut contempletur, solius veritatis desiderio, in eâquè rerum contemplatione sistit & acquiescit, quoniam eas agere nequit, enimve ð Philosophia Practica contemplatur, ut agat.

C A P U T III.

Definitio Philosophia Theoretica, cum relegatione ejus ad superius disciplinarum auditorium, quod Scientiarum: Item Practica, cum religatione ejus ad inferius disciplinarum auditorium, quod Prudentiarum, qua docenda post scientias.

§. I. Phi-

§. I. **P***hilosophia Theoretica*, si in mente artificis eam consideres secundum Peripateticas, quorum filum & funem forè ducimus, est ἡξις τῶν ἐπιστητῶν, habitus eorum, quæ sub scientiam cadunt, sive in manu & libris cum Lucianicis, tunc verò est systema sive syntagma trium disciplinarum theoreticarum, Metaphysicæ, inquam, Physicæ, & Mathematicæ, dirigens intellectum contemplativum in cognitione rerum scibilium, ut, quantum in hac vitâ fieri potest, homo naturæ consiliatricis & auxiliatricis viribus benè speculetur.

2. Dirigit quidem eum intellectum quoque etiam Logica, sed ministerialiter, non magistraliter, neque ut pars Philosophiæ pressè acceptæ, sed ut instrumentum administrans, perficiens intellectum hominis in intellectione suâ, quò habeat expeditam viam cognoscendi per regulas huic rei commensuratas, quæ inserviunt omni cognitioni.

3. Verùm de Philosophiâ Theoreticâ Philosophus Theoreticus viderit scilicet, ad cuius curam & curiam illa pertinet.

4. *Philosophia Practica*, si in mente artificis eam consideres secundum eosdem, est ἡξις τῶν πρακτῶν, habitus eorum, quæ sub actionem cadunt, sive in manu & libris cum Lucianicis, systema sive syntagma trium disciplinarum Practicarum, Ethicæ,

8 INSTIT. ETHICARUM
inquam, Oeconomicæ, & Politicæ, dirigens intellectum activum in regimine rerum agibilium, ut, quantum in hac vitâ fieri potest, homonaturæ consiliatricis & auxiliatricis viribus benè agat.

C A P U T I V.

Quod Philosophia Practica Genus Subjectum, Objectum, Finis, & quæplex?

§. 1. **Q**uod si Philosophia Practica consideretur priori modo, id est, ut habitus, in mente Philosophi Practici, partim doctrinâ, partim usu introductus, hoc considerandi modo Prudentia sanè fuerit, tum quia est habitus cum rectâ ratione activus, circa ea, quæ bona sunt & mala, quorum illa suadet, dum informat rationem ut agat ea, hæc dissuadet, dum informat eandem rationem, ut ea fugiat, tum quia reverà occupatur proximè circa res, quæ se aliter habere possunt, deque quibus consultatio datur, sive in universali, abstrahendo ab omnibus particularibus circumstantiis, quid sit agendum in universum, quæ Prudentia Superior audit in scholis, sive in particulari, quid nunc & tunc, hic & illic, talibus circumstantiis positis, sit agendum, quæ Prudentia Inferior cluit in iisdem, tum quia aliàs nulla in artium universitate extraret disciplina, cujus genus esset prudentia, id quod contra ingenium & naturam habituum.

tuum intellectualium, qui non sunt nuda nomina sine rebus, sed certas signant disciplinas, & verò etiam Philosophus malè verò arceret juvènes ab auditorio Practico eo nomine, quòd vulgus juvenum destituatur communiter prudentiâ: *Non Ars*, semel, quia prudentia non est habitus factivus, sed activus, iterum, quia non occupatur circa τὰ ποιητὰ factibilia, sed circa τὰ περὶ τὰ ἀγίβilia, demùm, quia ejus operatio non est ποίησις factio, quæ transit in opus externum, avulsum à moralitate, atque in aliquid extra ipsum operantem, cujusmodi sunt, pingere, fabricari, suere, verùm actio immanens, quæ tota manet in operante, eumquæ perficit, ut amare, irasci, atque hoc ejus genus essentialè & internum.

2. *Sin posteriori modo consideretur*, id est, ut methodus manuscripta, à mente Philosophi Practici producta in tabulis & membranis, *hoc considerandi modo Ars sanè fuerit*, hoc est, ordo certarum propositionum exercitatione cognitarum, ad finem aliquem utilem in vitâ, rerum, inquam, homogenearum, per generalissimam subalterna & specialissima, comprehensio & ordinatio, atque hoc ejus genus fuerit accidentalè & externum.

3. *Subjectum Philosophiæ Practicæ, vel Inhabitionis est, vel Operationis. Inhabitionis est Homo*, quatenus Philosophia Practica conside-

ratur ut introducta in eum, tanquam in subiectum ut quod, animamvè & facultates ejus, tanquam in subiectum ut quo. Dum enim hominis animus recipit habitum Philosophiæ Practicæ, & illi subsistentiam largitur, nã ille rectè subiectum inhæſionis dicitur. *Subiectum Operationis est idem Homo*, quatenus Philosophia Practica consideratur ut introducenda in eum. Dum enim animus ejus à Philosophiâ Practicâ domi elaboratur, illiquè velut materia subſternitur, nã rectè subiectum operationis vocatur, ad eum modum, quo Medicus, quatenus habitum medicinæ in mente possidet, ut sic subiectum inhæſionis medicinæ audit, quatenus verò semetipsum curat per habitum illum, ut sic subiectum operationis.

4. *Ut ita subiectum adæquationis, tum ratione inhæſionis, tum ratione operationis, sit Homo secundum Animam, subiectum verò perfectionis certa illius subiecti totalis & adæquati partes, persuade, Intellectus Practicus, Voluntas atque Appetitus Sensitivus.*

5. *Intellectum Practicum esse Philosophiæ Practicæ subiectum, arguitur hinc. I. Quia omnis qualitas primò perficit illud subiectum, in quo est; Atqui prudentia est in intellectu Practico, tanquam in subiecto, & hæc ipsa habitus, Philosophiæ Practicæ, reciprocus: Ergò! II. Quia Species..*

species cum naturâ generis consentire debet: Atqui tres sunt species Prudentiæ, Ethica, Oeconomica, & Politica, & hæc omnes intellectum Præcticum perficiunt, tanquam subjectum suum: Ergo & Philosophia Præctica!

6. *Voluntatem hinc, atque Appetitum Sensitivum, esse subjectum Philosophia Præctica, arguitur inde*, quia tam voluntas, quam appetitus sensitivus, defectibus moralibus laborant: Quare perfectionis Philosophicæ indigent, illa in eligendo, & exequendo, hic in refrenando moderandoque affectus, sicut Intellectus Præcticus in deliberando, & judicando sive disponendo: Non propriè & proximè Theoreticæ: Ergo Præcticæ!

7. *Objectum Philosophia Præctica cum præcisione non sunt propriè actiones hominis, homini naturales secundum substantiam operis, ut intelligere, operari, cum multæ ex illis non sint humanæ, ut quæ non sint in hominis potestate, nec etiam actiones hominis casuales, quæ fortè fortunâ fiunt, nec ob finem, in quem per se ab agente dirigantur, sed actiones humanæ honestæ, quæ materiale ejus, ut à rectâ ratione in ultimum dirigibiles finem, quod formale, neutiquam, verò actiones inhonestæ, ut quæ indirigibiles in ultimum finem, quibus de ideo non per se agitur in Phi-*

lophiâ Practicâ, cùm hæc non doceat eas operari, qui suis in habitibus Practicis, verùm per accidens, ad eum modum, quemadmodum Physica agit de herbis noxiis, Logica de operationibus intellectus pravis, non ut illarum doceat *ποιῆσαι*, sed ut dedoceat, adeoque reductivè ad rectas.

8. *Finis Philosophiæ Practicæ, vel Essentialis est, vel Accidentalis*, ille directus & principalis, hic indirectus & minùs principalis, qui vulgò nominatur usus.

9. *Finis Philosophiæ Practicæ Essentialis adhuc duplex, Internus & Externus*. Internus est, informare hominem bonis moribus: Externus, eundem beare civiliter, ex quibus ille tempore prior, hic dignitate.

10. *Finis Philosophiæ Practicæ Accidentalismultiplex esse potest, sed nominatissimi, quòd studium hoc necessarium futuro, & Theologo, & Iurisconsulto: Theologo*, non quidem necessitate absolutâ, cùm Theologia non accipiat principia sua ab aliis scientiis, tanquam superioribus, sed his utatur, tanquam inferioribus, verùm necessitate expedientiæ, quia Philosophiâ Practicâ Theologiæ consecraneo perutilis, tum ratione subjecti cognoscentis, quod præparat. tanquam instrumentum Theologiæ, ut principalis, tum ratione objecti cognoscendi, quod illustrat administrativè: *Iurisconsulto*, quia Jurisprudentiæ principia sua cõmunia hospitaliter accipit ab

ab Ethico, tanquam rivulos à fonte, istorum Ethicæ subordinata, non subordinatio-
ne essentiali & intrinsecâ, tum quia non
idem quoad rem habet objectum, ut disci-
plinæ subordinantes & subordinatæ essen-
tialiter, nec principia ejus, tanquam subal-
ternatæ, sunt conclusiones subalternantis,
principia v. g. propria Juridica conclusio-
nes Ethicæ, tum quia saltem quomodoli-
bet Jurisprudencia addisci potest absque E-
thicâ, cum disciplinarum subordinatarum
essentialiter ea sit natura, ut nequeant ad-
disci absque subordinantibus, eò quòd hæ-
illarum contineant elementa, verùm ac-
cidentaliter extrinsecâ, coordinata potius,
quàm subordinata intrinsecè, licet interim
hoc stante ne intelligi quidem possit, quid
sit Jurisprudencia, nisi prius ex Ethicâ
præceperis, quid sit prudentia, cujus illa
est species.

CAPUT V.

*Quis Philosophia Practica Idoneus Auditor?
Et, an nominatim Juvenes?*

S. I. *S*cilicet Discipulus Philosophia Practica,
universè vel Theoreticus est, vel Practi-
cus, & uterque, vel Bonus, vel Malus.

2. *Bonus Philosophia Practica Discipulus
Theoreticus est, qui rerum naturæ compe-
tentes admittit conclusiones, neque in ar-*

A. 7: gumento.

gumento probabili & dialectico necessariam atque apodicticam exigit demonstrationem, acquiescens ἐν τῷ ὄντι veritatum moralium.

3. *Malus Philosophia Practica Discipulus Theoreticus est*, qui non distinguens propriam à peregrinâ tractationem, in argumento probabili ac dialectico, necessariam atque apodicticam exigit demonstrationem, non acquiescens ἐν τῷ ὄντι veritatum moralium, sed imperitè urgens τὸ διότι, similis ei, qui motis disciplinarum terminis, à Mathematico πιθανολογίαν & probabilia exigit, cùm debeat exigere ἀκριβολογίαν & demonstrantia, ἐδὲ quòd demonstrationes Mathematicæ certissimæ sint, ut quæ constant ex necessariis, immediatis, & causis conclusionis, atque à materiâ recedant, quæ contingentiae causa est, à Rhetore verò ἀκριβολογίαν & demonstrantia, cùm debeat exigere πιθανολογίαν & probabilia, ἐδὲ quod Rhetores exemplis ferè atque enthymematibus familiariter utantur, à verissimilibus aut persuadibilibus ductis.

4. *Bonus Philosophia Practica Discipulus Practicus est*: qui Theoriam Practicam, hoc est, præcepta ipsa Practica, ad usum ultrò transfert, τὸ ἀπὸ per ἐπιμελὴν affectus: *Malus contrà*, similis oratori, qui scit & dicit consona legibus, sed non facit.

cit, eunuchoque, qui proficitur allos generare, ipse interim sterilis est, & generabundus potius, quàm generativus.

5. *Uterque Discipulus Philosophia Practica, tam Theoreticus, quàm Practicus, isquè Bonus, vel Primarius est, vel Secundarius: Primarius, qui omnia præcepta Practica, quæ docentur in scholâ Practicâ, statim & assequi potest & exequi: Secundarius, qui nec assequi statim, nec exequi, aliquousque tamen progreditur, & illic, & istic.*

6. *Prioris curia discipulus non potest esse juvenis κατὰ τὴν ἡλικίαν sive atate κοινῇ, tum quia imperitus est actionum vitæ, nisi præcoci sit sapientiâ, & mento tantum talis, non etiam mente, annis, non animo, tum quia κατὰ πάθος ferè vivit talis juvenis, non λόγῳ: Sed nec juvenis κατὰ τὸ ἦθος, sive juvenis moribus, sicut nec senex, morum inconstantia ac levitate juvenis, sive senex quidem, sed juveniliter, quia bonum discipulum Practicum decet, non tantum benè compositum habere animum, ut rectum ferre possit de auditu judicium, sed etiam eorum studiosum executorem esse, quæ audit; quorum neutrum locum habet in juvene moribus. Posterioris verò curia discipulus, juvenis κατὰ τὴν ἡλικίαν, si nihil accedat, esse potest, quia plerique*

plerique juvenum sunt φιλομαθεῖς, ζητητικοί, φιλήκοοι, μιμητικοί natura suâ, non intelligunt omnia, at quædam intelligunt, non omnia continuò ad usum transferre possunt, at olim transferent, infirmi sunt, infirmis autem non neganda medicina. Quæ causa, cur Aristoteles Nicomacho filio suo doctrinam morum, Cicero item filio suo doctrinam de officiis inscripserint.

7. Nec silentio transmittendum, quòd Aristoteles duplicem dicatur habuisse πρῆπτον, matutinum, in quo selectis quibusdam auditoribus Physica & Logica tradebat, & vespertinum, in quo juvenes sine selectu Rhetoricam & res civiles docebat, cur, si ὄντοι ἀσινι sunt ad hanc lyram? Quin tantùm abest, ut ab auditorio Practico arcuerit omnes juvenes καὶ τῇ ἡλικίαν indifferenter Aristoteles, ut ne omnes quidem juvenes καὶ τῇ ἡλικίαν, qui vel idèò debent audire præcepta Practica, ut mores suos regere, affectusquæ suos rectæ rationis magisterio subicere condoceriant, nisi improbitas eorum sit deplorata tamen; quæ non temerè præsumenda de illâ ætate.

8. Ut ita sententia Aristotelis de relegatione juvenum ab auditorio Practico, non in sensu absoluto, sed comparativo, accipienda sit, hæc cum interpunctione, alios ex his aliis magis idoneos auditores morales esse in comparatione, alios minùs, ser-

vato

vato gradu positivo, qui incipientium, comparativo, qui proficientium, & superlativo, qui perfectorum.

CAPUT VI.

Philosophia Practica divisio trichodichotomica.

§. I. **P**hilosophia Practica tribuitur communiter in tres Partes, secundum tres vitæ Practicæ species disparatè oppositas, monasticam sive solitariam, quam formet Ethica, quæ informat virum bonum, domesticam, quam formet Oeconomica, quæ informat bonum patrem familiâs, familiare sive alios, & civilem, quam formet Politica, quæ informat bonum civem, sumto civis nomine laxè, pro magistratu & subditis, *sed humanitas & civilis in duas cum subdivisione*, Partem videlicet Communem, quæ Ethica audit, & Specialem, quæ Oeconomica & Politica.

2. Atque hæc divisio posterior in comparatione prior. I. Quia vita monastica non est humana, ut quæ pugnet cum fine & naturâ hominis, qui animal *πολιτικόν* per se, si minus in individuo semper, respectu hujus & illius hominis, Timonis aut Cnemonis, minimum in specie, respectu hominis in indifferentiâ, qui socialis à naturâ, non tam primo modo dicendi per se, quatenus quid inseparabile proprium alicujus speciei, ut esse risibilem homini, quàm secundo, quod quid.

quid inseparabiliter quidem convenit alicui speciei, sed tamen non cuilibet individuo illius speciei abscisè, sed solùm supposito perfectò, non orbatò nec sauciato à naturâ, ut habere duos oculos, generare animal sibi simile, neque infocialis, nisi fortè per accidens, hoc extractu à naturæ ordine recedente, cujus negatio non necessariò tollit φύσις, cùm natura particularis nihil derogat generali, secundum quam homo vivit ὁμῶς naturaliter, cupientissimisque est societatis naturaliter, partim quia non est ἀντάρχης, partim quia præditus est sermone, non ut eo utatur in ordine ad se, sed ad alios cohominines. II. Quia in omni disciplinâ sunt declaranda ea, quæ sunt communia principia fundamenta & elementa universæ disciplinæ, cùm disciplina debeat habere unum commune subjectum, id verò iterum sua cōmunia principia, communesque affectiones, ergò & in Philosophiâ Practicâ: Id autem nusquam sit, si non sit in Ethicâ, quæ communia præcepta tradit singulorum vitæ generum, non certi generis, argumento summi boni, non hujus & illius hominis, Petri aut Pauli, sed hominis, quod bonum in Ethicâ explicatur, in Oeconomicâ & Politicâ applicatur, illic ad paucos in familiâ, hic ad plures in civitate.

3. Ut ita omnia hîc aut communia sint,

aut.

aut specialia. Vita quippè proba, quæ est subiectum tractationis, consideratur vel generaliter, prout est vita verè hominis, vel specialiter, prout est vel domestica, vel civilis: Vir item bonus, qui est subiectum informationis, consideratur vel in genere, & per se, vel in specie, atque ut ad alios refertur, quatenus videlicet est, aut bonus pater-familiâs, aut bonus civis: Virtus quin quoque ipsa gemino modo, vel communiter spectatur, quatenus habentem perficit, & est virtus viri, vel specialiter, quatenus ad alios refertur, & est virtus officii, purâ, vel virtus boni patrisfamiliâs, vel boni civis. Quo rationum dupondio conficitur in leges nostras, posteriorem divisionem præferendam priori.

CAPUT VII.

Ordo versatilis partium dividendium

§. 1. **E**X signatis partibus Philosophia Practica ordine natura præcedit Ethica, quia complectitur principia & fundamenta vitæ Practicæ, universalia, inquam, præcepta reliquis partibus inservientia, est quæ ἀρχὴ τῆς οἰκονομικῆς καὶ πολιτικῆς, quæ quasi principiatum quoddam & effectum, atque ad sese, jam verò, quæ sunt ad alterum, ordine naturæ posteriora sunt illis, quæ sunt ad se: Succedit Oeconomica,

ut

ut quæ, sicut ordine naturæ Ethicâ est posterior, ita Politicâ prior, quemadmodum domus civitate, cum versetur circa familias, quæ materia civitatis, in quibus ideò hominem prius constitutum esse convenit, quàm in hac, & quia finis Oeconomices se habet ad finem Politices, tanquam intermedius ad ultimum, quare antecederet: *Agmen in hoc trigario claudit Politica*, quia τῇ φύσει simplicia naturaliter priora compositis, jam verò Politica ex multis familiis componitur, familia porro ex multis hominibus, qui sicut simplices familiis, ita hæc civitate. Quamvis enim, quatenus homo ad familiam, & hæc ad civitatem constituendam, suapte naturâ dirigitur, cætenus civitas sit aliquo modo prius quid naturâ, quàm vel familia, vel homo, in ordine causæ finalis, tamen ex alio capite familia prior est civitate, & homo prior familiâ, in ordine causæ materialis intrinsecè componentis, quatenus quælibet harum partium spectatur antecederet ad totum, quod componit, hoc est, quamvis civitas sit prior familiâ & homine ordine naturæ intendentis atque perficientis, cum omne totum ratione finis & perfectionis prius sit suis partibus ut sic, tamen posterior est iisdem ordine naturæ generantis & componentis, quomodo partes priores toto naturaliter.

2. *At ordine dignitatis, siquidem nobilita-*

tem.

tem objectorum spectes, na præcedit Politica, succedit Oeconomica, agmen claudit Ethica, quia illa publicum civitatis, ista familiæ, hæc privatorum bonum procurat, jam verò bonum, quò communius, hoc præstantius: *Sin universalitatem præceptorum, tunc verò præcedit iterum Ethica*, quoniam de summo bono, virtute, principiis actionum humanarum, in genere agit: *Succedit Politica*, quæ sicut angustior Ethicâ, ita laxior Oeconomica: *Agmen claudit Oeconomica*, cujus præcepta de gubernatione familiæ contractiora illis, quæ sunt de gubernatione hominis per virtutes in Ethicâ, & civitatis per leges in Politicâ, quæ id Politico, quod Ethico virtutes.

CAPUT VIII.

Quâ Methodo præallegata partes sint tradenda. Analyticâne, an Syntheticâ, an utrâque indifferenter?

§. I. **M***ethodo, inquam, Analyticâ sive Resolutivâ, non Syntheticâ sive Compositivâ.*

1. Id quod probatur: I. *A generali ordinis præcepto*. Semper siquidem incipiendum secundum methodum prudentiæ à notioribus, atque inde progrediendum ad ignotiora, non ascendendo à posterioribus ad priora, sed à prioribus ad posteriôra descendendo dispositivè: At verò finis notior est, quàm

quàm media, ut quem homines præsupponant, licet quoad media sæpè dissentiant: Ergò à fine faciendum initium, II. *A necessaria finis prænotione*, qui æquè præcognitus debet esse ei, qui vult cætera ordinare ad finem, atque sagittario scopus, nautæ portus, quem velint petere, ille telis, hic velis. Frustra namque sollicitus sis de quærendâ viâ, si tibi nondum sedeat, quorsum velis ire, frustra quæsierit corium sutor, pannum sartor, si nesciat, quid eo sit acturus, & sic media noster, si ignoret finem. III. *A processu Practico*, secundum quem in Practicis disciplinis semper, quæ fini sunt propinquiora, & in quibus executio desinit, præmittuntur illis, à quibus executio incipit, exemplo architecti prudentis, qui exposito fine, nempe domo habitandâ, statim agit de proximis ejus partibus, nempe fundamento parietibus recto, tum de partibus remotis, nempe lignis & lapidibus, aliisque, unde incipit executio, ita ut ibi cesset operatio, ubi doctrina incipit, nimirum in domo perfectâ, & ubi operatio desinit, ibi doctrinaumat initium, quæ perspicue est methodus analytica, quâ & Aristoteles est usus in Practicis.

3. Quàm igitur inscitè quis Physicam inceperit ab affectionibus corporis, & postea desierit in principia, tam inscitè fecerit, qui disciplinas Practicas orsus sit à
me.

mediis, & hinc tendat in finem, id quod facit Piccolomineus in Gradibus, qui etsi non inficietur analyticâ methodo tradi posse Ethicam, tamen syntheticâ quoque tradi posse rationibus & facto ostendit. Sed scilicet aliter atque aliter valemus docere tam Practicas quàm Theoricas disciplinas, & vel sine ordine procedere, omnesvè pro arbitrio confunderè, verùm de eo non quæritur, sed quid salvâ regulâ ordinis, salvâquè integritate disciplinarum, fieri possit, quibus interim non repugnat in methodo analyticâ methodus syntheticâ, nec in methodo syntheticâ analytica, sed partialis, non totalis, quâ de hîc sermo. Sane vel in ipsâ Ethicâ, quæ analytici juris est, videas agi in particulari de principiis virtutum priùs, quàm ipsis virtutibus, id quod *surfering*, ipsa interim est & manet prioris generis, neque propterea mutat personam, sexumvè. Verùm meminisse debemus, nostrum non esse, limites semel agris infossos loco movere. Etenim, qui transfert lapides, secundum oraculum sacrum, affligetur ab eis.

Quid Ethica, siue nominalitatem, siue realitatem ejus spectes? Et qua ejus partes dividentes?

§. I. **E**thica, (ut in hac pedem pedumque figam,) si in mente artificis eam consideres, ut sic est ἔξῃς τῶν πραγμάτων, habitus eorum, quæ sub actionem cadunt in genere morum, prudentia, inquam, dirigens actiones humanas morales, ut, quantum in hac vitâ fieri potest, naturæ consiliatricis & auxiliatricis viribus benè beateque vivatur: *Sin in manu & libris*, systema siue syntagma certæ disciplinæ, quo necessaria ad mores, traduntur: Sic dicta ἀπὸ τῆς ἡθικῆς ἢ ἠθικῆς, quorū illud mores, seu objectum hujus disciplinæ, hoc causam efficientem ejus objecti designat. Verūm enim verò evaluit ac prævaluit vox prior in scholis, atque inde ipsa disciplina Ἠθικὴ cognominata, subaudi διδασχὴ, non Εἰθικὴ. Quodd si interim utramque vocem juvet conjungere, tunc sanè Ethica nominaliter fuerit, doctrina de moribus per assuefactionem comparandis, affectibusque mirificandis, quoniam τὸ ἠθικόν assuefactionem, τὸ ἠθικόν verò præter mores affectus quoque mitiores significat, quales efficit & præstat hæc Philosophiæ Practicæ pars.

2. *Partes ejus dividentes secundum alios tres sunt*, una de fine, non quidem an sit, id quod supponi debet, sed quid sit, altera de objecto,

Acto, sine quo finis in subiectum introduci nequit, tertia de mediis, per quæ introduci debet: *Secundum alios verò duo tantum, & quidē ambidextrè, ἡ Εὐδαιμονολογία καὶ Ἀρετολογία, Ἀρετολογία καὶ Εὐδαιμονολογία, Doctrina de Beatâ Vitâ & Rectâ Vitâ. Rectâ Vitâ & Beatâ Vitâ.* Quicquid enim in Ethicis docetur, id omne, vel ad finem, qui beatitudo, vel ad media, quæ virtutes, referri potest, ad beatam, inquam, & rectam vitam, rectam, inquam, & beatam vitam. Perindè namque est, siue ab illâ, siue ab hac, ab hac, siue ab illâ, initium duxeris. Virtus siquidem, quid & qualis sit, intelligi faciliè poterit, etiamsi de beatitudine nondum exquisitè sit actum, & contrà, beatitudinis quæ sit natura non est difficile assequi, licet de virtute nondum exquisitè sit actum, dum quis utriusque confusam & generalem noticiam habeat modò.

3. *Nos tamen, non Aretologia, sed Eudæmonologia, primas damus cum Peripateticis, cum quia finis est notior mediis, ducentibus ad finem, distinctamquè sequentium cognitionem exhibet, dum facit, & ad inventionem, & ad dispositionem ac descriptionem mediæ, quod autem notius idem & prius, cum quia finis, licet sit ultimus in operatione, cujus ordo progreditur à mediis ad finem, tamen est primus in intentione & in-*

ventionem, quarum ordo progreditur à fine ad media, à prioribus autem procedendum ad posteriora doctrinaliter, tum quia finis habet rationem principii in Practicis, & provocat agens ad agendum, à principiis autem initium capeffendum, cum sine his cætera explicari nequeant, tum denique, quia id, quod ab omnibus partibus præsupponitur, ante omnes partes explicari debet, perquæ consequens ἡ εὐδαιμονολογία ante ἀρετολογίαν.

CAPUT. X.

Quid ἡ Εὐδαιμονολογία, quæ prior Ethices pars, eiquæ subſtrata Εὐδαιμονία, quæ nomen, quæ rem nomine veſtitam, cum connotatione inſinuativâ ſubjecti ejus formalis operationis anticipativè.

§. I. **H** Εὐδαιμονολογία nihil aliud eſt, quàm doctrina de Regimine Beatitudinis Humana ſive Hominis, qui Homo ſubjectum formale operationis beatitudinis: Non Deus, Angelicè, quia de beatitudine humanâ & Philoſophicâ hic agitur, non divinâ & Theoſophicâ: Beſtiavè, quia ſubjectum capax hujus beatitudinis debet eſſe agens voluntarium, hoc eſt, tale, ut habeat libertatem contradictionis, quâ actum aliquem poſſit elicere, aut ſuſpendere, etiam poſitis omnibus ad agendum neceſſariis requiſitis, jam verò beſtiæ non ſunt agentia voluntaria, cum poſitis ad agendum requiſitis.

fitis, non possint non ferri in objectum: *Puerivè infantes*, non quidem ob rationis carentiam, & respectu facultatis, & respectu facti sive actus, ut bestię, verum ob ejusdem defectum, quia per ætatem adhuc destituuntur agibilibus cognitione, seriâ deliberatione, liberâ electione, appetitus reformatione, ratione facultatis, eorundemquæ executione, ratione facti. Quamvis enim habeant rationem in actu primo, tamen nondum habent eam in actu secundo, cum rectæ rationis usum potentiâ tantum habeant, animâ intelligente, quæ est in eis, innatâ ac redundante humiditate oppressâ, convenienterquæ beatitudinem, quæ in rectæ rationis usu morali consistit, potentialiter sive potestativè tantum: *Morionevè*, idquæ ob ligatum depravatumquæ rationis usum: *Servivè*, similiter ob ligatam libertatem, si minùs facultatis, minimum facti, quæ ad beatitudinem requiritur: *Mortuivè*, ut qui secundum virtutem operari nequeant, in cujus operatione figitur beatitudo: *Sed Homines Adulti, & sana mentis*, tum quia non puer, sed vir, perfectus est, perfectione accidentali, non essentiali, tum quia ad beatitudinem requiritur longum vitæ tempus, quod majus in viris, quàm in pueris, & in senibus, quàm in viris, aut hominibus consistentis ætatis, quorum felicitas rellis fortunæ magis est exposita in comparatione.

2. Ἡ Εὐδαιμονία sive Beatitudo hæc Homi-
nis, finitore Aristotele, est operatio anima ra-
tionalis, secundum optimam & perfectissimam
virtutem, in vitâ perfectâ.

3. Juvar ἀναλύν. Definitum est Beatitu-
do Hominis sive Humana.

4. Hæc Græcè philosophantibus appel-
latur, modò εὐδαιμονία bonigenia, ἀπὸ τῆς εὐ-
δαιμονεῖν, sive ab εὖ καὶ δαίμων, tum quòd
bonus tantùm animus eam habeat, qui cui-
que dæmon, tum quòd à bono genio, aut
Deo potiùs, qui genius geniorum, prove-
niat, tum quòd ad statum dæmonum & ge-
niorū nos evehat per εὐζωίαν καὶ εὐπραξίαν,
quoniam τῷ δὲ ζῆν, καὶ δὲ πράττειν, benè vi-
vendo per virtutis habitum, & agendo per
actiones illius, homines tantùm non dæmo-
nibus & genis assimilantur, modò ab ad-
iuncto gaudio μακαρισμός, ἀπὸ τῆς μάλιστα
χαρῆν, quæ vox propriè Deo convenit, qui
solus Gaudens, solus Lætus, sicut ἡ εὐδαι-
μονία hominibus superstitibus: (Cum enim
duæ sint species τῆς ἡμετέρας, καὶ ἡμετέρας ἀγαθῶν,
honoris ac honorabilium bonorum, ex his ὁ
εὐδαιμονισμός quidem hominibus divinis, &
virtute Deo proximis, tribuitur, ὁ μακαρισμός
verd Deo, cum non deceat εὐδαιμονίζειν, nisi
homines divinos, μακαρίζειν nisi Deum, quā-
vis has voces nunc indiscreverit usus:) mo-
dò εὐτυχία καὶ συντυχία τῶν ἀγαθῶν, syncre-
tismus bonorum, vel quia optima τυγχάνει
acci-

accidunt ei, qui eâ est instructus, sinequâ fortunæ bonis beatitudo nō temerè cuiquâ contingit, vel quia vulgus hominū in his artem felicitatis cōstituit, unde & *εὐημερία*, ab annorū feracitate, *εὐημερία*, à dierū prosperitate, & *εὐπορία* ac *χορηγία*, ab abundantia & præbendi facultate, coindigitatur aliter.

5. Latine philosophantibus, modò beatitudo, modò summum bonum, modò ultimus finis, modò felicitas dicitur, qui termini, quamvis sint æquipollentes usu loquendi, quo de pro synonymis habentur, tamen sunt disquipollentes usu artis. Beatitudo enim *ὡς πλάττει* est omnium bonorum saturativorum, quæ homini, quæ animam, quæ corpus, quæ fortunas, necessaria sunt ad benè vivendum, secretis malis omnibus, cumlata complexio, conjuncta cum vitæ tranquillitate, quæ à virtute primario, ejusquæ actione, à cæteris verò bonis secundo: Summū bonum strictè illud est, quod inter hæc ipsa bonorum genera principem obtinet locum, quale bonū virtus, & hujus actio: Ultimus finis eadem quidem virtutis actio, verū quatenus ad eam, tanquam ad ultimam metam, contendimus, in quam dum ferimur, scopus cum Stoicis appellatur, cū verò jam in eadem figimur, eamquæ attingimus, finis, qui hoc differt secundum Scholasticos à summo bono, quòd hoc in homine terminetur, ille:

non in homine, sed in hominis conditore Deo, cujus gloriæ omnia serviunt, sicut brutorum v. g. finis est, inservire usibus hominum, quos præstant etiam cum damno atque interitu suo, quem tamen brutorum finem esse illorum bonum nemo sanæ mentis dixerit: Felicitas beatitudinem describit quidem & ipsa, verùm universè magis à posteriori, hoc est, à fortunæ bonis, in quibus vulgus beatitudinis proram & puppim ponit, quoniam sine his fortunæ bonis ea non temerè cuiquam contingit.

6. *Tantum de Definito. Definitio constat Genere, & Differentiâ Specificâ.*

7. *Genus est operatio, eaque tam interna, quàm externa: Eccur? Quia enim beatitudo est perfectio, res autem est perfecta in tantum, in quantum est actu: Jam verò hic alienum foret, aliarum rerum bonitatem in operatione collocare, ipsius verò hominis, qui rex & imperator est aliarum rerum, non item. Quòd si fabri lignarii, sutoris, sartoris, tibicinis, vilissimorum opificum, sua sunt opera & munera, quàm talium, si oculorum, manuum, pedum, omnium denique partium hominis, ergò multò magis ipsius hominis, quàm talis, cùm sit artium conditor & inventor, totumquè, ideoquè non inferior vel illis, putà artibus, vel istis, putà partibus.*

8. *Dif-*

8. *Differentia Specifica non una, sed vel quintuplex.*

9. *Dicitur quippè primò, operatio animæ, non corporis.* Quamvis enim beatitudo non ad solam animam pertineat, sed ad totum hominem, conque venienter etiam ad corpus, quia tamen non à corpore principaliter, sed ab animâ, dependet, & hujus respectu homini attribuitur, rectè operatio animæ, non corporis, nuncupatur. Neque enim hic subjectum, sed principium actionis spectamus, quorum illud totus homo, hoc anima, non corpus.

10. *Dicitur secundò, operatio animæ rationalis, non vegetativa, sensitivæ.* Non illius, quia hæc nobis cum plantis communis, nullius virtutis receptiva: Non hujus, quia hæc communis nobis cum bestiis, virtutis incapacibus. Scilicet homo ex corpore, tanquam materiâ, & animâ rationali, tanquam formâ, constar, quæ dat esse specificum. Quod si ita, utique animæ rationalis opus proprium & proximum fuerit hominis, quâ homo est, loquendo de agente principali, non agente toto.

11. *Dicitur tertio, operatio animæ rationalis secundum virtutem.* Operationis namque nomen generale est, & tam bonæ quàm malæ convenit, beatitudo autem non in malâ operatione est posita, sed in bonâ, qualis, quæ secundum virtutem.

B. 41. 12. *Dicitur*

12. *Dicitur quariò, operatio animæ rationalis secundum virtutem, & quidem optimam ac perfectissimam.* Etenim, si bona actio idèd bona, quia secundum virtutem, eadem optima ac perfectissima fuerit, quia secundum virtutem optimam & perfectissimam: Per quam alii Moralistæ sapientiam intelligunt in genere intellectualium, iustitiam verò universalem in genere moralium, quia utraque totum quoddam, alii prudentiam, ut in quâ omnes virtutes morales quasi sacro nodo sint connexæ, malè, quia beatitudo finis, prudentia verò mediorum, non unam quandam specialem virtutè, ejusquè operationem alii, sed omnium virtutum ἀθροισμός, hoc est, virtutem ὅλην atque universam, eò quòd hîc definiatur beatitudo, non partialiter, sed totaliter.

13. *Dicitur quiniò, operatio animæ rationalis secundum virtutem optimam & perfectissimam, verum in vitâ perfectâ.* Quam alii vitæ hominis cœquant & cœtendunt, sed contra mentem Philosophi, qui pueros negat esse capaces beatitudinis, adolescentes verò idoneos auditores ejus disciplinæ, quæ de eâ tractat: Alii per vitam perfectam intelligunt reliquum vitæ tempus, postquam quis felicitatis possessionem est consecutus, benè, saltem non malè: Alii denique longum vitæ actum & tractum, hoc est, vitam perfectæ ætatis ac temporis, eò quòd beatitudo

titudini attribuenda sint perfectissima, tempora autem longa brevioribus sint perfectiora, cum ad æternitatis viciniam accedant, ut non malè quoad maiorem beatitudinis existentiam, sive beatitudinem extensivam, quando ea sumitur pro aggregato ex bonis animi corporis & fortunæ, inter quæ etiam vitæ prolixitas, qualis beatitudo habet tempus, tanquam partem essentialem, ita non benè, saltem non optimè, quoad ejusdem essentiam, sive beatitudinem intensivam. Neque enim ita ad beatitudinem requiritur extensio temporis, ut ratione extensionis ea quoque fiat intensior, cum secundum intensiorem simul acquiratur, inque individuo temporis sit posita, sive indivisibili atque impartibili puncto, planè sicut aqua tunc calida audit secundum intensiorem, quando actu incaluit, licet diutius calida sit secundum extensionem, quò diutius caluit, & seriùs decaluit. Hæc & alia desioibundus Aristoteles.

CAPUT. XI.

Accessorius elenchus contra Solonistas, posthumæ iudæipovias exaggeratores, contraria vero inhumata iudæipovias exagitatores intempestivos, cum intercessorio elenchò contra Stoicos, disparata ducæipovias vilipendulos.

B. §.

§. I. Ex.

§. I. **E**X definitione hâc Aristotelicâ beatitudinis eâdem operâ paret, quid de Solonismo Solonistatûm sentiendum sit, qui cum magistro suo Solone assertum ibant, neminem ante novissima posse dici beatum, eò quòd homo, dum hujus lucis usurâ fruitur, nunquam plenè ac planè sit extra τὰ δυστυχίματα, extra omnem mali sensum, quos Aristoteles jugulat hoc argumento, quòd beatus, cùm possideat virtutem optimam & perfectissimam, omnes casus fortunæ adversæ decenter ferat, qui si parvi & pauci, non plus habeant momenti apud eum, atque in bilance duo tresvè scrupuli, duo triavè granula, superaddita ponderi, sin magni & multi, afferant quidem aliquid momenti ad pondus, quale uncia, aut selibra, obadditæ ponderi, verùm citra beatitudinis naufragium, quam adversa fortuna obscurat quidem, sed non tollit, cùm sit extrinsecum quid, ideoquè internam beatitudinis essentiâ haud evacuet. Quamvis enim in has angustias reductus beatus noster, quando v. g. in Priamica mala incidit, & vel in Phalaridis tauro torretur cum Perillo, vel in Nicrocreontis mortario ferreis pistillis tunditur cum Anaxarcho, non sit ἀπλῶς, ex asse, omnibusquè, quod ajunt, numeris beatus, eò quòd mutatio bonorum corporis & fortunæ, etsi non auferat beatitudinis essentiâ, auferat tamen integritatem.

tem, quemadmodum abscissa manus, etsi non tollat humanitatem, facit tamen hominem mutilum, nihilominus majorem ac præstantiorem ejus partem, nempe virtutem, possideat in tali articulo, si minùs in actu exercito, animo compatiente cum corpore patiente, propter arctissimam συζυγίαν, & syncrētismum virtutalem, qui impeditur in instrumentis deservientibus potentiae, quibus tunc ea caret, unde fit, ut non possit benè disponi ad operandum secundum vires humanas, neque ἀπερίτλειν universaliter, atque ad alium, minimùm in actu signato, atque ad seipsum, ad quam rem bona interna sufficere videntur, incommittata externis, quæ bona possidere potis est animus πῶς aliquo modo, etiam cùm corpori ægrè est, cujus tormenta & cruciatus hæctenus boni, si ferantur & perferantur per virtutem, hoc est, non in & per se, verùm per accidens, quatenus videlicet per ea, quæ mala alioqui, obtingit aliquod aliud bonum, id quod verissimiliter voluisse videntur Stoici cum μεγαλοφιλosophία suâ abstractâ, quando talem nobis describunt sapientem, quo ne Jupiter, cujus ille collega est, plus possit, etsi diutiùs possit. Dico in actu signato. Neque enim omninò & peremptoriè obruitur atque evastatur in adversitatibus virtus, verùm in his ipsis elucet τὸ

εὖ μὲν ejus, dum vir bonus illis non succumbit.

2. Sed demus sanè Solonistis ex liberalitate Philosophicâ, imminentes mutationes efficere, ut beatitudo, quæ adest, esse definat, tamen non id quoque efficient, ut, dum adest, de eo affirmari nequeat, cui adfuerit. Per absurdum namque, alicui tribuere aliquid, non quòd nunc id habeat, sed quòd aliquandò habuerit. Cùm enim statuant Solonistæ, aliquem posse dici beatum, quòd fuerit, multò magis concedere debent, si quidem sibi consentire velint, eum esse beatum, dum est actu. Propter quod enim unumquodque tale est, illud magis tale est. Quòd si ergò verè post mortem quis Solonice & Solonisticè dicitur beatus fuisse, dum viveret, ergò, dum vivebat, verè licuit dicere, eum esse beatum. Omnis siquidem propositio de præterito est vera, quando id in aliquo præsentis fuit verum: Quare, si post mortem verè dicitur, hic fuit beatus, certè aliquandò dicere licuit, hic est beatus, per què consequens, qui vivit, interea, dum vivit, si beatus est, dici potest, beatus esse, sed non absolutè & simpliciter, quomodo nemo ante obitum potest dici beatus, nisi præscinè, & cum hac clausulâ, quòd ita vivat, mortemquè ei vitæ congruentem obeat, verùm secundum quid, & pro tunc, siye pro aliquo definito & deter-

ter-

terminato tempore, quomodo quis etiam ante obitum potest dici beatus, (Cur namque, cum adest affectio, subjectum ab eo non denominetur, dum verò abest, denominetur, præsertim cum per cætera bona, quæ tamen summum bonum formaliter non sunt, homo denominetur, v. g. dives à divitiis, doctus à doctrinâ?) si minus extensivè, & quoad maiorem existentiam, quomodo beatitudo requirere videtur bonorum continuationem, immò perpetuitatem, mortem item placidam vitæ antea actæ respondentem, saltem intensivè, & quoad essentiam, quomodo omnes, qui felices sunt, ante mortem tales sunt. Positâ namque causâ ponitur effectus: Atqui causa, propter quam aliquis dicitur beatus, est virtus, & ejus actio, utraque autem ante mortem, cum mortui non agant, sed deagant, hoc est, agere desinant: Ergò!

CAPUT XII.

Eὐδαιμονίας divisio in Theoreticam & Practicam, cum utriusque notis essentialibus, quibus coloribus suam hanc Venerem ornare voluit Philosophus, quò alliceret rivales.

Sic definita Eὐδαιμονία vel Theoretica est, sive Speculativa, vel Practica, sive Activa. Quæ divisio non generis in species.

cum summum ultimum optimum in omni genere sit unum, nec ferat coæquale in eodem genere, verum totius in partes, aut gradus. Ad duo quippè natura hominem, mundi epilogum, genuit, ad θεωρίαν videlicet τῶν ὄντων, contemplationem eorum, quæ sunt, & προῆξιν τῶν δεινῶν, actionem eorum, quæ decent, quorum alterum beatitudinis Theoreticæ per virtutes mentis, quæ veri, alterum Practicæ, per virtutes moris, quæ boni.

2. Viriusque Idiōmata & Προσκειμένα, attributa, inquam, essentialia, ac predicata interna, breviter hæc sunt. numero bisseña. I. Quod beatitudo, si ve summum, quod vocant, bonum, sit ἀκρότατον καὶ τελειότατον, summum quid & perfectissimum: Summum, quia bonum, & quidem optimum, quo non datur aliud superius, ut in quo appetitus ultimatè terminetur, & in quo omnia bona concurrento concurrant: Perfectissimum, quia finis, qui perfectio, & quidem ultimus, qui ultima perfectio. II. Quod αὐταρκής, sufficiens, & seipso contentum bonum, adeoque tale, quo obtento nihil possis aut debeas ultra expetere extra illud. III. Quod δι' αὐτὸ ἀγαπητὸν, per & propter se optabile atque expetibile bonum: Quæ de re? Quia enim rectus ordo bonorum hoc postulat, ut unum propter se, cætera verò propter illud expetantur, ne progressio currat in-

inf.

Infinitum. IV. *Quòd ἡδιστὸν π τῷ φιλαρέτῳ*, bonum jucundissimum studioso candidato virtutis, cujus conscientiam domi serenat & tranquillat hoc bonum, non secùs ac mare procellosum almus sol, cùm sunt halcyonia sive alcedonia. V. *Quòd οἰκεῖον*, bonum proprium ac domesticum ejus, qui illud sibi acquisivit. Neque enim ab aliis illud petere aut expectare necesse habemus, sed in nostrâ illud est manu ac potestate, per se ac suo labore quisvis acquirere illud potest, & , quando ejus particeps est, pro suo lubitu utriquè fruiquè. VI. *Ideoquὲ κλητὸν καὶ περὶ ζῆλον ἀνθρώπων*, hominis studio atq; industriâ comparabile. Quòd si enim incomparabile foret, neque tale, quod caderet in hominem, tunc frustrâ utique appeteretur, aut, si à cæco fortunæ flatu foret, jam nihil prærogativæ industrius præ ocioso, bonus præ malo haberet. VII. *Quòδ πολὺ-χρῖνον*, commune. Non enim ad certas personas restrictum est, sed à quovis homine virtutis studioso acquiri potest. Dicitur autem tale ratione *δυναμικὸς* potentia, non actus, quia ut sic non possideretur ab omnibus indistinctè, verùm à virtutum alumnis tantùm. VIII. *Quòδ κοινωνικόν*, sui communicativum. Cùm enim omne bonum diffusivum sui cum Thomâ, tum vel maxime summum, quod bonitatem suam communicat in infinitum, hoc est, summè.

IX. *Quòδ*

IX. *Quòd μένιμν καὶ μηδαμῶς δυσφαίρετον,* ἀναφαίρετον, inquam, saltem δυσφαίρετον, stabile, ac propemodum immutabile, inalienabile, minimùm difficulter alienabile, bonum, ut quod firmitatem suam retriagonicā habeat à virtute, quæ stabilissima humanorū bonorum; ut quæ nec possit eripi invitis, sed nec oblivione per desuetudinis aut inclinationis defectum amitti, quoniam in eā beati indefinenter vivunt, saltem victuriunt. Dico *δυσφαίρετον, καὶ μηδαμῶς δυσφαίρετον.* Nullus quippè habitus tam firmis hæret radicibus, quin labefactari, immò perire totus possit, tum per actus contrarios, tum per propriorum actuum intermissionem, sed non facilè scilicet. X. *Quòδ τίμιον,* honorabile, ut quod non tantum laude dignū sit propter aliud, ad quod conducit, ut τὰ ἐπαινετὰ sive laudabilia bona, quæ merentur laudem ob usum, quæ præstant, sed in seipso præstantissimum sit, cum non referatur aliud, verum in seipso finem ac perfectionem habeat, tanquam bonum omni veneratione dignissimum. XI. *Quòδ θεῖον καὶ θεόδοτον,* bis divinum, & ratione dignitatis, quoniam eo in civilibus post Deum nihil nobilius, & ratione causæ conscientia remotæ, quæ idemmer Deus, ens nobilissimum divinissimumquæ. XII. *Quòδ μὴ βίαιον, ἢ δὲ ἀργόν,* inviolentum atque inferiatum; Inviolentum, & quoad modum

dum acquirendi, & quoad modum possidendi, & quoad modum exercendi: (Neque enim per vim, sed honestis actionibus, acquiritur hoc bonum, nec per fraudes, sed virtutes, possideretur, neque coactè, sed liberè, exercetur:) Inferiatum, quia nec dormientis, nec ociosi: Non illius, eò quod somnus laudabilium functionum sit privatio. Sed nec hujus, quia ocium malè collocatum, uti virtutis impedimentum, ita contrariorum vitiorum invitamentum, irritamentumvè.

CAPUT XIII.

Vtriusque Beatitudinis comparatio inter se, cum interpunctionis spongiâ.

§. I. *Q*uod si prædictos beatitudinis gradus consideres ἀπλῶς, absolutè atque in se, quoad præstantiam intrinsecam, adeoque ex parte rei, circa quam extrinsecus versantur, modumquè cognoscendi illam rem, hoc ἀπολῦτως τῶν πρῶτων, considerandi modo, na Beatitudo Theoretica antestat Practica. I. Ob nobilitatem absolutâ subjecti, quod præstantius, cum cōsistat in operatione nobilissimæ facultatis in homine, putâ mentis supra sensus elevatæ, quæ nobilior cæteris potentiis, neq; ita extensa extensione subjecti. II. Ob nobilitatem absolutam.

absolutam objecti. Sicut enim perfectissimæ potentia operatio perfectissima, ita perfectissimæ operationis perfectissimum objectum, quod in præsentiquè argumento divina, non humana, pertinentia ad partem animæ sensualem. III. *Ob nobilitatem absolutam finis*, ut quæ, tanquam ultimum expectibile ac desiderabile, expectatur sui unicè gratiâ, non ob finem alium, cum Adamo protoplastâ, qui in statu innocentia vixit vitam contemplativam, & post lapsum de mûm ad activam descendit. IV. *Ob nobilitatem absolutam effectus*, ut quæ regiâ viâ manuducat nos ad cognitionem ac contemplationem primæ causæ, quæ Deus. V. *Ob nobilitatem absolutam adjunctorum, sive proprietatum atque affectionum beatitudinalium.* Habet siquidem beatitudo Theoretica voluptates, & stabiliores, & sufficientiores, & sinceriores, tranquillioresquæ: Stabiliores, quia operatio ejus fit per mentem quæ non extenditur in instrumento corporeo, ideoquæ minùs propter defatigationem interruptitur, ut cæteræ operationes, quæ magis, nescio quomodo, indigent instrumentis corporeis, magisque sunt materiales, quantò autem actio aliqua magis materialis, tantò magis defatigatur homo ob attenuationem spirituum: Sufficientiores, quia non æquè eget instrumentis naturæ & fortunæ, corporis, inquam, & externis bonis.

bonis, in producendis operationibus, aut, si indiget, eget his, non sui, verum necessitatum corporis gratiâ, hoc est, non per se, sed per accidens, quatenus videlicet, qui contemplationi vacant, sunt homines, neque ex solâ mente, sed etiam ex corpore constant, indigente ejusmodi subsidio: Sinciores, cum consistat in actione animi purgati, & quodammodò à materiâ sejuncti: Tranquilliores, vel idèd, quia acquiritur virtutes morales, ipsamquè adèd beatitudinem activam, propter illam, ut quiescentes in sacro ocio securè contemplemur, quasi in pergulâ Philosophicâ. VI. *Ob nobilitatem operationis per demonstrationem* τῆς διόλης, quæ fit per causam, non τῆς ὀψιῆς, quæ per effectum, quarum illa à priori, hæc à posteriori, ideoquè illa prior, hæc posterior. Scilicet triplex operatio in suâ latitudine, factiva, activa, & contemplativa. Ex his imperfectior factiva, quæ perficit potius ipsum opus, quàm operantem, perfectior activa, quæ perficit habentem, etiam quia extra extenditur ad alios, sed perfectissima contemplativa, ut quæ perficiat habentem secundum potentiam nobilissimam, neque ordinetur ad quid aliud, nisi per accidens.

2. *Sine eisdem beatitudinis gradus consideres ἡγετιμὰς & relatè, quoad necessitatem atque usum, quem præstant in vitâ humanâ, per què relat-*

relationem ad nos, hoc ὑπολήψεως τρόπον, considerandi modo, na Beatitudo Practica antestatur Theoretica. I. Ob nobilitatem moralem subjecti, quod appetitus, qui, sicut intellectus princeps ac prædominans animæ pars intelligendo, ita hic persequendo, quod ille intellexit: Atqui Deo charissimi, non qui intelligentissimi, sed qui actuosissimi. II. Ob nobilitatem moralem objecti, quod bonum honestum, in actione, non contemplatione, consistens. Facere namque Philosophia docet, non dicere, nec scire, verum scitis uti. III. Ob nobilitatem moralem finis, qui beatitudinis Practicæ bonum, Theoreticæ verum: Atqui bonum nobilius vero in comparatione. IV. Ob nobilitatem moralem effectus. Satiùs siquidem egentes v. g. sublevare, periclitantis salutem expedire, quàm vel stellas dinumerare, mundivè magnitudinem metiri. V. Ob nobilitatem moralem adjunctorum, sive proprietatum atque affectionum beatitudinalium. Neque enim tantùm jucundiores sunt voluptates Practicæ, proficiscentes ex testimonio bonæ conscientiæ, sed etiam firmiores, sive habitum virtutis morallis spectes, qui assuetudine, non disciplinâ, acquiritur, atque ob id minùs oblivionis periculo subjicitur, si ve actiones ejus internas, quoad quas vir bonus semper in procinctu est ad agendum, ut decet, dum offeratur ei occasio.

modò, .

modò, licet quoad actiones externas minùs assiduè valeat agere, idquè ob defectum occasionum, conquè sequenter minùs ex his voluptates percipere semper. VI. *Ob nobilitatem moralem operationis*, per quam continenter vir probus utitur suâ probitate. Quamvis enim non ab extra operetur semper, ut dictum, ab intra tamen perturbationes componit semper. VII. *Denique ob ignobilitatem oppositi* resultantemquè exindè contrariam cöoppositi nobilitatem. Cujus siquidem pppositum deterius, illud in oppositione censerì debet melius, cùm oppositorum opposita sic natura: Atqui secundum Scorum deterius esse Deum, quàm malè de eo sentire, deterius, inquam, nequitia, quàm inscìria, pravitas, quàm ruditas: Ergò!

3. Ego utramque conjugio Philosophico junxerim, tanquam Platonis Androgynum, ex contemplatione, ut mare, & actione, ut foeminâ, constantem.

C A P U T. XIV.

Kopwìs de utriusque Beatitudinis, tam Theoretica, quàm Practica, perfectihabitate, cum gradibus imperfectionis in subjecto beabili beatitudinè.

§. I. **U**terque beatitudinis Philosophicæ gradus in hac vitâ cadit in hominem beatibilem, beandumvè, & non cadit: Non cadit comparatè ad statum beatitudinis primæ, simpliciter, abstractivè, quoad essentiam ac definitionem, perfectè, habitualiter, quo sensu summum hominis bonum in statu τῆς ἀποστοίας, & naturæ corruptæ, nec Theosophicè, nec Philosophicè ad plenum datur, nisi in descriptione & ideâ, id què ob διχυσίαν, dissidium carnis & spiritus, potentiarumquè superiorum ac inferiorum ἀνομολίαν sive exorbitantiam, quæ reliqua etiamnum in homine post tristem protoplastarum παρέκβασιν transgressionem, etiam post regenerationem, & virtutis acquisitionem, cujus operatio in operante est imperfecta, sive contemplationem, sive actionem spectes, jam verò qualis causa, tale effectum.

2. Cadit extra comparisonem ad statum primæum, secundum quid, contractè, partialiter, quoad existentiam in hoc vel illo subjecto, imperfectè, dispositivè. Probat. Ubi datur virtus, & contemplatio atque actio secundum eam, exquè utrisque resultans animi malacia ac serenitas, cum proportionatis debetè corporis & fortunæ bonis, ibi datur beatitudo, cujus hæc sunt fundamenta & partes: Atqui hæc dantur in homine, non tantum collectivè, quatenus est species subalter-

alternata, sed etiam distributivè, quatenus est species specialissima, sive individuum, non quasi totaliter & perfectè inventatur in hoc vel illo supposito, Petro, Paulo, Calliâ, Hippiâ, cùm nemo mortalium fuerit, nec sit, nec futurus sit, qui præter virtutem perfectam omnia corporis & fortunæ bona habuerit, sed quod in multis, ita ut compensetur ex multis, quòd desideratur in uno: Ergò!

3. Quid multis? Opposita sunt nata fieri in eodem, haud equidem simul, verùm successivè: Homo extremæ miseriæ quædamtenus est particeps in hac vitâ: Ergò & oppositæ beatitudinis, ut qui à Deo creatus sit, non ad illam, sed ad hanc.

4. *Quod attinet gradus beatitudinis, hos illa admittit, non priori, sed posteriori considerandi modo, hoc est, non respectu sui, sed subiecti sui, nec ut est, verùm ut inest.* Ucut enim non recipiat hos agnoscatquè ratione essentialis & perfectionis, quo intuitu consistit in indivisibili atque impartibili, & nec magis nec minùs admittit, recipit tamen ratione existentis suæ, prout subiecto suo inest, quo aspectu consistit in divisibili, magisque & minùs haud abnuit inter varia supposita hominum beatorum, quorum unus alius beatior esse potest, sicut alii aliis sunt doctiores, iustiores, immò inter unum idemquè suppositum hominis, diverso tempore

pore spectari, qui beator esse potest tempore ultimo, quàm primo.

C A P U T X V.

Remissio Eudæmonias Theoreticæ ad superius disciplinarum auditorium, per condescensum ad Practicam, tanquam instituto proximior.

§. I. **V**ERùm enimverò, quia consideratio Beatitudinis Theoreticæ ad Ethicum ex professo, quoad totum, inquam, esse, & secundum totum usum, haud perner, (quæ causa, cur Aristoteles, de utrâque verba faciens, leviùs, atque ex eventu quodammodò, & per viam commentarii, egerit de hâc, nec nisi, quia est pars communis, & finis communis vitæ humanæ, non in actione solùm, verùm etiam contemplatione, consistentis, atque ut sic ex collatione utriusq; beatitudinis hoc meliùs intelligeretur, & ab alterâ distingueretur in communi subjecto beatitudo, quam vocant, activa,) idcirco illam ad alios artifices ex præscripto arris remittimus, unicè, saltem maximè, occupabundi in hâc.

2. Qui illi? Metaphysicus & Physicus. Quatenus enim est in contemplatione posita primæ causæ, ut sic ad Metaphysicum spectat, quatenus verò consideratur, ut effectio quædam hominis, qui est species corporis Physici, ut sic ad Physicum, cujus exami-

examinare principia interna operationis, quale principium anima, combinata cum corpore.

CAPUT. XVI.

Annon ἡ Εὐδαιμονία sive Beatitudo Practica sit τῶ συνδέεσσι compositi., ideoque Bonorum, quæ Animi, quæ Corporis, quæ Fortuna, collectivè sive aggregativè, sicut opposita Ἀδαιμονία Practica contrariorum malorum correspondivè?

§. I. **H**'Εὐδαιμονία Practica nihil aliud est, quàm optimus status Animi & Corporis, cum justo comitatu Bonorum Fortuna, bonum, inquam, cumlatum animi corporis ac fortunæ, materialiter constans ex diversæ naturæ partibus, formaliter verò ex partibus certo ordine coadunatis. Priori modo non unum sed multiplex, posteriori non multiplex sed unum. Ut ita, rectè posito calculo Philosophico, homo Practicè beatus sit subjectum bonorum interiorum, putà, animi & corporis, recipiens continens, ipsa verò bona adjuncta recepta contenta, contra bonorum exteriorum, persuade fortunæ, ille subjectum sustinens, hæc adjuncta sustentata.

2. Bona Animi dicuntur, quibus animus perficitur per se, ceu sunt, animo convenientes habitus, tam Speculativi, quàm Practici, & actiones, quæ ex iis proficiuntur, cum harum comite voluptate.

3. *Bona Corporis dicuntur, quibus corpus perficitur per se, ceu sunt, sanitas, quæ analogicè inter virtutes cardinales respondet iustitiæ: Robur, quod analogicè inter virtutes cardinales respondet fortitudini: Pulchritudo, quæ analogicè inter virtutes cardinales respondet temperantiæ: Denique sensuum incolumitas, eorumquæ tam internorum quàm externorum, conjuncta cum corporis ευκροσία, quæ analogicè respondet inter virtutes cardinales prudentiæ.*

4. *Suntquæ vel universalia, sive per totum corpus sparsa, ut sanitas, pulchritudo vel Particularia, sive certorum membrorum propria, ut acies in oculis, acumẽ in auribus, vis in manibus, celeritas in pedibus, articulatio & distincta vocum formatio in linguâ.*

5. *Bona Fortuna dicuntur, quibus tam animus quàm corpus perficitur per accidens, sive perfectione accidentali & extrinsecâ, ceu sunt, nobilitas civilis, honor, laus, gloria, bona fama, libertas, πολυτεκνία καὶ εὐτεκνία, amici, qui bonum quidem internum respectu nostræ erga alios benevolentia, reverà autem externum respectu aliorum benevolentia erga nos, denique divitiæ, æquæ tam naturales, quibus primò succurritur indigentia humanæ, ad defectus naturales tollendos, sic dictæ ex eo, quia ipsa natura nos illas parare docet, ut sunt, plantæ, pecora,*

pecora , prædia , cibus , potus , habitaculum , vehiculum , & si quid his est simile , quod per se ad corpus , vel alendum , vel tegendum facit , quàm legales , ut sunt nummi & servi , artificialesquè , ut ædificia arte facta , supellex , & universè instrumenta domestica , tam activa , quàm factiva , quibus secundò succurritur indigentiae humanæ , videlicet hætenus , quatenus illarum beneficio naturales divitiæ , vel comparantur , vel conservantur , arte adjuvante naturam . Dico secundò , quia primò vita his non sustentatur , cum ali his corpus nequeat , licet hætenus nobis inserviant , ut permutare & curare iis licet , quæ corpori primò sunt necessaria . Appello bona fortunæ , eò quòd magis fortunæ , id est , causæ alicujus externæ & incertæ beneficio , quàm vel naturâ , vel industriâ humanâ , acquiri queant , aut acquiri quidem , sed non ita custodiri , unde & externa nuncupantur *συμφορικά* , quia extra corpus sunt , & non nisi mediare corpori adhibentur , aut extrinsecus potius totum hominem attingunt .

6. *Ex his bona animi , partim propter se expetuntur , partim propter aliud , bona corporis , partim propter aliud , partim propter se , bona fortuna tantum propter aliud , non etiam propter se .* Bonâ animi partim propter se , partim propter aliud , ut virtus , quæ expetit

titur propter se, quia hominem perficit, propter aliud, quia refertur ad actiones: Bona corporis partim propter aliud, partim propter se, ut sensuum integritas, quæ expetitur propter aliud, mille videlicet emolumenta, propter se, quia animal perficit: Bona fortunæ tantum propter aliud, ut divitiæ, quæ expetuntur propter usum. Quamvis enim & ipsa sint simpliciter ac de se sui quæ conditione bona per naturam intrinsecè, non secùs ac alma corporis bona, tamen non sunt semper bona alicui per usum extrinsecè, sive ratione utentis, sicut ægris nequaquam sana, quæ tamen sui naturâ sana, dulcia, quæ tamen sui naturâ dulcia. Etenim viro probo sunt bona tam illa quàm ista, tanquam instrumenta ad exercitationes virtutum, improbo verò mala propter incongruentem eorum usum, qui abusus contingens est, non necessarius, nec per se, sed per accidens, ut ita diversificentur secundum usum, sint quæ tam bona quàm mala instrumentaliter, ideoquæ indifferentia ratione usus, licet interim in & per se sint bona, si non moraliter, & quatenus cum aliis bonis conferuntur, quæ per se expetuntur, & propter quæ ipsa expetenda sunt, saltem naturaliter, quatenus considerantur in & per se, non autem per accidens, ac denominatione extrinsecâ cum Stoicis, contra quos gratis militant hæ rationes.

17. I. Quia bona corporis & fortunæ sunt connexa cum summo bono, sive $\kappa\rho\eta\sigma\iota\nu$, possessionem ejus spectes, sive $\chi\rho\eta\sigma\iota\nu$, operationem atque usum II. Quia bonum augent accessione suâ, sicut contraria mala idemmet minuunt accessione suâ. Sicut ergò inter mala rectè numerantur, quæ bonum minuunt, tanquam heterogenea, cum non valeat minuire bonum, nisi id, quod malum est, ita contrà rectè inter bona numerantur, quæ bonum augent, tanquam homogenea, cum non valeat augere bonum, nisi id, quod bonum est. III. Quia alia bona nec acquiri sine his possunt, neque acquisitis uti sustinemus absque his: Ecce id? Quia enim sunt Instrumenta ad acquirendas & exercendas operationes virtutum, quæ interdum circa quædam versantur, quæ absque bonis corporis & externis fieri nequeunt, quorum ideò absentia variè impedit actiones. Sicut enim illi, manci qui sunt, ad operationes animæ perficiundas inepti redduntur, non quòd facultate destituantur, sed quòd nulla habeant organa operandi, aut non satis proportionata, sic quidam reperiuntur, qui virtutem studio & consuetudine possent assequi, nisi his bonis destituerentur. IV. Quia, vel ipsorum Stoicorù judicio, aut præjudicio verius, eligibilia, tanquam ut præposita ita præponenda in electione, & contraria mala negligibilia, tanquam

multò præstantiora his, sicut forma materiâ, quæ propter illam, similiterquè hæc propter ista. **II.** Quia bona corporis homini sunt cum bestis communia & familiaria, quæ sæpè valentiores, torosiores, velociores, pulchriores homine, ab usui insuper obnoxia, communia tam bonis quàm malis, neque utilia, nisi per bona animi, munere congruentis usus. **III.** Quia bona animi etiam in Deo & separatis mentibus habent aliquem locum, munera naturæ & fortunæ non item. **IV.** Quia bona naturæ & vitæ sive fortunæ, nobis instrumenti loco deserviunt, sicquè animo ancillantur, ut bona fortunæ corpori, quod propter animum, ideoquè sicut hæc corporis bonis sunt sequiora, ita illa animi bonis, ad quæ utraque ordinantur, ut ad finem, quo definiuntur. **V.** Denique, quia beatitudinis essentia consistit κατὰ κῆσιν in habitu bonorum animi, κατὰ χεῖσιν verò in operatione secundum illum habitum, in illo causaliter, in hac formaliter, quorum neutrum tener, vel in illis, vel in istis.

IO. *Secundo loco Bona, quæ vocant, Corporis*, quia de totius hominis beatitudine agitur, homo verò constat ex animo & corpore organico: Quo fit, ut præter animi bona corporis quoque sint ad eam necessaria, vel ideò, quia beatitudo hujus vitæ est operatio, animus autem in hac vitâ operari ne-

quit sine organo corporeo, & bonâ corporis dispositione, cum per indispositionem atque invaletudinem corporis, variè impediatur homo in operando, & quoad actiones internas virtutis, & quoad externas, quæ circa quædam versantur, quæ absque corporis bonis confici nequeunt, quas idèd homo exercere nequit, qui nunquam sano est corpore: Quæ causa, quare Philosophus fatuis & phreneticis abjudicet beatitudinem, etiam si citra suam culpam hoc animi morbo laborent, eò quòd destituantur rectæ rationis judicio, liberâ voluntatis electione, appetitusquè moderatione, Idquè propter inordinationem corpoream, & convenienter τοῖς πινηρωμένοις ἢ ἀναπήγοις hoc est, mancis, debilitatis, aut alioqui viribus captis, quoniam beatitudo est operatio sine impedimento, hæc autem, quò sit inimpedita, indiget bonis corporis, tanquam instrumentis, ne quis his orbatus impediatur honestè agere. Sed cur secundo loco? Tum quia & ipsa bona interna, ideoquè in comparatione magis necessaria externis, tanquam conjunctiora & proximiora nobis, atque ex potiore causâ pendencia, persuade naturâ, tum quia potiora fortunæ bona aliquo modo ex his pendunt, horumquè gratiâ experuntur.

2. *Tertio atque ultimo loco Bona, quæ vocant,*

tant, Fortuna: Quia beatitudo totum hominem perficere debet, uti dictum, non potest autem absque fortunæ bonis, quibus homo corporeus, & ratione actionum animi, & ratione actionum corporis, indiget, non secus ac opifex instrumentis, v. g. faber ferrarius igne, forcipibus, malleo, incudè, faber lignarius regulâ, securi, dolabrâ, ferrâ, absque quibus nihil ab opifice ex arte confieri potest. Sed cur tertio atque ultimo loco? Quia enim bona fortunæ sunt bona externa, non interna, sicut animi & corporis bona, nec per se necessaria ad consequendam beatitudinem, verum per accidens, tanquam adjumenta interiorum bonorum, quæ idèd meritò præferuntur illis in hoc trigario bonorum, in quorum aggregatione consistit summum bonum, fundamentaliter & causaliter in virtute, formaliter in virtutis actione, concomitanter in voluptate, instrumentaliter in corporis & fortunæ bonis, completivè in conspiratione & cumulo omnium.

13. Sicut verò ï 'Ευδαιμονία Πρακτική nihil aliud, quàm optimus status animi & corporis, cum iusto comitatu bonorum fortuna, ita opposita 'Αδαιμονία Πρακτική nihil aliud, quàm pessimus status animi & corporis, cum iusto comitatu malorum fortuna, & sicut illa bonum cumulatum animi corporis

C 5

ac for-

ac fortuna, ita hac malum cumulatam eorundem secundum omnes tres partes. Ut enim tota toti, sic singulæ ejus partes singulis partibus sunt contrariæ correlative. Ut ita *ἡ Ἀδυσμυρία* Practica, finiendò Philosophicè, sit summum malum, sive summa miseria, quæ primùm ab imprudentiâ & improbitate pender, deinceps à corporis imbecillitate, morbo, deformitate, postremò à malis externis, ut odio hominum, ignominia, egestate, exilio, servitute, non modò, si ista nobis, verùm etiam, si parentibus, liberis, consanguineis, amicis, concivibus, posteris eveniant, aut jam antè e-
venerint, quòd si diuturnitatem illorum malorum, vitæ hominis æqualem, addere velis, jam summam & undiquaque absolutam miseriam, sive summum malum morale, descriptum habebis.

14. *Quod malum an detur, questionis est.* Pro ajente sententiâ militat præter experientiam ratio, quia opposita sunt nata fieri in eodem: Quare, si in hominem cadit summum bonum morale, cur non summum malum morale, ad eum modum scilicet, quò delineatum suprà, cap. 14.

C A P U T XVII.

ἡ Ἀδυσμυρία Practica dividitur in *Materialem* & *Formalem*, eademquè operâ definitur utraque. Hinc quaritur, an non fortè *Beatitudo* Ob-
jectiva

jectiva sive Materialis sistat & consistat distributive, atque in sensu diviso, in Voluptate solâ, eâque, vel Corporis, cum Epicuréis Tullianis & Flaccianis, vel Animi, cum Diogenicis? Atque utrumque negatur.

§. 1. **H**E'υδαίμονία *Practica universè vel Objectiva est sive Materialis, vel Formalis, quarum illa est ipsum objectum beatitudinis, hæc acquisitio illius objecti.*

2. *Quod attinet Beatitudinem Objectivam, illa verò nec sistit nec sistitur distributive, atque in sensu diviso, in Voluptate solâ, sive ea sit Corporis, sive Animi.*

3. *Non in illâ, (ut quidem mentem Epicuri Cicero Horatius Plutarchus triumviri interpretatum eunt,) idquè ob defectum primariorum attributorum beatitudinalium. I. Quia voluptas corporis non est bonum τέλειον perfectum. Tantum quippè abest, ut sit ultima hominis perfectio, & finis ejus extremus, ut potius sit accidens ejus, atque affectio accessoria, per quam appetitus hominis potenter excitatur ad res ardentius prosequendas & persequendas cum hoc accessorio. II. Quia non est bonum αὐταρκής sufficiens, cum prodigo voluptas semper famem sitimquè sui habeat, nec transacta satietur, ut cui nihil sit satis. Scilicet comites voluptas habet tædium atque poenitentiam, res à beatitudi-*

nis genio & ingenio alienissimas, cujus nos nec tædet unquam, nec pœnitet, pigetvè.

III. Quia non est bonum δι' αὐτὸ ἀγαπῆτον, per se optabile. Per naturæ quippè legem magis optamus id, cum quo complicata est voluptas, v. g. actionem honestam, quàm ipsam voluptatem. Quo loco Dædalæ naturæ solertiam admirari juvat, quæ ad minus principale nos reddidit apertè proclives, ut simul latenter ad magis principale dirigeret, quæ, v. g. ad cibi & veneris, gulæ atque inguinum voluptates, nos invitat palàm, ut clàm ad hominis humaniquè generis conservationem nos animaret: Naturæ autem? Immò Dei, qui sicut salem non propter se, sed ad condiendos cibos dedit, ita voluptates corporis gratiâ operationum.

IV. Quia non est bonum δι' ἐξῆς proprium. Neque enim soli homini competit hoc bonum, sed huic commune est cum bestiis, nominatim cum sue, cui animam pro sale indulsit natura, ne putresceret corpus: Atqui summum bonum solius hominis proprium, ut quod acquiratur per virtutem, quem hominem bestię superant voluptate, quarum voluptates, & majores, & diuturniores, sincerioresquè, ut quæ crassioribus his voluptatibus laxiùs & largiùs perfruantur, quàm homines, beatiores his futuræ, si beatitudo describeretur corporis voluptate.

V. Quia non est bonum δι' ἀσφάλειαν, difficulter

eulter alienabile. Fluit quippè voluptas, & prima quæque avolat, sæpiusquè relinquit causas poenitendi, quàm recordandi, ut quæ morbo, senectute, & mille aliis casibus, non tantùm impediri, sed vel perimi possit. VI. Quia non est bonum *τίμιον* honoratum, ut quæ non honori sed pudori nobis fit persæpè. Unde pessimos quosq; videas, nisi planè depuduerint, manumquè per frontem duxerint, ventris ac gulæ voluptates tegere studiosè, non secùs ac naves corporis solemus. VII. Quia *βιάσιον*, tum quoad originem, quia plerumque per vim & dolum ad eam pervenitur, tum quoad operationem, vim inferentem, partim proximo, qui læditur, partim ipsi possessori, qui vel tandem in exitium præcipitat, & ratione animæ, cujus potentias subdolè ac subleste oppugnat, insidiosèquè expugnat hæc Circe, & ratione corporis, quod mirum in modum debilitat & enervat, dum sèsus tardos graves obtusos reddit, omnisquè generis morbos attrahit, & ratione bonorum externorum, quæ petulanter consumit: Atqui beatitudo bonum est, idquè summum, cujus idèd proprium, non obesse, sed prodesse, id quod à voluptate corporeâ non fit, saltem non semper fit.

4. *Non etiam in hac*, (ut quidem mentem Epicuri interpretatum it Diogenes Laërtius,) si ve illa præcedat habitum virtutis comparandum, si ve sequatur comparatum,

licet non magis beatitudo absque eâ esse possit, atque sol absque lumine, lumen absque luce, idquè iterum ob defectum primariorum attributorum beatitudinalium. I. Quia voluptas animi non est bonum τέλφον. Habent siquidem voluptates animi ab honestâ actione, ut probæ sint, non igitur ex se, sed munere alterius: Atqui essentia beatitudinis ex se debet esse talis, ob eamquè cætera talia: Ergò! Nec obstat, quòd voluptas sequatur actionem perfectam virtutis, quia eam sequitur, non ut finis propriè dictus, sed ut finis quidam, neque ut ultimum dignitate, sed ut tempore: Jam verò non semper necesse, ut ultimum tempore sit principale, cùm sæpè principalis finis tempore prior sit, v. g. calefactio terræ siccitate, excitatio caloris deambulatoria colore meliore. II. Quia non est bonum δὲ αὐτὸ ἀγαπητὸν, ut quæ dirigatur ad aliud, sitquè invitamentum, quo homines alliciuntur ad caprandum summum bonum, ergò non ipsum summum bonum. III. Quia non est bonum πολύχρνον, cùm possidentem solùm afficiat, aliis nihil eâ seratur metaturvè. IV. Quia non est bonum τιμιον. Neque enim voluptas, sed honesta actio, reddit hominem dignum honore, cùm illâ abuti possimus, hâc non, illa non tam bonos faciat, quàm esse testetur, hæc & faciat, & testetur esse.

§. Quia

5. *Quid ergò voluptas, si non summum bonum?* Summi boni affectio, & proprium accidens, sicut color superficiei, pulchritudo sanitatis. Ut enim pulchritudo non est ipsa sanitas, nec optima corporis dispositio, verùm eam sequitur, tanquam proprius affectus in suo subiecto, ita voluptas non est ipsum summum bonum, sed affectio ejus inseparabilis, atque istorsum in Deliaeo epigrammate beatitudo appellatur jucundissima *ἡμετέρας* non *ἡλιξῶς*. Quemadmodum namque albedo non dicitur alba, flavedo flava, ita nec jucunditas jucunda.

6. Excipis, Philosophum dicere, nihil prohibere, quò minùs summum bonum sit quædam voluptas! Contrà excipio, verba Philosophi non accipienda esse in sensu formali, sed causali, ut hæc sit eorum mens, summum bonum ratione formæ atque essentiaæ suæ consideratum non consistere quidem in animi voluptate, eam interim causando producere.

7. Ut ita Epicurus beatitudini nomen imposuisse videri possit à bono minùs principe, quemadmodum hominem ab humo, linguam à lingendo, convivia symposia à computationibus denominamus *ἡμετέρας*, tanquam à minùs principali ingrediente.

Vel in Divitiis solis cum Bioticis ?

§. 1. *S*ed nec in Divitiis solis sistit & consistit *Beatitudo Objectiva*, quam sic vocant, siue illa sint *Naturales*, siue *Industriales*, *Artificiales* vè.

2. *Non in Divitiis Naturalibus*, quibus primò succurritur indigentiae humanae, hominiquè subvenitur ad defectus naturales tollendos, corpusquè, aut alendum, aut regendum, sic dictis, quod ipsa natura nos illas parare doceat, quia, quicquid naturalium divitiarum, & quantum, id omne propter hominem, tanquam à naturâ, ad vitam ejus sustentandam, factum instrumentum, quomodo edere hominem videmus, bibere, vestiri, ut vivat, non vivere, ut e-dat, bibat, vestiatur: Atqui summum bonum & felicitas non est propter hominem, sed homo propter ipsam, neque instrumentum vitae, sed finis: Ergò divitiae naturales non possunt esse finis ultimus hominis, sed potius ordinantur ad hominem, sicut ad finem.

3. *Non etiam in Industrialibus Artificialibus* vè, quibus secundum se & primò natura non juvatur, sed quas ars industriaquè humana adinvenit propter vitae compendium, majoremquè expedientiam commutationis, quò earum beneficio naturales

les divitiæ hoc faciliùs compararentur: Ecur? Quia enim eæ nulli rei sunt, cùm primò vita his non sustentetur, neque aliis corpus possit, nisi ad naturales referantur, perquæ eas curentur res ad usum vitæ necessariæ: Cùm ergò sint cibo ac potui parando, hæc verò vitæ conservandæ ergò, vita rursus propter felicitatem vitæ consequendam, idcirco nullâ ratione felicitatis summa in ipsis consistere potest.

4. *In neutris inquam, consistit Beatitudo Objectiva*, idquæ iterum ob defectum primariorum attributorum beatitudinalium.
 1. Quia non sunt bonum *ἀνταρξῆς*, ut quæ non exsatiarent appetitum. Quò enim plura habent homines philargyri, hoc plura desiderant, quoquæ plus sunt potæ plus sitiuntur aquæ, loquendo de divitiis artificialibus, quæ deserviunt concupiscentiæ inordinatæ, nec modificantur, non naturalibus, quarum appetitus non ita infinitus in comparatione, quoniam secundum certam mensuram sufficiunt naturæ. At cur divitiæ nō satiant animum? Quia enim finitæ, anima verò infinita per suam capacitatem, illæ corporeæ, hæc incorporeæ per suam entitatem, illæ transitoriae, hæc intransitoriae per suam durationem, quæ ideò non plus satiatur auro, quàm corpus aurà. 11.
 Quia non sunt bonum *διὰ τὸ ἀγαπητὸν*, cùm non sui gratiâ expetantur, sed propter aliud.

aliud, persuade usum, ut videlicet necessitati, voluptati, dignitati, liberalitati serviant, utræque interim optabiles & experibiles, naturales propter hominem, artificiales propter naturales, aut neutræ in infinitum, quod proprium finis, non instrumentorum, quorum nullum multitudine magnitudineve infinitum, aut si tale, inutile. Quamvis ergo inordinato appetitu appetantur in infinitum, quantum ad multitudinem stultorum, tamen quia iudicium non debet à stultis peti, verum à sapientibus, sicut iudicium de saporibus ab his, qui habent gustum benè ordinatum, non ab ægris, ut sic finitè appetiquè possunt appetiquè debent. Dicitur quidem infinita pecuniæ cupiditas, at non ratione essentiae, verum durationis, siquidem mens in statu hoc corpori unita maneret semper, quod cum non contingat, simpliciter infinita pecuniæ cupiditas dici nequit, uti nec actu infinitæque sunt divitiæ, dici nihilominus infinita pecunia potest eo sensu, quo numerus, non quod actu infinitus detur, ut numerus, ita nummus, darivè queat, sed quod ille augeri in infinitum possit accessione unitatum, & hic accessione pecuniæ. III. Quia non sunt bonum *ὀνείον*, cum casu dentur, casu adimantur, cum fortunâ veniant, cum eâdem abeant, malis quin etiam conveniant, qui, quò nequiores, hoc ferè dirio-

ditiores, quò ditiores, hoc nequiores. **IV.** Quia non sunt bonum κατὰ τὸν καὶ περὶ τὸν ἀνθρώπου, cùm possideantur modo mortuo, possideantquè sæpiùs, quàm possideantur, aut possideantur quidem, sed à prodigiis hominum. **V.** Quia non sunt bonum πολυχρῆστον, cùm sæpè divites animo egeant nummis: Atqui, si summum bonum positum foret in divitiis, tum verò ut ditissimus quisque esset, ita optimus. **VI.** Quia non sunt bonum κτηνωτικόν. Aquam siquidem è pumice citiùs, & clavam ex Herculis manu, quàm pecuniam ab avaro extorseris, qui famem utendam si roges, non dabit. **VII.** Quia non sunt bonum δυσσφαίρετον, ut quæ naufragio, furto, rapinâ, incendio intercipi possint, vel puncto mobilis horæ, nunc prece, nunc precio, nunc vi, nunc sorte supremâ, transitoria cum suis possessoribus ambulatoriis: **VIII.** Quia non sunt bonum τίμιον, cùm iis, tanquam bonis adia-phoris, & benè & malè uti possimus. Sicut enim relatæ ad homines per usum moralem laudantur, ita per abusum atque inusum vituperantur, licet per se & in se interrim sint bonæ naturaliter. **IX.** Quia βιάσιον τε, καὶ τῶν βιαιῶν, ut quæ sæpè injustè, semper anxie quærantur, & curâ majore metuquè servantur, difficiles quæsitæ, fiebiles amissæ, custoditu anxie, cùm acquirantur cum sudore, possideantur cum timore, amitt-

amittantur cum dolore, causativæ multorum malorum, per accidens illud quidem, sed frequentativum: Jam verò non novum aut insolens, rem vapulare, ubi usum rei bonæ abusus præponderat, uti hic, qui abusus non habet locum in summo bono.

CAPUT XIX.

*Vel in Honore, Laude, Gloriâ, Bonâ
Famâ, Dignitate & Potentiâ Civili, Nobilitate, solis, cum Pseudo-Politicis?*

§. 1. *N*EC in his solis, & seorsim sumis, sistit ac consistit Beatitudo Objectiva, idquæ ob geminam cum superioribus causam.

2. *Non in Honore solo* 1. Quia non est bonum τέλειον, quoniam appetitu recto ad honorem grassamur, non velut ad finem ultimum acquirendum, sed velut ad signum finis ultimi acquisiti. Licet namque honor sit virtutis præmium, non tamen est ipse finis agentium, cum multi sint beati, si nemquæ consecuti, qui tamen honore sunt cassi. Unde conficitur, beatitudinem quoque locum habere posse deficiente honore *εξωτερικῇ*, externo & forensi. Scilicet duplex virtutis præmium, unum propter quod homines virtuosæ operantur, atque hoc præmium est beatitudo, alterum quasi accessorium, & minus dignitate virtutis

præ-

præmiandæ, atque hoc præmium est honor, in quem propterea virtus non ordinatur, tanquam in finem, neque propter eum operatur, cum non sit ejusdem rationis ac conditionis cum priori. Summum quippè bonum est virtutis præmium, quod ipsa tanquam ultimum intèndit, & propter quod principaliter operatur, honor non item, qui quidem & ipse virtutis cluit præmium, verùm ideò scilicet, quòd ab hominibus virtuti alienæ majus tribui præmium haud possit, quàm honor, tanquam publicum actionis honestæ testimonium, hoc est, honor quidem & ipse est præmium virtutis, sicuti & beatitudo, at non *ὁσπύτως*, eodem prædicandi modo, verùm diverso. II. Quia non est bonum *ἀνταρξὺς*, cum non expleat appetitum, nedum ut sit *ἀνταρξυβὼν*, ut qui habeat suos gradus, ratione meritorum & materiæ, ratione eorum, qui honorantur honorantquè, ratione quia etiam loci, temporis, modi, consuetudinis, antecedentiæ, concomitantia, consequentiæ, instar umbræ solaris, quæ non semper eodem modo comitatur corpus, sed nonnunquam antecedit, aliquandò ei jungitur à latere, interdum ponè sequitur, geminoquè exemplo honos suos candidatos in gloriæ theatro. III. Quia non est bonum *δι' αὐτὸ ἀγαπῆται*. Appetitur quippè honor propter virtutis opinionem, cujus

70 INSTIT. ETHICARUM
 cujus ille est signum. Etenim idèd honorari
 discupiant homines, ut virtute videantur
 præditi, atque idcirco non à quibuslibet
 coli volunt, verùm à bonis, cum Hectore
 Næviano, quod dum faciunt, næ ipsi taci-
 tè farentur, virtutem, aut certè ejus opi-
 nionem, ipso honore pensiozem esse, ideo-
 què magis expetendam. 15. Quia non est
 bonum *οικείον*, cùm sit honorantis potius,
 quàm honorati, ideoquè bonum *ἀλλότριον*
 externum, non utique ex parte honorantis,
 cujus est actio & judicium, & in cujus est
 manu ac potestate, sed ex parte honorati,
 in quem confertur, in quorum altero est
ενεργητικῶς activè, in altero verò *παθητικῶς*
 passivè. *Scilicet honor tripliciter accipi potest,*
vel pro fundamento ac principio ejus, quo-
modo per causam & objectivè est in hono-
rato, cùm sit præmium virtutis, quæ non
honoranti sed honorato competit, sive ei,
cul honor tribuitur, & qui inde honoratus
dicitur, vel pro essentiâ ejus, quomodo
subjectivè est in honorante, cujus est actio
proba, cùm sit judicium quoddam ejus &
signum de alterius virtute, judicium autem
in judicante, signum in significante, vel pro
utroque, quomodo partim est honorati,
quatenus honorem virtute suâ causatur,
partim honorantis, quatenus virtutem tan-
ti æstimat. Nullo horum significatum
honor est summum bonum: Non primo,
sive

sive αἰτιολογικῶς & causaliter, quia non in virtutis habitu sed actione consistit beatitudo: Non secundo, sive συμβολικῶς & significativè, quia honor προφορικῶς externus unicè ab honorante procedit, estquè ut sic signum & symbolum summi boni, non ipsum summum bonum: Non tertio & postremo, quia honor ἐνδεχεται internus ex parte tantùm in potestate honorati est, hoc est, in tantum, non in totum. v. Quia non est bonum κτητὸν καὶ προκτὸν ἀνθρώπων, cùm non constet nostro labore, neque in eorum sit potestate, quibus confertur, sed illorum, qui conferunt, qui sæpè eum non deferunt, quibus deferre debebant, deferunt, quibus non debebant, auferunt, quibus conferre, conferunt, quibus auferre debebant. vi. Quia non est bonum μένιμον, hoc est, δυσμετέπικτωτον καὶ δυσαφαίρετον, quale illud, quod ex habitu virtutis proficiscitur, cujus ea natura, ut difficulter à subiecto, cui inest, tolli possit: Honore autem quid mutabilius, qui ἐπιπολεῖόπρεόν, infirmius quid, minusquè stabile, neque in nostrâ potestate, cùm proficiscatur ex voluntate & opinione hominum, quorum animus ambulatorius, sitquè bonum particulare, ideoquè variabile, tum respectu temporis, quoniam jam aliquis honoratur, jam non, hodiè honoratur, cras dehonatur, tum respectu ipsius honorantis, quoniam

niam à quibusdam honoratur, ab aliis non, neque ab illis, à quibus honoratur, vel verè honoratur, vel semper, non verè, quia honor sæpè hypocriticus & mendax, non semper, in genere propter mobilitatem alienę voluntatis, quę persuspiciones detractionesquę facile mutatur, in specie propter vulgi ac principum mutabilitatem, qui sæpè ignorant, neque satis intelligunt, quę actiones mereantur honorem, sæpè invidiā laborantes non afficiunt honoribus, quos debent, quandoque existimant honorem in alios collatum existimationem suam lædere, interdum satiēte quādam fastidiunt, quos olim honoraverunt, convertuntquē se ad novos alios, qui nuper emerferunt, ornandos, quibus ex causis variè variatur honos, intensior remissior, extensior contractior, validus evanidus, neque omni vel parte, vel tempore, immò ne eodem quidem, constans ac consistens, cūm usū venire possit, ut hodiē ab hoc honore, cras ignominiā ab eodem, eōpse momento ab hoc honore, ab illo contumeliā, afficiaris. Quid multis? Ut vel maximè honor duraret semper, non tamen ipsam beatitudinem eum esse indè rectè convinceretur. Etenim, ut umbra corpus semper comitatur, corpus tamen ipsum non est, sic nec honor ipsum summum bonum, verū signum ejus, perpetuò illud sequens. VI. Quia non est bonum τίμιον, sed

sed *ὀυδέποτε*. Pro diversâ namque hominum constitutione, ut usus ejus, ita abusus, datur, cùm plerique eo abutantur, vel ad inferiorum depressionem, vel ad nimiam animi elationem, sæpè quoque is improbis, nec rarò pessimis, habeatur, quæ omnia non inveniunt locum in summo bono.

3. *Nec in Laude solâ*. I. Quia non est bonum *δι αὐτῆς ἀγαπητὸν*. Appetitur siquidem & ipsa propter virtutis opinionem, quo fit, ut laudari velint homines, non à quibusvis indifferenter, verùm ab iis, qui ipsi in laude vixerunt, exemplo eorum, qui facies suas ab optimo artifice exprimi satagunt. II. Quia non est bonū *ὁμιλίαν*, cùm in arbitrio sit profanz multitudinis, cujus os mernisse tantū non est. III. Quia non est bonum *διναφαιετόν*. Quid enim fugacius laude, idquæ ob inconstantiam laudantis, in cujus judicio est posita, quod non modò vagum, sed difforme? IV. Quia non est bonum *τίμιον*, de mente Gorgiæ Leontini, qui rogatus, quid de magno quodam rege sentiret, & utrūm eum felicem existimaret, respondit, nescio quomodo ad virtutem se habeat, innuens, felicitatem in animi bonis esse positam, non in bonis externis. Etenim, si quem laudas, quia generosus, regeritur, majores non mores laudari, si, quia dives, fortunæ ea laus debetur, si, quia robustus ac validus, ægritudine paulatim imminuetur, si, quia pulcher

& formosus, antequam respexeris defloruerit, si denique, quia virtute præditus est, laudas, tunc ipsum virum laudas, eò quòd, nec à parentibus illud hereditarium, nec à casu pendulum, nec ætate mutabile, nec cum corpore caducum possideretur.

4. *Nec in Gloriâ Bonâvè Famâ solis. I.*

Quia non sunt bonum τέλειον, eò quòd tam illa quàm ista ferè falsa sit & fallax, cùm humana notitia sæpenuerò insigniter fallatur præcipuè in singularibus contingentibus, cujusmodi sunt actus humani: Falsa autem? Immo vana, cùm alii sæpè metentur famam, alii habeant, nihilquè gloria etiam maxima juvet post mortem eum, quem sequitur. II. Quia non sunt bonum δυσφαίριτον καὶ δυσμετέωρον. Quò enim magis diffusivæ in aliorum notitiam, hoc magis instabiles, cùm falso rumusculo de facili queant perdi, aut, si quandoque stabiles, sunt tales per accidens, cùm beatitudo stabilitatem habeat per se. Ut enim in nostrâ potestate sint respectu materiæ, sive actionum bonarum, atque istorum sive istactenus stabiles, in aliorum tamen potestate sunt respectu formæ, hoc est, honestæ de bonis nostris actionibus aliorum existimationis, quæ in nostrâ potestate non est, atque horum sive hæctenus instabiles. III. Quia non sunt bonum πολύκοιγον, ut quæ bonum angustum, si velocum sive tempus spectes,

species, quibus etiam maxima hominis celebritas includitur, detractis inprimis partibus, quas maria solitudines paludes occupant.

5. *Sed nec in Dignitate ac Potentiâ Civilis solâ.* I. Quia enim potentia civilis non est bonum *τίλδος*, cum ex eâ malum aliquod alicui possit provenire, neque verò ordinetur ex se ad se, verum aliud, puta ad bonum subditorum. II. Quia non est bonum *ἀνθρώποις*, cum neque corpus neque animum perficiat, sed afficiat vel maximè, idquè ob honorum inextinguibilem sitim: Atqui de ratione beatitudinis est, ut eâ adeptâ nullum bonum homini necessarium desit, cujus contrarium hîc fit, cum adepto imperium adhuc multa deesse possint, v. g. animi tranquillitas, sanitas, & alia generis congeneris. III. Quia non est bonum *διὰ τὸ ἀγαπῆσθαι*, ut quæ innumeras habeat anxietates conjunctas, metus, motus, pericula, inamabilia atque inoptabilia alia. IV. Quia non est bonum *οἰκεῖν*, cum sit à causis exterioribus, ad beatitudinem verò homo ordinetur per principia interiora. V. Quia non est bonum *δυσφαίρετον καὶ δυσμετέππετον*, cum nihil sit inconstantius versatili hoc Vertumno, & Proteo Politico. VI. Quia non est bonum *πολύχρνον*, ed quodd imperitare civiliter paucorum sit, beatitudo autem in medio sit posita, ita ut ad

eam quivis niti possit. VII. Quia non est bonum τίμιον, verùm οὐδέτερον, ut quæ se habeat ad utrumlibet oppositorum, hoc est, ad bonum & malum indistinctè, pessimisquè quia etiam quandoque contingat: At qui beatitudo, cùm sit summum hominis bonum, non compatitur secum malum aliquod, id quod faciunt dignitates & potestates, quibus si inesset quid naturalis ac proprii boni, nunquam pessimis provenirent, cùm sibi non soleant adversa sociari, naturâ respiciente talem συζυγίαν sive syncretismū. Quo fit, ut magis fortè possit consistere beatitudo aliqua in bono usu potestatis, qui est per virtutem, quàm in ipsâ potestate.

6. *Nobilitate vè solâ.* I. Quia non est bonum δικάειον, cùm non minùs virtus, quæ fundamentum ejus, pateat humili loco natis, atque celso & excelso, quorum illis generis obscuritas stimulum addit ad virtutem capeffendam, his majorum splendor. Quodd si ad claritudinem referatur, næ illa aliena, cùm aliorum luce luceat, sin ad antiquitatem, ad eandem cum cæteris mortalibus conditionem devenit, eundemquè communem humanitatis stipitem. II. Quia non est bonum μέγιστον. Quâvis enim maximè commendet sanguinis nobilitatem illud, quodd ex præstantibus orti, non corpus tantùm sed animum etiam majoribus similem, præsumantur nacti, eò quodd magna vis sit seminis,

- nis,

nis, cum ad corporis confirmationem, cujus omnia in semine lineamenta latent, perque vim plasticam educuntur in actum ex potentiâ, tum ad animi ac morum compositionem, qui corporis temperamentum sequuntur, tamen id non est perpetuum. Vult quidem natura ex bonis bonos generare, sed plerumque non potest. Ut ita, si quid in nobilitate bonum, id sit solum, quod imposita nobilibus necessitudo videatur, ne à majorem virtute degenerent, quæ sola, neque dono datur, neque accipitur. Quamvis interim ad civilem felicitatem nobilitas haud parum conducatur, ut quæ virtutem ornet, minusque eam invidiæ expositam faciat, multasque ac præclaras occasiones præbeat virtuti, sese patefaciendi. Neque enim parvam vim habet, auctoritatemque, patre nobili nasci, præsertim si bona educatio accedat: quæ magis indigent nobiles, quam alii, quia sunt furculi nobiles, generosæque naturæ, hoc magis degeneres, quod generosiores.

CAPUT. XX.

Nominatim in Virtute solâ, siue solitariè existente, cum Stoicis?

§. 1. *Nec in hac sistit & consistit Beatitudo, quam vocant, Obiectiva, idque ob communitatem & parallelismum communium rationum. I. Quia virtutis actus primus, hoc est,*

D 3 habi-

habitus, non est bonum τέλειον, cū ei aliud bonum obaddi possit, quo fiat perfectior, actui persuade primo secundus, habitui actio ex habitu, ejus accessione ipse habitus fit illustrior & perfectior, perfecta & ipsa, verū quoad perfectionem habituales, considerata ἀνεργητικῶς, ut est ἀνεργῶ, non actualem, considerata ενεργητικῶς, ut est ενεργῶ, perfecta ut sic ultimare atq; completè, quoniam habitus ultima perfectio ἡ ἐνέργεια sive actus. Scilicet tum demū quælibet res perfecta audit, quando in eā concurrunt ἡ εἶσα essentia, ἡ δύναμις potentia, & ἡ ἐνέργεια actus, ex quibus οὐσία καὶ δύναμις ultimam suam perfectionem sortiuntur, quando sunt ἐνεργητικά, non operabilia tantū, sed operativa, unde fit, ut ἡ ἐνέργεια præstet utrique, quia utraque ejus gratiā, quod autē tale, præstantius. **II.** Quia non est bonum αὐταρκές, cū ad vitam sine impedimento degendam sola virtus non sufficiat, sed virtutis actio, quæ virtutem ut principium præsupponit, naturæ ac fortunæ instrumenta ut media includit, actionisquæ formam tanquam postremam perfectionem superaddit, ita ut in eā nihil ulterius expeti possit, neque ipsa propter quid ulterius, putā felicitatem tanquam finem, cū ipsa felicitatem constituat formaliter. **III.** Quia non est bonum εἰ αὐτὸ ἀγαπητὸν, cū virtutis habitus expetatur propter actionem sive usum,

sum, sicut visus propter visionem, auditus propter auditionem. Nemo namque velit visum habere, si non sit visurus aliquandò. verùm oclusos oculos gestaturus, nec auditum, si nunquam sit auditurus, sed obturatas usque aures habiturus. IV. Quia virtus, quæ in habitu, non in actu, in quiete, non motu, in sinu, non manu, affectu, non effectu, non est bonum *πρακτὸν*, cùm solùm sit facultas & actus primus, cujus accessio ac perfectio actus secundus, sine quo ille esse potest, etiam in dormiente, etiam in ocluso, quo sensu dicitur, probum ab improbo, felicem ab infelici, in somno oclovè non internosci. Accedit dictis, quòd non statim, qui virtutis habitum habet, actione quoque virtutis sit præditus. Qui enim v. g. melancholiâ, lethargo, aut simili morbo corripitur, totâ vitâ in lecto decumbit, virtutem ille quidem retinet, sicuti & is, qui *κακοπαθεῖ* totâ vitæ periodo, *ἀπρακτεῖ* tamen, quia secundum virtutis genium & ingenium in illo articulo agere nequit, eò quòd agendi intercipiatur occasio, succolletquè ac frustretur acturientem materies. V. Quia eadem virtus non est bonum *τίμιον*, ut quæ non digna honore, sed laude, ut omnia habitus bonus.

2. Quid ergò de hoc Stoicòmare contra oppositum Peripatema? Ut non sit *παράδοξον* in sensu disjuncto, tamen est tale

in sensu conjuncto. Neque enim hæc duo ad-
versis frontibus arietant, beatitudinē confi-
stere in operatione animæ virtuosâ κατὰ χρῆ-
σιν, formaliter, essentialiter, id quod ajtāt Pe-
ripatetici, & eandem consistere in virtute a-
nimæ κατὰ κτῆσιν, radicaliter, fundamenta-
liter, causaliter, id quod ajtant Stoici, in al-
terâ ἐνεργητικῶς, occupativè, in alterâ ἀνε-
ργητικῶς occupabundè. Et qui arietent quæ-
sò? Beatitudo namque vertitur, non in actio-
ne nudâ, verùm in virtute fundatâ, nec in
hâc solitariè existente, sed se exerente per
operationes pro re natâ. Quando ergò sum-
mum bonum in habitu virtutis situm esse
dicunt Stoici, id non de ociosâ deside ac re-
side virtute accipiunt, verùm hoc sibi velle
videntur cum hoc suo philosophemate, vir-
tutem, etiam si misera sit & calamitosa, ne-
que occasionem edendarum actionum ha-
beat, nihilominùs efficere hominem bea-
tum, propter interiorē animi moderatio-
nem, id quod κλασσικόν.

3. Ecquomodo ergò conciliari possunt
& debent in speciem ἀντιφλοσσοφούντες? Si
dicas, Stoicos considerâsse id, quod princi-
pale, fundamentum, inquam, & rem, hoc
est, habitum virtutis, Peripateticos verò
examinatissimam & amussinatissimam sum-
mi boni perfectionem, carentem omni præ-
pedimendo, hoc est, non tam rem, quàm
rei usum & actum fructumquè. Neutri ma-
lè,

lè, meo iudicio, quoniam illi laudârunt virtutem actuosam, hi actualem, sive ipsam actionem virtuosam, meliùs interim in comparatione hi, quàm illi, quia positiviùs.

CAPUT. XXI.

Nominatiùs in Contemplatione solâ cum Theoreticis?

S. I. **N**Ec in illâ. I. Quia nuda contemplatio non est bonum τέλειον, eò quòd perfecta contemplatio non sit sine mentis serenatione & serenitate, hæc autem non quadret iu animum vitiosis affectibus perturbatum, à quibus eum purgat virtus moralis, per quam rectè demùm utimur habitu contemplativo, compositis incompositis atque indispositis animi passionibus.

II. Quia non est bonum ἀνταρκής, cùm vita contemplativa possit esse ærumnosissima, cumquè valetudinis dispendio conjuncta in Carneade aliquo & Protaxagorâ, cum æmulatione quin etiam atque invidia, siquidem ea contingat malo homini, quemadmodum Socratis, Pythagoræ, Hesiodi, Pindari, Thaletis, Bianctis, Pittaci, Anaxagoræ, Simonidis, maleferiari æmuli fidem facere queunt. III. Quia non est bonum ὀικείον, cùm contemplari quoque etiam possint mali, contemplationequè suâ abuti, tale autem bonum heic quæ-

D; ritur,

ritur, quod solis bonis est proprium, quod què malè uti nequimus. IV. Quia vita contemplativa, quâ quis solus degit, atque uni unicè contemplationi vacat, abdicando se à cæterorum hominum consuetudine, officiaquè charitatis ac cæterarum virtutum deferendo, non est bonum *κτὶ τὸν καὶ πρὸς τὸν ἀνθρώπου*, cùm sit avocamentum à vitæ Practicæ officiis, tam Ecclesiasticis, quàm Oeconomicis & Politicis, infestusquè ferè habeat duos scopulos, Eleatismum & Pyrrhonismum, quarum sectarum altera triumphavit *ὅτι τὸν* nihil esse, altera *ὅτι τὸν* nihil scire.

2. Agit quidem (haud equidem infireor,) Aristoteles seorsim de vitâ contemplante & agente, at non eo consilio, ut quis uni istarum sese totum addicat. Dux quippè sunt naturæ nostræ proprietates, putà, quòd & intelligentes & civiles nos Deus fecit, quare utrique conditioni debemus actionibus nostris respondere, & contemplari, cùm se quid offert oculi, vel quo casu impedimur à rebus agendis, agere verò, quando muneris nostri functio id postulat.

CAPUT XXII.

Nominatissimè in Contemplatione Idearum cum Platonici?

S. I. **N**Ec in istâ, sumendo ideam boni universalem, non in causando, pro ideâ

ideâ ideissimâ, hoc est, Deo, qui sicut τὸ αὐτοὸν καὶ αὐτοαὶ, universale in essendo, ita τὸ αὐτοαγαθόν, αὐτόκαλον, αὐτοδίκαιον, αὐτόφιλον, universale in causando id, quod bonum, pulchrum, justum, amicum, virtute includens omnes ideas, sicut unitas includit omnes numeros, alphabeta omnes litteras, quod universale ante multa Scholasticis, Theologicum aliter: Nec in prædicando, pro communi naturâ singulis individuâ inexistente, quod universale in multis Scholasticis, Physicum aliter: Nec in repræsentando, pro communi notione mente conceptâ, & à multis singularibus abstractâ, ita ut quod antea erat singulare, & materiæ immersum extra mentem, in mente quasi materiæ expers evadat, quod universale post multa Scholasticis, Logicum aliter: Verùm in essendo, pro communi ideâ substantiali singularum specierum, singulorumquè rerum generum, liberatâ ab omni materiâ, extra Deum individuas creaturas & mentem hominis alicubi existente, ex cujus participatione reliqua omnia singularia suam essentiam accipiant, & ad cujus, tanquam exemplaris causæ, exemplar reliqua omnia à naturâ naturante sint creata, atque etiamnum à naturâ naturatâ producenda, quod universale præter multa Scholasticis, Metaphysicum aliter, cujus studii sunt per se abstracta, item Ethicum,

quatenus in ejus contemplatione summam utriusque beatitudinis, proram, inquam, & puppim τοῦ αὐτοῦ καὶ τοῦ πρῶτου collocavit Plato, teste Aristotele.

2. Quid ergò Aristoteles? Ille verò non tam Xenocratem, aliosquè Platonis discipulos, malè præceptoris sententiam de ideis accipientes, vellicat, quàm ipsum Platonem præceptorem directè, à quo, si Philopono credimus, cùm ipsum audiret, in hoc argumento semper dissensit. Quid enim aliàs opus tantà præmunitione, quàm nunquam usus aliàs? Quid sermonis ad Platonem directione? Neque est, quòd παρρησιασθέντες Philosophi, qui instar muli præceptoris suum calce percussisset, quis objiciat. Neque enim simile vero, ipsum quid affinxisset Platoni hanc partem, cùm facilè potuerit conijcere, quantà eo pacto reprehensionem & invidiam incursum esset apud Platonis discipulos, qui injuriam communi præceptori factam haud dubiè re recenti ulti fuissent.

3. Refutat autem hunc ejus ideismum imaginarium hoc quadrigario rationum. I. Quia in bono detur prius & posterius, cùm aliud sit in substantià, quæ prior naturà & cognitione, aliud in accidente, quod posterius, quomodo prius v.g. homo, qui substantia, quàm rautus, veluti trium cubitorum, quæ quantitas, aut talis, veluti albus, quæ qualitas, aut ad aliquid, veluti pater, quæ rela-

relatio, in ideâ communi non item. II. Quia bonum non sit in eodem prædicamento, sed aliud in substantiâ, ut mens, aliud in quantitate, ut mediocritas, aliud in qualitate, ut virtus, aliud in relatione, ut bonum utile, aliud in passione, ut curari, aliud in quando, ut occasio, aliud in situ, ut sedere, aliud in habitu, ut splendide vestitum esse, quorum autem communis idea, ea sint in eodem prædicamento, cum prædicamenta sint summa genera, quæ de prædicamentis æqualiter prædicantur. III. Quia boni, quod in diversis prædicamentis, non sit una scientia, sicut eorum, quorum eadem idea, cum unius generis non sit nisi una scientia: Quin tantum abesse sit, ut boni, quod est in distinctis categoriis, sit una communis scientia, ut ne eorum quidem bonorum, quæ sunt in eadem categoriâ, detur talis, v. g. mediocritatis, quæ & à Medico attenditur, & ab Ethico, & à Gymnasiarchâ, diversis artificebus diversè. IV. Quia ideæ & ideati eadem secundum Platonem, & sequaces, sit definitio, quorum autem definitio eadem, illa quoque sint eadem, cum unius rei non sit nisi una ut essentia ita definitio essentialis.

4. Breviter: Cum Plato suas Ideas iisdem vestiatur nominibus, quibus ipsas res, additâ sensibilibus voce αὐτῶ, ita ut Idea, verbi gratiâ, τοῦ ἰσχυροῦ unuscujusq; sit ipsi in genere

τὸ αὐτίκασιν, in specie verò, idea ἵππου equi αὐτοίπῳ ὁ ipse equus, ἐπιθυμίας cupiditatis αὐτοεπιθυμία ipsa cupiditas, βελησίως voluntatis αὐτοβελησίς ipsa voluntas, δόξης opinionis αὐτοδόξα ipsa opinio, ἀληθείας veritatis αὐταλήθεια ipsa veritas, καλοῦ pulchri αὐτόκαλον ipsum pulchrum, γράμματος litteræ αὐτογράμμη ipsa littera, τῷ ἀλφᾷ καὶ βῆτα αὐτοἀλφα καὶ αὐτοβῆτα ipsum alpha & ipsum beta, ἀγαθοῦ boni αὐτοαγαθὸν ipsum bonum, ἀνθρώπου hominis αὐτοάνθρωπος ὁ ipse homo, cujus auctoritatem secuti Stoici τὸν πινὰ ἄνθρωπον dixerunt hunc hominem, τὸν ἕπνα ἄνθρωπον ipsum hominem, ideò differre nequeunt γ, g. ipsum in præsentī argumento per se bonum, & bonum quodvis, ipse homo & homo quilibet. Aut enim idea boni & hominis est eadem cum bono & homine, aut distincta: Si eadem, cur distinctâ voce denotatur ipsum bonum & bonum, ipsum bonum per se, quâ bonum, & bonum quodlibet, bonum particulare & bonum universale sive separatum? Cur item ipse homo & homo, ipse per se homo, quâ homo, & homo quilibet, homo in materiâ, & homo separatus à materiâ? Sin distincta, cur eadem utriusque definitio?

γ. Dicit Platonis armiger, Platonem, & cum eo Stoicos, quòd animadverterent, individua subindè mutari, atque interitui esse obnoxia, ideò essentias tales, non quæ
in in-

in individuis ipsis mutabilibus, sed extra res individuaquæ subsisterent, omni mentis operatione remotâ, adornâsse. Regero, id inconsulto angure ipsos fecisse, quoniam perpetuitas non mutat naturam rei, cum sit accidens, adeoque modus, qui non facit differre, sed forma essentialis. Prius quippè res est, postea verò talis vel non talis.

6. Instabit pro magistro suo, eum summam beatitudinis collocâsse, non in contemplatione boni in essendo, sed in causando, hoc est, in contemplatione divinæ essentiae, adeoque efficienter atque objectivè in Deo nobis se communicante, formaliter verò in agnitione & amore & fruitione ejus. Respondeo, immò responsito, id perspicuè falsum esse. Quicquid enim Plato de ideis, ingentis flammæ exiguis scintillis, more suo peroreret, facit tamen eas naturas atque essentias communes, à Deo atque individuis creaturis distinctas.

7. Quanquam in hâc materiâ, nec ipse Plato sibi satis constet, nec Platonici. Non Plato. Nam quandoque ipse Deus ei venit nomine ideæ, quandoque imago in mente Dei formata extra Deum, quam ille in rerum creatione intuitus sit instar opificis, quandoque naturæ separatæ seorsim subsistentes, rebus subsistibilibus priores. Non Platonici. Alii siquidem in Deo has collocant, ut radios in luce. Ἀθεολόγως! Sic quippè

quippe Deus non effugeret compositionem, cum ideæ sint materiales & accidentia, Deus autem usquequaque simplex, quorsum ideæ in Deo realiter idem cum Deo, nec nisi ratione distinctæ, in ordine videlicet ad distincta ideata, quo fit, ut idearum diversitas in Deo nihil sit aliud, quàm divina essentia, diversimodè à rebus diversis imitabilis in suo gradu, quæ imitabilitas fundamentum relationis sive ideæ in Deo. Sicut enim sapiens architectus ante omnia concipit formam & ideam ædificii futuri, sic Deus sapientissimus rerum formas atque imagines ab æterno intra se concepit, ad easquè in productione entium respexit. Alii extra Deum easdem collocant in mente incorpore, quas velut exemplaria rerum æterna Deus in rerum conditu instar archidædali cujusdam intuitus sit. Ter *ἀθεολόγως*, semel, quia Deus sic extra se & substantiam suam haberet, quod intueretur instar opificis manuaril, sicquè perfectionis, saltem alicujus, expers foret, iterum, quia sic substantia Dei varia, quasquè distinctis ac infinitis imaginibus, res distinctas referentibus, picta esset, cum variarum rerum specie differentium varia sint exemplaria, demùm, quia sic substantia Dei mutabilis esset, quoniam species, quæ v. g. referret vere rosam existere, illa hiberno tempore hanc dele-

deletam referret. Deinde, ut maximè ipsum Deum per ideam suam significasset Plato, in cujus visione & unione ultimò vertitur illud ultimum, quod consequens homo beatus dicitur, tamen quia hunc beatitudinis gradum nemo, nisi Dei beneficio, potest assequi, cum non sit volentis id, neque currentis, sed miserentis Dei, idèd Plato, homo Ethnicus, eum effigiare haud potuit.

8. Quò summam manum huc tabulæ imponam, quando agimus de summo hominis bono, id bonum quærimus, quod natum à nobis acquiri, in nobis fieri, à nobis possideri, neque possideri tantum, verum & exerceri, quale bonum neutiquam idea, tum quia omnes artes & scientiæ bonum quoddam sibi propositum habent, nulla autem ex omni numero cognitionem exposcit ideæ, nominatim nostra hæc, quæ dum finem hominis investigat, non ad Platonis ideam confugit, sed illud æstimat ex notis suis ac criteriis, planè sicut qui hominem aliquem ignotum cupit inquirere, non conditiones ideæ hominis primum, aut hominis in universum, inquit, sed illius ipsius, quem quærit, persuade, quâ facie sit, quo capillo, quâ figurâ corporis, tum quia in singulis rebus versantur omnes, idea autem sejuncta est à rebus singulis. Quanquam enim præcepta artium universalis sint, cum singularia,

ria, quæ propemodum infinita, præceptis contineri nequeant, tamen ubi ad usum atque opus ventum est, circa res singulas attinentur, neque magis intendunt universalis, quàm Hippocrates hominem in communi, cùm medicinam faceret Calliæ, homini singulari: Quia tantum abest, ut medicus separatim bonum quærat, ut nec de separatâ valetudine cogitet, verùm de sanitate in hoc vel illo homine producibili, cùm singulos curet. Quæ res satis convincit, Platonis ideam imaginariam esse in beatæ vitæ regimine definiendo, ideoquè in Utopiam Platoniam relegandam.

CAPUT. XXIII.

Annon Beatitudo Formalis consistendo consistat in Actione Morali Studiosâ cum Peripateticis?

§. I. *Immò verò*, idquè ob τὸ ἀπ' αὐτοῦ ὡς καὶ beatitudinis, sive ob duodecim ἀρετὰς ejus famosa, quæ in hâc, tanquam in centro, concentrant, quoniam per eam, putà actionem studiosam, formaliter & proximè beamur Philosophicè.

2. Quamvis enim in primis, operatio sive actio virtutis, cùm sit accidens, non sit perfectissima in ratione entis, cùm ut sic sit imperfectior substantiâ animæ, illiusquè potentiis, quarum est operatio, immò ipsæ divites, quatenus sunt entia & substantiæ
confi-

consideratione Metaphysicâ, tamen consideratione Ethicâ, per quam quærimus, non esse novum, sed perfectionem compositi jam existentis, est in suo genere perfectissima, tum ex objecto, tum ex modo attingendi illud objectum, terminoque.

3. Quamvis item in secundis eadem operatio virtutis non videatur esse ens permanens cum Stoicis, sed successivum, atque in fluxu constitutum, ut quæ sit quid constans ex multis, quæ jam transierunt, atque uno tantum, quod adhuc est præsens, progressuque temporis augeri possit, neque totius, sed partis, hoc est, modò hujus modò illius virtutis, non omnium simul, eò quòd homo non valeat insimul fungi munere omnium virtutum, tamen ut non audiat tale ens quoad continuationem actionum numericam, audit nihilominus quoad specificam, si minùs quoad professionem extrinsecam, ratione externarum actionum, quæ variè impediri possunt, minimùm quoad intrinsecam, respectu agentis, atque actionum internarum, quomodo v. g. propositum siue animus fabricandi in fabro fabrum denominat, licet non semper fabricetur, semperquè adsit terminus illius operationis ultimus, similiterquè animus relevandi medicum, licet non sit in medico semper relevetur ut æger. Ne dicam, morborum vi ipsam quoque virtutem beatificam

cam Stoicorum posse impediri, quò minùs se actu exercito exerere possit semper. Et quid mirum, beatitudinem constare ex multis, quæ præterierunt, atque uno præfenti, cùm ipsa vita ex talibus constet, ut quæ in perpetuo fluxu consistat, cujusquæ non tantùm plurima non sint præsentia, sed nihil ejus præsens, nisi vitæ punctum, quod terminus præteriti, initiumquæ futuri. Neque enim vel dies, vel hora vitæ una, tota præsens est, nedum infantia, pueritia, adolescentia, statura ætas, aut senectus tota. Quare dicendum, beatitudinem significare quid permanens, eò quòd collectionem actionum denoret, hocquæ actiones permanentiam habere modo, licet singulæ, & unaquæque earum seorsim sumpta, transeant, planè sicut vita ipsa permanens quid, etsi singulis momentis aliquid ejus depereat. Quod attinet augmenti periculum, quasi cum actionibus crescat beatitudo, ad excipimus etiam vitam, siquidem ad plures annos duret, extendi, neque tamen augeri, similiterquæ beatitudinem, ut quæ non ponatur in singulis actionibus, sed in omnium congerie? Quemadmodum enim senex nemo dicitur propter hunc aut illum aut istum annum, quem vixit, si seorsim singulos sumas, ita beatus haud est quis, quòd cum rectè egit, illo tempore, sed quòd hoc illo isto. Quare, etsi supra unam actio-

actionem virtutis semper esse altera possit, quæ ei addatur, ultra ipsam tamen beatitudinem nihil est, planè sicut ultra unum annum senectutis esse potest alius, neque tamen quidquam ultra senectutem ipsam.

4. Quamvis porrò in tertiis beatitudo videatur potiùs esse in prædicamento qualitatis, quàm actionis, cùm ab eâ denominemur quales, hoc est, beati, & qualitate aliquâ præditi, tamen id citra fallaciam figure dictionis statui nequit. Utut enim τὸ beatum esse videatur significare qualitatem, verà tamen re denotat actionem, sicut cognata vox perfecti qualitatis significationem præ se fert, cùm sæpè significet substantiam. Taceo, quòd beatitudo aliter quoque exprimi possit, idquè per voces, quæ apertè inferunt atque implicant actionem, ut per τὸ εὖ ζῆν, rectè vivere, εὖ πράττειν, rectè agere, ὁμολογομένως καὶ κατὰ ἴνα λόγῳι ζῆν, ἀκταλούθως τῇ φύσει ζῆν, convenienter rationi & naturæ vivere.

5. Quamvis deniq; in quartis virtus facultate includat actiones virtuosas, tãquã causa efficiens, ideoquè præstantior esse videatur actionibus virtuosis, ordine naturæ generantis & cõponentis, tamen non est præstantior ordine naturæ intendentis, quomodo nobilius ac præstantius id, cujus gratiã quid est: Atqui habitus est propter actum, virtus propter actionem suam, tanquam perfectionem

tionem ultimam, quæ Ideò pensior in
 comparatione, in quâ propterea rectius
 summa beatitudinis collocatur cum Peri-
 pateticis, quàm in illâ cum Stoicis.

CAPUT. XXIV.

*Quid Actio Moralis, & quotuplex, cum Diffe-
 rentiâ Moralitatis, Indifferentiâquè, ex Spontanei
 atque Inviti fontibus.*

§. I. *Actio Moralis*, (quæ objectum ma-
 teriale Ethicæ, sicut actio moralis
 honesta sive studiosa, ejusdem objectum
 formale,) est motus naturalis in homine,
 ad bonum vel malum morale determinans,
 mediantibus intellectu practico voluntate
 phantasiâ appetitu sensitivo & locomoti-
 vâ factus, geminum habens esse, unum Phy-
 sicum, quod in actibus positivis, ut in com-
 missione, est positiva ipsorum tendentia in
 suum subjectum, maximè formale, à quo
 speciem suam accipit, in privativis verò, ut
 in omissione, privatio ac carentia actus,
 alterum Ethicum, quod ipsum naturale
 actuum, prout eliciuntur ab homine ra-
 tione utente.

2. *Actio hac Moralis universè, vel Diffe-
 rens est, eaque vel Bona vel Mala, vel Indiffe-
 rens, si minùs in individuo, ut est vestita
 omnibus suis particularibus circumstantiis,
 minimùm in communi suâ naturâ, ampu-
 tatis*

tatis ac præcis circumstantiis, quoniam ex se talis, ut possit bonas vel malas habere circumstantias. Probat, quia objectum humanarum actionum triplicem ordinem sortiri natum est ad rectam rationem, unum convenientiæ, unde consurgit actio bona, quæ refertur in finem debitum, alterum disconvenientiæ, unde mala, quæ refertur in finem indebitum, nullumvè, tertium indifferentiæ, unde præter boni & mali differentias consurgit tertia, & ipsa positiva ac realis, quâ actio suapte naturâ constituitur in specie indifferentis, cujus objectum bonum & malum indifferens secundum speciem suam.

3. *Ut ita Actio Moralis Differens adhuc duplex sit, Bona videlicet & Mala; & quidem vel in actu primo, quatenus potis est reddere hominem bonum aut malum, vel in actu secundo, quatenus actio facit talem, quarum actionum altera est & cluit objectum Ethices materiale positivum, quod illa docet operari, qui finis in habitibus Practicis, altera verò objectum negativum, quod eadem dedocet operari, non agens per se de illo, verum per accidens, nec nisi reductivè.*

4. *Utraque, tam Bona quàm Mala, Spontanea sive Voluntaria, atque ἀκούσιμα utraque si minùs explicitè semper, minimùm implicitè. Dico, sive voluntaria. Quanquam enim*

enim τὸ sponte in latitudine etiam rebus inanimis & brutis conveniat, cum sit vox ab uno, ideoque primò aliquid significet, aliud secundo loco, quomodo equum dicimus spontè per prata currere, dum solutus est frenis, vermes spontè se contrahere & extendere, lapidem spontè descendere: (cum enim eis competat operari per vim, bestiis etiam, persuade perfectioribus, per inscitiam, quod est operari invitè, quidni & τὸ sponte, quoniam opposita sunt nata fieri in eodem,) propriè tamen animatis rationalibus tribuitur, nominatim homini. Quid enim aliud spontè agere vi etymol., quàm voluntate propriâ spondente agere, quæ voluntas, à quâ denominativè dicitur voluntarium, non cadit in bestias, nedum in inanimata. Taceo, quòd τὸ operari verè spontè, ad actiones dignas laude & viru perlo, præmio vel pœnâ, pertineat, quæ homini propriè competunt, non etiam jumentis & feris, quæ non habent dominium sui actus, cum non tam agent, quàm agantur, ideoque nec veram spontaneitatem, quam habet homo. Scilicet τὸ operari spontè, est operari cum appetitu: Operans cum appetitu, vel operatur sine cognitione, ut inanima, & animata imperfectiora, vel cum cognitione, eâque vel obscurâ, ut animata irrationalia perfectiora, vel distinctâ, ut homo, qui *γινώσκων* spontè agit, quia agit cum vo-

voluntate & ratione.

5. *Sicut verò Actio Moralis Differens, ex-
quæ tam Bona quàm Mala, Spontanea est si-
ve Voluntaria, ita Actio Moralis Indifferens,
sive nec Bona, nec Mala. Invita sive Invo-
luntaria ferè, vel ideò, quia omnis actio-
num bonitas ac malitia moralis non ab o-
pere aut eventu æstimanda est, verùm ab
animo, qui si abest, uri abest in invito, mo-
raliter quis nec benè nec malè fecisse præ-
sumitur.*

6. Quod dixi de eventu, id eventuali-
ter, & cum interinctionis commate acci-
piendum est. Vel enim eventus ille est præ-
cogitatus, vel incogitatus: Si prius, addit
ad bonitatem vel malitiam: Si posterius, si
per se sequatur ex actu, & ut in pluribus,
tunc addit ad bonitatem vel malitiam ac-
tus, sin per accidens, & ut in paucioribus,
non item. Neq; enim judicium datur de re
aliquâ secundum illud, quod est per acci-
dens, sed solùm secundum illud, quod est
per se, quomodo virtutem causæ judicari vi-
deas secundum effectus per se, non per ac-
cidens, conquè venienter poenam, quæ in-
fligitur. v. g. domino bovis cornupetæ, au-
geri quidem ex eventu, sed quatenus ille
per se sequitur ex tali causâ, ut non præin-
tendus, ita præcogitatus, saltem non incog-
itatus.

7. *Secundum illud noscitur possunt, quædam*

E

17. 11.

argutulus, quanam actiones sint moraliter differentes, hoc est, bona vel mala moraliter, quæ indifferentes, hoc est, nec bona nec mala moraliter? Ex necessariorum requisitorum affectu vel defectu, præsentia vel absentia.

8. *Actiones Moraliter Bona sunt, quæ habent hæc quatuor requisita conjunctionem, Voluntatem Agentis, Bonitatem Objecti, Bonitatem Finis, denique Bonitatem Circumstantiæ.*

9. *Sola voluntas agentis non constituit actionem bonam moraliter, tum quia, tanquam causa efficiens extrinseca, non est de essentiali actionis, ideoquæ inter actiones essentialem differentiam constituere nequit, tum quia, à quâ voluntate procedere potest bonitas, ab eadem etiam malitia. Nec obstat, quòd à voluntate petantur delictorum gradus, ratione majoris minorisve intensivæ, extensionis, protensionis, Sicut enim ob majorem approximationem ignis ad aquam gradus caloris intenduntur in aquâ, essentialis tamen caloris à frigore differentia inde non ducitur, gemino modo voluntarium augeat quidem bene vel male factum, essentialem interim ei differentiam non largitur, non plus, quàm circumstantiæ, quæ delictum augent, non faciunt.*

10. *Sola objecti bonitas non constituit actionem bonam moraliter, speciemquæ siue specificationem huic dat. Tametsi enim objectum distinguat*

guat actus inter se, v. g. actum furandi ab actu latrocinandi, tamen in genere moris primò & per se non distinguit actus bonitatem à malitià, sed benè secundariò, & per accidens, ut si quis fureretur, quò dec eleëmofynam. Sicut enim dare eleëmofynam bonum est, quia est objectum conveniens, quod exhibeatur pauperi, talequè esse judicatur à rectâ ratione, ita non dare eleëmofynam pauperi, cùm debeas, malum atque inconforme rationi, eripere eidem eleëmofynam, quam ab alio acceperit, id verò pejus in comparatione, magisque inconforme rationi, quarum actionum species ex objecto utique.

11. *Sola finis bonitas, aut intentiò boni finis, & ipsa non constituit actionē moraliter bonam*, quia enim fieri potest, ut finis sit optimus, media verò pessima. Ita exerceat quis v. g. prædatoriam terrâ, piraticam mari, quò proximum cum paupertate conflitantem sublevet, bonam ille quidem rem intender, sed non benè, intentionemquè habebit boni, at non bonam, quæ non permittit electionem mediæ malæ. Sicut enim ex veris principiis non potest inferri falsa conclusio, ita nec ex intentione bonæ electio turpis. Ut ita ad formalem bonitatem actus non magis in sensu diviso sufficiat bonitas finis, quàm bonitas objecti, cùm quod bonum sæpè est ex objecto, id malum sit

ex fine, ut si quis eleëmofynam det vanæ glóriolæ causâ, & contrâ, quod bonum est ex fine, id malum fit ex objecto, ut si quis misericordiâ motus eleëmofynam det eo fine, quo dari solet, verùm de alieno, sive re furtivâ.

12. *Sola denique bonitas adjuncta circumstantia non constituit actionem moraliter bonam*, semel, quia non pertinet ad substantiam actus, iterum, quia quod bonum sæpè est ex objecto & fine, id malum nonnunquam est propter solam circumstantiam, cùm optimæ actioni possit adhærere circumstantia pessima. Sic pugnare v g. cum hoste propter victoriam, in bello licito, bonum & ratione objecti & finis, at si id facias loco & tempore inopportunis, malum est propter circumstantias, quæ augent quandoque tantùm vel minuunt bonitatem & malitiam moralem, quæ inantè aderat, non specificant, quomodo si quis multum accipiat de re alienâ, furtum ea res haud facit, sed reddit majus, sicut si quis multum erogat in honorem divinum, actionem bonam ea res non facit, verùm meliorem. Sed cur, quod bonum sæpè ex objecto & fine, id malum propter circumstantias? Quia enim recta ratio non tantùm præscribit, quid fieri oporteat, & quo fine, sed etiam quando & ubi, quæ ideo concurrere

convenit ad actionem perfectè bonam.

13. *Actiones Moraliter Mala sunt*, quæ aliquo horum requisitorum destituuntur ; ut si quis liberalis, verùm populariter, publice, precabundus, verùm hypocriticè & Pharisaicè. Sicut enim bonum causatur ex integrâ causâ, ita malum ex quolibet defectu. Quo fit, ut actus nostri ex omnibus modò commemoratis conditionibus videntur, & deficiente vel unâ jam non sint conformes sed diffformes rationi, licet interim præcipuè mali dicantur, quia discedunt, discessu non negativo sed privativo, à lege æternâ.

14. *Actiones Moraliter nec Bonæ nec Males sunt*, quæ cum per se ac sui naturâ sint indifferentes, bonæ tamen aut malæ fiunt, vel latâ civili lege, vel ob circumstantias adjectas. Sic digitum exerere pallio, festucam de terrâ levare, caput fricare, baculum manu movere, morales actiones non sunt, quâ tales, cùm differentiæ boni & mali in his non reperiantur, sicut nec, quòd Paulus, Apostolus gentium, Timotheum circumcidit, non circumcidit Titum, tempore nascentis Christianismi, rebus indifferentibus pro tunc usus indifferenter, contrâ quàm fecit Petrus Coëpistolus, qui contra naturam rerum indifferentium coëgit gentes Judaizare, rebus indifferentibus usus ut necessariis.

15. Quòd si excipis : Inter contradictoria non dari medium , ergò nec inter actiones moraliter bonas & malas ! Redexcipio, has non contradictorias , sed contrarias esse. Si instas : Objectum vel esse conforme rationi, vel inconforme, nec dari tertium ! Obinsto, dari, non quidem positivè, sed negativè, hoc est, non quidem per deformitatem aut difformitatem positivam, sed per non-conformitatem, quæ mediat inter conformitatem & difformitatem sive deformitatem.

C A P U T XXV.

Viriusque, tam Spontanei, quàm Inviti, sectio in re Simplex, & Secundum Quid : Simplicis Inviti iterum in Invitum per Vim, & per Ignorantiam, cum hujus divisionibus & subdivisionibus, Simplicisque Spontanei Compositione cum Invito Simplici, interposito judicio Philosophico.

§. 1. *Actio Moralis, tam Spontanea, quàm Invita, vel Simplex est, vel Secundum Quid.*

1. *Actio Moralis Spontanea Simplex est, quando actionis principium est in eo, qui agit, cum singularum circumstantiarum cognitione, sive, cum quis illud, quod in sua potestate est, volens sciensquè facit, ut si quem, quâ re, quo modo, quâ nobrem, non ignoret, & hoc ampliùs, neque casu, aut vi metuvè coactus faciat, quod facit.*

3. *Actio*

3. *Actio Moralis Simplex Invita est*, quæ per Vim, aut per Ignorantiam fit, quarum illa adversatur Potentiæ, hæc Scientiæ, absque quâ quod fit, nec benè nec malè factum dicitur.

4. *Estquè*, (ut à privativo, hoc est, non spontaneo, incedam ad positivum, hoc est, spontaneum, quia major in illo varietas, major animi advertentia, quàm in hoc, cùm invitū, ut quod pendeat à principio externo, incurrat in oculos, non item, saltem non æquè, spontaneum, quod pendet à principio interno, inincurrente in sensus:) *duplex: Vel enim est talis per Vim, vel per Ignorantiam.*

5. *Invitum Simplex per Vim est*, cujus principium est extra, atque ejusmodi, nihil ut adjumenti afferat is, qui agit, aut patitur. Græcè Philosophantibus βίαιον, Latine Philosophantibus violentum dicitur, sed rectius & correctius vi-factum. Neque enim vocabulum τοῦ βίαιου hîc est ἐνερπητικόν, quomodo ventos tempestates homines violentos dicimus, quia vim afferunt, sed παθητικόν, capiendū id de iis, quæ vi fiunt, hoc est, per majoris rei impetum, qui repelli non potest, ut cùm tempestare quis ad scopulum alhiditur, aut miles ad aram nolens vi gestatur, vel quis Rhodo pulsus eandem ad insulam ventorum impetu refertur, perquè lictorem invitum in custodiam ducitur, quæ vis utique

ad quam tria requiruntur, ut actionis principium sit externum, ut benè validum, ut nihil ad id conferat is, qui agit, aut patitur.

6. Sed juvat ἀναλύειν. Definitum est τὸ violentum. Definitur per principium, nō quodvis, sed externum, nec hoc quodvis, non utique per finem, sed efficientem, nec hanc quamvis, non utique per naturam, quæ principium internum, artemvè, cū artificum opera omnia fiant quidem principio externo, cista v. g. non suā vi, verū manu opificis, neque tamen vi, sed nec per reliqua efficientia externa, cū quis ab aliquo deportari possit volens, quod externū principium, neque tamen vi factum, verū per principium externum violentum, ubi nihil adiumenti affert is, qui agit aut patitur, quibus verbis diversis respectibus eandem personam denotat Philosophus. Eā quippè ratione, quā quis suscipit in se vim, dicitur patiens, eā porro ratione, quā compulsus agit, agens, ut, si quis baculum habens in manu, coactus à potentiore, percutiat alterum. Quæ causa, quare idem modò conjungat agentem & patientem, modò disjungat in descriptione τῆς διαίτης, & aliās τὸν διαγόμενον denominet ab agente, aliās à patiente, aliās ab utroque, quoniam nonnunquam illud, in quod externum agens operatur, solū patitur, ut fit in motu violento lapidis sursum, ignis deorsum, nonnunquam est intermedium.

dium, & partim agit, partim patitur, ut quando quid coacti agimus, quo in casu nos cooperantes sumus id, quod primus motor operatur.

7. *An verò voluntas cogi possit per externam vim, eiquè violentia inferri, sicut eam fieri videmus corpori organico, singulisquè ejus organis, nã quæstio est classica, super quâ classicum canunt Moralistæ classici, neque id uno tenore omnes.*

8. Alii siquidem distinguunt heic inter actus voluntatis elicitos sive immediatos, qualis v.g. velle, & imperatos sive mediatos, mediante aliâ potentiâ exercitos, qualis v.g. ambulare: In illis, nempè actibus voluntatis elicivis, voluntatem vim pati posse negant, ne materialiter quidem, quia procedunt ab intrinseco affectu atque inclinatione ipsius voluntatis, adeoque à principio intrinseco, jam verò repugnat, esse quid voluntarium, sive ab inclinatione intrinsecâ, & principio intrinseco, & esse violentum, sive à principio extrinseco, contra inclinationem intrinsecam, quæ contradictio in adjecto, cum velle sit naturaliter ad aliquid inclinare, sive ex interno principio ad id ferri, cogi verò ab externo principio & non naturali moveri: Aut, si voluntas etiam quoad actus elicitos vim potius esse pati, tunc vim illa patietur, vel antequam actus illi elicantur, vel postquam sunt eliciti.

Non.

Non antequam eliciantur, quia fieri nequit, ut ab aliquo quis cogatur, hoc ut velit, illud nolit, nisi mutata voluntate cœperit nolle, quod voluit, velle, quod noluit, & quia sic homo, siquidem cogi posset ad actum voluntatis eliciendum, imperfectior foret bestiis, quarum appetitum nullus cogere merus potest, cùm sit naturalis, positisquè omnibus ad agendum necessariis requisitis connecessarius, quomodo nemo v. g. facere potest, ut non delectetur aranea textu telæ: Sed nec postquam sunt elicit, quia impossibile, cùm vellis, ut ab aliquo cogaris, ut nolis, quoniam nemo simul potest velle & nolle: Adeoque, si cogeretur voluntas, tum verò cogeretur, vel à iudicio intellectus, vel à concursu divino, vel ab affectibus, vel à violentiâ, vel à lege: Non à iudicio intellectus, quia sic semper, positis duobus inæqualibus, majus præferret minori in electione, quia hoc mens celebrandum iudicat, cùm sæpè præoptet minus: Non etiam à concursu divino, cùm cooperatio Dei & creaturæ sit actio una eadēquè, nulla autem actio una eademquè cogat seipsam violenter: Nec ab affectibus, quia si affectus cogerent voluntatem, tunc semper id facerent, atqui sæpè his reluctatur voluntas, rectæ rationis directorium secuta: Sed nec à violentiâ, quia, quâvis ea cogere possit locomotivâ, ne exequatur, quod voluntas vult, omni animi conatu.

tu, tamē in medio violētī ardore nō cogitur, quo exemplo videmus, hominē cruciarium, eōpse articulo, quo ad crucē abducitur, velle inabduci: Nec deniq; à lege, quia, quāvis ejus obligatio cogat Politicē voluntatem de jure, tamen non cogit Physicē de factō, renitente sive in contrarium nitente voluntate. In his, (nempe actibus voluntatis imperativis,) voluntatem omninō vim pati posse ajunt, in quantum per externam vim exteriora membra impediri queunt, quō minū imperium voluntatis exequantur. Quanquam enim sit in cujusq; manu, quid velit, non est tamen peræquē sive adæquē, quid possit, vel facere cuiquam, vel pati à quoquam. Ut ita voluntas vim pati possit in actibus aliarum potentiarum, quę agere atq; applicari ab extrinseco possunt ad agendum, homine renitente per voluntatem, ut cū quis aliō invitus rapitur, contra voluntatem atq; appetitum elicitum, quod ubi fit, homo in actibus imperatis materialiter patitur vim. Cū enim actus illi sint violenti, voluntarii utique esse nequeunt, imperativē à voluntate.

9. Alii inter coactionem βίαιαν civilem, & ἡμετερικὴν moralem, quarum altera in armis gladiis externâquē violentiâ consistit, nihilquē est aliud, quàm compulsio ad actum, aut actus inhibitionem, à principio extrinseco, naturali voluntatis inclinationi contraveniens, violenta, inquam, im-

pulsio, ab externo principio profecta, altera verò, quâ spes præmii laudis honoris, alicui proponitur, delicti gravitas ostenditur, pœnæ subsecuturæ, infamiæquæ ac vituperii notæ, ob oculos ponuntur. Voluntas ut sic cogi potest, non priori, sed posteriori modo, putà moraliter, non civiliter. hoc est, impelli, moveri, flecti, atque ad frugem perducì potest voluntas, non autem cogi propriè.

X. *Invitum Simplex per Ignorantiam sive ex Ignorantiâ* est, cùm ignorantia est causa actionis, non aliud quidpiam, quod ignorantiam induxit, putà, affectus aliquis, aut corporis, ut ebrietas, aut animi, ut ira, qualiter agentes ignorantes quidem agunt, sive cum ignorantia, at non ignoranter, sive per ignorantiam, quoniam in illorum potestate fuit, istâ ignorantia, quæ principium actionum invitarum internum, propter quod homo in actione actionisvè circumstantiis errat, princepsquæ adeò causa, cur quid agamus, non acturi, nisi illa adfuisset, non laborare.

II. *Ignorantia hæc variè dividitur in Scholis.* 1. *Respectu Intellectus in Theoreticam & Practicam.* Ignorantia Theoretica est, cùm ignoratur, an, quid, & qualis res sit: Practica, cùm ignoratur, utrùm illa sit bona, vel mala. Conjunctam hæc quandoque habet Ignorantiam Theoreticam, & plenamque Ignorantiam, quam vocant, Inter-

pretativam, quæ nihil aliud, quàm inconsiderantia intellectus, cum quis, quamvis sciat id esse malum, quod vult, non considerat aut recogitat tamen, certè non ita diligenter, atque vel poterat, vel debebat.

12. Respectu hinc Voluntatis in Voluntariam & Involuntariam. Ignorantia Voluntaria est, quæ directè vel indirectè est volita. Duplex numero. Vel enim est Vera, vel Simulata sive Affectata. Ignorantia Voluntaria Vera iterùm aut Actualis est, simpliciter ipsoquè actu talis, Concomitans Scholasticis, eò quòd comiteretur voluntatè, ut cum quis, quod facit, facit quidem ignorans, sed id ipsum faceret, si maximè sciret, v.g. interficit hostem suum ignorans, idem facturussciens, aut Virtualis, talis virtualiter, quoniam causa, quâ quis sibi hanc ignorantiam contraxit, fuit voluntaria, ut si quis cum Lacedæmonis approbet furta ingeniosa, antecedente sepulturâ morali seminum, de justo & injusto, honesto & inhonesto, in animum divinitus sparforum. Adhuc duplex, Dispositiva videlicet & Habitualis. Ignorantia Dispositiva est, cum quis ex affectu quopiam, aut levi de causâ, consentit in causam ignorantiam, v. g. homo in ebrietatem, iramvè: Ignorantia Habitualis est, cum quis constanti quâdam consuetudine istam ignorantiam, sive cæcitatem in suscipiendis consillis, sibi petulanter attraxit, v. g. pater ebrius.

ebriositatem iracundiamvè, non jam peccans per illas, sed per has. Ignorantia Voluntaria Simulata est, cùm quis simulat se ignorare, quod scire nollit, ut si medicus opium pro apio præbeat. Affectata audit aliter, propter ignorantiae affectationem, quoniam per eam nescimus, saltem nesciturimus ea sæpè, quæ inquirere ac scire poteramus, debebamusquè, & de jure, & de facto, & in universali, & in particulari. Hæc qui peccant, non peccant propriè δι' ἀγνοίας, verùm ἀγνοῦντες, sicuti per ignorantiam in affectatam, hoc est, probabilem & improvidam qui peccant, non ἀγνοῦντες, verùm δι' ἀγνοίας. Ecquâ de re? Quia enim in affectatâ ignorantia erroris causa non est propriè incertitia, sed agentis voluntas improbitas & ignavia, in in affectatâ verò & probabili causa non agentis inertia, sed fortuna, quin immò ignorantia ipsa, eò quòd in tantâ forruitorum casuum varietate multa etiam maxime prudenti accidere possint non prævisa, aut non satis cognita, ut si forte fortunâ pater familiâs domi suæ recipiat furem, quem talem esse nesciebat, patervè in testamento prætereat filium, nunciatâ falsò ejus morte. Unde etiam pro involuntariâ habetur. *Ignorantia Involuntaria* est, quæ neque directè neq; indirectè est volita. Et ipsa duplex numero. Vel enim est Negativa, vel Privativa. Ignorantia Involuntaria Negativa est mera nesciens-

nescientia ejus, quod quis nec scire poterat, nec debebat. Ignorantia Antecedens Scholasticis, eò quòd omnem actum voluntatis antecedar, item invincibilis, eò quòd morali diligentia superari nequeat, causaquè sit, ut quis quid velit, quod si sciret, noller. Ignorantia *ἡγὴ δ' ἀπίφασιν* Græcis, simplicis negationis Latinis. Adhuc duplex, Juris nimirum & Facti. Ignorantia Negativa juris est, cum quis nec debuit nec potuit illud jus, in quod peccavit, scire, ut cum malè caligatus Caligula jura sanxit, sed vel illa non promulgavit, vel minutissimis characteribus descripsit, & quidem in loco angusto atque obscuro. Ignorantia Negativa Facti est, cum quis factum aliquod ignorat, quod nec scire poterat, nec debebat, ut si peregrinabens nesciat decessisse eum, cujus ipse est heres. Ignorantia Involuntaria Privativa est nescientia ejus, quod quis & poterat scire, & debebat. Ignorantia Vincibilis Scholasticis, eò quòd morali diligentia superari queat, & *Ἀγέθισιν* Græcis, pravæ dispositionis Latinis. Et ipsa duplex, Juris videlicet & Facti. Ignorantia Privativa Juris est, cum quis jus suum, in quod peccavit, scire poterat, aut debebat, idquè tam universale, quale jus naturæ, in quo nemo sanè mētis, & justæ æraris, potest ignorantiam pretendere commissis suis ommissivè, cum præcepta ejus adeò sint evidentiæ, ut consilii regionè fuge-

re nequeant, quàm particulare, quale positivum, in quo consimiliter nemo rectè mentis & ætatis potest allegare eandem, cùm quilibet teneatur scire jus suæ Reipublicæ, in quâ agit, exceptis specialibus casibus, in quibus ipsius juris dispensatione & dispositione indultum est jus ignorare militibus, fœminis, rusticis, minorennibus. Ignorantia Privativa Facti est, cùm quis ignorat factum esse, quod scire poterat homo, neque omninò curiosissimus, neque omninò negligentissimus, vel brevius, cùm quis ignorat factum, idquè vel suum, vel alienum. Ad ignorantiam facti nostri pertinet artificum imperitia, quæ culpæ annumeratur, ad ignorantiam verò facti alieni, cùm quis v. g. propter locorum intervalla non resciscit cognatum vitâ functum esse, seriusquè ex eo petit hereditatem, quarum ignorantiarum prior affectata ferè, posterior probabilis. Ignorantia hæc Facti universè, vel Objectorum est, vel Mediorum, vel Finium. Ignorantia Objectorum iterum est, vel Personarum, ut cùm Jacobus patriarcha Leam duxit pro Rachele, vel Rerum, ut cùm Ceres, à Tantalò invitata, carnem humanam inscia comedit, vel Verborum, ut si quis inter loquendum per imprudentiam verba quædam proferat, quæ nunquam in animo habuit proferre. Ignorantia Mediorum vel

Instru-

Instrumenti est, ut si quis alium bombardâ transverberet, ignorans eam esse saburratam pulvere pyrio, hastâvê lædat, quam putabat esse obtuso mucrone, cùm fuerit acuto, jactuvê lapidis vulneret, cùm non putârit esse lapidê, sed pumicem, vel Modi, ut si quis gladiatorum, gladio alterum leviter attracturus, graviter eum cōsauciet, talovê astragalo clavi aut cucumâ quem interficiat in rixâ, vel Loci, ut si quis bombardâ in castris aut munitionibus jovialiter explodat, ignorans hoc ipsum esse prohibitum, vel Temporis, ut si quis die veneris carnibus vescatur, nescius interdicti pseudo-ecclesiastici, profestovê diem divinam faciat, credens eum esse festum. Ignorâtia Finium vel est finis per sê, ejusquê vel subordinati, vel ultimi, ut si quem castigandi atque emendandi animo percussum, quis morti det, medicusvê, præbito medicamento valetudinis recuperandæ causâ, ægrotum interficiat, vel per accidens, ut si quis usum rei, ad quam accidentario casu tendit, vini v.g. Armeniaci efficiam ignoret cum Noacho. Sed hæc ignorantia ad Ignorantiam Circumstantiarum, quâ ignorantur circumstantiæ, in quibus totius actionis cardo vertitur, pertinet scilicet, quæ hæ: *Tis*, quis faciat, aut fecisse ignoret? quæ circumstantia vix ignorari potest, cùm nemo possit ignorare seipsum; *Ti*, quid faciat, aut fecisse ignoret? *Tm*, quâ
in re,

in re, seu in quem? Περὶ τί, quâ re & facultate velut organo? Ἐνεκὰ τίτος, cujus rei causâ? Πῶς, quo agendi modo? Ποῦ, ubi, seu quo loco? Ὅτε, quando, seu quo tempore? Cujus octonarii hæc ratio reddi solet à Moralistis. In actionibus, inquirunt, spectatur & res semper, & rei causa, cum suis adjunctis. De re quæri solet, quid sit, ut quòd sit factum? De causâ, utrùm efficiens, finis, materia, forma? Ab efficiente principali manat attributum quis, ab adjuvante, quo organo, à fine, cujus rei gratiâ, à materiâ, quâ in re, aut in quem, à formâ, quomodo. De adjunctis rei quæri solet, quo quid factum sit loco, & tempore, atque hinc porrò manant attributa ubi & quando. Piccolominius præallegatis circumstantiis superaddit circumstantias coram quo & quàm diu, sed harum alteram commodè ad modum, alteram ad tempus agendi modificatum, revocâssis. Alii obaddunt circumstantiam quoties, quæ inter circumstantias recenseri nequit, quia enim eæ circa eundem actum sunt, numerus autem non circumstat unam eandemquè actionem, verùm diversas. Ex his (persuade circumstantiis,) κυριώταται principalissimæ sunt, Objectum, siue res ipsa, quæ agitur, & finis, siue τὸ cujus gratiâ agitur res. De objecto seu re ratio illa, quòd facta pleraque ex strato distingui soleant, parricidium v. g. à cæde simplici, adulterium

rium à stupro : De fine ista , quòd in omni facto maximum sit positum in eo momentum , adeò , ut non tam quærratur sæpenu- merò, quid sit factum , quàm quo animo & fine : De utrisque hæc , quòd voluntatis motivum sit objectum & finis. Reliquæ circumstantiæ omnes sunt minùs principa- les , magis minusvè in suo orbe , secundum quod magis vel minùs ad hâs approximant.

13. *Respectu Operis, quod sit, vel ex Ignoran- tiâ, sive Per Ignorantiam, vel cum Ignorantiâ , in eam, quæ est causa effectus, & quæ non, quarâ priore effectus dicitur fieri per, posteriore cû igno- rantia, quæ tunc dicitur causa effectus, cû effectus non fuisset futurus, si fuisset cogni- tus, sive, si ignorantia abfuisset, quoniam ef- ficienti displicet, sicut negatur eadem fuisse causa effectus, quando is fit quidem cû igno- rantia , sed fuisset tamen futurus , si fuisset cognitus, quoniam efficienti placer.* Scilicet, quæ per ignorantiam fiunt, sive in universa- li, ut si quis ignoraret, adulterium esse turpe, sive in particulari, ut si nesciret, hanc esse u- xorem vicini , persuasum habens eam esse suam, eorum causa est ipsa ignorantia, non item eorum, quæ ab ignorantibus, qui igno- rantes quidem & cum ignorantia agunt , at non per ignorantiam, atq; ex ignorantia, ut ebrii, qui ignorantes sunt , neque tamen per ignorantiam agunt , ebrietate mentis aciem obumbrante, vel pervertente. Quod præde-
termi-

terminatum Ethicè de eo, qui agit ignorans, & per ignorantiam, idem condeterminandum de eo, qui agit iratus, & per iram. Sicut enim ignorans quis agere dicitur, quando ignorantia non est causa actionis, similiter iratus, quando ira, & sicut per ignorantiam quis agere dicitur, quando ipsa ignorantia est principalis causa conficiens, ob quam quis agit, similiter per iram, quando ira. Tametsi enim, qui per iram similem vè affectum, quid perpetrarunt, ad ignorantiae asylum confugere soleant, usitatis tamen ire atque affectibus ea tribuere solemus.

14. Denique ex consequenti, in Ἀλυπον Ἰμπεnitentem, & Ἐπίλυπον Πœnitentem. Aut enim ignorantiam comitatur dolor & μετάνοια, ut si quis eum sorore nuptias contrahat, quarum ipsum postea pœniteat, quæ ignorantia ἐπίλυπος fuerit, aut nullus dolor, nulla μετάνοια, ut de quodam refertur, qui, cum fortè emissio telo novercam læsisset, euge dixit, nec hoc malè, quæ ignorantia ἄλυπος fuerit. Quanquam hic de novercâ propriè invitus sive ἀκὼν nequeat dici, utpote qui gaudeat facto, jam verò propriè ἀκούσια invita, quæ conjunctum habent dolorem, sed nec ἐκὼν volens, quia scientia absuit, quæ in voluntariis requiritur, quare cum neque dici possit ἀκὼν propriè seu nolens, neque etiam ἐκὼν seu volens, dicetur οὐχ ἐκὼν, non volens, hoc est,

non quidem invitus, sed tamen neq; volens.

15. *Sed cur tanto apparatu de ignorantia, tamquè articulatè & partitim Doctores? Ut sciatur, quæ Ignorantia propriè actionem reddat invitam. Neque enim omnis ignorantia id facit: Non utique Theoretica, cùm invitum per ignorantiam pro principio & fundamento habeat, non insipientiam, quæ intellectus Theoretici, sed imprudentiam, quæ intellectus Practici, à cujus judicio ultimo determinatur volùtas quoad specificationem, quoquè errare errat, volens id, quod errore cognito nollit: Ergò Practica! Sed nec hæc omnis: Non utiq; Ignorantia ἐκ Προαιρέσεως, Malæ Electionis, quia heic causa facti non est propriè ipsa Ignorantia, sed potius agentis voluntas & perversitas, qui ea scire noluit, quæ potuisset & debuisset, antequam ad actionem accingeretur, si vel mediocrem diligentiam adhibuisset: Non etià Ignorantia τὴν Καθόλιν Universalis, quæ committitur in rebus absolutè judicandis, & vel bonum absolutè putat esse malum, vel contrà, quia ejus causa ipse homo, in cujus potestate erat, tam cognoscere ea, quæ cognoscenda sunt, actionis putà fines, & qualitates præcipuas, honestum, turpe, utile, (quo aspectu Ignorantia τοῦ τέλους & τοῦ καλοῦ audit Philosopho,) quàm non cognoscere, aut etiam perversè cognoscere, quod alio modo est ignorare. Non etiam Ignorantia τοῦ Συμπερίεργου*

ᾠσπονδες, siue Expedientiæ, quæ committuntur in rerum comparatione, præponenda, postponenda, postponendo præponenda, ut in universali, ut si quis ignoret, adulterium esse malum, siue in particulari, ut si quis ignoret, hoc vel illud esse adulterium, quod enim fit cum deliberatione atque electione, quod autem tale, illud non est invitum: Sed nec Ignorantia Circumstantiarum in Universali, si quis v. g. ignoret tempus, locum, & alias huiusmodi circumstantias, necque hoc tantum, verum ipsas neglectas variare res agendas, quia in his, ut ignorare non scire, in nostrâ collocatum est manu & potestate.

16. *Quæ ergo Ignorantia actionem invitat, reddit, quæ?* Ignorantia Circumstantiarum in Particulari siue Singulari, ut, si quis, cum operatur, ignoret aliquam circumstantiam, quia ea ei non potuit in particulari esse nota, filiumque v. g. percutiat, existimans eum hostem patriæ: Sed nec hæc omnis, verum Ignorantia Probabilis siue Improvidentia. Ac nec hæc omnis, verum *Ἐπίλυπη*, si quidem dolo careat, nostrâque accersita culpa haud sit.

17. *Actio Moralis Spontanea & Invitata secundum Quid est*, quæ partim interiore per consensum, partim externam per vim consciscitur, exemplo Jovis Homerici, cum Junoni, in Trojæ & Carthaginis excid

annuit vel tandem, ἐνὰν ἀέκοντις θυμῷ, volens nolente animo, *quales Actiones Mixtae sive Mixtae dicuntur aliter*, eò quod in iis misceatur quodammodò voluntas & voluntas. Verà quippè re illi, qui hoc modo agunt, volentes nolentes agunt, hoc est, voluntate remissâ & refractâ, adeoque noluntate, non quidem positivâ, quæ aversationem atque improbationem, cum impediendi studio ac conatu, conjunctam habet, sed negativâ, quæ simplex aversandi atque improbandi studium, absque impediendi conamine & tentamine, significat.

18. *Actiones hæ Mixtae, sui naturâ partim Voluntariae sunt sive Spontaneae, partim Involuntariae sive Invitae. Voluntariae sive Spontaneae.* 1. Respectu principii interni, ejusquè tam eligentis quàm imperantis: Eligentis, quia post intellectus consultationem voluntas liberè optat, quamvis appetitu semipleno, hoc est, sanè quàm ligato, tristi, atque ægrè sequaci: Imperantis, quia post voluntatis jussu facultas locomotiva exequitur id, quod voluntas voluntariè, tum optavit, amplectendo unum oppositorum, tum imperavit locomotivæ, quoad executionem subsequam.

11. Respectu mediorum sive instrumentorum, quæ libera in agentibus tunc temporis supponuntur, cùm nulla hîc sit violentia, inscientia nulla circumstantiarum.

Quamvis

Quamvis enim hic causa quædam sit externa, quæ aliquem subigit, tamen is ipse, qui agit, & cogitur ad agendum, non omnino nihil adjutorii affert, cum possit, si velit, damnum aut mortem potius subire, factum illud prætermittere : jam verò coacta voluntas etiam est voluntas, cum retineat quodque sic libertatem in delectu operum, queat, quæ alia externa opera aliis anteferre. III. Respectu finis, ad quem terminatur actio, quatenus homo agens, in hoc vel illo fortunæ articulo constitutus, vitare discipit mala, quæ metuit, & consequi bona, quæ sperat. Quod si enim v. g. jactare merces in mare fit ob salutem, ut sit, hæc quæ est finis, qui pro illo tempore expeditur, non mercium ejectio, quam non magis intendunt nautæ vectoresvè, quàm morbo laborantes medicamenta, sectiones, & unctiones, isquæ, qui has projicit, aut projici curat, hoc cognoscit, eo in casu utique non impeditur appetitus, cognitio vè, quæ principia voluntarii. *Involuntaria sive Inuita*, consideratæ ἀπλῶς, atque in genere, absque personis, locis, temporibus, aliisquæ circumstantiis. I. Ratione objecti, sive principii extrinsecus violentè impellentis, à quo agens ad actionem quasi cogitur, quam aliàs voluntas, si ex omni parte fuisset libera, nunquam suscepisset. Nemo quippe sanæ mentis jacturam v. g. facturum mercium, necessitate præsentis

non postulante. II. Ratione temporis, siue primi motus, in quo agens planè involuntariè se habet, v.g. virgo, quam horridus miles his verbis aggreditur, aut sanguinem, aut florem virginittatis. *Interim universè magis Voluntaria in comparatione, quàm Involuntaria, Spontanea, quàm Invita*, tum ratione principii, quia tunc, cùm fiunt, in optione agentis est, fierinè debeant, necnè, quæ autem ejus sunt naturæ, ut pro arbitrio agentis fieri aut prætermitti possint, ea certum est esse voluntaria, eùm principium & causa illarum sit in facientibus, tum ratione mediæ expedientis, quod & ipsum pro tunc in agentis manu, tum ratione finis, qui est eminentius bonum, ideoquè eligibilius, quare spontaneum. Accedit ad numerum, quodd ex factis his mixtis existant laudationes & vituperationes, ea autem facta, quæ laudatione ac vituperatione digna sunt, næ voluntaria.

CAPUT XXVI.

De quadrigario Actionum Mediarum, Laudabilium, Vituperabilium, Venialium, & Pœnallium moraliter.

§. I. **A**ctiones hæc Media siue Mixtæ, vel Laudabiles sunt, vel Vituperabiles, vel Veniales, vel Pœnales, saltem Non-Veniales denique.

F

2. Actie-

2. *Actiones Laudabiles* sunt, quando propter magnum aliquod atq; evidens bonum aliquid indecorum foedum ac deforme committitur, exemplo Solonis, qui abrogandæ legis vitiosæ causâ furorem, Bruti, qui liberandæ ac tuendæ patriæ gratiâ insaniam affectavit, Zopyri, qui victoriæ ergò in se admisit mutilationem, Attilii Reguli, qui conservandæ fidel ergò clavismum, Zaleuci, qui orbitatem partialem visus ob legis à se latæ reverentiam, omnes propter turpe quid, corporis non animi respectu. Est enim duplex turpe, unum simpliciter, & de se, quod nunquam honestè agi potest, ut homicidium, adulterium, quæ semper turpia, & digna reprehensione, aliud secundum quid, ut virum in magistratu constitutum per locum publicum currere, id quod ab alio fieri potest non turpiter.

3. *Actiones Vituperabiles* sunt, quando levibus de causis, & boni minoris gratiâ, turpitudine aliqua admittitur, aut quid indecens patrat, habens rationem culpabilis, propter deviationem ab ordine rationis in actu moris, exemplo Rabirii, qui pecuniæ creditæ persequendæ causâ Alexandria turpiter togam pallio mutavit, abjecto cultu Romano, item Vespasiani, qui è lotio non minùs turpiter tributum exegit urinarium, Scilicet inde actiones, ut laudabiles, ita vituperabiles, audiunt in Scholâ Ethicâ, quia

im-

imputantur agenti, propter bonitatem vel malitiam actus, cujus agens habet dominium, constitutivum ut laudis ita vituperii sive culpæ, ut in præsentiquè argumento nostro. Ideò enim prædictæ actiones laudantur, culpanturvè, quia in nostrâ potestate fuit, celebrare vel incelebrare factum, illud admittere omitterevè.

4. *Actiones Veniales* sunt, quando gravibus de causis solœcismus moralis committitur, exemplo eorum, qui turpe quid designant, subacti gravissimis cruciatibus, quibus perferendis humana natura est impar, ut si quis laceratus tormentis arcana prodar, vitæquè conservandæ causâ ex infirmitate quâdam in fugam se der, aut cum Popilio Romano, ab hoste conclusus, cum effugere non posset, ad deprecationes, sive turpes pactiones, descendat, vel cum Rutilio Ruffo, in ultimæ necessitatis præcipitio, ad rogæ Italicæ mutationem cum pallio Græculo, cujus classis facta non comitatur laus, ut facta primæ classis, nec vituperium, ut facta secundæ classis, sed venia, eò quòd non quidem sint scelestæ, ut facta quartæ classis, probrosa tamen.

5. *Actiones Pœnales* sunt, quando quocunque tandem fine scelestum quid aut impium committitur, cum nullis cruciatibus aut damnis quis adduci aut induci debeat, ut talia faciat, eò quòd non tantùm suâ vi & na-

turâ sint turpia, verum etiam fiant tur-
ter, ut si quis cum Alcæone interficiat
trem, hortante atque impellente Amp-
rao patre, si tyranni interimendi causâ
uxore ejus consuescat, mentiatur cum
tione Reipublicæ causâ, aut cum Julian-
postatæ Thesaurario, & Constantii Im-
ratoris purpuratis, metu ignominia, ex
mortis, religionem abjurer, vel ad dapes
manas cum Numantinis & Caliguritani-
niat. Quamvis enim violentissimæ heic
causæ cogentes, tamen prohibentes lo-
fortiores esse debent, efficacioresquæ, in
tione Susannæ, Josephi, Hippolyti, Cr-
qui pudicitia mortem posthabuerunt, P-
cipis Condæi item, qui religioni eand-
eamquæ tam civilem, quàm naturalem, U-
clis, qui rogatus ab amico, ut pro causâ
dejeraret, juramenti religionem præ-
perjurio, denique Antigones, quæ cont-
to Creontis inhumano edicto fratrem
mavit, inhumandum per interdictum, æ-
pletatis officio.

C A P U T XXVII.

*Quales Actiones sint Actiones Spontanea, E-
tanè, an Imperata? Et quid utraque? Quaqu-
rû Principia ac Fontes Morales in anima tetra-*

§. I. **A**ctiones Spontanea sunt Actiones
perata, profecta ab Elicitis, ut à
sis suis ac principiis.

2. *Actiones Elicite dicuntur*, quas immediate producit Apperitus, secutus judicium Intellectus Practici, Phantasiæve, ceu sunt, velle, nolle, eligere, versari, id nominis sortitæ, quod in appetitu sit, isque eas ex se eliciat, ad producendas actiones imperatas.

3. *Actiones Imperate dicuntur*, quas mediante aliâ potentiâ producit Apperitus, secutus judicium Intellectus Practici, Phantasiæve, ceu sunt, loqui, ambulare, id nominis sortitæ, quod licet has ex seipso non eliciat appetitus, excitet tamen potentiam aliam, à quâ eliciantur, quomodo v. g. ambulare actio spontanea est, neque tamen actus ex appetitu elicited, sive qui proximè ex ipso appetitu emergat, aut primò homini per eum comperat, sed per facultatem locomotivam, quæ est principium ejus proximum, quatenus paret appetitui in producendâ ambulatione.

4. *Actiones Elicite a partim pertinent ad partem rationis compotem*, idquæ ἀπλῶς simpliciter, partim ad partem rationis impotem, idquæ πῇ καὶ πῶς, quarum partium illa rationalis de naturâ suâ, ac per essentiam, suiq; constitutionem, hæc non quidem rationalis per essentiam, quoniam ut sic rationis est expers, ut quæ nihil intelligat ipsa, rationisque imperio responset sæpè, quod autem tale, illud irrationale, quia ratio non repugnat rationi,

verum per participationem, quomodo rationis nutui, & actu parer, & potentiâ parere est nata, apta, inquam, nata obedire rationi, audirequè ejus, cum admonitiones, tum objugationes, & quoad τὸ πρᾶξις, agere simpliciter, in qualitate naturæ, & quoad τὸ πᾶσι πρᾶξις, hoc vel illo modo agere, in qualitate personæ. Quamvis enim propriam rationem non habeat, tamen utitur alienâ, ut luna, quæ ob fulgorem solis lucere dicitur, aut ut cæcus, qui, dum videntem sequitur, quodammodò videns, particepsquè visus esse creditur, aut ut filius, amicusvè, qui perhibentur, ille habere rationem patris, hic amici, non quòd ratio patris insit in filio, aut amici in amico, aut quòd filius rationem, cur pater sic agat, vel amicus, cur amicus, reddere queant, sed quòd sequantur rationem atque judicium patris & amici, hoc est, eorum rationi obtemperent.

5. *Actiones Elicite, qua ad rationalem animæ partem spectant, vel Intellectus sunt, ejusquè Practici, vel Voluntatis, sequentis judicium ejus, qua verò ad irrationalem ejus partem, illa verò vel Phantasia, vel Appetitus Sensitivi, qui quatuor Fontes Moralis Paradisi, siue Viridarii Ethici.*

C A P U T XXVIII.

De primo Fonte Morali Actionum Elicitarum, Intellectu, quem vocant, Practico, ut indistincto à Theo-

*Theoretico, ita distinguibili. Vbi de Imperio ejus
Metaphorico in Voluntatem.*

§. I. *PR*imus Fons Moralis Actionum Elicitarum est Intellectus Practicus, Subjecto indistinctus à Theoretico, distinguibilis interim ab eodem Objecto & Fine. Subjecto indistinctus à Theoretico, quia subjectum utriusq; una eademquè anima, cujus uterq; facultas reapse una tantum, quoniam una vis, quâ anima percipit, & res necessarias, circa quod argumentum occupatur Intellectus Theoreticus, habitusquè scientiæ quo ille informatur, & contingentes, circa quod argumentum sudat ac desudat Intellectus Practicus, habitusquè prudentiæ, quo hic: Objecto interim ac Fine distinguibilis ab eodem. Objecto hætenus, quia harum quasi duarum animi partium strata in collatione non sunt eadem, alterius res, quæ fiunt à naturâ, & non à nobis, alterius, quæ fiunt à nobis, non à naturâ, illius res necessariæ, quia extra hominem principium ac sedes earum, hujus contingentes, quia in homine principium earum, utraque genere discrepantes, igitur & ipsæ illæ partes, idquè ob convenientiam ac cognationem, quam habet facultas percipiens si-ve perceptiva, v. g. visus, auditus, gustatus, cum re perceptibili ac percipiendâ. v. g. cum visibili, audibili, gustabili, quoniam perceptio fit secundum similitudinem quandam percipientis ad id, quod percipitur:

Fine hactenus, quia harum quasi duarum
 nimirum partium fines & ipsi in collatione
 sunt iidem, alterius res prioris commatis
 cognoscere cognoscendi causâ, quoniam p
 duci agendo nequeunt, alterius res p
 rioris commatis cognoscere quidem & ip
 verum non tam cognoscendi animo & c
 filio, quàm agendi, nec quàm cognoscibi
 sed quàm agibiles, & quidem per se.

2. *Intellectus hic Practicus*, contradi
 ctus saltem contradistinguibilis à Theoretico
 Imperium in voluntatem exercet Metaph
 cum, dum eam determinat, non quidem
 terminatione Coactivâ, & quoad Exerciti
 Actus, verum Consultativâ, & quoad Sp
 ficationem ejus.

3. *Imperium Intellectus Practici Meta*
ricum voco, quo intellectus Practicus, n
 tantum indicat, sed etiam judicat, im
 præcipit, quid voluntati sequendum, q
 contrà fugiendum sit, absque jurisdictione
 ramen. Cum enim duo contineat impe
 um propriè dictum, ostendere sive præsc
 bere, quid fieri debeat, atque impellere
 agendum, cum vi quâdam cogendi, Int
 lectui Practico prius tantum competit,
 cujus munus sit, illuminare ac dirigere v
 luntatem, normamquè ejus actibus præsc
 bere, non etiam insimul impellere, nisi p
 ponendo fortè objectum, ejusquè bonit
 tem explicando, qui propriè impulsus n
 e

est, non magis, quàm cum pomi pulchritudo nudè ostenditur, absque ulteriori impulsione aut compulsionè ad apprehendendū, quæ impulsio voluntati competit. Ita siquidè imperium hoc in intellectu est, ut voluntatis aliqua motio concurrat, neq; absolvatur dictatoriè solâ denunciatione intellectus, sed volūtas eū ulteriùs applicet ad profundiorē illius cognitionem Tribus quod ajunt verbis: Cum imperiū competat toti supposito, intellectu & volūrate prædito, idè illud, nec intellectui, nec voluntati, sigillatim trāscribendū, nisi secundum similitudinem quandam, atq; ita solūm, ut unum illorum, ex quibus imperium propriè constar, uni facultati, alterum alteri, neutri utrumque, aut verum ac plenum in alteram imperium tribuatur.

4. *Determinationem Coactivam* voco, quā potentia aliqua, vel ab objecto, vel à causā externā, ad hoc agendum, non aliud, urgetur, v. g. potentia visiva, indifferens ab objecto, per species ad hoc vel illud videndum. Quæ determinatio in voluntate non invenit locum, tum quia Intellectus Practicus nullam habet efficientiam Physicam in voluntatem, quæ de se est sufficiens causa sui actus, propositoquē quovis objecto ab intellectu, ad actum intrinsecè est indeterminata, ita ut propositis à judicio intellectus duobus objectis, electionequē inter ea Institutā, suo ramē libitu possit suscipere, quod mens dissuasit,

E s. dum-

dumquē agit, ipsa seipsam determinet, & ad exercitium & ad spectem actus: (Quamvis enim illuminare ac dirigere voluntatē intellectus possit, excitare, inquam, eam, ut velit, volitionem tamen ipsam nequit producere, necessitatēquē ei adferre, quia enim hoc foret impellere voluntatem ad volendum, cū impulsus omnis non cognoscitivæ facultatis sit, sed appetitivæ, neq; porro ostendere, quid esse appetibile, idem ocyùs, quòd esse necessariò appetendum:) Tum quia secus voluntas, existentibus omnibus requisitis, ageret necessariò, quod agit, nequē tam ipsa se determinaret, quàm determinareretur, adeoque pateretur, non ageret, quæ res pugnat cum naturâ libertatis, cū nihil sit liberum, quâ patitur & movetur, sed quâ agit & movet: Tum quia, si voluntas sic determinaretur à iudicio intellectus, ut nullo contravenire posset huic modo, tunc non magis liberè ageret ex se, quàm facultas locomotiva, quæ movere potest sursum deorsum, antrorsum, retrorsum, tantum necessariò obsequitur superiori facultati, moventi ad eum modum, conquē venienter movet, sed ut mora.

§. *Determinationem Consultativam* voco, cū v. g. consiliarius suo principi, consideratis omnibus circumstantiis, hoc vel illud agendum proponit, ejus verò libertati atque arbitrio relinquit, velitne sacris consiliis

illis parere, an suo remigio rem gerere. Atque hæc determinatio in voluntate habet locum, tum quia nihil appetitur, nisi præcognitum, nullaquæ datur tendentia, nisi sit aliquid ostensum, in quod tendatur, tum quia, si voluntas à seipsâ, absque intellectus prævio judicio & cognitione, posset ferri in objectum, tunc nulla valeret assignari ratio, cur in hoc potius objectum ferretur, quam in illud, cum ad omnia ex se sit æquè indifferens, tum denique, quia voluntas, cum sit potentia cæca, si sibi relinqueretur, nullum unquam haberet objectum sibi propositum, in quod ferretur, quare nihil unquam ageret, si non determinaretur à judicio Intellectus Practici, nec eo quovis, verum ultimo, quo expensis cæteris sententiis, quæ in mentem venerunt, illiquæ rejectis, tandem concludit homo acturiens, hoc & non illud rectissimè omnium fieri, non quasi hoc vel illud necessariò sit nunc faciendum atque eligendum, sed quòd hoc medium, consideratis omnibus circumstantiis, hic & nunc aptum natum sit, ut eligatur, atque assumatur.

6. *Determinationem quoad Exerciti in Actus voco*, quâ præse determinatur potentia aliqua ad agendum in terminis terminantibus, qualem determinationem voluntatis natura inadmittit. Quamvis enim elicere actum deliberatum non possit sine pro-

dromâ aliquâ cognitione Intellectus Practici, conditio tamen tantum est illa cognitio, & causa sine quâ non, appetitionem autem ipsam non efficit, eò quòd voluntas sit primum movens inter omnes facultates animæ, quoad exercitium actuum, ut cujus proprium, movere ad agendum, dequè potentiâ educere in actum.

7. *Determinationem quoad Specificationem Actus* voco, quâ determinatur potentia aliqua ad agendum ostenso objecto, qualem determinationem voluntatis natura haud abnuir, quam Intellectus Practicus hoc motionis modo movet, dum præsentat ei objectum suum, verum motu metaphorico scilicet, dum allicit voluntatem, atque innecessario, si minus ratione objecti universaliter boni, habentis totaliter rationem motivi, secundum omnem considerationem, quod voluntas non potest non velle, minimum ratione objecti, quod non secundum quamlibet considerationem est bonum, quod voluntas potest non velle, eò quòd defectus cujuscunque boni habeat rationem non boni. Ac de Intellectus Practici Imperio tantum est.

De secundo Fonte Morali Actionum Elicitarum, Appetitu, quem vocant, Rationali, siue Voluntate, ejusque Directorio Naturali ac Morali in Consuetudines: Eademque de Actionibus Voluntatis Immediatis, quarum altera Βέλους, Volitio, altera Προαίρεσις, Agendi Consilium anticipativè.

§. 1. *Secundus Fons Moralis Actionum Elicitarum est Voluntas, imperans & Intellectui, & Phantasia, & Appetitui Sensitivo. & Locomotiva, solis Facultatibus Anima Vegetativa, ab eâ subjectione, ut excipiendis, ita exceptis.*

2. *Intellectui imperat voluntas hætenus, quatenus ejus actus ipsius imperio subjacent, & quoad ipsum eorum exercitium, & quoad specificationem. Quoad exercitium, quo aspectu omnes voluntarii sunt. Ut enim rem consideres, aut non consideres, quæcunque tandem fuerit, voluntatis tuæ est, licetque de eo tibi pro arbitrio tuo constituere, nisi quòd sæpè etiam non volentibus occurrant cogitationes, quas avertere in nostrâ non fuit potestate, quibus tamen id facimus, etiam cogitando, quod volumus. Quoad specificationem hinc, hoc est, assensum vel dissensum intellectus, quo aspectu ii actus tantùm voluntarii sunt, qui causas necessarias, intellectum convincentes, vel non habent, vel saltem non habere nobis videntur. Quàm diu enim intellectus*

de re quâpiam convictus non est, saltem non videtur sibi esse convictus, eo in casu tam dissentire quàm assentiri potest, quin immò assensum & dissensum suspendere prohibitu. Secùs se res habet, ubi intellectus est convictus, vel statuit se certò convictum esse, quo in casu non potest non assentiri vero, quo de convictus est, vel persuasum habet, se convictum esse, si minùs verbis semper, καὶ ἀποδείκνυται, minimùm animo, καὶ ἐν ἀποδείξει.

3. *Phantasia imperat hætenus*, quatenus imaginari & non imaginari possumus, quæ volumus, adeoque imaginationem, quæ motus excitar, avertere aliò, licet non semper, atque omni ex parte. Sæpè enim fit, ut impetus illi ab imaginatione suscitentur, non advertente intellectu, ideoquè etiam inadvertente voluntate.

4. *Appetitui Sensitivo imperat hætenus*, quatenus surgentes animi motus reprimere potest, licet non semper, saltem non perfectè semper, verùm languidè, atque adèd languidiùs sæpè, quàm ut torrenti motuum illorum sistendo sufficiat, quatenus item sensus, & horum organa, ab objectis, quando & ubi liber, avertit. Videmus enim, audimus, gustamus, olfacimus, & tactu tactilia percipimus, quando ubi & quàm diu volumus, & contrà.

5. *Locomotiva imperat hætenus*, quatenus membra corporis, quæ organa sunt animæ, prout

prout ea huic aut illi facultati ejus serviunt, imperium voluntatis accipiunt, appetitu sensitivo cum ratione ac voluntate conspirante. Progredimur siquidem de loco in locum, quando volumus, quiescimus, quando progredi nolumus, pedem manum attollimus vel demittimus, adducimus vel laxamus pro arbitrio, adeoque instrumenta sensuum objectis applicamus, vel ab iis retrahimus, ubi, quando, quàm diu libet, utut haud rarò interim, etiam absque voluntaris imperio, locomotiva se exerat per sua instrumenta, voluntate in aliis objectis occupatâ.

6. *Non item similiter vè Facultatibus Anima Vegetativa, quoad actiones ipsarum proprias: Ecce id? Quia enim hæ merè naturales sunt, atque ab instrumentis pendent merè naturalibus, quæ à naturâ applicantur, sine ullo rationis dictamine, aut voluntatis imperio, quod non audiunt, vel facultates vegetabiles instrumentales, attractrix, retentrix, expultrix, vel principales, ut χυλοποιητική chylificativa, αἱματοποιητική sanguificativa, τροφική nutritiva sive alimentativa, uti nec facultatum harum organa corporea. Quamvis enim applicatio agentis ad patiens, etiam in iis, quæ ad hanc animæ partem pertinent, voluntati subjiciatur, ipse tamen actus, quoad vim atque efficaciam agentis, aut passionem patientis, naturalis.*

836. INSTIT. ETHICARUM
naturalis est, actus, inquam, nutriendi, li-
tè cibum parare, atque in corpusingere
in quæ agat anima vegetans, quemquæ
alimentum & substantiam corporis co-
mutet, sit voluntarium.

7. *Quod attinet Actiones Voluntatis,*
universè dua sunt, Βούλησις sive Volitio, & Π
αίρεσις, sive Agendi Consilium, quarum acti-
onum illa finis, hæc mediorum, sive ordin-
abilium, aut ordinatorum veriùs, in finem
ordinabilium disponibiliter, ordinatorum
dispositivè, illorum potentiâ, horum acti-
onem id quod proprium medii, quod actu defi-
nitur, non potentiâ.

C A P U T XXX.

Quid è Βούλησις, Volitio, Velleit asvè, op-
eratioque Nolitio, Nolleit asvè? Et quarum rerum
est tam illa, quam hæc? Quid item Π
αίρεσις, quod ejus Genus, Subjectum, Objectum?

§. I. **H** Βούλησις sive Volitio, est actio vol-
tatis completa, & soluta, quæ
luntas fertur in finem, cum proposito co-
sequendi: Nolitio, actio item voluntatis co-
pleta, soluta, contra se habens. Rerum p-
sibilibium utraque, cum nihil per volitionem
ad id moveatur, quod non valet attingere
aut per nolitioem ab eo removeatur, à quo
non valet attingi, vel absolute, vel sub co-
ditione, quale illud, quod fieri nequit,
fi

simpliciter, vel saltem secundum quid, quod eo ipso perdit rationem, ut boni, ita mali, quorum alterum principium volitionis, alterum nolitionis. Quemadmodum namque *velle* est rem quandam ex interno voluntatis principio eligere atque amplecti, ita *nolle* rem ex interno ejusdem principio averfari & propellere, inter quæ duo contraria mediat *non velle*, quod est rem quidem per se averfari, cum tamen vel non impedire, cum possis, verum admittere, vel ob urgentiorem necessitatem committere. Ut ita *velle*, *nolle*, & *non velle*, differant Philosophicè, *velle* quidem & *nolle* contrariè, *velle* verò & *non velle* privativè, non item *nolle* & *non velle*, vel illo oppositionis modo, vel isto, cum *nolle* non nudam duntaxat voluntatis averfationem signet, sed insimul impediendi studium ac conatum, *non velle* autem simplicem volitionis negationem, absque impediendi conamine, quomodo v. g. non volo, quando rem fugio & averfor, nolo, quando non solum fugio, verum pro virili impedio, cispellovè.

2. *Velleitas* est actio voluntatis incompleta, suspensa, interdum etiam à judicio Intellectus Practici comparato inhibita, quæ voluntas fertur in finem, sine proposito consequendi: *Nolleitas* item actio voluntatis incompleta suspensa contraria. Re-
rum

138 INSTIT. ETHICARUM
rum impossibilium utraque, vel simpliciter, vel secundum quid. Sicut enim v. g. vellemus esse immortales, habere principatum totius mundi, esse alterius sexus, aut versis in locis unâ horâ, quæ simpliciter impossibilia, vellemus patriam liberare ab immani iugo tyrannidis, quod impossibile secundum quid, ita & nollemus iniuriis.

3. Thomas velleitatem vocat voluntatem antecedentem, eò quòd, quæ antea denter volumus, non velimus simpliciter. Volitionem verò voluntatem consequentem, eò quòd, quæ consequenter volumus velimus in particulari, consideratis omnibus circumstantiis particularibus, hoc simpliciter. Ita v. g. iustus iudex antea denter vult omnem hominem vivere, secundum considerationem absolutam, hominem vivere est bonum, hominem occidi est malum, sed si accedat, quòd homicida, quia bonum est talem hominem occidi, malum eum vivere, licet antea denter velit iudex omnem hominem vivere, tamen consequenter vult homicidam occidi, simpliciter, inquam, homicidam occidi, quamvis secundum quid vellet vivere, in quantum scilicet est homo, velleitas magis fuerit, quàm volitio.

4. Ergonè igitur quoque etiam impossibile voluntas? Immo verò. I. Voluntas

ut potentiâ, quo in casu extenditur etiam ad impossibilia, quia est potentia æqualis intellectui, quantum ad latitudinem suam. Quicquid enim intellectus intelligere potest, illud & voluntas appetere: Cùm ergò intellectus intelligat, & ea, quæ sunt, & ea, quæ finguntur esse, similiter voluntas poterit velle, & ea, quæ possibilia, & ea, quæ impossibilia sunt: Non item, quatenus voluntas consideratur ut potentia à ratione regulata. Ut sic siquidem simpliciter impossibilia à nemine rectè affecto expeti queunt, cùm homo rectè affectus voluntatem habeat naturæ conformem, non difformem, adversariæ. II. Per modum simplicis affectus & complacentiæ, delectando se in objecto impossibili, per intellectum apprehensum, non autem efficaciter illud intendendo. III. Si per errorem intellectus, quæ impossibilia sunt, possibilia putemus, etiam cognitâ rei impossibilitate. IV. Velleitate, non volitione, quarum hanc non illam sequitur *ωγαλγεις*, quia hæc non illa fertur in finem, cum proposito consequendi, ideoque hæc non illa laborat de mediis, circa quæ *η Πγαλγεις*.

5. Η Πγαλγεις, si nomen sive nominalitatem ejus spectes, electio aliis, cùm tamen hæc etiam animalibus ratione carentibus suo modo conveniat, non item *ωγαλγεις*, studium atque institutum aliis, quod

utrumque verbum latius reverbificatâ, p
positum propositio & destinatio animi a
quæ finis, cum προαίρεσις sit mediocris
consilium aliis, quod & ipsum distingu
à προαίρεσει, siue illa denotet συνίδριον
sessum, siue συμβαλὴν, rationem quan
rei agendæ vel non agendæ, ab aliquo
cogitaram, atque alteri datam, nondum
men decisam, neque fixam, uno verbo.
sionem, agendi consilium aliis, idquæ ap
sitissimè, quoniam τὸ προαιρέειν est co
lium capere, pluribusquæ rebus, quæ su
ctionem cadunt, propositis, unam, qu
quis agat & sequatur, cum diu multum
deliberaverit, cæteris repadiatis eligere
quæ insistere, quod proprium προαιρέειν
quæ vi nominis importat rationem re
gendæ, vel non agendæ, explicatam, fix
constitutam: Sin rem, siue realitatem,
illa nihil aliud, finitore Aristotele, qu
ἐκείσιον προβιβλυμείον, spontaneum
voluntarium quiddam prædeliberatum.

6. Juvat iterum ἀνελύειν Ἀρετῆς πλῆθος
Genus Προαιρέσεως non est ἡ Ἐπιθυμία
piditas, non ὁ Θυμός Ira, non ἡ Δόξα Op
non etiam ἡ βύλησις Voluntas, qua factio
principia, verum τὸ Ἐκείσιον Spontaneum,
Sponte-factum potius, idquæ quoddam,
omne.

7. Non Ἐπιθυμία, Cupiditas. I. Quia
piditas quoq; cadit in bruta, non item

vigoris, nisi passivè tantùm, non etiam activè, quomodo videmus sagittam directè tendere ad signum ex motione sagittantis, haud aliter, ac si ipsa rationem dirigentem haberet, quam tamen non habet, verùm motor sive movens, cujus virtus vertitur in motu mobilis: Atqui *æquidignis* importat determinationem appetitus, non solùm passivam, verùm activam magis. Eligit quidem canis panem, negligit aurum, videturquè syllogismo divisivo uti in explorandis feris, caprat & carpit ovis herbam unam præ aliâ, hanc præ illâ, verùm sine consultatione scilicet, solo sensuum atque imaginationis iudicio, aliquid huc conferente instinctu naturæ, à quo appetitus brutorum naturaliter determinatur, absque præelectione ac consultatione tamen, quam *æquidignis* præsupponit, cum dominio aliquo actus. Ut ita in illis suo modo sit electio, verùm affecta, consistens in nudâ mediæ acceptione, sine collatione ejus cum fine. Unde, si illis offeruntur duo fines æquales, v. g. duo pabula æquè bella, duovè mediæ æqualia ad finem, quorum neutrum sit necessarium, sed utrumque indifferens, ad alterutrum feruntur, atque alterum præ altero accipiunt, ob aliquam rationem, quæ sæpè est occulta, ut, quia sit ad dextram, unde principium motus, aut quia proximè vel magis immediatè videatur, primovè visum sit.

Vix

Vix quippè videtur fieri posse, ut æquè
 plicentur duo pabula, ita ut bestia un
 præ altero non acceptet, æqualiterquè
 à visu distent, eodemquè visualis li
 puncto. Quod pronunciatum ore & m
 Philosophico de brutis, idē suo modulo
 net in pueris, in quos & ipsos cadit cupi
 tas, at non *αἰσῆσις*, cujus idē genus
 nequit cupiditas. Quamvis namque nō
 quodammodò proportionem mediorum
 finem, mediaquè inter se conferant at
 expendant, quodnam sit utilius, rogatiq
 cur hoc agant, rationem reddant ex ord
 ad finem, tamen hæc *αἰσῆσις* eorum
 perficiaria ac tumultuaria est, ut qui n
 intendant, quod intendunt, in genere m
 ris, cū ut bonitatem ita malitiam mo
 lem nondum per ætatem cognoscant.
 Quia incontinens agit ex cupiditate, ne
 tamen *ἐν αἰσῆσι*: Eccur id? Quia en
 videt meliora, eaquè consultatione prob
 & tamen sequitur deteriora, cū non ra
 onem, à sensu non seductam, verūm s
 sum, ejusquè appetitum, sequatur. Qua
 enim viri incontinentis amabò actione
 Annon sequuntur perturbationes, ne
 ram hominis sunt, ut est homo, quā
 est animal? III. Quia *αἰσῆσις* adv
 satur cupiditati, nihil autem adversatur
 bilipsi, eodem putà tempore, & circa
 eandem, quomodo nemo v. g. eodem te

poris momento simultaneè appetit divitias & paupertatem. IV. Quia cupiditas in his tantùm versatur, quæ jucunda sunt & molesta, *πρῶτης* verò etiam in his, quæ honesta & utilia sive compendiosa.

8. *Non θυμὸς, Ira*. I. Quia & hæc brutorum, puerorumquè, non item *πρῶτης*, quæ præcedit quidem operis executionem, ut τὸ prius id, quod posterius, at non in brutis, puerisvè, qui & quæ ex impetuoso appetitu agunt, quod agunt, procul *πρῶτης* omnis bruta, aliqualia & aliqualliter pueri. II. Quia, si *πρῶτης* foret ira, tunc quæ per iram fiunt, fierent ἐν προαίρεσι, consilio sive consultò, cùm tamen ira ad- versetur consilio. III. Quia ira & ipsa est rerum jucundarum & molestarum tantùm, *πρῶτης* verò rerum bonarum & malarum utilium atque inutilium. Quamvis enim, tam honesta, quàm utilia, sæpè quoque sint jucunda, tamen deliberationis caput de honesto & utili potius esse solet, de jucundo autem non nisi per consequentias. Quo loco notandum notanter, conjunctiorem in comparatione esse τῇ προαίρεσι, agendi consilio, cupiditatem, quàm iram, eò quòd, quæ ab irato fiunt, minùs consultò ac cogitatò fiant, quàm quæ à cupido, quoniam quæ consultò fiunt, cum morâ quâdam & cunctatione fiunt, quam admittit cupiditas, non admittit ira, affiniorem interim eidem esse

esse iram, quàm cupiditatem, quia irarationem sequitur, saltem aliquam, cupidus nullam, ut qui sequatur cupiditaducem.

9. *Non etiam Δόξα Opinio, vel Communis vel Singularis. Non Communis*: I. Quia opinio est de rebus omnibus, tam æternis, quæ, quæ fieri nequeunt, quàm quæ non sunt arbitrii, quomodo videas homines variari multa de Deo, mundo, infinitis modis, astris, chymæris, exceptis iis, quæ sensui patent, enimverò ἀεὶ αἰεὶς est de rebus certis. II. Quia opinio vero & falso in se dividitur, ἀεὶ αἰεὶς verò bono & malo distinguitur. De opinione namque non queritur, an sit bona, vel mala, sed an vera vel falsa, quia ad θεωρίαν pertinet, cui proposita veritas, contra de πράξις non tam an sit vera vel falsa, quàm an bona vel mala, quia ad πράξιν pertinet, cui proposita bonitas. Quod si interdum quædam opiniones dicuntur bonæ vel malæ, id est κατὰ χρεσικῶς, & ratione compendii commodi, quod ex his ad nostram vitam manat, non χρεσικῶς. *Non Singularis*. Quia τῇ ἀεὶ αἰεὶς ex eo, quod bona & mala consilia suscipimus, ποιοῦντες, eundem modi, sive qualitate aliquâ affecti sumus, hoc est, boni vel mali, ex opinione non item. Nemo quippè sapiens, temperans, mansuetus, & in genere bonus

malus est, quia se opinatur talem, at qui consilio capto, quod προαίρεσις, boni quid aut mali suscipiunt, boni inde aut mali dici solent. Scilicet, viri boni fiunt tales bene agendo, mali malè, quod προκλήσιν, non opinando bene vel malè, quod θεωρησιν. II. Quia finis προαίρεσις est πρώτης actio, hoc est, adeptio aut fuga eorum, quæ bona vel mala sunt, ut cuius proprium, ut expetere & persequi, ita fugere & aspernari, opinionis verò γνώσις cognitio, ut cuius proprium exquirere, quid sit hoc aut illud, cui rei sit utile, quomodo & quatenus eo sit utendum, quid sit v. g. virtus, an dulcia noceant stomacho, an moderata post cœnam deambulatio sit utilis? III. Quia προαίρεσις laus & virtus, rectum esse, opinionis, verum esse. Sicut enim προαίρεσις laudatur, quod bona, vituperatur, quod mala, ita opinio laudatur, quod vera, vituperatur, quod falsa. IV. Quia προαίρεσις est de illis rebus, quas certò scimus, quasquè certò exploratas habemus, opinio autem de rebus plerunque incertis, aut non satis cognitis. V. Quia, si προαίρεσις & opinio idem essent, sequeretur eos, qui optimas habent opiniones, optima eligere: Atqui plurimi cum Medeâ, quod melius est, opinantur, at consilio id, quod pejus est, sequuntur. VI. Quia opinio plerunque prægreditur, cum ad cognitionem pertineat,

πρᾶξις ponè sequitur, cùm pertineat ad appetitum, qui ab opinione excitari consuevit, cognitionevè. De rebus enim prorsus non cognitis, neque in opinionem revocatis, nemo πρᾶξις consultat, aut consilium capit. Dico plerunque. Fit enim interdum, ut πρᾶξις posterior sit opinio, velut in illis, qui non prout judicant amant, sed prout amant judicant, quod vitium famulare in vitâ communi.

10. *Non denique Βούλησις Voluntas.* Quamvis enim magnam inter se habeant cognationem, cùm utraque sit hominis propria, utraque appetitus cum ratione, & neutra sine alterâ, cùm & velimus ea, quæ eligimus, & eligamus, quæ volumus, differunt tamen: I. Quia voluntas etiam esse potest τῶν ἀδυνάτων, earum rerum, quæ fieri nequeunt, eò quòd absolutè atque abstractè bonum spectet, quomodo videas multos velle cum Peliâ repuerascere, non item πρᾶξις, eò quòd ad facta humana se referat, accommodans se ad ea, quæ nobis usui esse possunt actu. II. Quia voluntas sæpenumerò est eorum, quæ, licet possibilia sint, tamen à nobis fieri nequeunt, ut cùm optamus hunc vel illum athletam vincere, non item πρᾶξις, quæ eorum tantum, quæ à nobis fieri possunt. III. Quia voluntas respicit, non tantum pertinentia ad nos, verum etiam ad alios, cùm non pre-

propria tantum, sed etiam aliena velimus :
 at προαίρεσις ea solum, quæ ad nos perti-
 nent, quæquæ à nobis geri possunt, aut ab al-
 liis nostro jussu. Quid enim stultius, quàm
 deliberare de rebus ad nos non pertinenti-
 bus, v. g. de rebus, quas agat rex Indiæ? IV.
 Quia voluntas magis se refert ad finem,
 προαίρεσις ad ea, quæ pro fine, aut ad finem.
 Ita cupimus v. g. bene valere, ideoquæ con-
 siliū capimus de medicamentis, exerci-
 tiis, diætâ, cupimus esse beati, ideoquæ me-
 dia ad hunc finem tendentia & ducentia cir-
 cumspicimus. Quorsum apud Græcos ver-
 bum βυλόμεθα finibus, θεωριεῖσθαι mediis
 attribuitur. Non enim, quemadmodum di-
 cimus, βυλόμεθα εὐδαιμονεῖν, sic dicimus,
 θεωριεῖμεθα εὐδαιμονεῖν. V. Quia voluntas
 simplex mentis judicium exposcit, θεωίρε-
 σις etiam consultationem, per quam unum
 alteri præferat, tanquā θεωίρετον, præ cæ-
 teris optabile. Quid enim aliud τὸ θεωριεῖσθαι,
 quàm τὸ πρὸς ἑτέρων αἰρεῖσθαι, id quod præ alio
 eligitur, eligi autē præ alio nihil potest ἀνδρῶν
 λόγος καὶ ἀλγανότης, absque ratiocinio mentis.

11. Quid ergὸ ἡ Προαίρεσις generis respectu
 si nec Ἐπιθυμία Cupiditas, nec θυμὸς Ira, nec
 Δόξα Opinio, nec Βύλησις Voluntas, quid ἢ
 Vno verbo, Ἐκείσιον ἔστι, quiddam Spontaneum,
 vel potius Sponte-factum. Dico quiddam. Ne-
 que enim, sicut omnis προαίρεσις est ἐκείσιον
 τι, ita omne ἐκείσιον προαίρεσις, cum τὸ ἐκεί-
 σιον

ζιον, quoq; puerorú sit, quoq; quin etiá brutorú animantiú, quæ agunt quidem spontè, neq; tamen cōsilio, ed quòd cōsiliū non sit absq; rationis agitatione seu disputatione, jã verò ratione carent animantes, disputatione pueri, & interdum etiam adulti, quando repentino impetu agunt, quomodo spontè quidem agunt cum Milone, occidendo Clodidum, at non consultò. Ut ita, ritè subductis rationibus, τὸ ἐκθύσιον sit genus τῆς προαιρέσεως, ἡ προαίρεσις verò species τῆς ἐκουσίου.

12. *Differentia Specifica τῆς Προαιρέσεως exprimitur, quando in definitione additur, quòd sit ἐκθύσιον, non quodvis, sed προβεβλημένον, praeliberatum, idquè ideò, tum quia ἐκθύσιον, nō simplex, verùm πρὸ ἐτέρων αἰρετὸν, id quod sine cōsultatione fieri nequit, ideoquè sicuti προαίρετὸν idè, quod βουλευτὸν ὀρεκτὸν, ita & ἡ προαίρεσις idem, quod ὀρεξις βουλευτική, ὀρεξις Διανοητική, νῦν ὀρεκτικὸς, intelligēs appetitus, atq; intellectus appetēs, sive mavis, appetitio intellectiva, & intellectio appetitiva, tū quia ratione atq; discursu utitur, id quod iterum fieri nequit absq; cōsultatione, quã προαίρεσις præsупponit, quæ ideò meritissimo suo ἐκθύσιον προβεβλημένον, volūtariū cū antegressā deliberatione earú rerú, quæ ἐφ' ἡμῖν, in nostrā potestate sūt, ita ut agier vel nō agier possint.*

13. *Subiectū Προαιρέσεως, quod vocant, Inhabitionis duplex est, ut Quod, sive Mediatum, & ut Quo, sive Immediatū, illud homo elector, non consul, animavé ejus, homo remotú, anima*

propinquū, hoc secundū Thomā & sequaces materialiter Appetitus, formaliter Intellectus Practicus, ita tamē, ut substantialiter ea nō sit propriē actus intellectus, verūm appetitus, cū nō sit essēcialiter ipsa syllogizatio antecessoria operationis, quæ opus intellectus, in quo προαίρεσις originaliter & radicaliter, verūm consecutoria, quæ opus appetitus, in quo eadē virtualiter, πρώτως primò in appetitu rationali, qui voluntas, δευτέρως secundò in irrationali, qui appetitus sensitivus.

14. *Objectum Προαίρεσεως* sunt Media, non quævis, verū præsentia, nō præterita, quia re facta infecta fieri nequit, tū possibilia nobis, nō impossibilia, quorū illa agibilia, hæc non.

C A P U T XXXI.

Annon ἡ Προαίρεσις, quæ actio Voluntatis, necessitudinē quandā habeat cum Βεβλήσῃ Consultatione, quæ actio Intellectus Practici, in ipsā innecessitudine? Et quæ Βεβλήσῃ Consultabilia propriitim quæ non?

§. 1. **H** Βεβλήσις Consultatio est ratiocinatio circa media, inquisitio, inquam, aut disquisitio potiùs, mediorum larentium, & collatio patentium, inter se, ut ex cæteris commodiora eligantur, atque ad finem decernantur, propter quem eliguntur, à quā inquisitione differt consultatio, semel, quia inquisitio de quacunque re, consultatio de re agibili,

agendâvè, iterum, quia inquisitionis finis
scientia, consultationis actio, demùm quia
omnis consultatio inquisitio, non contrâ.
Collatio & comparatio mediorum idèd,
quia enim in ordine actionum τῶν καὶ λόγων
duo semper spectanda, finis nempe & me-
dia, ac finis quidem certus ponitur, de me-
diis verò inquiritur, sintnè reperta, an re-
perienda, si nondum, tunc invenienda sci-
licet, si secùs, tum verò videndum, plurânè
sint, an unum duntaxat, si plura, ea deli-
genda, quæ faciliora, atque ad rem perfici-
ciundam opportuniora, si unum, quâ ratio-
ne hoc uno res confici possit, dispiciendum,
hinc progredientes videre nos convenit, hoc
ipsum unum unde pendeat, quâquè aliâ re
obteneri possit, quod secundum assecutis,
ad tertium, & reliqua deinceps, condescen-
dendum, donec ad primam totius consilii
causam sit perventum, hoc est, ad primum
medium, ex quo reliqua fini propinquiora
pendent, quod primum, quemadmodum in-
ventionem ultimum ἐν ἀναλύσει, in resolu-
tione, ita ἐν συνθέσει, in compositione & ac-
tione primum. Ita v. g. de pluribus mediis
anquiritur, quando belli causâ deliberatur,
equitatu nè an pedicatu illud sit gerendum,
copiis terrestribus, an navalibus, si qua op-
pugnanda urbs, scilicet nè sit oppugnanda,
coronâvè, cuniculivè, tormentivè. Con-
stituto, equitatu conficiendum bellum
esse,

esse, ulteriùs quæritur, quo is paretur modo, cogniroquè, pecuniâ eum comparari, mox de eâ inveniendâ agitur, cumquè ejus inveniundæ complures sint rationes, tributum indicitur, ab eoquè actio tota instituitur, planè sicut in domo ædificandâ ponitur primum finis, qui est, ut nos arceat ab injuriis cœli, medium inde ejus cognoscitur, quod tectum, quod ut perficiatur, collocandi sunt parietes, locanda fundamenta, ad quæ necessarij fabri, lapides, materia, cœmenta, quæ cùm pecuniâ parentur, hæc primum repiendi.

2. *Sicut à παραιρέσει differt, ita cum eâ convenit*: Differt tempore, quia ἡ βέλευσις præcedit, παραιρέσις sequitur, quæ si facta cessat βέλευσις, differt subjecto, quia ἡ βέλευσις facultatis cognoscentis, παραιρέσις facultatis appetentis, differt qualitate, quia ἡ βούλευσις dirigit, investigando parando & comparando media, dequè his ratiocinando, παραιρέσις exequitur, amplectendo rem decisam, atque in consultatione cæteris præpositam: Convenit objecto, quod geminum re, geminatum ratione. Quatenus enim sub βέλευσιν consultationem cadit, dicitur βουλευτὸν, quatenus verò sub παραιρέσιν consilium, dicitur παραιρετὸν, illud antecedenter, hoc consequenter, quia quicquid consilio suscipitur, id priùs in consultationem uti venerit necesse est. Ita v. g.

152 **INSTIT. ETHICARUM**
quàm diu deliberatur, an bellum geren
sit, necnè, hoc est βελότον, sed cùm de
rum atque statutum est, illud esse ge
dum, jam est παραιετόν, desinente τῇ βελ
consultatione in παύσεισιν sive agendi
silium, quod, ubi illa desinit, incipit.

3. *Caterùm τῆς Βελύσεως Consultatio*
Objectum universè, vel Negativum est, vel
silium.

4. *Objectum Βελύσεως Negativum it*
vel Generale est, vel Speciale.

5. *Objectum Βελύσεως Generale Ne*
vum sunt illa, de quibus homo stolidus
furiosus deliberat, hoc est, homo menti
pos & exul, non compos & consul, qu
quæ indeliberabilia, & deliberabundi
tiùs, quàm deliberantis. Cum enim qu
tur, quæ res in & sub deliberationem
dant, id non capiendum de iis rebus, de
bus deliberant interdum stulti, ut si qu
cum deliberet, quando in cœlum volare
sit, verùm de iis, de quibus deliberan
pientes, adeoque ii, qui duplum vident
unus, sive plures numero sint, uti fit in
magni momenti, in quibus solemus aff
re socios ad consultandum, quò fiat a
gatum ex pluribus consiliis, hoc est,
gnum consilium sive confiduum, inde c
quòd multi confideant ad conferendum
consultandum simul de re aliquâ.

6. *Objectum Βελύσεως Speciale Negati*

sunt: I. *Res Sempiterna*, quæ semper sunt tales, ut Deus, mundus, principia naturæ nota, adeoque ea omnia, quæ in scientiis & disciplinis liberalibus ad absolutam necessitatem pertinent, qualia principia necessaria, & conclusiones necessariae, de quibus nemo sanæ mentis consultat, ut in quibus sit quædam ut principiorum ita conclusionum necessitas. Quæ enim certis atque exquisitis in artibus ac scientiis determinata sunt, de his non videtur deliberandum, ut quibus v. g. litteris vox quæque sit scribenda, quâ ratione syllogismus primæ figuræ sit conficiendus? II. *Res Naturales*, sive eodem se illæ semper habeant modo, quæcunque tandem ejus perpetui motus sit causa, necessitas, an natura, sive variant. Prioris generis sunt, ortus & occasus solis, aliæque conversiones corporum cœlestium, sicut & illa, quæ his à moribus dependent, ut annorum, mensium, dierum, noctium vicissitudo & varietas, æquinoctia, solstitia, ver, æstas, autumnus, hiems, eclipses, & alia congenera. Posterioris generis sunt, siccitates, imbres, venti, sterilitates, æstus, frigora, tonitrua, temperamenta corporum, canities, quia hæc omnia alienissima à consultatione, quoniam hæc circa ea vertitur & versatur, quæ à nobis fieri possunt, illa autem non possunt fieri à nobis, atque ut plerumque accidunt ita, non accidunt tamen.

ratâ & statâ ratione. III. *Res Fortuita*, qualis thesauri effossio, & aurei tripodis in piscatu inventio. Quanquam enim etiam ea, quæ fiunt à fortunâ, dicantur fieri à mente humanâ, tamen fiunt per accidens, & ided. non videntur propriè & proximè fieri à nobis, quia fiunt atque eveniunt præter intentionem nostram, quâ causam efficientem, quâ media, quâ finem denique. IV. *Res Humana*, quæ per nos effici nequeunt, & ad nos nil attinent, quomodo nemo v.g. Spartanorum deliberat, quâ ratione Scythæ Rempublicam suam constituant quàm optimè. Utur enim de alienis quæri possit, quando fieri quàm commodissimè queant, tamen illa disquisitio non est *ἐλέυσις*, quæ semper actionis ergò instituitur, sed potius *ἐπιμετρία*: Utur item consiliarii principum deliberent de attinentibus ad principes, patres de attinentibus ad filios, virique prudentes de attinentibus ad alios, quorum actiones rectâ consultatione dirigere & corrigere cupiunt, tamen illa consultatio non est propriè de iis, quæ ad nos haud pertinent, cum per nos intelligere debeamus, non solum nos individuos, sed insuper omnes, qui ad nos pertinent, qui nobis sunt juncti, nostræque curæ ac diligentiae crediti, cujus classis etiam sunt, filii, amici, familiares, alumni, clientes. Etc. Quodd si nonnunquam consultamus de alienis, vel

id facimus exercitii gratiâ, quò rectiùs nostras actiones valeamus dirigere, prudentioresquè exinde evadamus, vel consultationes tales sunt inanes, sinequè destitutæ, unde fit, ut sæpè nos ipsos carpamus eo nomine, quòd inaniter laboremus: Vel dicendum, nos hoc facere ex suppositione, nec alio animo & consilio, nisi hoc, quòd si hæc ad me pertinerent, his simulibusquè mediis uterer, perquè hæc in finem tenderem. Ut multa paucis complectar, cōsultatio pressè est *περὶ τὰ οἰκεία*, circa ea, quæ ad nos tantum spectant, non etiam, quæ ad alios, nisi in quantum aliorum facta, de quibus consilium capeffitur, sunt quodammodò unum nobiscum, vel per unionem effectus, sicut amicus consilium capit de his, quæ ad amicum spectant, velut de suis, vel per modum instrumenti, quomodo dominus consilium capit de his, quæ sunt agenda per servum, tanquam de suis. Sed nec de impossibilibus deliberat quisquam mentis integræ, quia eadem deliberatio sic est *περὶ τὰ οἰκεία*, ut insimul sit *περὶ τὰ ἐφ' ἡμῶν πρᾶκτα*, circa ea, quæ à nobis fieri possunt, qualia possibilia, non impossibilia. Hinc videas homines, quando in consultando perveniunt ad id, quod est impossibile, re infectâ discedere, quasi non valentes ulteriùs procedere. Et quæ de impossibilibus deliberet quis, cum ad id, quod est tale, nemo moveatur? Idem

quippe ferimur in finem, tanquam possibilem, quia apparet id, quod est ad finem, possibile. Neque enim finis potest esse possibile, nisi id, quod est ad finem, fuerit compositibile. V. *Res Præterita*, quia facta infecta fieri nequeunt, eò quòd non sint in nostrâ potestate, quâ re solâ, juxta Agathonem Poëtam, privatur Deus, ut facta nō infecta possit reddere, nedum ut homo id possit, qui consultat quidē etiam de futuris eventibus, qui & ipsi non sunt in manu nostrâ, verum in quantum per futuros eventus cognitos dirigitur ad operandum, hoc est, aliquid faciendum, vel evitandum: Jam verò consilium non solum de his, quæ aguntur, sed etiam de his, quæ ad operationes ordinantur, agiquē possunt, igitur & de futuris, saltem ita tenus. VI. *Res Singulares*, sub sensum cadentes, ut an mons Bruçterus in Saxoniâ sit altissimus? Sitnè hic panis, & an rectè coctus? Sed cur non cadunt sub deliberationem hujus segmenti res, cur? Tum quia sensu cognoscuntur & dijudicantur, deliberatio autem est cum ratione, & animi agitatione, tum quia alioqui efficeretur, ut vana & irrita foret deliberatio. Nam si etiam sensibus fides non habetur, & omnia in disputationem revocantur, tunc ad exitum perducì deliberatio haud poterit, eritquē infinita, si infinita, ergò vana, semper siquidem deliberabitur, nihil verò geretur, cum.

cùm tamen deliberatio rei gerendæ causâ instituitur. VII. *Finis*, qui in omni deliberatione præsupponitur. Alioquin enim ex parte finis esset processus in infinitum, quomodo Medicus v. g. præsupponit sanitatem, deinde consultat de iis, quæ ducunt ad sanitatem, orator supponit suasionem, deinde consultat de argumentis suasoriis & persuasoriis. Franciscus Piccolomineus hîc distinguit inter finem ultimum, & subordinatum, & de illo, tanquam indeliberabili, sicut primum principium Theoreticum est indemonstrabile, nullam esse penitus vult consultationem, eò quòd eum ita velint omnes, ut nemo eum possit nolle, cùm nihil includat, quod non omnibus faciat satis, quam consultationem tamen admittit in hoc, eò quòd finis, relatus ad ultimum, obtineat rationem medii, aliud què sit consultare de fine, aliud consultare pro fine, quomodo studiosus deliberat v. g. de facultate, cui se consecrare velit, tanquam de fine subordinato, non item de eruditione, tanquam finè ultimo. Contra VVolfgangum Helderum, qui etiam de ultimis finibus vult esse consultationem, non intermediis tantùm, mediolorum instar se habentibus, eò quòd sæpè de finibus, non ratione sequentium, sed ratione antecedentium, deliberetur, ut, si bellum vicinis sit inferendum, pœ-

pœnæne, recuperationisne, an defensionis ergò sit inferendum? Quod si verum, tunc ea, quæ Πειρατικῶς dicta sunt, in sensu cōparativo accipienda fuerint scilicet, hoc est, ita, ut in comparatione magis de mediis, quàm de finibus, deliberationes instituantur, instituantur tamen, nempe tunc, si minùs sint certi, pluresvè.

7. *Objectum Βυλῶσεως Speciale Positivum sunt:* I. Τὰ Ἐνδεχόμενα, *Contingentia*, hoc est, res, quæ plerunque accidunt, saltem accidere possunt, id quod eo ipso invitat ad deliberandum. Cuivis siquidem accidere potest, quod cuquam potest. II. Τὰ Ἀόριστα, *Incerta*, quia enim deliberatur de rebus incertis, non certis. III. Τὰ Δυνατά, *Possibilia*, qualia, quæ nostri sunt arbitrii, quæquæ per nos aut amicos peragi possunt: Nam & tunc principium in nobis est positum, cùm amici agant nostri respectu, hoc est, nostrâ voluntate & jussu: Jam verò, quod quis per alium facit, per seipsum fecisse videtur, præsertim cùm amicus sit aliter idem, vel alter ego, adeoque instrumentum. Quemadmodum ergò instrumentorum usus principium est in nobis, ita & amicorum. IV. Τὰ Ὀρισμένα, *Finite actu*. Dico, finita actu. Nihil quippè prohibet, ut consilium, ita consultationem, infinitam esse potentiâ, secundum quod in infinitū possunt aliqua occurrere consultabilia, alla videlicet ex aliis, & super

super alia, & post alia, ita ut, quemadmodum lana lanam trahit, sic unum consilium aliud, unum consultabile aliud atque alterum. V. Τέχναι *Artes*, quæ universè magis in deliberationem cadunt, quàm scientiæ, quia plures dubitationes in illis, quàm in his, oriuntur, præsertim σοχαστικαὶ conjecturales, quas constat esse incertas, deliberatur verò de rebus incertis, hoc magis, quò sunt incertiores. VI. Τὰ Μέσα, *Media*, sive ordinata ad finem, in quo assequendo omnis consultandi labor est positus, assequimur autem eum per media, aliàs plura, aliàs pauciora, aliàs per unicū rātūm. Sed heic scilicet interdum media, siquidem absint, quærenda, sin adsint, ratio ineunda, quomodo illis commodè uti valeamus. Nonnunquam enim quæritur, quibus mediis, quandoque πῶς quomodo his utamur, semper autem quæritur, unde deliberatio ipsa quæstio, & qui deliberant, quærere dicuntur.

CAPUT XXXII.

Quæ Βελητὰ Volibilia propriè, quæ non? Atque istorsum de Libertate Arbitrii Topicè, quid illa sit, & an detur in terminis?

§. I. Sicut τῆς Βελαύσεως *Objectum* τὰ Βελευτὰ *Consultabilia*, ita τῆς Βελήσεως *Objectum* τὰ Βελητὰ *Volibilia*, & sicut illius *Objectum* pingui Minervâ, vel Negativum, vel Possitivum, item similiter què huius.

2. Ob-

2. *Objectum* βελήσεως *Negativum est, in genere Malum, in specie Medium.*

3. *In genere Malum, quod percipit voluntas sub ratione malitatis, sive mali, non equidē volendo illud, sed nolendo, quia non libile de se, sicut intellectus concipit falsum sub ratione falsitatis, sive falsi, non equidem affirmando illud, sed negando, quia negabile de se. Quicquid sit, saltem voluntas non vult malum, quā malum, sive sub ratione & notione mali, tum quia impossibile, ut quis velit malum, quā malum, quoniam malum, ut malum, est non ens, à quo omnis naturalis appetitus abhoret, ideoquē in se inappetibile, quod propterea non magis appetere possumus, quā sentire, quod non est sensibile, aut scire, quod non est scibile, tum quia appetitus est inclinatio appetentis in aliquid, nihil autē inclinatur in id, quod est inconveniens, vel saltem, quod apprehenditur ut tale, quale malum utrovis modo, tum quia, quod appetitur, id obtinet rationē finis, cū in eo consistat finis causalitas, ut metaphoricē moveat appetitum, malum verò non habet rationem finis, quoniam nemo intendens ad malum operatur, licet interim hoc stante, neque tamen obstante, malum voluntas possit velle sub ratione & notione boni, putā, si id, quod malum est, bonum esse appareat, quomodo sub ratione boni sēpē volumus illud, quod pessimum.*

peffimum, & contrà sub ratione mali nolumus illud, quod optimum. Ut ita his positis & suppositis actus nolendi pro objecto habeat malum tantum, sive ὄντως, verà reale, sive φαινόμενος, apparenter tale, illud per se, hoc per accidens, idquè vel perpendiculariter & directè, quia apparet simpliciter malum, vel appendiculariter & obliquè, quia non quidem simpliciter apparet tale, verùm cum eo conjungibile, conjunctumvè. Unde triplex resultat ratio nolendi. Aut enim non vult voluntas aliquid, vel quia reverà malum est simpliciter, vel quia apparet simpliciter malum, vel quia non quidem simpliciter apparet malum, verùm secundum quid, hoc est, quatenus cum malo aliquo est copulatum.

4. *In specie Medium*, quia voluntas propriè est ipsius finis, tanquam per se boni & voliri, non mediorum, sive eorum, quæ sunt ad finem, quæ, quia non bona propter seipsa, ideò nec volita, nisi in ordine ad finem. Unde voluntas in ea non fertur, nisi quatenus fertur in finem, quo fit, ut hoc ipsum, quod in eis vult, sit finis, planè sicut τὸ intelligere est eorum propriè, quæ secundum se cognoscuntur, scilicet principiorum, non eorum, quæ cognoscuntur per principia, nisi in quantum in eis ipsa principia considerantur. Sic siquidem se habet finis in appetibilibus, sicut se habet principium in intelligibilibus, & contrà. *Ob.*

5. *Objectum* βελήσεως *Positivum* est, in genere Bonum, in specie Finis.

6. In genere Bonum, quod percipit voluntas sub ratione bonitatis, sive boni, non equidem nolendo illud, sed volendo, quia volibile de se, sicut intellectus concipit verū sub ratione veritatis, sive veri, non equidem negando illud, sed affirmando, quia affirmabile de se. Atq; adeò voluntatis objectū positivum esse bonum, id dant rationes. I. Quia duplex actus voluntatis, unus improbativus, sive nolendi, qui pro objecto habet malum tantum, sive verum, sive apparens, illud per se, hoc per accidens. Dico, sive verum, sive apparēs, quia velle posse voluntatem etiam quod malum est, & nolle, quod bonum, scrupulo carer, putā, si id, quod malum est, bonum esse nobis appareat, vel quod bonum, malum. II. Quia bonum est convenientia rei cum appetitu, qui nihil aliud, quàm inclinatio appetentis in aliquid, non inclinatur autem quicquam, nisi in id, quod est conveniens sibi, vel saltem apprehenditur ut tale, quare nullus appetitus ferri in alia potest, nisi in ea, quæ vel bona sunt verà, vel apparent esse, si nullus, ergò nec voluntas. Ut ita his positis & suppositis actus volendi pro objecto habeat bonum tantum, sive verum, atque ὄντως tale, sive apparens, atque φαινόμενως tale, illud per se, hoc per accidens, idquè vel perpen-
dicu-

diculariter & directè, quia apparet simpliciter bonum, vel appendiculariter & oblique, quia non quidem simpliciter apparet tale, verùm cum eo conjungibile conjunctumvè. Unde triplex confurgit ratio volendi. Aut enim vult voluntas aliquid, vel quia reverà bonum est simpliciter, vel quia apparet simpliciter bonum, vel quia non quidem apparet simpliciter tale, verùm secundum quid tantùm, id est, hæcenus, quatenus cum bono aliquo est conjungibile, conjunctumvè.

7. *In specie Finis*, sumto vocabulo voluntatis, secundum quod propriè nominatur æ-
 ctum ejus, non quemvis, sed volitionem, quæ finis, in quem ut sic fertur voluntas, *ἐπεὶ βελιύτως* quidem, hoc est, sine præviâ deliberatione, quæ mediorum, sed non *ἐκρίτως*, hoc est, sine prævio judicio mentis, quod voluntas supponit, quia nihil appetitur, nisi præcognitum, cùm nulla ignoti sit, ut sciëntia, ita cupido. Nimirùm voluntas quandoque dicitur ipsa potentia, quâ volumus, quandoque actus ejus. Quòd si loquamur de voluntate, secundum quod nominatur potentiam, sic se extendit, & ad finem, & ad media: Ad ea enim se extendit unaquæque potentia, in quibus inveniri potest quocunque modo ratio ipsius objecti, sicut visus se extendit ad omnia, quæcunque participant quocunque modo colorem, ratio autem boni, quod est objectum potentiae volun-

luntatis, invenitur non solum in fine, v. g. sanitate, sed etiam in his, quæ sunt ad finem, v. g. his, quæ sunt propter sanitatem: Sin loquamur de voluntate, secundum quod propriè signat actum, ut sic est finis tantum, quoniam omnis actus, denominatus à potentia, nominat simplicem actum illius potentia, ut intelligere v. g. actum intellectus, simplex autè actus potentia est in id, quod est secundum se objectum illius potentia, quod est in nostro argumento finis, tanquam bonum propter se volitum, non medium; quod bonum volitum propter illum.

8. *Movetur ergò voluntas diversis respectibus, & in finem, & in media, sive ea, quæ ad finem, & pro fine in πλάτει: Sed an eodem volendi actu, & in illum, & in ista, an verò distincto?* De hoc lemmate Ita Scholæ. Voluntas ferri dicitur in finem dupliciter; uno modo absolutè, & secundum se, quomodo fertur in finem, in quantum huiusmodi, sine hoc, ut feratur in ea, quæ sunt ad finem, alio modo, sicut in ratione volendi ea, quæ sunt ad finem, quomodo fertur in ea, quæ sunt ad finem, tanquam volita propter illum, moribus, ut distinctis, ita distinguendis, ut cum quis, non usque adeò bellè valens, de sanitate recuperandâ cogitat, neque statim tamen, verum per intervallo, de Medico & medicamentis inquirit, quo in casu actus, quo is vult sanitatem,

næ distinctus tempore ab eo, quo vult media sanitatis. Utrū verò actus volendi finem, ut sic, sæpè sit distinctus ab actu volendi media, quando scilicet in finem absolute atque in se fertur voluntas, tamen uno eademquæ actu ferri potest in utrumque, si non formaliter & explicitè, saltem virtualiter & implicitè, putà, cùm finem appetit voluntas eâtenus, quatenus ille rationem includit, propter quam appetuntur etiam ea, quæ ad finem illum conducunt. Sicut ergò in intellectu, cùm priùs cognoscuntur principia, & deinde ex iis conclusiones eruantur, actus, quo cognoscitur principium, non est formaliter idem cum eo, quo conclusio ex principio illo deducitur, cùm sæpè etiam tempore sejungatur, & tamen virtualiter cognitio conclusionis includit cognitionem principii, ita quoque appetitus finis, licet non sit formaliter vel explicitè simul appetitus mediorum, est tamen implicitè & virtualiter, quin immò interdum etiam uno actu formaliter atque explicitè, ut si quis cogitet de sanitate per medicinam recuperandâ.

9. *Agendi Facultas*, quæ circa bonum & malum, finem & media, libertatem servat contrarietatis, quâ homo potest agere tam bonum, quàm malum, atque è duobus objectis contrariis eligere unum præ alio, virtutem præ vitio, libertatem contra-

dictio-

dictionis, quâ media potest eligere, vel non eligere, finem velle, vel non velle, libertatem à coactione, quâ, quod agit, agit spontè, nemine extùs urgente, libertatè à necessitate, quâ positis quantumvis omnibus requisitis ad agendum, illiquè nihil mutatis, potest agere, & non agere, elicere atque suspendere actum, ad utrumque oppositorum, sive utramque partem contradictionis, indifferenter se habens, atque æquè ad utrumque, ita, ut positis requisitis necessariis, adhuc possit velle & nolle, adeoque eodem instanti, quo quid vult, nolle, quo non vult, velle, *hac agendi, inquam, facultas, Græcè Philosophantibus* 'Αυτεξισία, 'Αυτεξισιότης, 'Αυτεξούσιον, *Latine Philosophantibus, modò Libertas Arbitrii substantivè, modo Liberum Arbitrium adjectivè vocitatur.* Quid enim aliud *αυτεξούσιον* sive liberum esse, quàm dominum suarum actionum, agerequè, & non agere, quidquid quando & quantum libet, idquè præeunte consilio?

10. *Libertas hac Arbitrii, sive Liberum Arbitrium, est facultas hominis, ut totius agentis, intellectus verò & appetitus, ut partialium agentium, quâ homo per intellectum discernit bonum & malum, per appetitum verò spontè eligit illud, negligit hoc, sine omni coactione, necessitatevè, motu proprio, cum aptitudine ad alterutrum, ei munere Dei & natura, pro sui perfectione, tributa.*

11. Juvat ἀιαλύειν, sive resolvere.

12. *Genus liberi Arbitrii est Facultas.* Cùm enim libertas sit aliquid, necessariò vel erit substantia, vel accidens. Non substantia, quia non materia, non forma, non compositum ex materiâ & formâ, quare aliquid, per quod forma vel compositum denominatur, hujusmodi autem debet esse accidens, & vel actus, vel habitus, vel facultas naturalis, non est autem actus, quia principium ejus, idquè permanens, quod adest nobis, etiam cùm nihil agimus, nec habitus, cùm naturâ insit & infideat, quare facultas, & ea quidem activa.

13. *Differentia Specifica Liberi Arbitrii sumitur à Causâ Efficiente, Materiâ, Formâ, & Fine.*

14. *Causa Efficiens Liberi Arbitrii est solutio sive abjunctio facultatis à materiâ corporeâ.* Ex eo enim, quòd forma, primumquè agendi principium, à corpore ac materiâ non pender, libera ac sui domina esse dicitur, neque manceps corporis, hoc liberior, quòd magis à materiâ soluta, minùs libera, quòd magis mersa in materiâ. Quo fit, ut libertas πρῶτως primò sit in Deo, cùm omni ex parte sit à materiâ sejunctus, ideoquè non solum maxime liber, sed ipsamet libertas, δευτέρως verò & proximè in separatis mentibus, tanquam immaterialibus, inde in homine, qui solus animalium rationis particeps,
ex

ex eodemquè libertatis confundamento. Duorum quippè alterutrum oportuit, aut rationis hominem expertem esse, aut si ratione sit præditus, liberum habere arbitrium. Qui enim ratione præditus est, non solum contemplatur ea, quæ sunt, sed etiam deliberat de iis, quæ fieri debent, ut, quod in consilio prælatum est cæteris, eligat, agatquè, quod elegit.

15. *Materia Liberi Arbitrii duplex est, una, cui tanquam affectio convenit, altera, circa quam versatur.*

16. *Materia Liberi Arbitrii, cui tanquam affectio convenit, duplex est. Vel enim est Subiectum ut Quod, vel ut Quo.*

17. *Subiectum Liberi Arbitrii ut Quod est Homo, qui integrum agendi principium, cuius ut totius agentis dicuntur esse actiones, ita ut liberè possit velle & nolle, idquè agere, quod vult, & inagere, quod non vult, ut qui liberè decernat, quod iudicat sibi expedire, ideoquè non possit non velle, & nolle, agere atque inagere, adeoque hoc potius velle & agere, quàm illud, convenienter iudicio suo, eò quòd, quidquid intellectus potest apprehendere, ut bonum, in id appetitus possit rendere, atqui intellectus potest apprehendere, ut bonum, non solum hoc, quod est velle, agerevè, sed etiam, quod est nolle, inagerevè, ergò. Non Bestia. Et si enim & ipsa agere aliquid & non agere certo modo*

modo possit, idquè præviâ cognitione aliquâ, non tamen libertas hæc arbitrii est, eò quòd objecto præsentè, sequè præsentante, cum requisitis omnibus, quæ ad actionem aliquam agentis requiruntur, ita in rem feratur, ut suspendere actionem nequeat. Dico, objecto præsentè, sequè præsentante cū omnibus requisitis ad agendum. Si enim vel objectum ipsum non adsit, vel illud non sit ita dispositum, ut movere appetitum bestię possit, vel, si moveat, sit tamen aliud, quod impediat, quò minùs illa genio suo obsequi valeat, nihil mirum est, actionem non sequi, quomodo canem, quando à fame urgetur, cibusquè præsens est, ita ut videre & odorari eum possit, ejusquè cõpos fieri, nihilquè sit, quod illum impediat, putà plagæ, aut merus earum, cernas ferri in cibum necessariò, sive ita, ut temperare sibi nequeat, neque facere aliter, facerevè posse, quàm diu requisita illa aderunt, licet interim id, quod facit, faciat incoactè, hoc est, motu spontaneo, cum prævio judicio aliquo, quantum id esse in cognitione sensus potest. Atque hinc patet discrimen, quod est inter hominem & bestiam hæc parte, quòd homo sit agens liberum, non à coactione solum, uti bestię, verùm etiam à necessitate, quoniam non ut omnes grues vigilias agunt, omnes lupi insequuntur agnos, naturali quâpiam speciei suæ necessitate, ita

¶

omnes

omnes homines perindè furantur, perindè latrocinantur, id quod fieri tamen necesse foret, si à coactione solùm esset solutus, non etiam à necessitate.

18. *Subiectum Liberi Arbitrii ut Quo est Intellectus & Appetitus*, arbitrium ratione intellectus, qui arbitratur & iudicat, liberum ratione appetitus, qui eligit unum, ita tamen ut eligere quoque etiam possit alterum.

19. *Rationes pro Intellectu contra Appetitum sunt.* I. Quòd facultas appetens non cognoscit, cùm distinguatur à cognoscente. II. Quia ea facultas, quæ libera est, debet esse movens, non mora, agens, non patiens, cùm id, quod movetur & patitur, dirigatur, contrahatur, determinetur, ideoquè serviat moventibus & agentibus: Atqui talis facultas appetens, hoc est, mora & patiens: Ergò. III. Quia libertas facultati nobiliori competere debet, cùm importet perfectionem: Quare facultati cognoscenti, cuius officium imperare, non appetenti, cuius officium exequi, atque implere imperata. IV. Quia libertas maximè fulget in ordinatis ad finem: Quare facultatis cognoscentis potiùs, quàm appetentis, quæ finis.

20. *Rationes pro Appetitu contra Intellectum sunt.* I. Quia, ut quis sit præditus facultate cognoscente utrumque oppositum, coactus, què interim sit velle definire unum eorum, statim perit còpse universa libertatis forma,

ma, facultate appetente contrahente talem hominem indifferentem ad unam definitam partem. II. Quia facultatis cognoscentis iudicium non est positum in ipsius potestate, ut quæ non possit bonum v. g. judicare malum, & contrà, sed cogatur tale judicare objectum, quale se offert: Quare iudicium ejus non est liberum. III. Quia facultas appetens imperat facultati cognoscenti, & est causa, ut liberè cognoscat & judicet: Ergò liberior in comparatione. IV. Quia libertas arbitrii est *ἐν τῷ* velle & nolle, appetere & non appetere, est posita: Quare in facultate appetente, non cognoscente. V. Quia in eo posita libertas, ex quo pēdet ratio probitatis & improbitatis, virtus, inquam, & vitium actionis, undequē digni præmio vel pœnâ, laude vel vituperio reddimur: At hoc pendet, non à facultate cognoscente, sed appetente: Quare in hâc, non illâ, posita est libertas. VI. Denique, quia posita facultate appetente ponitur libertas, & demâ demitur: Quare in facultate appetente ea, non cognoscente, nedum vegetante, locovē motivâ. Quamvis enim hæc rationi obediat, liberequē ut sic agere videatur, liberè v. g. ambulare, tacere, loqui, tamen hæc liberè fieri dicuntur tantùm, ut actus imperati, non ut elicit, hoc est, libertas illa propriè est in facultate, quæ actum imperat, non quæ elicit.

21. *Sed scilicet in utroque datur Libertas Arbitrii, sive Liberum Arbitrium, & in Intellectu, & in Appetitu, cum distinctionis virgula tamen, in illo, ut in dirigente, in hoc, ut in exequente, in illo primò secundum naturam, in hoc primò nobis, quorum appetitus est proximus agendi principium, in illo sicut causa, cum ex hoc appetitus possit ad diversa ferri, quia intellectus potest diversas habere conceptiones boni, in hoc, ut in subiecto, denique in illo radicaliter & præsuppositivè, in hoc formaliter & positivè. Etsi enim in intellectu sit radix libertatis, tanquam origine & fundamento, ipsum tamen intelligere, neq; quoad actus exercitium, neque quoad ejus specificationem, formaliter atque in se liberum est. Non quoad actus exercitium. Ut enim potentia se determinet ad agendum, necesse est id fieri, vel imperu naturæ, vel liberâ appetitione actus: Atqui potentia libera, quâ talis, nō agit ex imperu naturæ: Ergò ex liberâ inclinatione sive appetitione. Sed nec quoad specificationē actus. Vel enim res est perspicua & evidens, & tunc necessariò assentitur intellectus, siquidē vera est, dissentit, siquidem falsa, vel penitus est obscura, & tunc neutrum actū elicit, eò quòd objectū non repræsentetur, planè sicut non videmus, cum lumen deest, vel denique res in utramque partem probabilis est, & tunc iterum nec dissentit nec assentitur natura-
liter, non liberâ.*

22. *Materia Liberi Arbitrii, circa quam versatur, sunt res Humanae Inneccessariae, sive necessitate carentes.* Quanquam enim appetitus, stante & durante intentione efficaci, per eam aliquo modo determinetur ad persecutionem finis, atque electionem mediorum, aliquandò quoad speciem sive specificationem tantum, si tantum sit unum medium, quo in casu necessariò illud eligit, aliquandò quoad exercitium tantum, si in intentione praescribatur certum tempus, quo quis finem velit consequi, sint autem plura media, aliquandò quoad utrumque, quando utrumque illorum concurrat, aliquandò quoad neutrum, nisi in confuso, quando plura quidem sunt media, neque appetitus tamen sibi in intentione praescribit certum tempus, quanquam, inquam, omnis intentio aliquo modo determinet ad electionem, licet non determinet ad aliquod medium in particulari, determinatumvè tempus semper, verum ad alicujus medii utilis ad finem in confuso electionem, indeterminato tempore faciendam, tamen non necessitatur hic aut nunc eligere appetitus, siquidem unum tantum sit medium, aut hoc praeter illo eligere, siquidem sint plura, cum electio omnis in se simpliciter sit libera, quoniam procedit ab appetitu cum domino actus, sive illa sit bona, sive mala. Neque enim necessitas & determinatio,

H. 3,

orta.

orta ex suppositione liberâ concomitante & consequente, tollit libertatem, verum quæ ex antecedente, quomodo concoctio, v. g. cibi necessaria est, licet comestio prævia fuerit libera, homicidiumquè, per ebrietatem commissum, non est liberum in se, licet ebrietas fuerit libera.

23. *Forma Liberi Arbitrii, vel Substantialis est, vel Accidental.*

24. *Forma Liberi Arbitrii Substantialis* est virtus appetitus interna, bonum sine coactione motu proprio eligendi, & malum repudiandi, utrumque necessarium, magis tamen in universali, quàm particulari, quoniam illud ratio non potest apprehendere sub ratione mali, v. g. beatitudinem, quæ bonum universale perfectum, bonivè, v. g. miseriam, quæ malum universale perfectum, hoc potest. Quamvis enim sanitatem, quæ bonum particulare, nemo ita appetat, ut possit eam etiam non appetere, contrariamquè invaletudinem nemo ita fugiat, ut possit eam etiam non fugere, si utramque in se spectes, tamen potest illam non appetere, propter malum aliquod conjunctum, sive defectum boni, habentis rationem mali, hanc non fugere, propter bonum aliquod conjunctum, sive defectum mali, habentis rationem boni. Vocatur substantialis, quia est intrinseca appetitui, ideoquè ab eo non magis separari potest, ac calidum à calore.

For-

Formalis absoluta aliter.

25. *Forma Liberi Arbitrii Accidental* est rectitudo appetitus, quâ objectum rectè cognitum, rectè, si bonum, apprehendit, si malum, averfatur, ita ut eligere interim possit bonum præ bono, & ratione objecti, & ratione modi ac gradus, malum item præ malo, loquendo de malo pœnæ, ejusquè promeritæ, id quod eligere potest, & de jure, & de facto, non autem culpæ, & pœnæ non promeritæ, id quod de facto quidem, at non de jure, eligere potest, exemplo Principis Condèi, inellegendum in se: Formalis relativa aliter.

26. *Finis Liberi Arbitrii est Humana Perfectio.* Cùm enlm homo sit mundi epilogus, meritò libertate est donatus, per quam in seipso, ut in parvo mundo, valeat imitari opificem magni mundi.

27. *An verò talis libertas arbitrii, suis causis descripta, in hominem lapsam, ante regenerationem, in statu naturæ corruptæ, hoc est, peccati, cadat & quadret,* de hoc lemmate ita Moralistæ, distinguendo inter actiones spirituales, ad supernaturalem finem tendentes, & civiles, tendentes ad finem naturalem. Libertas arbitrii, inquit, in homine lapso, & moraliter sauciato, quoad actiones spirituales, planè nulla est, tum quia intellectus in statu lapsæ naturæ has non cognoscit, quare nec appetitus appetit, cùm.

rem ignotam appetere nequeat, tum quia appetitus, præviâ quantumvis cognitione, sine speciali ac supernaturali inclinatione, in res spirituales haud fertur, ideoquæ ad illas non habet naturalem libertatem, cum suopre-nutu, suisquæ viribus, in objectum cognitum non inclinet. Libertas contrâ arbitrii, in homine lapso, moraliter sauciato, quoad actiones civiles rationi subiectas, illa verò est aliqua, præsertim ante habitus contractos. I. Quia homo rationis particeps, quare & libertatis: Eccur id? Quia enim alioquin inaniter tributa esset ei ratiocinandi vis. Ideò quippè utitur ratione, ut præterita cum futuris, opposita cum oppositis cõparans, judicer, quid eorum eligendum, quid negligendum sit. II. Quia corpus habet ita fabricatum, ut nervi motibus appetitus inserviant. Cùm enim ratio commovet appetitum, hic spiritus animales ciet, quò effluentes è cerebro nervis influant, musculosquæ secum trahentes motus efficiant liberos, exemplo Achillis Homerici, qui, quanquam ardet irâ, tamen à Pallade, id est, ratione commonefactus coërcet manus, ne feriant Agamemnonem, imperatquæ pedibus, ut discedant. III. Quia libertate arbitrii sublatâ è regno morum, insimul tollitur omne virtutis, ut studium, ita præmium, omnis vitiatorum, ut culpa, ita pœna, omnis legum, ut promulgatio, ita observatio, deliberatio, omnis,

omnis, electio omnis, precatio & deprecatio omnis, cohortatio increpatio castigatio educatio omnis, judicium omne, magistratus omnis, ipsa quin immò Politia. Idèd quippè damnamus improbos, laudamus probos, hortamur juvenes ad virtutem, dehortamur à vitiis, leges istorum condimus, cæteraquè consimilia facimus, quia hæc facere atque omittere in ipsorum est manu & potestate. IV. Quia id ipsum loquitur experientia, quæ in motibus externis, tam in actionibus moralibus, quàm artificialibus, ipsoquè adèd motu locali hominis quocunque, agnoscit libertatem, ita ut appetitus eligere possit hos motus, aut non eligere, eis Imperare, aut non imperare, Idquè spontè, absque necessitate & coactione, quomodo Eva spontè, & sine necessitate, coactionequè, elegit esum pomi, imperavitquè organis mandare id pomum, Scipio se cohibuit, ne attingeret alterius sponsam, Fabricius, ne aurum à Pyrrho missum, hocquè eodem exemplo pictor potest cervum aut chimæram pingere, Plato ex Academiâ in urbem ire, vel non ire, omnia liberissime. Dico, ante habitus contractos, quia sicut contractus ratione initii voluntarii, post initium verò necessarii, voluntatisquè adèd, contrahere, at necessitatis, contractum præstare, voluntaris, adire arbitrum, necessitatis, arbitri sententiâ stare, sic habitus ra-

tione principii voluntarii, post illud necessarii. Quamvis enim ante eorum acquisitionem liber sit appetitus, quod ad delectum boni & mali attinet, tamen progressu ætatis, longâ consuetudine, crebris actionibus, sic devincitur ac mancipatur habitibus, & *τῶν ἔθων* ita imbuitur, ut in potestate sit moris acquisiti, cujus quisque voluntarius est faber. Usque adeò factorum initia progressus & extrema in nostrâ sunt potestate, siquidem ea non ignoremus, habituum autem ex factis orientium initia duntaxat, hoc est, in nobis positum est, habitus suscipiamus, necne, non item, ut abjiciamus. Antequam namq; habitus acquiruntur, in nobis situm est, eos amplecti, vel fugere, postea verò quàm inveteraverunt, non item, quomodo si quis ignem v. g. accendere velit, potest; si nolit, potest id quoque, subjectâ verò face, quò minùs ardeat, non potest peræquè, non magis, quàm se Laucade præcipitans sustinere, cùm velit.

28. *Quo loco notandū in calce discrimen inter actus hominis, & humanos, quorum illi homini cum bestiis communes, hi hominis, quâ hominis, proprii, vel quoad substantiam & entitatem, quo pacto omnes & solæ operationes, quæ manant à potentiis propriis hominis, ut homo est, humanæ dicuntur, ut ratiocinari, flere, ridere, vel quoad modum operandi homini proprium, qui est, ita age-*

re, ut dominium sui actus habeat agens, quomodo eæ tantùm actiones humanæ dicuntur, quas homo in suâ habet manu & potestate, illæ humanæ Physicè, hæ Ethicè.

CAPUT XXXIII.

Affuitur sive attexitur Toga Libertatis latæ simbria, de Harmoniâ hujus Doctrina cum Sacra Theosophiâ, & Sanâ Philosophiâ disciplinatim.

§. I. **D**OCTRINA hæc de Libertate Arbitrii, sive Libero Arbitrio, in Moralibus & Civilibus, homogenea est, & Sacra Theosophia, & Sana Philosophia. Sacra Theosophia, quia optimè & bellissimè cum Providentiâ Divinâ, Fatoquè, quod vocant, Theologico, conspirat & concinit. Quamvis enim respectu providentiæ divinæ, quatenus illa consideratur ratione relati, ut est in Deo, tanquam decretum necessitans res & actus futuros, & correlati, ut est in causis secundis, divinam providentiam exequentibus, ut sic, omnes eventus sint necessarii, tamen hoc non impedit, quò minùs eventus, aliarum causarum intuitu, sint & possint esse contingentes, necessarii respectu causæ primæ, contingentes respectu proximæ, quia enim necessitas, quam affert providentia divina voluntariè agentibus, non absoluta sive Stoica, tollens contingentiam ac libertatem, sed conditio-

data, atque ex suppositione, neque consequentis, sed consequentiæ, ut quæ imponeret solum necessitatem infallibilitatis sive incommutabilitatis, non autem coactionis, extrinsecè sive ab extra se habens, non intrinsecè, ideoquè actui relinquens suam contingentiam, ita ut agens liberum atq; incoactū sit & maneat intrinsecè, quamvis necessariū sit extrinsecè: Jam verò unumquodque à principijs suis internis & proximis denominandum, non externis. Et quī coactum sit, amabò, cū concursus providentiæ divinæ ad res providentiales non reapse differat ab actione causæ secundæ, nulla verò actio una eademquè cogat seipsam violenter?

2. *Sana hinc Philosophia, quia eadem amicè conspirat, & cum Metaphysicâ saniori, & cum Physicâ, & cum Astronomiâ, & cum Politicâ & cum Logicâ inclusivè.*

3. *Cum Metaphysicâ saniori conspirat hætenus:* Quia, ut prima causa operetur cum quādā naturæ necessitate intrinsecè, ideoquè & pendentia ex primo principio necessario connecessariò, tamen extrinsecè non item, nisi ex-suppositione Deus, qui, quia ab æterno liberè sic vel sic prædefinivit, neque mutatur, idè sic operatur, & non aliter, cum reduplicatione homo, siquidem necessarium, quod agitur, adæquatè actionis vel acti fuerit causa.¹

4. *Cum Physicâ saniori conspirat hætenus quia,*

quia, quamvis motores secūdi non moveant sine primo, ideoquē egeant alio prāmoven-
te ac prädeterminante, tamen hæc deter-
minatio motoris primi & ipsa nullam æfert
necessitatem, nisi consequentiæ, quæ non
tollit contingentiam, nedum libertatem,
cū non mutet in naturis contingentibus,
voluntariè agentibus, modum agendi,
quoniam Deus, qui est natura naturans, &
causa prima, ita utitur ministerio naturæ
naturatæ, & causarum secundarum, ut eas
minimè destruat, sed cuique suam conditio-
nem, proprietates, vires, ac motus, ut plu-
rimū relinquat, per necessarias causas a-
gens necessariò, per contingentes contin-
genter, per naturales naturaliter, per volun-
tarias voluntariè, quomodo fruges v. g. cre-
scere vult Deus, & horsum ex montibus
decidere pluviam, pluviam irrigare terram,
solem iterum è terrâ haurire pluviam, heu-
stam κυκλογενέσθαι redire in nubes, verū sine
ullâ vi per naturam, homines item idem
vult deliberare atque eligere, verū illud
sine necessitate, hoc sine coactione.

4. *Contra-veteres Physicos, & Stoicos*, quo-
rum illi libertatem hominis catenâ ferreâ at-
que insolubili fari, connexionequē causa-
rum, devinxerunt, hi connexionem, atque,
ut ita dicam, concatenationem necessariam
causæ primæ cum secundis, & ipsarū secun-
darum inter se, introduxerunt, ita ut nec

prima causa aliter cedere posset, quàm ut secundæ causæ feruntur, nec voluntas hominis aliter agere, quàm ut impellitur à præcedentibus causis. Utrique non tantùm ἀφυσικῶς sed etiam ἀθεολόγως. Ἀφυσικῶς Physici calci. Cùm enim operum naturæ quædam semper, alia frequenter, nonnulla nec semper, nec frequenter, fiant, non omnino omnia fieri necessariò supponendum est, sed quædam contingenter, idquè vel ob materiam, quæ contingentia, vel ob voluntatē, quæ libertatis causa, quæ libertas haud servatur, ubi intercedit necessitas, siquè, quemadmodum causæ secundæ, purè naturaliter agentes, ad certos ac definitos effectus producendos ordinantur, similiter causæ secundæ voluntariè agentes ordinantur ad eosdè, non ad diversos, & varios, atq; etiam oppositos, contrariosquè. Scilicet naturaliter agentia agunt vi naturæ, absq; deliberatione, agunt eodem modo semper, nec possunt suspendere actionem admotâ materiâ, enim verò agentia voluntariè agunt cum deliberatione, agunt dissimiliter, atq; cū suspensione actionis, quomodo ignem admoto ferro videas non non urere naturaliter, fabrum imponere ferrum igni voluntariè, ignem eodem modo furcam facere, fabrum dissimiliter, ignem usque urere, neque suspendere posse actionem, quam potest faber, qui vel jam facit, vel alio tempore. Ἐquè ἀφυσικῶς

Sroici,

Stoici, veterum Physicorum germani fratres, quia non, ut maximè causæ secundæ, quæ sustentantur à primâ, necessariò agent omnes, ocyùs & prima sustentans, quoniam necessitas illa non est absoluta, sed Physica, ideoquè Deo subiecta, & hæcenus conditionalis, nec concludentior in voluntariè agentibus, quàm si dixeris, ignis admotus materiæ combustibili necessariò urit, quare à fabro necessariò admovetur. Neque verò ἀφυσικῶς tantùm physificantur utrique, sed & ἀθεολόγως, quia juxta doctrinam Ecclesiæ causa prima, hoc est, Deus, non pendet ex secundarum causarum naturâ, sed causæ secundæ ex primâ, quæ sicut respectu inferiorum causarum sunt moventes, ita respectu superiorum moræ, liberè haud rarò utrinquè, quomodo doctorem videmus docere discipulum, discipulum discere à doctore, utrumque liberè, & illum & istum, & istum & illum.

5. *Cum Astronomiâ & Astrologiâ saniori conspirat hæcenus*, quia, ut astra necessitate quâdam, sibi à primo creatore inditâ, agant in sublunaria omnia, quoad motus eorum naturales & necessarios, conquè venienter etiam in hominem, quoad actus hominis, ipsi cum bestiis communes, quales, accretio, concoctio, nutritio, sensio, appetitio, tamen non item in actus humanos, qui in solidum pendent à libero hominis arbitrio: ideo.

ideoquè cogi, & fato astrologico impelli nequeunt, vel ideò, quòd omnis actio à fortiori, spiritus autem noster immortalis fortior corpore astrico. Quòd si vaticinio astrologico interdum respondent actionum eventus, prædicti cum formidine oppositi, per accidens id fit. Quemadmodum enim, qui assidue jacet aleam, vel talos figit, is aliquandò sentones, aliquandò venerem jacet, sic cum millies mentiaturo astrologus, quid mirum, si semel verum dicat.

6. *Cum Politicâ saniori conspirat hætenus*, quia, utut per leges civiles homo civis perdat quadamtenus libertatem facti, quoad actus imperatos, propter impedimentum, quod inter facultatem, & actum externum facultatis, interjicitur, quod efficit, quò minus tantum possit facultas, quantum cupit, retinet tamen in illâ ipsâ impedientiâ libertatem facultatis, quæ semper, quoad actus elicitos, in suo sinu libera manet, suæquè spontis ex se determinata intrinsecè, ut incoacta, ita incogibilis, ut sic in eligendo altero oppositorum.

7. *Cum Logicâ denique saniori conspirat hætenus*: Quia enim homo non tam ideò dicitur liber, quòd sit indifferens ad ea omnia, quæ per Intellectum Præcticum proponuntur voluntati, cum summum bonum huic oblatum non possit ab eâ respui, quàm quòd ratione præditus valeat judicare fi-

nē, atq; indagare media, dequē his ratiocinari, unumquē ex iis præ altero eligere, cōpetente ejus voluntati libertate, & antequam præeligir, & dum præeligir, antequam præeligir, quo in articulo quamvis non agat, vallet ramen agere, liberequē, quam velit, partem præeligere, dum præeligir, quo in punctistitio liberē facit, quod facit.

CAPUT XXXIV.

De tertio Fonte Morali Actionum Elicitarum, persuade Phantasiā, quam Cogitativam & Estimativam sive Existimativam nuncupant Averroës, verū inconsulto Apolline Philosophico.

§. I. **T**ertius Fons Moralis Actionum Elicitarum est Phantasia, cujus ἰδιὸς ἐργον, propriū munus, non tantū res externas, sensibus perceptas, etiā absentes, cognoscere, easquē componere & dividere, licet non eodē, quo objecta fuerant in sensibus externis, modo, cū aliās, quæ percepta fuerant seorsim, jungat, quæ conjunctim, dividat, verū etiam de rebus, externis sensibus perceptis, formare notiones boni ac mali, eādēquē judicare, convenientianē sint objecta, an inconvenientia, mediantequē hoc judicio movere affectus objecti boni vel mali, quasi per intellectum respectivē passivum.

2. Dico, quasi per intellectum respectivē passivum, quia enim phantasia in homine similis intellectui, hoc est, estimativæ & cogitativæ.

tativæ potentia ejus, vel quia immediate inservit intellectui suis operationibus per rationem castratis, vel quia ita eminet inter omnes vires sensitivas internas & externas, itaque alios omnes sensus excedit, ut respectu illorum videatur esse intellectus quidam: Sed similis scilicet, non eadem, tum quia æstimatio propriè dicta est animæ rationalis, & quasi quoddam commune genus ad intelligentiam, scientiam, sapientiam, prudentiam, artem, & opinionem, eliciens species, cognitionemquæ specierum non sensatarum, ex speciebus ac cognitione formarum sensatarum, v. g. amicitiam, inimitiam, quæ dicuntur species non sensatæ, quia formæ earum non sunt sensibiles sensibus externis, ut sunt formæ v. g. colorum, tum quia per cogitativam in nobis percipienter percipimus individua omnium prædicamentorum distinctè, ut hanc substantiam, hanc vel illam quantitatem, non sic per phantasiam.

3. Contra Averroëem, & sequaces, qui post sensus externos duas ponunt potentias sensitivas perceptivas tantum, putà, sensum communem & cogitativam, totidemquæ retentivas tantum, putà, imaginativam & memorativam, sive phantasiam & memoriam, quod *τελειωσις* Philosophicum inventoribus suis remittimus, cum Nota Benè Philosophico.

CA-

CAPUT XXXV.

*De quarto Fonte Morali Actionum Elicitarum,
Appetitu, quem vocant, Irrationali sive Sensitivo.
ejusque Motionibus seu Affectibus, & quoad
Ὀνοματολογίαν sive Nominalitatem, & quoad
Πραγματολογίαν sive Realitatem.*

§. I. **Q**uartus Fons Moralis Actionum Elicitarum est Appetitus Irrationalis sive Sensitivus: Irrationalis, quia licet sit rationalis per œconomiam in subiecto homine, hoc est, licet sit aptus natus in eo obedire rationi, non repugnare rationi, tamen est Irrationalis de se, sive de naturâ suâ atque essentiâ, ut qui subindè responderet rationi: Idem Sensitivus dicitur, quia sicut voluntas rationem, ita hic appetitus sibi relictus sensum sequitur in suis motibus.

2. *Motus hi Appetitus Sensitivi Affectus dicuntur, de quibus multifarii agunt artifices, agit Theologus, agit Physicus, agit Politicus, agit Medicus, agit Rhetor, agit Ethicus denique: Theologus, cùm, de bonitate pravitateque functionum humanarum sermocinatur; Physicus, quatenus hi motus accidunt certæ speciei corporis naturalis, animæque appetentis naturales sunt affectiones: Politicus, quatenus consideratur in legibus condendis, interpretandis, jureque ad eò reddendo & dicundo, erratisque emendandis vel remittendis,*

tendis, pacatonè, an turbato ab affectibus animo, quid sit factum: *Medicus*, quatenus ad tuendam valetudinem, si adsit, restituendâ, si absit, faciunt, ad quietem revocati cum Galeno, qui gloriatur, se quotannis ægros non paucos sanâsse hoc alexipharmaco: *Rhetor*, quatenus faciunt ad movendos atque incitandos potenter animos auditorum, sive sit suadendum quid, sive dissuadendum: *Ethicus*, quatenus ad virtutis mediocritatem, cujus sunt objectum, & materia interna, redigendi veniunt. Scilicet res eadem sub diversas cadere est nata disciplinas, quâ illarum objectum est materiale, licet quâ objectum formale, non eadat nisi sub unam, v. g., affectus ut sic sub Ethicam, de quibus ea, & in quos, proximè intimèquè inquirat, tum quia numerantur inter principia ac causas actionum humanarum, tum quia in his cicurandis atque domandis, dirigendis atque corrigendis, excubat virtutis vigilia, quæ cum suis actionibus argumenti utique Ethici, tum quia sic nescio quomodo meliùs, nâ meliùs, animadvertere est discrimen inter virtutes & affectus, ex quibus illæ ad primam speciem qualitatis pertinent, hi ad tertiam. Triverbio, affectuû naturalium theoria Physicæ germana est, earundem praxis variarum disciplinarum, interquæ eas jure domestico & singulari nostræ.

3. *Nomen sive nominalitatem vocis si species.*

Est, Græcè Philosophantibus motus hic appetitus sensitivi Ορμή *Impulsus sive Impetus, Παθή* Passio *sive Perpassio, Ἡθος, Mos sive Consuetudo certa, Latinè Philosophantibus, Stoicè Perturbatio & Ægritudo, Academicè Affectio, Peripateticè Affectus appellatur. Ορμή, Impulsus sive Impetus, à commotione, quia incitat, impellit, trahit, rapit hic motus. Παθή, Passio sive Perpassio, quia subiectum suum variè afficit, movet, mutat, inclinat, sistit, avertit, adeoque pati facit, ita ramen, ut agat quoque.*

4. *Neque enim affectus mera passionibus sunt, sed ex actionibus & passionibus simul misti. Passiones sunt affectus. I. Quatenus appetitus movetur ab objecto cognito. II. Quatenus idem appetitus, ab objecto cognito excitatus, suum ipsius actum in se recipit, id quod pati Philosophi appellant, verùm translato patiendi vocabulo, cùm hoc pati potius sit perfici, quomodo aërem pati dicunt, cùm illustratur à sole, atqui pati propriè dictum est mutari in deterius, non melius. III. Quatenus cor, reliquumquè corpus, spiritu adminiculo innaturali mutatione afficitur, sanguine nunc ad externas & extremas corporis partes sese effundente, nunc ad internas recurrente, tanquam ad arcem salutis. Actiones sunt affectus, quatenus appetitus, ab objecto cognito excitatus, huiusmodi motus in se ciet ac producit, quæ productio quædam actio est haud dubiè. Agit siqui-*

siquidem appetitus, quando v. g. amat, quia ciet actum, agit, quando odit, ob geminam causam, & tamen quoque etiam patitur, quia afficitur utrinque. *Sed universè interim affectus magis sunt passiones, quàm actiones*, quia passiones in his moribus manifestiores sunt, quàm actiones. Licet enim ex parte objecti sint tantùm actiones, tamen ex parte facultatis sunt, primò passiones, quatenus videlicet facultas movetur, mox actiones, quatenus eadem facultas, persuadee appetens, ab objecto cognito proritata aut irritata mover, actumquè suum in se admittit, respectu verò corporis, tantùm passiones, ut quod se habeat merè passivè, neque moveat, sed moveatur. Ut ita ratio formalis affectuum in passione potius quàm actione vertatur. Etenim actualis propensio ad prosequendum bonum, & persequendum malum, non est affectus, neque activa corporis ad prosecutionem vel persecutionem incitatio, verùm mutatio, quæ ex hâc inclinatione oritur in facultate appetente, subjectoquè ejus corde. Quamvis non eadem omnium affectuum heic sit ratio & natura. Nam qui rationem, vel anrèvertunt, vel evertunt & evirtuant, præcipuo quodam jure passionnes appellari merentur, cùm ab iis ducatur & rapiatur quodammodò appetitus, at qui sequuntur rationem, eiquè se malacissandos permittunt, nescio quomodo magis ad actio-

actionum naturam videntur accedere.

5. Neque verò $\Pi\acute{\alpha}\theta\epsilon$ tantum appellatur hic motus appetitus sensitivi, sed $\eta\theta\epsilon$, hoc est, Mos sive Consuetudo certa, forte ideò, quia vocabulum $\tau\tilde{\epsilon}\ \eta\theta\epsilon\upsilon\varsigma$, non tam morem, quam moris proprietatem, signat, id est, usum ac consuetudinem vitæ bonæ aut malæ, distinctam $\lambda\acute{\alpha}\nu\tau\tilde{\epsilon}\ \epsilon\tilde{\iota}\theta\epsilon\upsilon\varsigma$, consuetudine quavis in rebus quibuslibet. Propriè siquidem $\eta\theta\epsilon$ mores significat, ex quibus hominum animi cognoscuntur, v. g. ex bonis operibus virtuosus sive studiosus, ex malis vitiosus.

6. Quo loco in transitu notandum intergerinum discrimen inter $\tau\acute{o}\ \pi\acute{\alpha}\theta\epsilon$ $\kappa\alpha\iota\ \eta\theta\epsilon$. Scilicet $\tau\acute{o}\ \pi\acute{\alpha}\theta\epsilon$ significat affectum in genere, sive sit mitior, & mitificet, sive concitator, & concitet, $\tau\acute{o}\ \eta\theta\epsilon$ verò qualemcumque affectionem, à quâ $\epsilon\theta\epsilon$, quomodo $\pi\acute{\alpha}\theta\epsilon$ v. g. ira, $\eta\theta\epsilon$ iracundia, $\epsilon\theta\epsilon$ irascentia, sive consuetudo irascendi. Scaliger aliquis diceret, $\pi\acute{\alpha}\theta\epsilon$ $\kappa\alpha\iota\ \eta\theta\epsilon$ non solum gradibus differre cum Fabio, ut $\pi\acute{\alpha}\theta\epsilon$ sit $\eta\theta\epsilon$ vehemens, sed ipsâ $\epsilon\sigma\iota\varsigma$, Ita ut $\tau\acute{o}\ \eta\theta\epsilon$ sit principium agendi, $\tau\acute{o}\ \pi\acute{\alpha}\theta\epsilon$ verò patiendi, quomodo v. g. qui perturbat, $\eta\theta\epsilon$ habet, ut iracundus, qui perturbatur, $\pi\acute{\alpha}\theta\epsilon$, ut invidus. Atque adeò, quanquam in omnibus affectibus sit perturbatio, tam iis, qui perturbant alios, quàm iis, qui ab aliis perturbantur, tamen qui propriè loquuntur, ira dicunt, ut $\eta\theta\epsilon$ exeat ad actionem, $\pi\acute{\alpha}\theta\epsilon$ verò

sic definiueris sanè motum hunc appetitus sensitivi : *Affectus est motus appetitus sensitivi in corde , cum aliquâ mutatione non naturali corporis , ex apprehensione boni vel mali , mediantibus spiritibus & humoribus , ortus , illius consequendi , huius vitandi gratiâ .* Quâ definitione signanter signatur , præter ejus genus , etiam subjectum , & causa , maximè finalis , fide sequentium .

CAPUT XXXVI.

Quod Affectus propriè dicti , Genusquè , Subjectumquè , Causaquè , maximè Finali?

§. 1. **I**uvat quoque etiam hic ἀναλύνειν , sive resolvere .

2. *Definitum est , τὸ Παθόν , Affectus .*

4. *Definitur Genere , & Differentiâ Specificâ .*

4. *Genus Affectus est , non Naturalis Animæ Facultas , non Habitus Naturalis Facultatis , verùm Motio ejus sive Motus .*

5. *Non Naturalis Animæ Facultas . I. Quia recipitur in eâ , estquè affectio ejus , sive commotio ejus , media inter facultatem & habitum . Ut enim per naturam v. g. prædicti sumus facultate ridendi , postea ridemus , aliàs ex facultate , aliàs ex habitu , ira & à naturâ , & per naturam , prædicti sumus facultate concupiscendi atque irascendi , postea concupiscimus & irascimur , aliàs ex facultate , aliàs ex habitu . II. Quia facultas per-*

tinetur ad secundam speciem qualitatis, affectus verò ad tertiam.

6. *Non habitus Naturalis Facultatis.* I. Quia nullus affectus, ut genus, de habitu dici potest. II. Quia affectus naturæ ventrem quasi partus ejus sequitur, habitus autem comparatur aliquâ operationum repetitione, Theoreticus studio & disciplinâ, Practicus more & consuetudine, Pojeticus exercitatione in efficiendis operibus artis. III. Quia affectus inest omnibus, non tantùm hominibus, sed etiam bestiis perfectis, non item habitus. IV. Quia affectus est subitus & repentinus motus animi absq; *λογισμῶν* sive consilio, non item habitus, ut in quo partim *τὸ λογικὸν* habiter, partim *τὸ λογιστικόν*, illud in habitibus intellectualibus, hoc in moralibus & artificialibus. Atq; hinc adeò est, quòd ab affectu dicimur aliquo modo *κινεῖσθαι* commoveri, quoniam illo animus alteratur non nihil, & quasi mutatur, ab habitu verò *ἀφ' αὐτοῦ καὶ διὰ τὸ*, aliquo modo disponi, καὶ ποιοῖ τινες, cujusdam modi, hoc est, apti & idonei ad aliquid contemplandum agendum & efficiendum fieri. V. Quia ab habitu laudamur, vel vituperamur, ab affectu nō itē, cū per se sit quiddam indifferens, id est, nec bonum, nec malum, nisi rectē aut secūs gubernetur. Quatenus namq; affectus est motus naturalis, ut sic, nec laudatur, nec vituperatur, nisi quid moralitatis, hoc est, moralis vel moderatio-
nis

nia vel immoderationis accesserit, siue illud sit à naturà, siue ab assuefactione. Quamvis enim dentur quidam affectus, qui sint laudabiles, ut verecundia, nemesis, misericordia, tamè nō tam sunt tales propter se, quàm propter modum, quòd earum sit aliquis modus, neq; ἀπλῶς tales, sed πῶς, quomodo odium & malignitas vituperioque dignæ. VI. Quia affectus pertinet ad tertiam speciem qualitatís, habitus verò ad primam.

7. *Sed Naturalis Facultatis Motio siue Motus*, siue affectum consideres Physicè, ut motum cordis innatum, ad usum naturalem determinatum, contradistinctum à pulsa cordis, siue Ethicè, ut motum cordis acquisitum, ad usum moralem determinatum, saltem determinabilem, ut eo mediante animus noster commoveatur, v. g. gaudento, amando, desiderando, irascendo.

8. *At qualis Motio siue Motus, Immanens, an Transiens?* Immò verò immanens, quia enim in eà facultate recipitur, ut in subiecto, à quâ manat, ut à causâ efficiente, id quod proprium actionis immanentis, quæ ita intra agens manet, ut ad aliud extra agens objectū nō referatur, in quod transeat, quasi in subiectū aliquod, distinctū à supposito, quod agit, vel saltē quasi in distinctâ suppositi partē, à parte eâ, quæ in eo est actiua, qualis sensatio, siue actio sentiēdi, quæ recipitur in parte organicâ corporis, non in animâ, à quâ fit, cūm

actionis transeuntis sit proprium, quòd terminetur in subiectum re distinctum ab agente, qualis actio calefaciendi ab igne, quæ terminatur in aquam vel ferrum.

9. *Differentia Specifica Affectus sumitur à Subiecto ejus, & Causâ, maximè Finali.*

10. *Subiectum Affectus, persuade Inhesionis, duplex est, ut Quod, & ut Quo.*

11. *Subiectum Inhesionis Affectus ut Quod, iterum vel Negativum est, vel Positivum.*

12. *Negativum Subiectum Inhesionis Affectus ut Quod est Deus & Planta.*

13. *Deus*, tum quia in eo non sunt organa affectuum propriè dictorum, tum quia hi ad mediocritatem revocandi, τὴν μέσιν autem, ad mediocritatem redigenda, Deo appingere, aut affingere, non tantum αἰθερόλογον, sed etiam ἀφιλόσοπον. Dico, affectuum propriè dictorum. Ἀναλογικῶς siquidem atque impropriè eos etiam Deo tribuimus, quomodo Deum v. g. irasci facimus, poenitere, misereri, per metaphoram, atq; ad humanum apprehendendi ac considerandi modum. Nos enim, cum omnia agamus affecti affectibus, idèò supernis agentibus similem agendi modum attribuimus, verum per quãdam eminentiam, ut hîc Deo, in quo affectus nihil aliud sunt, quàm actus divinæ voluntatis, quibus aliquo modo assimilant affectuum humanorum actus, quatenus perfectionem includunt, quomodo etiam alia
Deo

Deo assignamus, uti audire, videre, de loco in locum progredi, manu uti, quæ sunt sensuum & locomotivæ.

14. *Plantæ*, cum ob alias rationes, tum quia affectus sequitur sensum, estquæ partus appetentis facultatis, ideoquæ non diffunditur infra animalia, & per consequens, nec ad plantas. Quævis enim quædam arbores rerû accessum sensu percipere videantur, illisquæ appropinquantibus ramos constringere, recedentibus explicare, reperiantur quin immo plantæ, se invicem amantes atq; appetentes, ut palmæ mares & feminae, item fugientes se invicem, atque odio persequentes, ut quercus & olea, hæc & cucumis, vitis & brassica, tamen in has non cadunt affectus propriè dicti, nisi fortè per sentiendi facultatem, quam cum animalibus aliquo modo communem habent, cum fiat zoophyta, verum obscuriorem scilicet, aliarum plantarum sympathiis atq; antipathiis, amoribus, Inquam, & odiis, quorum origo non à sensu, sed à peculiari temperamento, à categoriâ affectuum hæc virgulâ sequestratis, vel Idèò, quia veri & germani affectus, prævio sensu elicti, assuefactione mitescere immò deponi possunt, id quod in sympathiis & antipathiis plantarum non fit.

15. *Positivum Subiectum Inhasionis Affectus ut Quod, est in genere Animal, in specie Bestia & Homo, etiam Infans, etiam Puer.*

16. *In genere Animal*, quia affectus accidit certæ speciei corporis naturalis, putà animali, non omni illius speciei indifferenter.

17. *In specie Bestia*. I. Quia in bestiis sunt eausq̃ affectuum, anima videlicet sentiens & appetens, suis cum requisitis, quare & affectus, quia positis causis ponuntur effecta. II. Quia in iisdem principia & post-principia affectuum, hoc est, voluptas & dolor. III. Quia in iisdem signa atque opera affectuum. IV. Quia in iisdem species affectuum, irasci, inquam, amare, odisse, lætari, tristari, metuere, sperare, desperare. V. Quia, si affectus non caderent in bestias, tunc procul dubio id inde futurum esset, quia sejungi à rationis usu haud possent: Atqui falsum consequens, cum in infantibus etiam ante rationis usum deprehendantur: Ergo & antecedens.

18. Contra Stoicos, acutum sapientes in obruso, qui agebant, bestiis quidem competere motiones illas primas, quæ in homine antevertunt consultationem, affectus verò minimè, at eorū vice in iis reperiri feritatem, rabiem, incursionem, quæ nonnisi per metaphoram affectus nuncupentur, affectionesquè tantum sint affectibus similes. Scilicet sic argumentabantur Stoici: Animalia, quæ non valent ignoscere, illa nec valent irasci, quare nec affici. Febriculose! Dantur siquidem subjecta, quæ contrariorum sunt inca,

Incapacia, quomodo ignis v. g. calidus, qui tamen frigidus esse nequit, glacies contrà frigida, quæ tamen calida esse nescit. Ne dicam, bestias & ipsas ignoscere, ut sine ratione, ira non sine imaginatione, quomodo canis ab hero percussus non mordet, mordet percussus ab ignoto, illi igitur ignoscit, huic non item. Instant Stoici, affectus esse rationis depravationes, ideoquæ nō cadere in bestias rationis expertes. Ne convenienter suis hypothesebus, sed non thesi veritatis. Constat quippè affectus per rationē reduci posse ad mediocritatem, saltem in homine, ira ut amicè consentiant rationi, eiquæ tanquā instrumenta serviant ad præclaras & homini salutares actiones. Excipiat fortean Stoicus: *Quod si affectus cadunt in bestias, ergo & moderatio affectuum siue mediocritas, quare & virtus moralis!* Regeo, ut moderatio in eas cadat materialiter, quomodo videmusque etiā ferocissima domari ac mitigari animalia, leones, ursos, elephantos, equos & tauros silvestres, nō tamē cadit formaliter, persuade, subformalitate morali, tum quia moderatio illa nō est à ratione propriā & internā, sed alienā & externā, nempe domantis & domitātis, tū quia finis ejus non est honestū, sed hominis commodum & compendium, tum quia non proficiscitur ex ἀρετῆς, sed ex φαντασίᾳ tantūm fortī, & memoriā sensitivā. Taceo, quod moralis virtutis ratio formalis nō consistat

sistat abscessu in moderatione affectuum, sed hæc ipsa moderatio potius sit effectum & consequens virtutis moralis.

18. *Item Homo, ad Hominem Infantem & Puerum usque inclusivè*, cum ob easdem rationes, quæ hîc commilitant, quia in eis se produnt & promunt bonâ fide causæ effectuum, principia & post-principia, signa atque opera eorundem, necnon species, tum quia affectus ante usum rationis non sunt distincti specie ab illis, qui post usum rationis, quare nec in homine infante, puerovè.

19. *Subiectum Inhasionis Affectus ut Quo, & ipsum vel Negativum est, vel Positivum.*

20. *Negativum Subiectum Inhasionis affectus ut Quo est Facultas Cognoscens, sive Mens Stoicorum, & Facultas Appetens, sive Voluntas Scotistarum.*

21. *Facultas Cognoscens sive Mens Stoicorum*, qui affectus statuebant esse opiniones & judicia, ac proinde ad cognoscentem facultatem referebant. Α' φιλοσοφως! I. Quia affectus, γνησίως sic dictus, in objectum fertur, ab eovè aufertur, non sub ratione veri aut falsi, id quod facultatis cognoscentis, verum sub ratione boni aut mali, id quod facultatis appetentis. II. Quia maxima vis est affectus in corpus animalis, quod inde alteratur vehementissimè, huiusmodi autem alteratio non potest proximè esse à facultate cognoscente, sed ab appetente. Neque enim
vel.

vel mens vel phantasia per se, tanquam immediata & proxima causa, potest movere sanguinem, aut spiritus, hisquè instrumentis alterare corpus, verùm inter eas & effectum intercedit appetitus, qui, dum prosequitur vel fugit objectum, tanquam ministros assumit sanguinem & spiritus, quos vel in objecti emittit occursum, vel ad interiora revocat. Cùm enim magna sit in corpore *superfluitas* inter partes ejus corporeas invicem, quidni quoque sit inter has & facultates animæ materiales, qualis appetitus sensitivus. III. Quia facultas cognoscens in cerebro residet, in quo affectus bonâ fide ponitur, quia ibi vigent operationes & facultates, quæ affectui adversantur, judicium videlicet & ratio, eadem verò facultas actiones pugnantes eodem tempore non producit. IV. Quia affectus sequitur actum facultatis cognoscentis. V. Quia nihil movetur in rem quampiam cognoscendo, sed appetendo, ut moveri verò proprium affectus. VI. Quia actio & facultas semper occupatur circa idè subjectum: Jam verò affectus se manifestat per corporalia organa, cùm sit materialis & organica operatio: Quare non cadit in potentiam intellectivam, cum quâ non est tanta corporis *superfluitas*. VII. Quia nullum accidens reperitur, nisi in suo adæquato subjecto: Atqui bruta & pueri, licet usu rationis destituantur, quâ bruta prorsus carent, nihilo-

minùs affectibus agitantur: Ergò mens non potest esse adæquarum subjectum affectus!

22. *Facultas Appetens, siue Voluntas Scottistarum*, qui, licet affectus, conjunctos cù alteratione corporali, collocarent & ipsi in appetitu sensitivo, aliquos tamen affectus propriè dictos locitabant in voluntate, .cujus proprium foret, ut condelectari appetitui sensitivo, ita & contristari eidẽ, *Αφιλοσόφως!*
 I. Quia affectus propriè dictus subindè repugnat voluntari, ejusquẽ imperium detrectat, quare alterius atq; à mentis appetitu distinctæ facultatis, quoniam in eadem facultate simul contrariæ actiones vel passionες non dantur, vel ipso Scoto teste in loco. II. Quia omnis animi affectus conjunctus est cù corpore, quod cum eo semper quid patitur, vel experienciã suffragante, quæ docet, quoties animus affectu turbatus est; variè agitari spiritus, moveri sanguinẽ, concuti cor, ac sæpè totum corpus: At voluntas immaterialis & inorganica est: Quare morã voluntate non necessariò movetur corpus, nisi cù eã simul moveatur appetitus sensitivus, quæ voluntas idẽd esse nequit sedes & patria affectus propriè dicti. III. Quia, si in volũtate habitaret affectus propriè dictus, tunc nullus in nobis surgeret subitus motus nobis invitis. Utut inxerim non diffitear, in voluntate dari aliquid affectibus *ἀνάλογον*, hoc est, affectus per similitudinem & metaphoram, quomodo affectus.

fectusquē ascribimus Deo, & separatis mentibus, per humanum apprehendendi ac considerandi modum, & cum quādam eminentiā. Hujusmodi-motiones, quibus sic movetur voluntas à judicio rationis, sicut appetitus sensitivus movetur à judicio sensus, si quis velit affectus nominare, non erit funis contentions propterea ducendus, modò caveatur, ne moriones appetitus sensitivi cum motionibus voluntatis confundantur. Quòd si dicas, dari nihilominus affectus homini proprios, qui ad gloriā honorē justitiā pertineant, aliaquē non sensu sed ratione cognita, quomodo quotidie cernimus hominē verecundiā duci, æmulatione accendi, cōmoveri maxime imminutā existimatione, excandescere læso honore, quā jacturam & quod detrimentum inferior appetitus non percipit, quoniā ratio offensam illā concipit ut turpē, voluntas ut detrimentosam, quare saltē hos pertinere ad facultatem hominis propriam: Responsitabo, hos non constituere novam speciem aut fortē affectuū, quia & ipsi mediante sensu excitantur à ratione, ministeria phantasie supernè commotæ, argumento, quòd etiam tales affectus excitentur per cōmotionem sanguinis & spirituum, licet interm à reliquis affectibus differant objecto, quod bonum vel malum intellectui cognitum, differant subjecto, quod homo, differant efficiente, quod intellectus præfatus.

differant ordine inexistentiæ, quia secundò insunt, hoc est, homini, non ut animali, sed ut tali animali, hoc est, homini.

23. *Cur verò hominis affectus plures sint, quàm reliquorum animalium congenerum, regio ejus rationis hæc est, quia homo plura cognoscit, ideoquè & cognoscendo appetit, neque unum sed multiplex vitæ genus natus est vivere, pro cujus varietate affectus existunt varii, quos varia cōcitant objecta: Plures autem? Immo & vehementiores, tum quia maximè omnium animalium homo voluptate & dolore afficitur, quæ principia fomites & affectæ affectuum, quo fit, ut homo solus nonnunquam nimia voluptate moriatur, dolorevè, solus semper coitum experat, cætera animalia destinaris temporibus, solus, dum vehemenri aliquâ affectione turbatur, magis nescio quomodo extrinsecùs mutetur, palleſcendo, erubescendo, contremiscendo sive palpitando, rû quia externi sensus, gustus, inquam, & tactus, in homine sunt exquisitissimi, per quos ideò vehementissimi excitantur affectus, ob tenuitatem & irrillationem cutis, alimentorumquè ac condimentorum varietatem, tum quia cognitio in homine exquisitior & major ob animæ præstantiam, majorem autem cognitionem atque appetitionem vehementiores sequi solent affectus, tum quia objecta, quæ homini se offerunt, eumquè sede suâ movent, majora.*

majora, præstantiora, incitatoria atq; conclatiora, magisque impulsiva & compulsiva, tum denique, quia sanguis & spiritus hominis subtiliores, qui ideò faciliùs & vehementiùs commoventur, quàm crassior brutorum spiritus & sanguis, præsertim cùm homo præditus sit tenuissimis humoribus, temperamentoquè facillimè nato alterari, cordequè calidissimo & spirituosissimo.

24. *Subiectum Inhaesionis Affectus ut Quo Positivum est Facultas Appetens, sive Appetitus Sensitivus Peripateticorum & Thomistarum. I.* Quia affectus homini communis cum brutis animalibus: Quare secundum facultatem ipsi competir, quam cum brutis communem habet: Ergò secundum appetitum sensitivum. *II.* Quia affectus est passio materialis, cujus ideò in alterandis corporibus proxima vis, per sanguinis & spirituum multam ac magnam commotionem, quæ ad facultatem rationis immaterialem atque inorganicam immediatè referri nequit, cùm nullus motus ejus cum mutatione corporis primò fiat, proximequè corpus moveat. Thomas diceret, passionem sive affectum propriè inveniri ibi, ubi est transmutatio corporalis, hanc verò reperiri in actibus appetitus sensitivi, non intellectivi, ut qui non sit virtus alicujus organi, quare in illo non in hoc querendum affectum. *III.* Quia affectus formam & modum recipit à virtute in more positat

Quare in eâ regione animæ, in quâ illa. IV. Quia in appetitu sensitivo id persecutio & fuga, quod affirmatio & negatio in facultate cognoscente: Atqui affectus non consistit in affirmatione & negatione, sed persecutione & fugâ: Ergò ! V. Quia objectum, quod actione attingitur, vel vitatur, est singulare, singularium verò sensus.

25. *Nominatim Cor, suâ naturâ dilatari vel constringi aptum.* I. Quia, si subjectum affectus propriè dicti non est cor, tunc aut cerebrum erit, aut epar: Non illud, quia in eo sedes quasi & domicilium rationis, quæ affectui sæpenumero adversatur: Non hoc, quia affectus, qui sunt in epate, iudicio & ratione nequeunt regi, ut fames, sitis, impetus ad procreationem: Ut enim possit iudicium seu ratio imperare facultati moventi, ne cibum capiat, ne bibat, neu generet, attramen ne se prodar, ne incitet, ne perturbet & extimulet, nequit efficere: Ergò cor, convenienter scripturæ, quæ nos jubet Deum diligere ex toto corde. II. Quia ipse pulsus hominis est indicium, cor vehementer feriri agitari tremefieri ab affectibus, à quibus nulla pars corporis gravius affligitur, quàm ipsum cor, quod, quò calidius & siccius, hoc vehementiores excitat affectus, quò frigidius & humidius, hoc languidiores, quò majus & solidius, hoc majores & constantiores, propter spirituum copiam, quò minus & laxius.

laxius, hoc minores & inconstantiores propter eorundem inopiam. Unde propter diversum harum qualitatum cordialium temperamentum homines vel Cholerici vel Melancholici vel Sanguinei vel Phlegmatici audiunt, quorum illi ad iracundiam proclives, isti ad invidiam & tristitiam, hi partim ad lætitiā & amorem, partim ad metum & ignaviā synclimaticè, quomodo in Europæis, propter caloris interni excessum, notare licet audaciam, in Africanis ob ejusdem defectum timiditatem, in Asiaticis propter temperiem horum affectuum moderationem. III Quia, sicut nimia animi intensio, quæ cerebri opus, affert insaniam, ita lætitia & tristitia nimia mortem vel repentinam, id quod fieri haud posset, nisi hæ commotiones ipsum vitæ fontem peterent rectà, hoc est, cor, quod sicut primum vivens, ita ultimum moriens. Utut interim non desint, qui singulis affectibus singulas sedes tribuant, lætitiæ splenem, iræ fel, libidini jecur, quæ tamen partes non tam subjecta affectuum, quàm organa, incentive, inquam, atque incitamenta intrinseca, sua per temperamenta.

26. Scilicet in affectu triplex datur motus subordinatus *ἐπὶ πάτερ*, quorum primus facultatis cognoscentis, quæ excitata ab objecto illud cognoscit & judicat, primò absolute, mox cū conditione boni vel mali, afferentis nobis.

nobis delectationem, vel tristitiam: Secundus facultatis appetentis, quæ ex pergefacta hoc iudicio de objecto, illud appetit, si bonum, fugit, si malum: Tertius locomotivæ, quia excitatâ appetitione, vel fugâ, mox alterantur spiritus, certoquè modo corpus afficiunt, concitatis & concitatis unâ cum appetitu instrumentis motus, pro adeptione vel fugâ moventium: Quorum motuum primus affectus non est, verùm ejus origo & principium: Sed nec tertius, qui effectus veriùs, quàm affectus: Ergò medius, hoc est, motus facultatis appetentis, vergentis ad objectum, vel divergentis ab objecto, cum quâdam spirituum & corporis agitatione.

27. *Causa Affectus quadruplex est, Efficiens, Materia, Forma, & Finis.*

28. *Causa Efficiens sive Conficiens, Affectus vel Principalis est, vel Minus Principalis. Principalis Causa Efficiens Affectus est idem Cor, è cujus thalamo egrediuntur, & ad quem regrediuntur spiritus vitales, qui affectibus serviunt. Minus Principalis Causa Efficiens, Affectus vel Instrumentalis est, vel Adjuvans. Causa Efficiens Instrumentalis Affectus sunt fibræ cordis, quibus illud dilatatur & constringitur, quibusquè attrahit ac depellit quasi manibus objectum. Causa Efficiens Adjuvans Affectus sunt Spiritus & Humores: Spiritus, quia postquam apprehendimus objectum, & judicamus illud bonum aut malum.*

lum esse, mox spiritus moti in cognitione feriunt cor, quod quasi ictum & pulsatum cietur, atque aut appetit objectum, aut fugit: *Humores*, quorum alii exæstuant in aliis affectibus, in irâ v. g. flava bilis, in tristitiâ nigra vel atra bilis, in lætitiâ sanguis. Ut ita Temperamentum, hoc est, naturalis temperatio spirituum & humorum, cum in toto corpore, tum in vasis & visceribus interioribus, ac principalibus, sit causa adjuvans affectuum. Dico, causa adjuvans. Neque enim affectus totaliter & necessario pendent à corporis temperamento, uti sapes, odores, colores, verum partialiter & contingenter. I. Quia plures ad affectuum generationem in homine concurrunt causæ, tam Internæ, quo de numero institutio atque assuetudo, quæ unicuique dæmon, quàm externæ, qualequid objectum, quod ad varia variè homines allicit, tum ratione quantitatis, quoniam objectum, quod objectivius, hoc magis hominem mover, tum ratione qualitatis, quoniam idem, quod cognoscibili & cognitius, hoc magis eum impellit, quoniam quanto plus inest in cognitione intellectus, tanto plus est in desiderio appetitus: Atqui ratio, quæ affectibus superior, institutione atque assuetudine adjuta, naturæ dominatur, ejusquæ propensiones in actum vel internum vel externum prorumpere semper non sinit, prout documentoque esse.

esse possunt biliosi, quos quandoq; temperare iræ cernas, phlegmatici, quos habenas laxare eidem, sanguinei, quos, in lætitiâ proni cùm sint, ferri nihilominus in contrarium per morem atque assuetudinem videas non semel. Usque adedò temperamenta inclinant tantùm, non necessitant! Quamvis enim homines ut plurimùm ita vivant, prout per naturam sunt proclives, tamen in viro moraliter renato, id est, rectè instituto, atque educato, secùs se res habet, superante ratione, & congruente consuetudine, depravatas naturæ inclinationes. II. Quid, si affectus totaliter, sive in solidum, sequerentur temperamentum corporis, tum verò inane ac supervacaneæ essent omnes disciplinæ, elusoriæ atq; illusoriæ forent omnes rectæ institutiones, frustraneæ leges, inutiliter præmia probis poenæ improbis proponerentur: Eccur? Quia enim de his solidum leges & disciplinæ decernunt, quæ pertinent ad mores, haud aliâ de causâ, nisi quia ea sola sunt in nostrâ potestate, non item, quæ à naturâ temperamentovè in solidum. Nam deridendus profectò esset legislator, qui sanciret v. g. lege, viperas & scorpiones non debere esse venenosos, cancrum debere recto gradu incedere, conderidendus idem, siquidem viros naturâ deformes gibbosos claudicantes reprehenderet eo nomine, legèquè statueret, ut tales non essent, qui si

vitia

vitiis inquinatos perurgeat, cum ratione id facit, quia tales non naturâ, sed moribus.

29. *Objectum sive Materia circa quam Affectus* est bonum & malum in genere, sive *ὄντως*, verâ re tale, sive *φαινομένως*, apparen-ter atque adumbratè. Etenim cùm affectus non à sensu solùm, sed etiam à ratione, orian-tur, non solùm bonum jucundum, & ma-lum triste, ut in bestiis & pueris, puero-rumquè simillimis adultis, verùm etiam bo-num utile ac honestum, & malum inutile ac turpe, affectus concitare possunt, ut in ho-mine rationis compote, qui, si ratio cū phan-tasiâ in estimatione boni vel mali consentit, sine ullâ tergiversatione amplectitur objectū bonū, aut repudiat objectum malū, sin ratio & phantasia dissentiunt in judicaturâ boni & mali, tunc verò surgit in eo conflictus, saltem fluctuatio quædam animi, quæ non prius componitur, quàm vel ratio affectum, Hercules Antæum, superaverit, vel affectus rationem, Antæus Herculem. Sed in ho-mine benè affecto vincit Hercules scilicet, Dei filius, hoc est, ratio, non Antæus, terræ filius, hoc est, affectus. Cùm verò omnia sen-suum objecta cient aff ctus, tum objecta vi-sus & auditus vel maximè, quomodo v.g. so-num asperum raucum fractum ad indigna-tionem & confidentiam provocare videas Alexandrum, quem Timotheus cantu suo exacuerè solebat, mollem contrâ sonum blan-

blandum & concinnum, ad castitatem & moderationem Clytemnestram, quâ non nisi post Demodoci cantoris cædem potiri Ægyptus potuit, oculorum illicitis in eum amorem indutus & inductus.

30. Quamvis verò magna objectorum vis sit hâc parte, affectuum multò major, tanta tamen non est, ut propterea τὰ ἄλογα πάθη minùs sint ἀνθρωπικά, in hominis potestate, quàm ὁ λογισμὸς, persuade Ethicè, non Physicè. Nam Physicè quidem necessarii sunt affectus, & quâ concipiuntur, & quâ foveantur, & quâ deponuntur, nec magis in hominis potestate, quàm sensus, aut quidvis aliud naturâ ei insitum, enimverò Ethicè voluntarii sunt, & quâ λῆψιν summionem, & quâ φυλάκην custodiâ, & quâ ἀφαιρέσιν deposicionem. I. Quia homo liberè determinare potest suos affectus ad bonum vel malum morale, eosquè rectæ rationis imperio subicere liberè, vel non subicere, non valiturus id, nisi in ipsius essent potestate. II. Quia affectus diriguntur habitu, cujus nos sumus autores ad aliquem modum. Quanquam enim eorum principalis causa sit natura, & res objectæ, tamen quia reguntur habitu, cujus causa nos sumus, certè hâc ratione ipsorum quoque causa in nobis est aliquo modo. Quorum namque causæ in nostrâ sunt potestate, etiam ea, quæ sunt effectus, in nostrâ sunt potestate. III. Quia nisi hoc esset, tum
verò.

verò iterum vana foret omnis puerorum institutio, quâ ab ineunte ætate condocerent, ut discant affici iis rebus, quibus quando & quantum decet, frustraneæ forent omnes leges ac præceptiones de sedandis & compescendis affectibus, nullusquæ mortalium amplius vituperari posset puniri vè ob affectuum intemperiem, eadem v. g. ex irâ, fugam ex metu.

31. *Forma Affectus* est ipse motus cordis, quo homo prosequitur aut fugit objectum, sive rem monstratam, vel, quod in idem reeidit, ipsa persecutio, aut fuga. Scilicet objectum affectus, vel bonum est, vel malum: si bonum, tunc cor illud prosequitur: si malum, tunc averfatur, atque hæc persecutio aut fuga est causa formalis affectus.

32. *Finis Affectus, vel Remotus est, vel Proximus*: *Remotus* est salus & incolumitas animalis, quæ duabus rebus conservatur, boni consecutione, & mali propulsatione: *Proximus*, consequi idemmet bonum, & vitare idemmet malum. Etenim re cognitâ sub ratione boni fertur affectus in illam, quò obtineat eam, & contrâ re cognitâ sub ratione mali auferitur ab illâ, quò eam viter.

33. Unde sequitur corollarie, *Affectus non esse in se per se sive toto genere malos*. I. Quia tendunt in bonum, atque ipsam aded salutem animalis. Aut ergò natura frustra homini concessit appetitum sensitivum, vel etiam perperam,

peram, aut motiones appetitus sensitivi, id est, affectus non sunt in malis numerandi, vel arguente id naturæ opificio, quæ implantavit homini facultatem irascendi & concupiscendi, deditquæ huic appetitiones varias, harumquæ instrumenta, cor, splenem, fel, jecur, haud dubiè ob finem aliquem, cùm natura nihil faciat frustra, sed omnia referat, vel ad cōservationem speciei, vel ad cōservationem individui. Sicuti ergò huic inſevit procreandi appetitum, propter cōservationem illius, famem sitim propter cōservationem hujus, ita & alias appetitiones, lætitiā, v. g. mœſtitiā, amorem, metum, spem, iram, misericordiam indidit, ad expetenda convenientia, fugiendaquæ contraria. **II.** Quia Deus non tantùm hominem affectibus obnoxium condidit in naturā integrā, sed etiam post lapsum eòsdē præcepit, ut amorem sui, nostri, proximi, conjugum, liberorum, odium contrā turpitudinis; Jam verò haud dubiè Deus ter optimus præcipit res optimas. **III.** Quia ipsi quin Deo, & beatis mentibus, tribuuntur affectus in sacris, saltem κατ' ὁμολογήματα, secundum quandam similitudinem. Dicitur enim Deus irasci, misereri, pœnitentia duci, diligere, quæ minimè ei tribuerentur, si tantùm vitium & declinationem à ratione indicarent, nihilquæ perfectionis & rectitudinis includerent. Quæcunque enim in homine

mine denotant perfectionem, ea verò tribuuntur quoque etiam Deo, verùm κατ' ἐξοχήν, secundum eminentiam scilicet. IV. Quia ipse Dei filius, qui ab omni peccato fuit alienissimus & expurgatissimus, affectibus fuit præditus. Bis quippè flevit, coepit angi, lætatus est, excanduit, misericordiâ affectus fuit. V. Quia nonnulli affectus facultatis irascibilis contra cupiditatem pugnant pro ratione, quare damnari nequeunt, quin ipsa damnetur ratio, VI. Quia id, quo benè vel malè uti possumus, non est ex se malum, quoniam, quod de per se malum est, nunquam ad laudabilem mediocritatem redigi potest: Arqui affectus sunt huiusmodi, cum cupiant timeant lætentur doleant boni pariter & mali, sed illi benè, hi malè: Ergò. VII. Quia potentiùs ferimur in optatos fines affectuum beneficio, consequimur eos perfectiùs, fruimur his jucundiùs, siquidem affectibus non abutamur, verùm utamur ut famulis rectæ rationis, id est, non tanquam ducibus & consiliariis, sed tanquam comitibus & auxiliariis. Cum enim affectus sint instrumenta, instrumentorum autem conditio & natura ex congruente usu sit æstimanda, per rectum porrò usum varias ex his eliciamus utilitates, jure utiles judicari debent, neque damnari infructuositatis aut infrugalitatis. Conspicimus siquidem v. g. iram conducere fortitudini, qua-

quatenus vires auget, nosquè reddit expeditiores: Est & suus timori usus in declinandis periculis, misericordiæ item suus, quò aliis hoc promtiùs òpem auxiliumquè feramus, item spei, quæ erigit afflìctos. Geminum de reliquâ tribu affectuum iudicium. VIII. Quia amor & odium ita per universam vitam, omnesquè nostras actiones, diffusa sunt, ut sine his vita nostra ne vitalis quidem sit. Absque amore namque & odio si foret, nemo se bonis adjungeret, nemo malis abjungeret, eorumquè consuetudinem fugere. Atque adedò, quis non eum jure arguat, qui non amet amandos, oderit dignos odio? Qui, pro quibus oportet, non irascatur? Eorum, quorum misereri convenit, non misereatur? Qui non timeat timenda, speret speranda? Ut breve faciam: Omnis affectus est passio, passio est qualitas, qualitas est accidens, accidens est ens, omne ens est bonum, quare & affectus.

34. Sed & illud exindè sequitur, *Affectus quoque etiam cadere in Sapientem*. I. Quia affectus sunt motus naturales, qui in homine oriuntur naturaliter objecto proposito, quare sapiens illis non carer. Etenim, si affectus sunt naturales, ut sunt, tunc nemo ab illis potest esse liber: Aut, quid causæ dicemus subesse, cur ea, quæ per naturam insunt omnibus, viro sapienti non insint, eaque, quæ in & per se bona, non sint bona bono.

hinc

huicquæ insint? Cùm enim affectus ex se non sint mali naturaliter, ad mediocritatem verò si revocentur, etiam sint boni moraliter, ergò in sapiente esse possunt. I I. Quia affectus sunt pars imaginis divinæ in homine, quam inducere velle atque expungere in sapiente, implum. I I I. Quia heroici impetus sunt affectus: Hi verò singularia Dei dona: Quare boni: Si boni, ergò cadunt in sapientem, qui non impenetrabilis, ut rupes, nullum sensum admittens, uti poeta ille anonymus, qui sic Stoicabundus de se saxeo ore & pectore:

*Nescio, quid sit amor, nec amo, nec amor,
nec amavi.*

Dico Stoicabundus, hoc est, Stolicos sequens, qui sic logicabantur captiosè: Qui morbofi sunt, sani non sunt: Qui sani non sunt, insipientes sunt: Ergò, qui morbofi sunt, sapientes non sunt: At li, qui affectus sentiunt, morbofi sunt, quoniam hi sunt morbianimi: Quare affectus nullatenus cadunt in sapientem, ut qui sanus, non morbofus! Quasi verò hoc verum sit de affectibus in genere, & non potiùs de æquivocis affectuum appositionibus, hoc est, excessu & defectu affectuum, affectibusvè rationi adversis, in quibus medium ferire non licet, ut sunt *ἐπιχαρεια*, *ἀναισθησία*, *φθόρος*.

Annon Bellum hoc Ethico-Patheticum quâdamtenus possit componi inter partes, ferram contentionis reciprocantes, per syncretismum Philosophicum, idquæ viâ conciliationis sequestra?

§. 1. **B**ellum, fas ita loqui, Ethico-Patheticum Peripateticorum & Stoicorum, partim Nominale est, sive Philologicum, partim Reale, sive Philosophicum, utrumque Logomachicum.

2. *Nominale sive Philologicum hætenus:* Quia enim non convenit partibus de significatione vocis. Quod enim affectum volunt esse Stoici, quibus affectus est nomen rei naturâ suâ & per se vitiosæ, id Peripatetici negant, quibus affectus nomen rei, per se & naturâ suâ non vitiosæ, sed quæ tamen per excessum & defectum vitari possit. Hinc, quod hi affectum, illi ægritudinem & perturbationem vocant, ipso nomine involventes vitium.

3. *Reale sive Philosophicum hætenus:* Quia Stoici affectus omnes opinione definiunt, ut qui primò in geniturâ eorum considerent *φύσας*, visionem animi subitam, quâ mens hominis primâ statim specie rei objectæmoveretur, secundò *εἴξις*, cessionem sive admissionem motus, quâ eadem mens hominis, sic mota, vi quâdam pellitur, ut si sonus aliquis formidabilis è cœlo, aut ex ruinâ, sit datus, repentinusvè periculi nuncius allatus,

tus, quo in casu sapientis quoque animum paulisper moveri contrahi pallefcere ajunt, ita tamen, ut quamvis breviter ac strictim colore & vultu mutetur, statum interim vigoremque sententiæ suæ retineat, quam de hujusmodi visis terrificis semper habuit, neque tam moveatur præfentiâ mali, quam motu rapido atque inconsulto, Ideoque involuntario, tertio συγκαταθήσει consensio- nem, quâ eadem mens humana dictam παρρησίαν atq; εἰς assensione suâ approbat stultorum more, qui, qualia sibi esse primo animi sui impulsu visa sunt sæva atq; aspera, talia esse putant, proptereaquæ perturbantur quoque, quarto ὀρεῖται, appetitus concitatio- nem, adeoque ipsum affectum: Enimverò Peripatetici non opinione hos sed motu definiunt, eoquæ sensitivo, sive appetitus sensitivi, cujus affectus sunt morus. II. Quia Stoici omnes affectus toto genere, sive in totâ latitudine suâ, malos esse pronunciant, distinguendo etiam atq; etiam inter πάθος, quod de eorum sententiâ nihil aliud, quam averfa à rectâ ratione & vehemens contra naturam animi commotio, quæ, si oriatur ex opinatis bonis, libido his & lætitia, sin ex malis, metus atque ægritudo, & ἐνπαθὲς, quæ de eorundem sententiâ nihil aliud, quam commotio animi placida, constans, & secundum rationem, quæ, si oriatur ex opinatis bonis, voluntas his & gaudium, sin

ex opinatis malis, cautio, quoniam ægritudi-
ni, tanquam *πάθει*, nullam *ἐν πάθειαν*, sive
affectionem laudabilem, opponunt, eò quòd
nolint sapientem suum præsentis mali opi-
nione affici. Non sine ratione in speciem;
Voluntas siquidem bonum appetit, id quod
quoque facit sapiens, collaterale huic gau-
dium est de bono adepto, quod & sapiens
adipiscitur, cautio hinc devitat malum;
quod & sapiens debet effugere, qui, sicut vult
& gaudet, ita quoque cavet cavenda, at quia
ægritudo de malo est, quod jam accidit, nul-
lum verò malum potest accidere sapienti,
ideò nihil in animo sapientis pro illà ponere
Stoici. III. Quia Stoici negant, affectus ca-
dere in sapientem, quem velle quidem con-
cedunt, at non cupere, gaudere, at non læ-
tari, cavere, at non metuerè, nedum præ-
sentis mali sensu permoveri, cujus contra-
rium astruunt Peripatetici.

4. *Virumque Logomachicum, & quàm λόγον,*
quatenus signat orationem, & quàm λόγον, qua-
tenus designat rationem.

5. *Quàm λόγον, quatenus signat orationem;*
Quia, utut rectè de hoc articulo morali sen-
serint Stoici, malè tamen locuti sunt, ut qui
universum genus perturbationum damnan-
do, damnârint eam partem, quæ ab ipsisquè
damnatur Peripateticis: Atqui non tan-
tùm sentiendum cum doctis, sed & loquen-
dum, minimùm usu artis, quoniam Philoso-
phum

phum *δεῖ ἀκριβολογεῖσθαι*, oportet arguari.

6. *Quà λόγον, quatenus designat rationem.*

I. Quia affectus opiniones & iudicia, si non propriè, saltè metonymicè, si minùs in sensu formali, minimùm in causali, quomodo eclipsin què solis dicimus esse interpositionem lunæ inter solem & oculum nostrum, eò quòd interpositio hæc defectus solaris sit causa, similiterquè eclipsin lunæ interpositionem terræ inter solem & lunam, quia interpositio hæc deliquii illius causa, quò dicendi charactere metum ipse Aristoteles appellat expectationem mali, non quòd sit ipsa expectatio mali, verùm quòd affectus, ortus ex expectatione ejus. II. Quia, si affectus consideres ut motus cum Peripateticis, ita moraliter indifferentes sunt, hoc est, nec boni, nec mali moraliter, naturaliter interim boni, quoniam tunc nihil intelligitur aliud, quàm ipsæ appetitiones simpliciter, appetitio autem, ut appetitio, naturalis est, ideoquè bona: Sin eosdem consideres cum Stoicis, ut extravagantes, & quatenus à præscripto rationis exorbitant, tunc omnes utiq; mali sunt: Aliud autem est, dicere, affectus non esse bonos aut malos moraliter, quatenus sunt affectus, id quod dicunt Peripatetici, aliud dicere, affectus nullo modo esse bonos aut malos moraliter, quod ne ipsi quidè dicunt Stolci. Sicut enim actiones multæ sunt malæ, & nulla tamen earum est mala.

quà est actio : Ira etiam affectus mali esse possunt, ut sunt omnes, qui contra rationem pugnant, neque tamen mali sunt, quatenus sunt affectus. Sic ire v. g. contrèctare què rem, malum non est, quatenus est ire & contrèctare quippiam, licet ire in ganeum, & contrèctare rem alienam invito domino, malum sit : Ad eundem modum, nec irasci nec dolere malum est, quatenus utrumque est tale, licet irasci innocenti, aut dolere propter voluptatem amissam, malum sit. Quare sicut non sequitur, omnis dolor, qui ex re capitur, ob quam dolere non oportet, qualis dolor invidia, est malus, igitur dolor simpliciter : sic non sequitur, omnes affectus exorbitantes ab honestate sunt mali, ergò affectus simpliciter ! III. Quia affectus considerari possunt, vel simpliciter, & sic in sapientem quoque cadunt, quoniam quà naturales cadunt in omnes homines, vel cum adjectione, & sic partim cadunt in sapientem, partim non cadunt in sapientem, cadunt, si boni moraliter, non cadunt, si mali.

7. Ut ira affectatum sit discrimen Stoicorū inter τὸ πάθος καὶ ὁ πᾶσις, quorum illud cadere volunt in animum insipientis tantum, quem cupere, lætari, metuere, ægrè ferre patiquè faciunt, hanc in animum sapientis tantum, quem velle, gaudere, cavere, non irem perturbari. Neque enim patet ratio, cur

cur, dum animus sapientis movetur post re-
ctum iudicium, vult, gaudet, caver, non de-
beat ea motio appellari *πάθος*, præsertim
cùm pertineat, vel ex Stoicantium sententiâ,
ad eandem facultatē, nempe cognoscentem.
Deinde, si ea motio est *πάθησις*, bona affe-
ctio, affectio utique erit: Dicere autem,
quòd non sit affectio, verùm constantia af-
fectioni opposita, hoc verò est mutare no-
men, non rē, immò uti nomine minùs rectè.

CAPUT XXXVIII.

*Divisio Stoica Affectuum in quatuor, & Peri-
patetica in duas classes, Ἐπιθυμία Concupiscen-
tiam, & Θυμὸν Animositatem sive Animi Vi-
gorem.*

§. I. **V**aria na varia Affectuum celebrantur
Divisiones in Scholis Philosophicis, sed
receptissima, una Stoicorum, altera Peripateti-
corum.

2. Vna Stoicorum, cùm secundum differen-
tiam Præsentis & Futuri Boni Mali vè hos di-
vidunt, ita ut Desiderium sit boni absentis,
ejusquè fons & fundus jecur, Lætitia boni
præsentis, ejusquè fons & fundus splen, Fu-
ga mali absentis, ejusquè fons & fundus cor,
Tristitia mali præsentis, ejusque fons &
fundus fel.

3. Altera Peripateticorum, cùm eosdem di-
vidunt in Ἐπιθυμῆσιν & Θυμῆσιν. Quæ di-
visio non tantùm suo divisio conditisa, cùm

non dentur affectus extra hos, verum etiam contradiſiſa in ſe quoad partes dividentes. Probat. I. Quia affectus ἐπιθυμητικὸς καὶ θυμητικὸς habent diverſa objecta formalia : Atqui diverſitas ſpeciei ſequitur diverſitatem formæ, vel in eadem materiâ, ſicut diverſitas generis diverſitatem materiæ, quo fit, ut affectus prænominati differant ſicut ſpecies illius generis, reſpiciendo ad diverſa objecta ſpecialia, comprehenſa ſub uno objecto materiali, quod in præſentiquè argumento bonum & malum ſenſibile, in quod affectus ἐπιθυμητικὸς tendunt abſolutè, θυμητικὸς ſub ratione ardui, prout eſt vel adipiſcibile, vel fugibile, cum aliquâ difficultate, non quaſi difficultatem illam exſperant, ſed quòd utilitatem, cujus cauſâ difficultatibus obluſtantur, eaſquè ſuperant, removendo obſtacula, quæ obſtant, quòd minùs bonum conſequantur, malumvè fugiant.

4. *An verò, ſicut Affectus Ἐπιθυμητικὸς καὶ Θυμητικὸς re & ſpecie differunt à ſe invicem, ita & τὸ Ἐπιθυμητικὸν καὶ Θυμητικὸν ? Et utrum horum prius ſit ordine natura ac dignitatis ? De hoc dilemmate & bicommate ita Scholæ.*

5. *De priori, quòd τὸ Ἐπιθυμητικὸν καὶ Θυμητικὸν, hæc dua conſcultates, non realiter, ſed ratione tantum, ſint diſtinctæ, per ordinem videlicet ad diverſos actus & objecta, Ita ut unus idemquè reâpſe appetitus ſenſitivus, ſub unâ conſideratione, & reſpectu quo-*

quorundam affectuum, dicatur concupiscibilis, sub aliâ verò consideratione, & respectu aliorum affectuum, irascibilis. Firmatur:

I. Quia unus idemquè appetitus potest omnes illos actus præstare per diversos modos tendendi in suum objectum. Sicut ergò non statuuntur diversi intellectus, qui res spirituales & corporeas cognoscant, aut diversæ voluntates, quæ in res sensibiles & imateriales inclinentur, ita nec statui debent diversi appetitus ex solâ objecti diversitate, cumquè una voluntas ad totam boni latitudinem se extendat, cur non etiam appetitus sensitivus ad omne bonum sensibile? II.

Quia unicum est objectum formale adæquatum appetitus sensitivi, quare unica quoque potentia. Quamvis namque appetitus irascibilis feratur in bonum arduum, tamen illud bonum, quâ arduum, non est illi ratio appetendi, eò quòd difficultas appetitum arceat potius, id quod tamen dicendum foret, si bonum arduum diversam constitueret potentiam. Ut enim ò arduum in primis fulgeat in appetitu irascendi, siue attinentibus ad appetitum irascendi, tamen propter ea non est ocyùs ratio constitutiva facultatis, non magis quàm ò intelligibile arduum intellectus, visibile arduum visus distincti. III. Quia unicus est sensus internus, qui se extendit ad cognoscendam omne sensibile, ergò & unus appetitus ad appetendû omne

K 5.

bonum.

bonum sensibile: Eccur id? Quia enim appetitus sequitur potentiam cognoscendi, illiquè conformatur.

6. De posteriori, quòd ex duabus prædictis facultatibus & potentiis ordine natura prius sit τὸ Ἐπιθυμητικὸν τῷ θυμικῷ, ordine verò dignitatis prius τὸ θυμικὸν τῷ Ἐπιθυμητικῷ.

7. Τὸ Ἐπιθυμητικὸν prius τῷ θυμικῷ ordine natura, tum quia affectus concupiscibiles versantur magis circa finem, irascibiles verò potius circa ordinata sive destinata ad finem, jam verò finis prior ordinatis in finem, tum quia naturaliter ex affectibus concupiscibilibus cæteri, qui in irascibili sunt, oriuntur, tum quia affectus concupiscibiles vertuntur circa objectum, sub generali ratione, affectus verò irascibiles sub ratione contractione. Superaddit siquidem objectum irascibilis objecto concupiscibilis arduitatem, quod propterea ordine naturæ non postèrius illo, tanquam proprium communi, respectivum absoluto.

8. Τὸ θυμικὸν prius τῷ Ἐπιθυμητικῷ ordine dignitatis, tum quia objectum ejus præstantius, tum quia proximius rationi, pro quâ pugnat, tum quia spiritalior hæc pars, & robustior in comparatione, ideoquè generatione quidem posterior, at dignitate prior. Quævis non desint, qui τὸ Ἐπιθυμητικὸν etiã ordine dignitatis prius esse contendunt τῷ θυμικῷ, eò quòd appetitus irascibilis

fit minister concupiscibilis, animaliaquæ irascantur propter concupiscibilia, non concupiscant propter irascibilia, sed contendant.

9. Ac de distinctione affectuum in genere, in specie verò affectuum in ἐπιθυμητικὸς καὶ θυμικὸς, secundum τὸ ἐπιθυμητικὸν καὶ θυμικὸν appetitus, tantum est, nisi quòd in caudâ addendum aliquid de numero eorum!undenario, cujus hæc reddi solet ratio. Affectuum, inquit, quidam respiciunt bonum aut malum simpliciter, pertinentquæ ad appetitum concupiscibilem, alii bonum aut malum arduum, pertinentquæ ad appetitum irascibilem. Illi sex sunt numero, tres respectu boni, totidem respectu mali. Oblatâ siquidē re bonâ excitatur primùm in concupiscibili illius amor. Quòd si ea res sit absens, consurgit inde desiderium, quod est motus in rem absentem: Sin præsens, lætitia, quæ rei præsentis & adeptæ. Similiter oblatâ re sub ratione & notione mali, oritur primùm in concupiscibili odium, objectivum sive contrarium amor. Quòd si res, quam odio persequimur, absit, oritur atque exoritur inde fuga, objectiva sive contraria desiderio, quâ malum absens averfamur: Sin adsit, nascitur inde tristitia, objectiva lætitiae, quâ malum præsens refugimus. Hi quinque numero, duo respectu boni, tres respectu mali. Etenim, si obijciatur res respectu boni ardui, quam quis obtinere

se posse judicet, tum provenit statim in irascibili spes: Sin putet, eam se consequi non posse, existit desperatio: Non est autem in irascibili aliquis motus respectu boni, quod adsit & possideatur, quoniam quod jam adeptum est, non habet rationem ardui. Cæteri tres affectus, qui malum arduum spectant, vel illud spectant ut absens, vel ut præsens: Si ut absens, oritur inde timor, vel audacia, ille, si id formidemus propter difficultatem, hæc, si aggrediamur illud, quod depellamus eam. Quodd si malum arduum sit præsens, tunc consurgit ira, quâ animus exardescit ad depellendum malum præsens.

10. Nos in hoc ancipitio Peripateticabimur in Stoâ, & Stoicabimur in Peripato, revocatis Affectibus ad duas classes cum Peripateticis, *Ἐπιθυμίαν* videlicet & *Θυμὸν*, ad quatuor verò cum Stoicis, Desiderium videlicet, Fugam, Lætitiâ, & Tristitiâ, subordinatis subordinandis Pathologicè.

CAPUT XXXIX.

Species Affectuum Ἐπιθυμητικῶν, sive Prima Classis.

§. 1. **S**umma Genera Affectuum, & quasi Prædicamenta, ad quæ ceteri affectus reducuntur completivè, cum Stoicis sunt quatuor, Desiderium videlicet, Fuga, Lætitiâ, Tristitiâ, secundum differentiam temporis futuri & præsentis, inducentis specificam differentiam.

riam in actibus sive modis tendendi in ob-
jectum absens & præsens, quibus illud di-
versimodè apprehenditur: *Species verò Sub-*
ordinata, horum Generum Subordinantium,
cum Peripateticis sunt, inter Affectus Ἐπιθυμιαὶ, *Desiderii dua, Gratia & Amor,*
Fuga toridem, Malevolentia & Odium, Latitia
una, persuade, Ἐπισυναγωγία, Tristitia septem
Misericordia, Nemesis, Invidia, Zelus, Zeloty-
pia, Pudor, Pœnitentiâ, inter Affectus verò Ὀυμιαὶ, *Desiderii tres, Spes, Desperatio, Audac-*
cia, Tristitia dua, Metus & Ira.

2. De singulis agemus ordine atque or-
dinatè, de Affectibus Ἐπιθυμιαῖς hoc ca-
pite, Ὀυμιαῖς proximè insequenti.

3. *Desiderium Subordinans* est affectus
appetitus-sensitivi, quo expetimus bonum
absens, sive bonum futurum nondum ob-
tentum, quod uti conveniens fuerit per-
ceptum. Hoc nominis accepit à sideribus,
quasi de sideribus peteremus, quod median-
te eo petimus & appetimus. *Differt à Spe,*
Concupiscentiâ, & Amore: A spe hætenus, quia
spes de bono arduo, & difficilis adeptio-
nis, desiderium contrà de bono, quod fa-
cilè obtineretur, spes minùs constans & fir-
ma, desiderium magis, pro subjecti spe-
rantis & desiderantis conditione: A con-
cupiscentiâ hætenus, quia desiderium ra-
tionalius, tanquam bonum rationis atque
animæ, concupiscentia verò sensibilibior, ut

quæ boni secundum sensum : Ab amore hætenus, quia amor rei habitæ, sive absentis, sive præsentis, desiderium verò rei habendæ, sive absentis, ut quod re præsentē cesser, cùm amor naturâ suâ magis augeatur præsentia objecti amabilis.

3. *Gratia Subordinata Desiderio* est affectus appetitus sensitivi concupiscibilis, per quē, qui habet, dicitur gratificari indigenti, non ut aliquid pro eâ benevolentia sibi reddatur, aut utilitas aliqua ex eo officio obveniat, sed solum, ut illi, cui quis gratificari vult, aliquid boni contingat. Dico, pro eâ benevolentia. Neque enim vocabulum gratiæ heic significat, vel ipsum *δῶρον* beneficium, vel *ἀντιδωρον* sive *ἀντίδοσις*, retributionem beneficii, vel *τὰ φιληπία*, conciliativa benevolentia alienæ, ceu sunt, gratia morum, formæ, orationis, vel effectum gratiæ, tam nostræ, quàm alienæ, quomodo hominem gratiosum dicimus inde passivè, verùm benevolentiam, quâ alios complectimur, ad quam quinque requiruntur ingredientia vñ definitionis. 1. Ut detur, quod datur, gratis, hoc est, animo benefaciendi. 2. Ut indigenti. 3. Ut non remunerationis loco, sive pro re aliquâ. 4. Ut non ideò, quò is, qui dat, aliquid recipiat. 5. Ut ideò, quò is, qui indigus est, sublevetur. Arque hinc pendet gratiæ, ut incrementum, ita decrementum: Incrementum, si res, quæ dantur, sint ma-

gnæ, difficiles, opportunæ, si, qui gratificantur, aut soli sint, aut primi, aut præcipui: Decrementum, si qui suum commodum in dando aucupentur, si fortuito & casu dederint, si coacti, si denique reddiderint potius beneficium, quàm dederint, id què sive scientes, sive ignorantes, quoniam utroque modo quid pro quo redditur, aliquid pro aliquo.

4. *Amor Sensitivus sive Animalis, Subordinatus Desiderio*, est affectus appetitus sensitivi concupiscibilis; per quem expressivâ apprehensione boni in illud fertur, eiquè per effectum sese coaprat. Unde affectus unionis Scaligero, allubescencia appetitus Ludovico Vivi, complacentia ejusdem Thomæ in eo, quod uti bonum fuerit perceptum, audit. Dico, amor sensitivus, ut hoc genere comprehendam, & amorem amicitiae, qui affectus in personam, cui bonum desideramus, & concupiscentiæ, qui fertur in rem, quam alteri personæ vel nobis desideramus, qui duo amores unum perfectum integrant amorem. *Differt à Dilectione & Charitate*: A dilectione hætenus, quia amor aliquid communius dilectione, quæ supra amorem addit electionem præcedentem, ad complacētiam, inquam, rationis delectum, ut vel ipsū nomen sonat: A charitate hætenus, quia hæc species dilectionis, addens huic ad rationem communem amoris perfectionem.

quan-

quandam amoris, in quantum id, quod amat, magni precii æstimat, ut ipsum iterum nomen designat. Magni quippè æstimare, quod diligas, hoc est charum habere, sicut amare cum delectu rationis, diligere. Ut ita omnis dilectio, omnisquè charitas quidem sit amor, illa amor quidam cum rationis delectu, hæc amor rei, quam magni facimus, non contrà omnis amor dilectio, charitasvè, ad eum modum reciprocationis, quo bis duo sunt quatuor, & cōtrà quatuor bis duo, aut quo rectilineum rectas lineas habens, & contrà rectas lineas habens rectilineum.

5. *Fuga Subordinans* est affectus appetitus sensitivi concupiscibilis, quo nolumus atque averſamur malum, quod nobis imminet, inappetitus, inquam, mali futuri nondum præſentis, quo præſente non ceſſat interim, eò quòd natura malum perpetuò detestetur. *Differt eodem modo à Desperatione atque Odio, quo Desiderium à Spe atque Amore.* Sicut enim desiderium est boni facilis nondum obtenti, spes verò boni difficilis obri-
nendi, ita fuga mali facilis inobtenti, desperatio verò boni difficilis inobtinendi, sicutquè in fugâ datur recessus à malo, ita in odio displicentia mali, respondens recessui.

6. *Malevolentia sive Malignitas, Subordinata Fuga,* est affectus appetitus sensitivi concupiscibilis, quo malefacimus ei, qui nihil mali intulit, id quod pessimum. Sicut enim

enim reddere bonum pro malis optimum, reddere bonum pro bonis justum & æquum, ita non reddere bonum pro bonis malum, reddere malum pro malis pejus, reddere denique malum pro bonis, vel etiam non malis, id verò pessimum.

7. *Odiū, Subordinatum Fugæ*, est affectus appetitus sensitivi concupiscibilis, quo appetitus avertitur à re, vel personâ, ex aliquâ disconvenientiâ, præcisè in eâ apprehensâ, repugnantia, inquam, appetitus adversus id, quod apprehendimus, orta ex incongruitate rei apprehensæ cum appetitu, sive displicentia ejus in re sibi minùs conveniente. *Differt ab irâ, etiam inveteratâ.* I. Quia odiū *ὡς τῷ ἐπιθυμητικῷ*, ira *ὡς τῷ θυμικῷ*, illud mali, hæc boni, quod minùs urget, quàm malum. II. Quia odiū habitui simile, cùm sit obfirmata affectio, ira verò dispositio, quo fit, ut ira sanetur tempore, odiū non item, saltem non æquè, iratus acquiescat ultioni, odio habens non item, iratus sæpè misereatur ejus, cui irascitur, odio habens non item. III. Quia odiū sine mensurâ naturâ suâ, ut quod cupiat non esse illud, quod odit, ira verò cum mensurâ, ut quæ spectet justitiam. Omnis siquidem, qui irascitur, arbitratur se præter jus fasquè læsum esse, & ided quærit æqualitatem, eâquè obrentâ quiescit, ut vel ex incontinente iræ patet, qui aliquâ ex parte.

parte audit rationem, ejusquè mandatum exequi conatur, peccans in eo, quòd citò.

IV. Quia odium studet inferre damnum potiùs, quàm dolorem, quo vacat, ira dolorem potiùs, quo-cum est conjuncta. V. Quia

odium fertur in certa hominum genera, sy-cophantas, parasitos, lenones, ira in singu-laria sive individua. VI. Quia odium excita-tur in rebus, quæ ad nos aut nostros haud

pertinent, quomodo odimus piratam, fu-rem, mendacem, ira contrà. Sed cur ab irà

etiam inveteratâ & adultâ, cùm tamen à nonnullis per eam definiatur? Quia enim

genus à specie abesse nequit, ira autem ab odio abesse potest, v. g. in sapiente, qui odit

ea, quæ virtutum luminibus officiunt, neque tamen commovetur, odit iniquum judicem,

neque tamen offenditur.

8. *Latitia Subordinans* est affectus appeti-tus sensitivi concupiscibilis, ex bono præsen-ti ac percepto proveniens, non quasi appe-

ritus per eam ad aliquid tendat, sicuti in desiderio contingit, aut quasi semper requi-rat realem boni possessionem, plenamvè;

sed quòd ab appetibili præsentè afficiatur atque immutetur ferè, mediâ suavi quâdam spirituum animalium circa cor alteratione,

& thalamorum cordis dilatactione, sic dicta quasi latitia exinde: Ab appetibili præsentè autem? Immo etiam præterito, etiam quia futuro, quoniam sicut recordatione præte-

rito.

ritorum ita futurorum perceptione sæpenu-
merò lætamur. *Differt à Gaudio*, secundum
alios, ut genus & species, ita ut lætitia illius
sit, nomen, gaudium hujus, secundum alios
ut species distincta, ita ut gaudium sit ap-
petitus rationalis, lætitia verò sensitivi, se-
cundum alios, ut latius & angustius, ita ut
læticia sit communis tam brutis quàm ho-
minibus, gaudium verò hominibus pro-
prium, secundum alios modo apprehensio-
nis, ita ut læticia exteriorem rei apprehen-
sionem sequatur, conquè sequenter sensus,
gaudium verò interiorem, hoc est, memo-
riam & imaginationem.

9. Η' Επικαρπία, *Subordinata Læti-
tia*, est affectus appetitus sensitivi concupi-
scibilis, quo lætamur rebus adversis bono-
rum, & rebus secundis malorum, exemplo
Timonis, qui, cùm alios odisset omnes, u-
num exosculabatur Alcibiadem, quod eum
Atheniensibus magno futurum malo pro-
spiceret, hæsquè sibi leges tulit apud Lucia-
num: Si quando conspexero incendio con-
flagrantem, & obrestantem, ut restinguam,
oleum & picem affundam, si alium flumen
undis abstulerit, isquè manum porrigens
implorer, ut retineatur, hunc quoque, ne
possit emergere, propellam. *Differt ab Ε-
πιχαρπυαδία*, quod hæc bonis alienis
gaudeat, illa malis, hæc plerunque bona
sit, nisi malorum felicitate gaudeat tamen
alila.

aliis perniciosâ, illa plerunque mala, nisi impiorum è miseris capiatur tamen. Neque enim peccâsse videtur populus Romanus, quòd interitu Tiberii, Caligulæ, Neronis, Domitiani, Heliogabali, lætatus est. Quamvis interim viri boni non tam afficiantur gaudio ob res adversas malorum, quàm ob bonorum res secundas & lætas.

10. *Tristitia Subordinans* est affectus appetitus sensitivi concupiscibilis, ex malo præsentis & percepto proveniens, cum aliquâ cordis contractione, affectus, inquam, ex apprehensione mali præsentis ortus, aliàs exterior, ex malo conjuncto corpori, per sensum exteriorem apprehenso, aliàs interior, ex malo conjuncto appetitui, per sensum interiorem apprehenso: Mali præsentis autè? Immodò præteriti & futuri. Etenim non præsentia tantùm, sed & præterita ac futura mala nos haud rarò tristitiâ afficiunt, præterita, si malè tibi sis conscius, futura, siquidem pœnas delictorum impendere perspicias, in quorum altero locum habet pœnitentia, in altero anxietas. Quòd si dolor hic sit premeus, *Angor* dicitur, à verbo ἄγχω, quod est strangulo, si flebilis, *Mæror*, à verbo μείγμαι, quod est in sortem accipere, unde μείρα, quæ propriè portio, deinde fatalis portio, demùm portio fatalis felix, vel etiam infelix, cujus mæror, pars, si permanens,

manens, *Lamentatio*, si cum ejulatu conjunctus, *Planctus*, indignus heroibus, quos tamen poëtae miserabiliter ejulantes passim inducunt, si cum ploratu, *Luctus*, si cum labore corporis, *Ærumna*, si cum labore animi, *Solicitudo*, quæ si diuturnior fuerit, & animum ægritudine pertinaci vexaverit, appellatur *Molestia*, si corpus ægrotatione, *Afflictio*, quæ ægritudo animi cum corporis vexatione, finitore Cicerone.

11. *Misericordia, Subordinata Tristitia*, est affectus appetitus sensitivi concupiscibilis, natus ob malum, quod videtur perniciem aut molestiam allaturum ei, qui isto malo est indignus, & quod ipse putet se pati posse, aut suorum quempiam, ac Inprimis, cum malum videtur imminere, alienæ, inquam, miseriæ in corde nostro compassio, unde & nomen accepit ex eo, quod miserum faciat cor dolentis alienam miseriam, sed absque miseriâ scilicet, quomodo in Deoque datur misericordia; ejusque imitatore sapiente, sine ullâ cordis miseriâ, licet uterq; miserans cor habeat super afflictum, ille analogicè, hic verè, quoniam verè ejus cor miseratur alium, id quod proprium misericordiæ, quæ hic non definitur, ut dispositio, habitusvè acquisitus, id est, ut compassio ex virtute, aut vitio, quarum illa laudabilis, hæc culpabilis, verùm ut est inclinatio & affectus naturalis, siye compassio ex naturâ,

naturâ, in & per se irreprehensibilis, ut quæ nec habeat culpam, quia à naturâ, nec præmium, quia non ex virtute. *Differt à Miseratione, sicut Misericors à Miseratore, τὸ Μισερeri à τῷ Μισερari*, quia enim misericordia dolor animi interior, miseratio ejusdem doloris significatio exterior, misericors anxius animi propter alienam calamitatem, miserator exhibitivus operum misericordiæ cum compassione, τὸ misereri conjunctum cum cordis affectu, τὸ miserari cum rei effectu.

12. *Ceterum duo completitur definitio Misericordia, Subjectum & Objectum, tam Reale, quàm Personale. Subjectum Misericordia est Homo Misericors, sive is, qui misericordiâ afficitur, quo de numero, calamitosi vel nunc vel olim, timidi rerum adversarum, contumeliæ expositi &c.*

13. *Objectum Reale Misericordia est Malum, non quodlibet, sed φθαρτικὸν perniciosum, ut sunt, verberationes, lacerationes, sive corporis cruciatus, morbi, mors, λυπηρὸν, grave sive molestum, ut sunt, defectus membrorum, deformitas, orbitas, miseria vitæ æqualis, mors, postquam se offert occasio vitæ melioris, utrumque vel ὄντως vel saltem φαινόμενως tale, cùm fieri possit, ut, quem homines miserabilem esse existimant cum Abderitis, is sit felicissimus, denique πλησίον, imminens sive propinquum, quia, si longinquum sit, non magnoperè alterius*

eo malo afflicti calamitate movemur: *Personale ii, qui hoc malum patiuntur*, personæ putà miserabiles, ceu sunt, noti & familiares, dummodò nimîa sanguinis propinquitate nobis conjuncti non sint, erga quos attoniti magis esse solemus in ipsorum calamitatibus, quàm misericordes, &c.

14. *An verò affectus misericordiae etiam cadat in sapientem*, anquiritur? Stoici negant, qui somniabant, suum sapientem nullâ animi commotione teneri, nedum hâc, eò quòd ei sat sit, culpâ vacare, iniquumquè sit, sapientem alienam culpam luere, alienovè incommodo torqueri, cùm ne suo quidem moveatur, inducti ad hoc paradoxum haud dubiè erymo misericordiae, quæ ex eo videtur appellata, quòd miserum cor faciat condolentis alieno malo. Quasi verò non ab omni miseriâ liber sit sapiens, etiam tunc, cùm subvenit inopi, cùm esurienti cibum præstat, potumquè sitienti, cùm vestit nudû, cùm peregrinum recipit tecto, cùm oppressum liberat, cùm deniq; humanitatem suam usque ad sepulturam porrigit mortuorum, quoniam id facit mente liberâ, nullis aculeis doloris instinctus, sed adductus officio bonitatis. Cur enim huic obsit nomen, cùm absit miseria? Quòd si æquum, prosperis hominis rebus lætari, quidni & adversis ejus rebus angere, præsertim cùm videamus hâc suo exemplo nobis præire bruta, quæ non

non mediocriter commoventur, cum intuentur aliquod sui generis verberibus aut dolore aliquo affici, horumquæ cadavera exhorrent, quasi interitum illorum aliquam misericordiam prosequerentur: Bruta autem? Immo ipsum Christum, τὸν τελευτῶν, qui non semel misericordiam motus fuit, convenienter proverbio, quo viri boni dicuntur facile lacrimari, contra verò viri improbi viscera non mollescere.

15. *Nemesis sive Indignatio, Subordinata Tristitia*, est affectus appetitus sensitivi concupiscibilis, conceptus ob immerentium felicitatem, sive bona, non promiscuè atque indifferenter omnia, non utique ob bona honesta, seu virtutes, quæ homines dignos reddunt, non indignos, sed ob illa, quæ in indignos quoque cadere possunt, ut sunt divitiæ, potentia, nobilitas, pulchritudo, quibus bonis digni quidem, immò bis digni, sunt viri boni, existente nihilominus possessione eorum ipsis communi etiam cum viris non bonis. *Differt à Misericordia*, quia hæc aliorum in malis occupatur, in bonis verò Nemesis. Sicut enim illa est dolor propter indignas res adversas, ita hæc dolor propter indignas res secundas, & sicut illa condolet iis, qui præter meritum sunt infelices, ita hæc succenset illis, qui præter meritum sunt fortunati.

16. *Invidentia, Subordinata Tristitia*, est affectus

ctus appetitus concupiscibilis, conceptus ob prosperitatem, quæ apparet in externis bonis, erga similes, non ut aliquid boni accedat invidenti, sed propter illos, quibus invidetur.

17. Juvat ἀιαλῦεν. *Definitum est Invidentia*, quæ hoc diffidet ab invidiâ, quod hæc se habeat merè passivè, quomodo dicimus aliquem laborare magnâ invidiâ, hoc est, pati quid magni ab invidis, invidentia verò etiam activè, quomodo dicimus aliquem laborare invidentiâ magnâ, hoc est, tristitiâ, ob alterius res secundas conceptâ: Sic dicta, vel ab invidendo, hoc est, non videndo, ut τὸ in sit σερελήκον, eò quod invidis oculi doleant ob alienum bonum, eaque ægrè videant & inviti, quomodo invisosquè dicimus, quos ne aspectu quidem dignamur, vel ab invidendo, hoc est, nimis intuendo aliorum fortunas, & quasi fixo continuo curiosoquè obtutu aspiciendo, ita ut τὸ in sit ἀνξήληκον ἢ ἐκζητικόν. Est enim hoc proprium invidiæ, ut mœreat alienis bonis, & lætetur alienis malis. Aliter livor appellatur, per metonymiam effecti, quia invidentia, quæ phthisis animi, dominum suum exedens, hoc signo se prodit in vultu & corpore invidentis, quod & ipsum facit φθισιᾶν, tabe consumi.

18. *Definitur Genere, & Differentiâ Specificâ.*

L

19. Ge-

19. *Genus Invidentia* est affectus appetitus sensitivi concupiscibilis, tristitiæ subordinatus, adeoque tristitia quædam, ut quæ occupetur circa bonum quidem, idquæ alienum, aut ut malum proprium, non quasi tristetur de eo ob imminentis detrimenti periculum, veluti cum quis de inimici incrementis tristatur ex metu, ne damni inferendi occasionem inde arripiat inimicus, verum quod bonum alterius suæ obtare gloriæ atque excellentiæ opinetur.

20. *Differentia Specifica* sumitur, partim ab *Objecto*, partim à *Fine*.

21. *Objectum Invidentia vel Reale est, vel Personale*. *Reale* sunt bona aliena, quæ quadrifariam considerari possunt, vel quatenus nobis nocent, vel quatenus non nocent, vel quatenus alios nolumus ea consequi, vel quatenus dolemus alios ea consecutos, id quod proprium hujus affectus: Nec hæc quævis, sed externa, ceu sunt, divitiæ, aliaquæ hujus commatis. Circa virtutes siquidem nunquam se fatigat invidia. Neque enim invidus invidet virtutis possessionem, quia eam contemnit, sicut nec oppositam miseriam, quoniam miseris nemo invidet. *Personale* sunt pares sive similes, hoc est, ii, qui horum bonorum possessione, vel æquales, vel non multò superiores, nec multò inferiores sunt, idquæ ideo, quia inter quos magna distantia, in illis invidia non invenit locum, cum nemo, qui propria

priæ virtuti confidit, alienæ invideat, æquales item ætate, tum rerum æarundem cupidi, nominatim corrivales & competitores eorundem studiorum.

22. *Finis Invidentiæ universè vel Negativus est, vel Positivus. Finis negativus exprimitur illis verbis, cum dicitur, non ut aliquid boni accedat invidenti, quo commate distinguitur ab æmulatione, quâ quis se macerat, non quòd habeant alii, sed quòd non & ipse: Finis positivus istis, sed propter illos, quibus invidetur. Hinc Bias, videns invidum quendam, vultu in terram depresso, aut huic homini, inquit, magnum aliquod malum accidit, aut magnum bonum alteri, quòd ita tristatur: Nec abhorreter dictis Publius, qui cum Mutium, hominem invidum, solito tristiores cerneret, aut Mutio nescio quid incommodi accessit, inquit, aut alii quid commodi.*

23. *Zelus sive Æmulation, Subordinata Tristitia, est affectus appetitus sensitivi concupiscibilis, conceptus ob bona honorata, quæ alius habere videtur, quæquæ quis etiam adipisci potest, existens inter eos, qui sunt naturâ similes, non quòd alius illa habeat, sed quòd quis non habeat, sic dicta Græcè Philosophantibus, vel ἀπὸ τοῦ ἐπείν, quod est φθονεῖν, qualem zelum zelavit Arachne contra Minervam, Marfyas contra Apollinem, Lepreas contra Herculem, Dionysius Major*

contra Philoxenum & Platonem, Alexander contra Perdiccam, Lyfimachum, Seleucum, Attalum, Ptolemæum, vel ἀπὸ τῆς ζή-
λόειν, quod est imitari, qualem zelum zelaverunt Platonis & Aristotelis discipuli, Alexandri item amici, illi contrahendo humeros, isti balbutiendo, hi referendo projectam cervicem regis, oculorum volubilitatem, & vocis asperitatem, oppidò quam ineptè omnes, qualem item zelum zelavit Theseus adversus Herculem, Themistocles adversus Miltiadem, Thucydides adversus Herodotum, Aristoteles adversus Xenocratem, Cæsar adversus Alexandrum.

24. Juvat iterum ἀναλύειν. Genus Zeli est affectus appetitus sensitivi concupiscibilis, tristitiæ subordinatus, quæ dolor internus si-
ve animi.

25. Differentia Specifica sumitur partim ab Objecto, partim à Fine.

26. Objectum Zeli, vel Reale est, vel Personale. Reale sunt bona honorata, ut sunt virtutes, & charismata spiritualia, item bona utilia, atque ad benefaciendum idonea, ut sunt divitiæ, utraque sub adeptionis possibilitate, illa πρώτως, hæc δεύτερως. Personale, vel Passivum est, vel Activum, illud τῶν ζήλων ἀμυλων, hoc τῶν ζήλων ἀμυλων, æmulorum sive æmulorum.

27. Finis Zeli vel Negativus est, vel Positivus :

tivus : *Negativus* exprimitur illis verbis , non quòd alius illa habeat , quo commate zelus distinguitur à zelotypiâ , quoniam zelotes sive zelator dolet , quòd sibi absit bonum , quod habet alter , zelotypus verò , quòd alter eodem secum fruatur bono : *Finis Positivus* istis , sed quòd quis ea non habeat , quomodo v. g. æmulator virtutis ergò , si quem videam habere fortitudinem , hoc est , cupio idem bonum & ipse consequi , non invidens ei , qui illud bonum possidet , verùm ipse quoque vir fortis esse volens & studens.

28. *Zelotypia, Subordinata Tristitia* , est affectus appetitus sensitivi concupiscibilis , ex eo susceptus , quòd alteri quoque sit illud , quod quis habet , metus , inquam , alienæ fruitionis cum Scaligero , quo metuimus , ne de amata rei exturbemur possessione , sic dicta ἀπὸ τῆς ζήλως καὶ τύπης , quarum vocum altera æmulationem signat , quoniam per hunc affectum non patimur consortium in amato , quod integrè nequit possideri à pluribus , sicut videmus à pluribus integrè cognosci veritatem , altera figuram & formulam ejus æmulationis. Quòd si hæc zelotypia fuerit moderata , honesta , sin nimia , qualis in Junone , Prognide , & universè in populis Australibus , qui proni ad amores , sed debiliores propter caloris inopiam , (ut de oloribus , columbis ,

gallis, tauris, nihil dicam,) turpis fuerit scilicet.

29. *Pudor, Subordinatus Tristitia*, est affectus appetitus sensitivi concupiscibilis, conceptus à pudibundis, ob malum, vel præsens, vel præteritum, vel futurum, quod infamiam afferre videtur.

30. Juvat & hîc ἀιαλύειν. *Definitum est Pudor, Subordinatus Tristitia*, cujus signum erubescencia, oculorumquè demissio, quæ utraque in vultu pingit peccatum, liberalemquè præ se fert criminis commissi culpam, sicut illiberalem pallor, isquè nimius.

31. Id nominis accepit, de mente Scaligeri, quòd in eo adversetur sensus, sicut in putidis, aut avertatur potiùs, sicut à putidis, còpse differens à verecundiâ, eò quòd pudor etiam in malefactis quandoque dicatur, verecundia verò recti honestique rationem habeat, ut quæ secum ferat magnam reprehensionis opinionem, sic dicta à vœ, quod est valdè, & reor, quod est puto, quoniam ea, quæ timeamus, magni & multi facere, diuquè cogitare ac recogitare solemus. Sed hoc discrimen non est perpetuæ observantiæ, quia verbum pudet, tam ad verecundiam honestarum rerum, quàm ad pudorem turpium, adhibetur κλασσικῶς, idquè tam in genere dicti, quàm facti. Latinis elementis respondent græca. Ὁ αἰδῶς siquidem est metus ob expectationem vituperii, & præcedit delictum, idquè ne perpetretur, cavet, certissimumquè est bonæ men-

mentis & probitatis, vel præsentis, vel mox secuturæ, argumentum, virtutis tinctura Drogeni, color pulcherrimus Pythiæ, bonæ indolis criterium Catoni, sic dictus ab α σθητικῶς, καὶ ἰδεῖν, quasi non sinat, ut aliquem intueamur, ἢ αἰσχύνῃ verò est quidem & ipsa metus, verum ob aliquid turpiter factum, utut in bonam subindè accipiat partem quoque, gradu distincta ut sic, non specie, ἀπὸ τῆς αἰδέουσι, quia ὁ αἰδῶς præcedit, ἢ αἰσχύνῃ sequitur.

32. *Definitur Genere, & Differentiâ Specificâ.*

33. *Genus Pudoris est affectus, non virtus.*
 I. Quia virtus est habitus longo usu acquisitus, firmiterquè animo impressus, non item pudor, qui metus infamiæ, citò oriens, citò moriens, si metus, ergò affectus. II. Quia virtus est perfectio quædam, cui quod repugnat, etiamsi bonum sit, nã illud deficit à ratione virtutis: Atqui pudor repugnat perfectioni, cum sit timor alicujus turpis, quod est exprobrabile, ille autem, qui perfectus secundum habitum virtutis, non apprehendit quid exprobrabile, ac turpe ad faciendum, sed nec actus quid turpe facit, unde opprobrium timeat: Ergò non est virtus, vel ideò etiam, tum, quia virtus per se bona & laudabilis, pudor non laudabilis per se, sed ex hypothesi, & per accidens, quatenus videlicet est poenitentia quædam ob admissum delictum, tum quia virtus cadit in bonos viros, pudor etiam in

L. 4. impro-

improbos, hoc est, eos, qui, quæ turpia sunt, faciunt, & igitur demùm pudeſcunt, tum quia virtus omnis ætatis, ſi puerilem excipias, pudor hujus vel maximè, tum quia virtus ab electione & propoſito, non item pudor. Quin tantum abeſt, ut genus pudoris ſit virtus, ut ne ſemivirtus quideſm, eò quòd ſit paſſio quædam, atque ex paſſione levis impreſſio ſive diſpoſitio, quæ ſubindè deſinit in hominibus certis, & facilè mutatur in contrarium, nominatim in adoleſcentibus, qui per naturam ignei, & foeminiſ, quæ imbecilles. Quid ergò pudor, ſi nec virtus, nec ſemivirtus? Affectus certo modo ſe habens, vel naturaliter, vel moraliter, ob acceſſum educationis, deceſſumvè.

34. *Differentia Specifica Pudoris ſumitur à Subjecto ejus & Objecto.*

35. *Subjectum Pudoris duplex eſt, ut Quod, & ut Quo.*

36. *Subjectum Pudoris ut Quod in genere ſunt Homines Pudibundi, quales, qui alios habent actionum ſuarum ſpectatores arbitros & cenſores, quiquè quid fecerunt faciuntvè pudendum: Etc. In ſpecie Pueri & Juvenes, Viri item & Senes, illi παῖδες, hi δεινέως: Pueri & Juvenes, ut quos vel maximè convenit verecundari, quia turpia, ſaltem turpicula, committunt vel maximè: Viri & Senes, tum quia etiam hi puden-*

pudenda patrant, pœnitendaquè committunt, quorsum ipsis peropus pudore, qui delicta vel antecedit, atque ab iis absterreat, vel consequatur, atque ad pœnitentiam invitet, tum quia, tam in illis, quàm in his, commendatur pudor, discommendatur impudentia, commendatur pudor, ut in Pompejo, quem coram pluribus erubuisse ferunt, Fabianoquè Philosopho, qui & ipse suberubuisse perhibetur, quoties in senatum fuit inductus testis, discommendatur contra impudentia, pudori opposita, idquè vel ante factum, vel in facto, vel post factum remissivè.

37. *Subiectum Pudoris ut Quo, vel Totale est, vel Parziale: Illud Facies*, quam, qui pudore afficiuntur, rubore suffusam habent, vestequè cum Socrate involvunt: *Hoc Frons*, sic dicta à ferendo, quòd indicia animi præ se ferat, unde perfricare frontem, manum per frontem ducere, pro depudere, adagiorum scriptoribus: *Hinc Oculi*, quos pueri tegere assolent, cum pudore corripuntur: *Demum Aures*, quas & ipsas pudefcere constat, ex exemplo Archytæ Tarentini, qui adeò verecundus fuisse perhibetur, ut, si quid obscœni proferendum esset, non diceret illud, verùm parietati inscriberet.

38. *Objectum Pudoris vel Personale est, vel Reale.*

39. *Objectum Personale Pudoris sunt Homines, quorum nos pudet, nominatim,*

qui nos admirantur, quosquē ipsi admiramur, quorumvè in admiratione esse cupimus, cum quibus de honore contendimus, quorumvè existimationem de nobis haud contemnimus, &c. *Reale, in genere Malum, quod videtur Turpe*, idquē vel præsens, vel præteritum, vel futurum: *In specie verò*: I. Opera & actus, à vitiis moralibus profecti, v. g. à timiditate, ut abjicere clypeum in præliis, fugere ex acie, ab injustitiâ, ut fraudare aliquem deposito, ab avaritiâ, ut quæstum facere è turpibus rebus, ab illiberalitate, ut nullam ferre egeno opem, cum possis, aut minorem, quàm possis, ab adulatione, ut laudare præsentem, ab animi mollitie, ut labores non tolerare, quos aut seniores, aut delicatuli, aut nobiliores & potentiores, infirmioresvè corpore, toleraverunt, ab arrogantia atque ostentatione, ut de se multa prædicare, aliorumquē inventa sibi tribuere. II. Obscquia & ministeria foeda corporis, rerumvè turpium, ex quibus injuria contumeliosa nascitur. III. Defectus rerum commendabilium, ut non ita benè natum educatum, atque eruditum esse, prout sunt alii, quibus non major contingit ad præclara studiorum opportunitas, quàm nobis. &c.

4. *Pœnitentia: Subordinata Tristitia* est affectus appetitus sensitivi concupiscibilis, conceptus ob admissa peccata. *Differt à Resipiscentiâ*, quod pœnitentia dicatur, cum aliquem facti pœnitet, sive inde ad rectè agen-

di

di studium moveatur, five non, resipiscencia
verò, cùm quis cum animo simul mutat vi-
tam & mores.

CAPUT XL.

Species Affectuū Ουμικῶν, five Secunda Classis.

§ 1. *Species Affectuum Ουμικῶν sunt quin-
que numero, Desiderii tres, Spes, Despe-
ratio, Audacia, Tristitia dua, Metus videlicet
& 1 ra.*

2. *Spes, Subordinata Desiderio, est affectus ap-
petitus sensitivi irascibilis, quo nominatim ani-
mal, nominatiùs homines juvenes, appetunt
bonum absens, arduum possibile, idquè cum
lætitiâ.*

3. *Quâ definitione exprimitur, tum Subje-
ctum Spei, tum Objectum.*

4. *Subiectum Spei est in genere Animal,
cùm non hominibus tantùm, sed & brutis,
competat hic affectus, quæ, quamvis externo
sensu non cognoscant futura, ut quæ excedant
cognitionem sensitivam exteriorem, tamen
interno sensu cognoscunt, persuadè, per phan-
tasiam, per quam, tanquam umbellam quan-
dã rationis, ex antecedentibus sequentiã ali-
quo modo colligunt, atque ex præteritorum
memoriã futura, non secùs ac si ea prævi-
derent, quomodo canem, aliquoties bacu-
lo, percussùm, monstrato atque intentato
eo, ex metu futurorum verberum aufugere.*

videas, accurrere contrà suaviter habitum: *In specie Homines Iuvenes*, qui nescio quomodo procliviores ad spem, quàm senes, tum quia spes in futurum fertur, iuvenes autem de futuro plus videntur habere reliqui, ut qui propiores & proximiores initio, quàm senes, qui propiores & proximiores fini, tum quia iuvenes spiritibus & sanguine abundant, quo indigent senes, qui tristes & desperabundi, sicut è contrà iuvenes læti & sperabundi, tum quia experimentis carent iuvenes, suisquè voris ac desideriiis non tam sæpè exciderunt, ac senes, ideoquè futura minùs suspecta habent, magisque ex eo his fidunt, tum quia vitio iuventutis, dicam, an juvenilitatis, non adeò intelligunt difficultatem sperandorum, hocquè promptius & liberalius sperant, quò faciliùs sperata obtineri posse sibi persuasum habent.

§. *Objectum Spei est Bonum Absens, Arduum, Possibile: Bonum*, ut sic distinguatur à Metu & Audaciâ, quorum affectuum objectum est malum: *Absens*, ut sic distinguatur à Lætitia, cuius objectum bonum præsens, atqui speramus propriè futura, saltem principaliter, dico principaliter, quia & præterita sperare possumus, ut si cum hoste sit pugnatum, & nostros victoriâ potitos speremus, & præsentia, ut si hoc momento nostrates rem benè gerere confidamus, quanquam alii regerant, & hæc esse futura, non quidem ratione

ne temporis, sed notitiæ: *Arduum*, ut sic distinguatur à desiderio, quod est boni futuri absolutè, facilisque adeptionis, cum spes sit boni quidem futuri & ipsa, verùm difficilis obtentu: *Denique Possibile*, idquè vel in genere, vel in specie, ex quibus hoc possibile nobis, ita ut à nobis id effici atque obtineri posse credamus, illud possibile absolutè, ut maximè nostris id viribus effici nequeat, quorsum distinguitur à desiderio, ad cujus objectum addit præter arduitatem possibilitatem, desperationequè, secundum differentiam possibilis atque impossibilis.

6. *Desperatio, Subordinata Desiderio*, est affectus appetitus sensitivi irascibilis, quo is, difficultate victus, rem arduam absentem aversatur, eiquè ut impossibili succumbit cum tristitiâ, recessus, inquam, animi ab appetitione boni, ex opinione, quòd nunquam eo sit potiturus, cujus aversionis & cujus recessus causa, atque objectum formale, non est propriè bonum, cum bonum potiùs ad se trahat, verùm difficultas, quæ in eo assequendo apprehenditur, maliquè rationem quandam habet: Quo fit, ut desperatio spei sit contraria istorum, sicut repulsum attractivo, recessus accessui. Habet habet namque spes rationem attractivi & accessus, prout bonum arduum consideratur cum possibilitate adipiscendi, desperatio verò ratio-

nem repulsi & recessus, quatenus idem consideratur cum impossibilitate obtinendi, ita ut communis terminus spei & desperationis sit bonum arduum, in quod sub ratione possibilis tendit spes, recedit contra ab eodem desperatio sub ratione impossibilis, implicantis mali speciem.

7. *Audacia, Subordinata Desiderio*, est affectus appetitus sensitivi irascibilis, quo in genere homines audaces, in specie homines juvenes, neglectis periculis evasibilibus sive superabilibus, quæ imminet, nosquæ ademptione boni alicujus prohibere possunt, immò prohibent, opus difficile aggrediuntur, quò bonum arduum speratum obtineant: Vel brevius, audacia est desiderium aggrediendi mali difficilis, conjunctum cum spe salutis, quam audacia amat sequi, neque tamen omnem, sed intensam, sicut desperatio metum, non omnem, verum excessivum,

8. Sed juvat ἀναλυσιν tumultuariè. *Definitio hæc Audacia continet, tum Subjectum ejus, tum Objectum.*

9. *Subjectum Audaciae in genere sunt Homines. Audaces*, quales, quibus pulmones sunt sanguinolenti, cor fervens, exiguum & pilosum, sed &, qui nunquam experti sunt pericula, sed in gerendis rebus fuerunt fortunati, aut experti quidem, verum ex iis effugerunt, quique in aggrediendo priores cum sint, se aut

aut nihil posse pati, passurosque esse, autumant, sicut &, qui omnibus affluunt pariter ac destituuntur, illi ideò, quia arbitrantur se omnia posse superare, hi ideò, quia nihili ducunt omnia, denique ebrii: *In specie Homines Iuvenes*, tum quia maximè sunt calidi & fervidi, tum quia inexperti rerum, ideoque tam Physicè quàm Ethicè proni in spem, & per consequens ad audaciam. Ex hoc enim, quòd quis sperat superare rē terribile imminens, audacter persequitur illud.

10. *Objectum Audaciæ, vel Materiale est, vel Formale.* Materiale est Malum Arduum, verùm Evasibile sive Superabile, secundum æstimationem audacis: *Formale*, Bonum Arduum Speratum: *Differt, uti à Spe, ita à Metu*, ab illâ Objecto Materiali, quia spes desiderat ipsum finem, & bonum, non obstante, quòd per media difficilia debeat acquiri, audacia autem quoque tendit in media difficilia propter finis bonitatem, sic ut istam difficultatem præ istâ bonitate contemnat, ab hoc, non quidem Objecto Materiali, quod utriusque est malum, sed Formali, cum audacia sit accessus ad illud, ut quæ aggrediatur illud propter spem superandi, victoriamque sui super illud, ex opinione virtutis propriæ, imbecillitatisque alienæ, metus contra recessus ab illo, ut qui ab eodem refugiat propter desperationem superandi, victoriamque mali super ipsum timentem, ex opinione imbecillitatis.

cillitatis propriæ, virtutisque alienæ, & verò etiam metus pro objecto tantum habeat malum, audacia quoque bonum, nempe victoriam, vindictamvè, quamvis per malum, seu medium difficile, id consequi laboret.

11. *Metus, Subordinatus Tristitia*, est affectus appetitus sensitivi irascibilis, ortus ex imaginatione impendentis mali, quod vel perniciem vel molestiam afferre possit.

12. Juvat denuò ἀναλύειν. *Definitum est Metus*, sic dictus, vel à motu cordis & corporis, quo futurum malum fugit appetitus, cum cordis ac corporis alteratione, vel ab Ionico μετιέναι pro μεθίέναι, quod est dimittere, remittere, omittere, missum facere, eò quòd in metu & per metum amittatur constantia. Græcis φόβος dicitur, à φόβεσθαι, quod est φόβειν fugere, concordanter etymo five notationi priori.

13. *Definitur Genere, & Differentiâ Specificâ.*

14. *Genus Metus est affectus*. Quid enim aliud metus, quàm motus appetitus sensitivi, conjunctus cum aliquâ corporali transmutatione, sequens apprehensionem sensus, qualis motus affectus.

15. *Differentia Specifica Metus desumitur ab Objecto*, quod *Malum Futurum* Φθαρτικὸν καὶ Λυπηρὸν, *Corruptivum & Contristativum*, quorum illud contrariatur naturæ, siue sit à causâ naturali, ut mors naturalis, siue non, ut mors violenta, hoc voluntati: *Malum, in-*

quam,

quam, idquè vel absolute tale, vel comparatè. Absolute tale, atque hoc non quodvis, non utique malum culpæ, quod metuerent homines non solent, vel quòd non intelligant, vel, si maximè intelligant, spontè tamen atque ultrò admittant, minimum parati sint admittere, quia nihil inde doloris molestiæve metuunt, quin immò id naturæ suæ corruptæ conveniens esse judicant, sed malum pœnæ, oppositum bono animi, quale malum infamia, bono corporis, quale malum destructio ejus, & bonis fortunæ, quale malum facultatum & libertatis amissio, ejus commatis mala non non metuunt homines. Comparatè hinc tale, hoc est, majus minusve in comparatione, malum tamen, quia metus est motus appetitus sensitivi, importans non prosecutionem, quæ bonum aliquod habet pro objecto, sed fugam, quæ malum, sive vocem mali juvet sumere privativè, pro amissione bonorum, sive positivè, pro successione malorum. At quale? Futurum sive Impendens, quia homines non magnopere metuunt, quæ procul abesse putant, v. g. mortem, quam quilibet longè abesse arbitratur, contrà mala imminencia vel maximè horrent, hoc magis, quòd majora sunt, magisque imminet, sicut & mala insolita ac repentina, quoniam in his subtrahitur facultas occurrendi malo, locusque

què nullus relinquitur consilio ac præparationi, minusquè pausæ datur naturæ laboranti, item ignota, quæ minus adhuc consilii admittunt, majoraquè existimantur, quàm reverà sunt. Quod si malum existimetur prorsus inevitabile atque irremediabile, tunc habetur veluti præsens, deque eo non tam est timor, quàm tristitia, uti animadvertere est in iis, qui in judiciis sententiâ damnatoriâ adjudicantur morti, qui non tam timent mortem, sicut canes cernas verbera nondum inflicta timere propter metum futuræ inflictionis, quàm de eâ tristantur, pallore invadente vultum, tremore poplites, horrore ac sudore corpus, ob fugam credo caloris, & spirituum debilitationem in isto articulo. *Tum φθαρτικόν* *Corruptivum*, & *Λυπηρόν* *Contristativum*, quia enim non omnia indifferenter mala metuunt homines, sed ea, quæ interitum aut dolorem magnum afferre possunt, hoc est, magna & gravia Natura namque magis nescio quomodo horret & refugit, quæ sibi magis inimica judicat, & à quibus se facilius posse destrui, aut magis affligi, credit. Atque hinc est, quòd mala levia, & quæ de facili depelli possunt, haud timeamus, nisi sub levitatis umbrâ lateat gravitas, quomodo inimicum, quamvis humilem, vetamur contemnere in scholâ sapientiæ, inquè tenebris etiam levia metuimus, tum quia mala imminetia per eas prævideri nequeunt, tum quia ob fortiores imaginationis

nis vim majora videntur mala, quàm sunt, & verò etiam pericula in iis plura nos manent ab improbis tenebrionibus, terribilioraque.

16. *Differt à Pigritiâ*, quæ metus consequentis laboris, gravantis naturam, sive facultatem operantis excedentis: *A Pudore*, qui metus ignominie, vel justæ reprehensionis, *Verecundia*, siquidem conceptus fuerit ille metus ob actum præteritum, unde timeri potest convicium vel opprobrium futurum, *Erubescencia*, si contrà: *Ab Admirazione hinc & Stupore*, quæ & qui metus, illa de magno malo, hic de insolito, illa declinativa judicii præsentis de eo, quod miratur, ob defectus timorem, cum futuri inquisitione, hic & ipse declinativus judicii præsentis de eo, super quo stupet, sed absque inquisitione scilicet, quo fit, ut quemadmodum admiratio est principium Philosophandi, ita stupor Philosophicæ considerationis sit impedimentum: *A Timore*, qui metus imminentis aut appropinquantis alicujus magni mali, expectatio, inquam, censure eorum, qui sunt in dignitate constituti, sic dictus *παρὰ τὸ τιμᾶν*, unde *τὸ ἐπιτιμᾶν*, nisi simplicius sit deducere à voce *δέμω*, ita ut timere plus sit, quàm metuere, ex hoc fonte & capite: *A Terrore*, qui metus ex insuetæ speciei, hoc est, imaginis occurso, cum pallore & dentium crepitu sociatus ferè: *A Pavore*, qui metus subitus, cum animus quasi verberatur imminentis mali opinione, sic dictus.

ctus παρὰ τὸ παῖεν & λέγειν, quarum vocum altera valet idem, quod pavire, five coöperire, eò quòd in pavore, foeminas, pueros, & molliores, oculos ac faciem velare, caputquè operire cernamus, altera idem, quod percellere, nisi rationem ejus accersere malimus à verbo πάντοδα, quod est cessare, quoniam cessare facit paventem ab opere hic metus: *A Consternatione & Conturbatione*, quæ metus excutiens cogitata, omnia turbida atque ambigua reddens, mentemquè in varias cogitationes distrahens, spe & consiliis abjectis: *Ab Exanimatione*, quæ metus atrocior consternatione, per quem omnis animi vis adimitur, sapientiaquè expectoratur, stupore mentis & linguæ inducto: *A Tremore & Horrore*, qui corporis sunt alterationes, & affectus ex animi metuentis dispositione pendentes, ille motus ex motibus contrariis, hic asperitas corporis cum horripilatione: *A Trepidatione*, quæ & ipsa corporis, cum ita nos occupat tremor, ut pedare, hoc est, consistere nequeamus: *Denique à Formidine*, quæ metus inexpectatus, quo animus vehementer commovetur, adeò ut à seipso abeat, forasquè feratur, calorquè ex eo faciem invadat, ex sensu videlicet rerum formidolosarum, uti fit in somniis, insomniis, incubo, sic denominata à formis sive spectris.

17. *Ira, Subordinata Tristitia*, est affectus appe-

appetitus sensitivi irascibilis, quo interveniente cum dolore & cupiditate vindicta appetitur de certis hominibus, propter apparentem contentum, quo quis se, aut quenquam suorum, contra quàm oportet, ab iis affectum esse existimat, cum accensione aliquâ sanguinis circa cor, ob malum læsivum præfens, arduum quidem, sed tamen repulsabile irascenti.

18. Juvat more nostro ἀιαλέειν. *Definitum est Ira*, quæ ὀργή Græcis, ἀπὸ τοῦ ὀρεῖσθαι, quod est concupiscere, quia ultionem expetit, item θυμός, ἀπὸ τοῦ θύειν, quod valet idem, quod ὀρμᾶν, subito commoveri, quia cum impetu ruit hic affectus, aliàs minùs pertinace, aliàs magis, qualis ira θυμός ἐμμένων, ἢ χόλος ἐπίμεινος, ira permanens sive permanfiva, audit, quæ μήνις iisdem, ἀπὸ τοῦ μένειν, à manendo, quia manet diutiùs, & κότος, ἀπὸ τοῦ κείσθαι, quia altiùs animis hominum infidet.

19. *Definitur Genere & Differentiâ Specificâ.*

20. *Genus Ira est Affectus Appetitus Sensitivi Irascibilis, isquè Mixtus. Affectus Appetitus Sensitivus est Ira*, quia motus ejus conjunctus cum aliquâ corporali alteratione, sequens apprehensionem sensus, qualis motus affectus: *Affectus Appetitus Sensitivus Irascibilis est Ira*, quia enim respicit duo objecta, scilicet vindictam, quam appetit,

&c

& cum, quo de vindictam appetit, aut in quem, cum quâdam elevatione atque arduitate, id quod proprium affectuum irascentis facultatis, quibus ira dividitur, tanquam specialis affectus, non generalis, licet ad eam interim omnes motus hujus potentiae terminentur, denominationemque ab eâ accipiant omnes: *Id quod non Simplex, sed Mixtus*, quia ex concursu multarum passionum causatur, non tanquam ex partibus, speciebusvè, sed sicut ex causis, sive secundum continentiam causae & effectus: Quâ sic? Quia enim iram circumstant, cum aliae passiones, tum istae quatuor, tristitia videlicet de injuriâ acceptâ, spes illam injuriâ ulciscendi, desiderium vindictae ut possibilis, denique odium ejus, qui injuriâ intulit, ex quibus duae priores antecedunt, duae verò posteriores comitantur, atque ita motus irae ex tristitiâ & spe oritur, dumquè iratus nititur malum ut sibi praesens apprehensum repellere, insimul vindictam de malo sibi illato appetit, tanquam sibi bonum, eumquè, qui malum intulit, detestatur atque odit, tanquam sibi malum.

21. *Differentia Specifica Ira sumitur à Causâ Finali ejus, Efficiente Impulsivâ Externâ, Objecto, & Effectu.*

22. *Causa Finalis Irae Ultio.* Ut plurimum enim tendit in ultionem, & fortè semper. Unde per appetitum ultionis definitur rectius, quam

quam depulſionis, quæ generalior aliquantò ultione. Omnis ſiquidem ultio depulſio, non contrà omnis depulſio ultio, cùm quædam mala depellere geſtiamus citra ullam ultionem, v. g. morbos, paupertatem, & ſimilia. Neque obſtat dictis, quòd irascamur ſæpè iis rebus, quæ ultionem nequeunt perſentire. Quamvis enim nequeant ſentire ultionem noſtram, tamen eam de iis quandoque ſumunt irati, dum eas frangunt, aut comminuunt, exemplo Julii Cæſaris, qui villam in Herculanenſi pulcherrimam, quòd mater ſua aliquandò in iſtâ cuſtodita fuiſſet, diruit, utut ultio illa ſit maleſana interim, hoc eſt, non ultio, ſed vitiultio, ſive vitioſa ultio.

23. *Cauſa Efficiens Impulſiva Externæ Ira eſt in genere Ολιγωρία Parvipenſio, in Specie Καταφρόνησις Contemptus, Εὐρηιασμός Incommodatio, demùm ὕβρις Contumelia.* Cùm enim omnes propriam excellentiam maximi faciant, ſit, ut quòd excellentia illa major fuerit, alterius item vilitas & ipſa major, ſi dicta excellentia in aliquo lædatur, ut ὀλιγωρία ita ira exindè augeatur, ex contemptu, inquam, incommodatione, contumeliâ, vel præſumptivè, quomodo rebus quoque inanimatis irascimur, ut Xerxes monti Athoni, Pheron Ægyptius flumini, non quòd contemnerentur ab iis, ſed quòd contemni ſibi viderentur. Neque verò omnis οὐδὲν ὀλιγωρία cauſa ſive motivum iræ, ſed indigna ſive immerita.

rita. Unde, si homines putent ab eis, qui læserūt, se esse justè passos, non irascuntur. Idè judiciū de iis, qui vel per ignorantiam, vel ex passione, injuriam nobis intulerunt, quibus vel non irascimur, vel minùs irascimur, quia agere ex ignorantia, vel ex passione, diminuit rationem injuriæ, estquè quodammodò provocativum misericordiæ ac veniæ. Qui autem de industriâ nocumentum inferunt, ne illi per ὀλιγωρίας peccant, & idè his maximè irascimur propter apprehensionem ejus.

24. *Objectum Ira, vel Personale est, vel Reale: Objectum Personale* sunt in genere homines, in individuo, non specie, cū qui irascitur alicui singulare irascatur, Alexander v. g. Clyto, Cicero Vatinio, non universæ speciei, nec humanitati, sed homini huic illi isti, in specie ii, qui nos derident, vel damno afficiunt, qui, cū antea nos soliti essent honorare, id intermittunt, qui nostro infortunio gaudent, saltem eo non afficiuntur, qui nos parvi faciunt apud æmulos, & quos ipsi admiramur, aquè quibus nos suspici volumus, quiquè nos verentur: &c. *Objectum Reale est Malum Læsivum Prasens, Arduum quidè, sed tamen Repulsabile irascenti.* Unde Cæsari aut regi haud irascimur, quia ulcisci non possumus, nisi fortè linguâ, in quâ imbellium arma.

25. *Differt ab Iracundiâ*, quia ira de causâ, iracundiâ de vitio irascentis, illa in actu & fervore,

vore, hæc in habitu ac dispositione : Unde una sine alterâ aliquandò esse potest , quæ v. g. iracundus, neque tamen iratus, & contrâ, iratus, neque tamen iracundus , quemadmodum videmus, posse quem esse ebriosum, & non ebrium, & contrâ, ebrium, neque tamen ebriosum : Item ab Odio, eo quòd in odio appetatur alteri malum , quia malum, in irâ verò appetatur quidem alteri etiam malum materialiter , sed non formaliter , ut consideratur habere aliquam rationem boni, per compensationem injuriæ, & æqualitatis restitutionem.

CAPUT XLI.

Oppositio Affectuum, eaque duplex, Objectiva, & Terminativa.

§. I. **O**ppositio Affectuum universè duplex est, altera secundum Objecta, quam Objectivam inde vscant, altera secundum Accessum ad eundem Terminum, & Recessum ab eodem Termino, quam Terminativam. Cujus segmenti hoc fundamentum, quod omnia passio motus, unde oportet contrarietatem passionum coaccipere secundum contrarietatem motuum. Est autem duplex contrarietas in motibus, una secundum contrarietatem terminorum, quæ propriè est contrarietas motuum, quo oppositionis modo dealbatio, quæ est motus à
M . . nigro

nigro in album, opponitur denigrationi, quæ est motus ad albo in nigrum, alia secundum accessum & recessum ab eodem termino, quæ contrarietas est propriè generationis, quæ mutatio ad esse, & corruptionis, quæ mutatio ab esse. Ad hoc exemplum duplicem contrarietatem invenire est in passionibus animæ, unam secundum contrarietatem objectorum, scilicet boni & mali, aliam secundum accessum & recessum ab eodem termino. In passionibus appetitus concupiscibilis, sive affectibus ἐπιθυμητικῶν, invenitur prima contrarietas tantum, in passionibus verò appetitus irascibilis, sive affectibus θυμικῶν, utraque. Cujus rei ratio & regio hæc, quia objectum appetitus concupiscibilis est bonum vel malum sensibile absolute, bonum autem, in quantum bonum, non potest esse terminus ut à quo, sed solum ut ad quem, quia nihil refugit bonum, in quantum bonum, sed omnia appetunt ipsum, in què illud tendunt per accessum ad ipsum & prosecutionem, similiter nihil appetit malum, in quantum hujusmodi, sed omnia fugiunt ipsum, & propter hoc malum non habet rationem termini ad quem, sed solum termini à quo, ut à quo omnia abeant per recessum ab eo & fugam. Ut ita omnis passio appetitus concupiscibilis respectu boni sit, ut in ipsum, v. g. desiderium, lætitia, amor, omnis contra passio respectu mali, ut ab ipso,

v. g.



v. g. fuga, tristitia, odium. Quo sit, ut in passionibus appetitus concupiscibilis nequeat esse contrarietas secundum accessum & recessum ab eodem objecto, sed benè in passionibus appetitus irascibilis, quarum objectum est bonum vel malum sensibile, non quidem absolutè, verùm sub ratione alicujus difficultatis sive arduitis: Atqui bonum arduum habet rationem, ut in ipsum tendatur, in quantum est bonum, id quod pertinet ad passionem spei, & ut ab ipso recedatur, in quantum est arduum, id quod pertinet ad passionem desperationis: similiter malum arduum habet rationem, ut vitetur, in quantum est malum, id quod pertinet ad passionem timoris, & ut in ipsum tendatur, sicut in quoddam arduum, per quod quid evadit subjectionem mali, id quod pertinet ad passionem audaciæ.

2. Scilicet in bono arduo duo sunt, bonum ipsum, quod potest esse ratio appetendi, & difficultas superaddita, quæ quandam mali rationem habet, unde fit, ut per accessum & recessum, sive prosecutionem & fugam, queat appetitus in illud ferri, & ab eodem auferri. Quæ ratio tenet & in malo arduo, quatenus à bono consequendo impedit. Ratione enim suæ malitiæ & difficultatis, quam habet, ut superetur, hætenus avertere potest appetitum per metum, quia tamen ad aliquod excellens bonum ducit, siquidem

superetur, hætenus provocat appetitum, audaciamque in eo gignit, quæ accessus & inclinatio in bonum arduum, sicut metus recessus & fuga ab eodem.

3. Neutram oppositionem sive contrarietatem agnoscit ira: Non illam, quæ est secundum objecta, quia malo difficili jam præsentī, quod iram concitat, opponitur bonum præsens & obtentum, quod rationem ardui habere nequit, quia κτῆλὲς possessum: Non hanc, quæ est secundum accessum & recessum ab eodem termino, quia enim ad præsentiam mali ardui appetitus vel succumbit, id quod pertinet ad tristitiam, vel ad invasionem mali se accingit, id quod pertinet ad iram, quæ motus ad invadendum malum læsivum, cui iræ Aristoteles opponit remissionem & sedationem iræ, quæ ab eâ non differt specie, sed gradu, nedum ut ei sit contraria, alii mutato nomine cessationem à motu iræ, quæ cessatio & ipsa contrariè motui non opponitur, sed vel negativè, vel privativè, sicut vomitescere ei, quod est irasci.

4. Atqui iræ opponitur gratia & indulgentia, ergò non est sine oppositione! Iræ autē? Immò iracundiæ, quæ vitium morale, non affectus, utquæ ira non sit sine oppositione in specie sic dictâ, est tamē sine contrarietate, atque ut maximè daretur aliquod ejus contrarium, non tamen illicò foret affectus.

CAPUT XLII.

De Fonte Morali Actionum Imperatarum, Facultate, quam vocant, Locomotivâ, operante virtute potentia superioris, elicientis atque imperantis, per tendentiam sive progressum ab Actu Elicito ad Actum Imperatum.

§. I. **A**pertis quatuor Fontibus Moralibus Actionum Elicitarum, Intellectu putâ Practico, Voluntate, Phantasiâ, & Appetitu Sensitivo, cum suis Motionibus sive Affectibus, proximum est, ut de Fonte Morali Actionum Imperatarum, Facultate, quam vocant, Locomotivâ seu Locomotrice, operante virtute Potentia Elicitiva Actionis Immanentis, hoc est, virtute potentia superioris, elicientis atque imperantis actum, per tendentiam sive condescensum ab Actu Elicito ad Actum Imperatum, sermo instituat.

2. Dico, de Fonte Morali Actionum Imperatarum, Facultate, quam vocant, Locomotivâ, quia enim hic non tam Physicè eam consideramus, quàm Ethicè, id est, non tam prout est facultas animalis animæ sentientis, quæ causa ejus efficiens impulsiva principalis remota, cujus virtute membra exteriora, ministrantibus suo loco atque ordine nervis musculis & articulis, tanquam instrumento materiali & passivo locomotivæ, agitantur ad locum vel totaliter mutandum, sive in totum, quod sub-

jectum ejus absolutum, vel partialiter, sive in tantum, quod subiectum ejus limitatum, ad prosequenda ea, quæ bona sunt, idquæ vel verè, vel apparenter, & fugienda contraria, quàm prout est talis facultas, cujus virtute homo, animal rationale, de loco in locum se commovet $\pi\omega\varsigma$, cum moderamine videlicet & temperamento morali appetitus, non quasi locomotiva sit ipsemet appetitus, sed quiddam ex eo resultans.

3. Dico, operante Virtute Potentia Elicitiva Actionis Immanensis, hoc est, virtute potentia superioris, elicentis atque imperantis actum, quia enim potentia secundum locum motiva non est activa actione immanente, verùm transeunte. Quamvis enim illius motus soleat dici immanens, quatenus manet in eodem supposito, propriè tamen immanens non est, quia non manet in eadem potentia, ac nec in eadem subiecti parte, animali per unam partem movente aliam, sæpè quin immò extrinsecum corpus, v. g. citharam, penicillum, calamum scriptorium: Quamvis item eadem potentia locomotiva in se indifferens sit quasi passivè ad efficiendos varios motus, applicatur tamen ad agendum per naturalem subordinationem à superioribus potentiis, potentiis, inquam, animæ imperantibus & dirigentibus motionem, ipso quin etiam ab usu determinatur ad certum motum moraliter artificialiterquæ, per dispositi-

positionem materialem, acquisitam in membris per usum moris & artis, per quem corpus secundariò disponitur & habilitatur, aptumquè redditur ad promptè deservendum operationibus animæ, quemadmodum id quotidie experimur in ipsis externis instrumentis artis, quæ ipso usu atque exercitio fiunt habilitiora, vel quia perficiuntur, quoad figuram, vel quia efficiuntur magis lævia, mollioravè, sicuti videmus ipsas vires nutritivæ consuetudine assueñeri ad abstinentiam & moderationem.

4. *Dico, per tendentiam sive condescensum ab Actu Elicito ad Actum Imperatum*, quia actiones imperatæ sunt actiones ejusmodi, quæ ab aliis actionibus, quas Philosophi elicitas appellant, ut à causis ac principiis suis, proficiscuntur, quo fit, ut potentia locomotiva, quæ est actionum imperatarum, non imperativa sit, sed receptiva atque executiva eorum, quæ potentix superiores, in quibus dispositiones ad operationes sunt principaliter, non in corpore organico, imperitant, cujusmodi in nostroque argumento sunt, Intellectus Practicus, Voluntas, Phantasia, & Appetitus Sensitivus.

5. Scilicet Intellectus Practicus cognoscit & nōscitat res, quatenus bonæ vel malæ sunt, easquè voluntati appetendas aut repudiandas proponit, voluntas dictamen hoc intellectus liberè accipit, ejusquè judiciū sequitur, Phantasia,

quod Intellectus Practicus suo iudicio dictavit agendum vel non agendum esse, voluntas autem accipit, aliàs probat & sequitur, aliàs improbat & averfatur, fimiliterquè Appetitus Sensitivus, phantasiæ phantasiam secutus, quem appetitum sensuum proximè excipit in utramque partem Locomotiva.

CAPUT XLIII.

De Actionum atque Affectuum Postprincipiis, Voluptate, inquam, & Dolor: Et quare de his agatur in Ethicâ proximè Actiones atque Affectus?

§. 1. **A**ctum est de Actionum atque Affectuum Principiis, sequuntur Postprincipia, qualia Voluptas & Dolor.

Appello postprincipia, quia licet actiones & affectus antecedant, quatenus oriuntur ex cognitione objecti, vel conferentis, vel adversi, ex sympathiâ, inquam, vel antipathiâ facultatis cum objecto, tamen propriè & proximè sequuntur, quatenus agens ex affectu & cum affectu, objecto vel potitur, vel privatur.

2. *At cur de Voluptate & Dolor tanto agitur opere in Ethicâ, idquè proximè Actiones atque Affectus?* (Nam hoc quæsierit fortassis quis:) Tum quia voluptate & dolore omnes actiones omnesquè affectus continentur, voluptate quidem actiones perfectæ, & affectus dulces atque delectabiles, dolore con-

trâ.

trà actiones imperfectæ, & affectus tristes
 atque injucundi, tum quia virtus moralis
 circa voluptatem & dolorem occupatur,
 tanquam circa generale objectum, & com-
 munem materiam, perquæ omnes vitæ no-
 stræ partes diffunduntur latissimè, quoniam,
 quæ jucunda sunt, omnes sequuntur, fu-
 giuntquæ contraria.

CAPUT XLIV.

Quid Voluptas Aristoteli, & Sequacibus?

§. 1. **P**erfecta operationis finis, sive perfectio
 operationis extrinsecus accedens. Ex quâ
 definitione colligitur, voluptatem proximè
 non proficisci à facultate vel habitu, verum
 à facultatis vel habitus operatione, ideoquæ
 non esse ipsam operationem facultatis aut
 habitus, sed perfectionem, quæ cum opera-
 tione conjuncta est, eamquæ perficit, non
 quidem ut causa efficiens, quomodo obje-
 ctum sensus dicitur sensum perficere, dum
 eum ad sentiendum impellit, sed nec ut ha-
 bitus, id est, ut causa formalis & interna,
 quomodo sanitas dicitur efficere, ut quis sit
 sanus, verum ut finis quidam fortuitus at-
 que accessorius, qui per se non intenditur,
 sed actionem perfectam, quæ ab agente in-
 tenditur, perpetuò comitatur, ut qui talis
 sit, haud ratione intentionis, sive quoad ef-
 se intentionale, sed ratione executionis &
 concomitantia, sive quoad esse consequens.

& concomitans, hoc est, non secundum quod finis dicitur id, propter quod aliquid est, sed secundum quod omne bonum completivè superveniens potest dici finis.

2. Vel plenius & planius: *Voluptas est perfectio accidentalis operationis potentia percipientis, proveniens ex bonâ dispositione potentia, & objecto convenienti, eoque optimo in suo genere* Sic ex visione voluptatem percipimus, cum & illæsa est ac non impedita videndi facultas, & res pulchra est, quam intuemur. Dico Perfectio, non quævis, aut cujusvis rei, verum operationis: Accidental, ne videatur esse perfectio essentialis: Potentiæ percipientis, putà intellectus vel sensus: Proveniens ex bonâ dispositione potentiæ, hoc est, ex potentiâ benè dispositâ activè: Et objecto convenienti, eoque optimo in suo genere, hoc est, benè disposito passivè, quod ubi fit, id est, ubi activum & passivum benè sunt condisposita, non non sequitur effectus illis comproporcionatus, qui hinc resultans ex operatione perfectâ voluptas, quæ licet idem sit subjecto cum operatione, adeoque simul cum eâ, ita ut operatio, quam comitatur voluptas, nequeat esse sine eâ, differt tamen secundum rationem, quia aliud operatio eâ ratione, quâ operatio, & aliud voluptas eâ ratione, quâ voluptas. Etenim voluptati competit, ut dicatur proficisci ex operatione, jungi & conjungi cum operatione, operationis contra,

trà, ut sit subjectum quoddam, ex quo surgit & confurgit voluptas. Quod si quandoque voluptas vocatur operatio, ut vocatur ab Aristotele, fit id haud dubiè per metonymiam subjecti pro adjuncto, nec per essentiam, sed per causam, quoniam sicut operatio causa voluptatis, ita voluptas accidens & signum operationis, nec hujus cujusvis, sed perfectæ, qualis, quæ editur à facultate optimè dispositâ, minimequè impeditâ, quæquè tendit in objectum in suo genere perfectissimum, non imperfectæ, qualis, quæ à læsâ impeditâve facultate proficiscitur, circaquè objectum vertitur & versatur, quod facultati non respondet.

3. Ubi notandum in transitu, duplicem dari perfectionem, unam internam, quæ constituit essentiam rei, aliam externam, quæ supervenit rei in suâ specie constitutæ, resultatquè ex eâ. Voluptas perficit operationem, estquè perfectio ejus, non primo modo, id est, ut forma quædam essentialis & interna, quia enim sic efficeretur, ut omnes operationes essent jucundæ, quoniam forma ei, cujus est forma, semper inest, jam verò constat multas operationes esse conjunctas cum dolore & molestiâ, sed secundo modo, id est, ut forma quædam accidentalis, resultans ex operatione perfectâ, tanquam ἐπίμειρος καὶ ἐπαγίνηρος, corollarium complementum & appendix, quæ admodum videmus florentis ætatis perfectionem esse convenientem venustatem.

velut cumulum quendam, & externam expletionem, ac quiddam adventitium extrinsecus, exquè flore adeò ætatis benè disposito resultare pulchritudinem, non quasi pulchritudo sit de essentiâ illius ætatis, sed quòd adventitia quædam qualitas, resultans ex illâ.

CAPUT XLV.

Divisio Voluptatis trimembris: In Voluptatem Animi & Corporis: Simpliciter Communem, siue Naturalem, & Communem Secundum Quid, siue Non Naturalem & Propriam: Denique in Bonam siue Honestam, Malam siue Turpem, & Mediam siue Indifferentem.

§. 1. **V**oluptas sic prædefinita tribuitur tripartitò, in Voluptatem Animi & Corporis, Simpliciter Communem, siue Naturalem, & Secundum quid Communem, siue Non-Naturalem & Propriam, denique in Bonam siue Honestam, Malam siue Turpem atque Inhonestam, & Mediam siue Indifferentem.

2. Voluptas Animi est, quæ animo sic percipitur, ut ad corpus nullo modo pertineat. Estquè vel Theoretica, vel Practica, vel Pojetica, quarum prima ab actionibus corporis sejunctissima, ideoquè purissima, quia objecti à materiâ secreti, reliquæ duæ non nihil permixtæ, ideoquè impuriore in comparatione cum illâ & inter se, quia objecti non ita segregis à materiâ.

3. Voluptas Corporis est, quæ sensu percipitur,

cipitur, ideoque ad animum ita spectat, ut corpus quoque afficiat. Estque totuplex numero, quot sunt sensus. Alia enim est Visus sive Oculorum, alia Auditus sive Aurium, alia Olfactus sive Narium, alia Gustus sive Linguae, alia Tactus sive Nervi Tactivi, quomodo visus voluptatem capere dicitur, quando se convertit ad fuscum colorem, quo vis ejus & virtus visiva congregatur, atque in unum cogitur, aut cum intuetur blandos colores, aureum viridem cæruleum, auditus similiter ex leni & lenta voce, olfactus, cum resolvuntur vapores, suavitate quâdam organa olfaciendi roborantes, gustus hinc ex pingui ac dulci sapore, nec non subacidis & subacerbis, tactus denique ex qualitatibus tactilibus & tactibilibus temperatis. Ex his, quod quæque voluptas sensus plus aut minus commercii familiaris habet cum corpore, ita vel purior vel impurior scilicet. Purissima ea, quæ est visus, proxima auditus, huic proxima olfactus, hinc gustatus, & tandem tactus, cujus voluptas crassissima, & maximè concreta. Sed cur purissima visus, proxima auditus? Quia enim cum mentis voluptate cognationem habent, quoniam in harmoniâ consistunt, quæ in ordine, qui mentis.

4. *Quæd si Voluptatem Animi juvet componere exercitii gratiâ cum eâ, quæ est Corporis, na præstantior & præstabiliior in compara-*

*zitione fuerit Animi Voluptas : Optabilior interim
vulgo Corporis Voluptas, nominatim Iuuenibus
& Melancholicis.*

5. *Præstantior & præstabiliior Animi Volu-
ptas.* I. Quia ἀπλῶς absolutè verè & de se bo-
na, ut quæ modum non habeat, excessumquè
vitiosum nullum admittat, sicut operatio, un-
de manat. Quis enim de rectè factis, iustitiæ-
què operibus, voluptatem nimiam cepit un-
quàm? Quis in contemplationibus, vel Theo-
logicis, vel Phycis, vel Mathematicis, plus,
quàm par, lætatus unquā? Non sic se res habet
cū corporis voluptate, quæ πῶς, comparatè, in-
quam, secundum quid, & alicui, id est, huic aut
illi bona, immò nō bona, nisi μέχρι τῆ ἀνάδῃ,
propter mediocritatem à naturā præscriptam.
II. Quia dolore vacat, ut quæ per se & suā natu-
rā iucunda sit, capiaturquè ex rebus per se ac
suā naturā iucundis, neque noxia sit, nisi ex e-
ventu, per se non item, cū non sit excessu vi-
tiosa, sed quò major, hoc melior: Enimverò
corporis voluptas hætenus bona, hætenus in-
noxia, quatenus doloribus medicinam affert,
sive, quod eodem redit, quatenus est curatio
dolorum indigentis naturæ, hoc est, non nisi
per accidens. III. Quia subjecti & objecti no-
bilioris, quàm corporis voluptas: Subjecti
quod illius mens, huius corpus: Objecti, quod
illius res divinæ & sublimes, huius infimæ & ab-
jectæ: IV. Quia operationis nobilioris. Mentis
liquidem voluptates ipsæ per se, non per aliud,
expe-

expetuntur, sicut operationes, unde manant, nec fluunt, ut corporis voluptates, verum constantes sunt, non transeuntes, sed immanentes, neque ad tempus, verum in ævum.

6. *Optabilior interim vulgo Corporis Voluptas, nominatim atque in specie Iuuenibus & Melancholicis.*

7. *Vulgo idèd. I.* Quia voluptas corporis à plebisque omnibus appetitur, ut medicina quèdā contra dolorem, quem omnes manibus pedibusquè à se depellere student naturaliter, tanquam naturæ inimicum & gravem, eum autem dolorem diminuit tollitvè voluptas. Ut enim medicinā morbus, ita voluptatibus corporis dolor, tanquam clavus clavo, pellitur, fames, v. g. cibo, sitis potu, Venere alia desideria. Scilicet, cū homines perpetuò laborent, atque diversis exercitiis fatigentur, continuisquè adèd laboribus ac doloribus exagitentur, eosquè expellere cupiant, neque ullam medicinam reperiant, idèd, ut reficiantur & recreentur, confugiunt ad voluptates, & quando puras ac simplices voluptates habere nequeunt, vertunt se ad corporis voluptates crassas, quæ sunt in promptu, & facili negotio acquiri possunt, existimantes, eas esse medicinas laborum ac dolorum, quoniam contraria contrariis curantur, quo fit, ut has acriter persequantur, atque ita quidem persequantur, ut nonnulli ultro sibi earum veluti sitim faciant, sumendo res acres
amaras

amaras atque acerbas, ad gulam irritandam, quomodo cibo expletos videas interdum acriora quædam appetere, quibus cupiditas vescendi exciteretur: Jam verò voluptates, quæ pellunt & expellunt dolorem, magis utique in speciem videntur esse expetendæ, quàm quæ id non faciunt: Quare & corporis voluptates. II. Quia, ut omnes homines, ita etiam vulgus, compositam naturam habet ex animâ & corpore, non unam ac simplicem, cumquæ illud magis sensu vigear, quàm mente, Idèd nullas ferè alias voluptates percipere potest, præter corporis voluptates, quæ sensus afficiunt & feriunt, quod corpus, cùm pluribus humoribus constet præter sensus, mirari non convenit, si ad corporeas & sensibiles voluptates impellatur, prout humores incitant, & objecta sensuum excitant ac concitant. III. Quia pleriq; omnes de vulgo veras voluptates ignorant, in eâquæ ignorantia, præferentes sensibilia intelligibilibus, neque tam appetentes voluptates vitæ causâ, cōdimēta cibi, quàm vitam voluptatis causâ, cibū condimenti, ut qui non tam edant & bibant, ut vivant, quàm vivant, ut edant & bibant, Idèd corporis voluptates animi voluptatibus ex eo præferunt.

8. *Juvenibus idèd*, quia, dum augetur eorum statura, perturbantur potenter humores, & natura fatigatur, stimulant & urente incremento, adèd quidem, ut corpora eorum

rum

rum æstuent commotis humoribus; non secùs atque ebrii homines vaporibus concuti solent; quo fit, ut tanquam ad medicinam aliquam confugiant ad voluptates, ad restinguendum incendium illud, hoc magis, quia ipsa per se adolescentia jucunda, sicut senectus tristis.

9. *Melancholicis* idèd, quoniam, dum atrabilis eos divexat, mordicat, & arrodit, neque eos quiescere sinir, fatigantur, sicquè fatigati ad voluptates, quibus se nonnihil instarent atque exhilarent, convertuntur; cumquè non habeât simpliciter voluptates; & in corpore patiantur, cōfugiunt ad corporia voluptates, tanquam a verruncas mali sul.

10. *Voluptas Simpliciter Communis* sive *Naturalis* est, quam omnia animalia naturaliter ac sine delectu expetunt & percipiunt, ex usu nutrimenti ac Veneris cujuslibet, ad conservationem sui, tum in individuo, tum in specie, in individuo mediante nutrimento, in specie mediante Venere. Dicitur simpliciter communis, quia in omnibus eadem ad ista à naturâ propensio: Naturalis, quia hæc voluptas eorum, ad quæ naturæ quædam necessitate compellimur, ut si quis longâ defessus vigiliâ somnum appetat, esuriens cibum, sitiens porum, amaturiens Venerem; Denique necessaria, èò quòd pertineat ad conservationem, vel individuū, ut voluptas sicci & humidī, vel speciei, ut

voluptas Veneris, quæ necessaria, non pro generatione ejus individui, in quo se exerit, sed pro generatione alterius individui, cujus gratiâ se exerit in suâ specie.

II. *Voluptas Secundum Quid Communis, sive Non-Naturalis & Propria* est, quam quodque animal suo judicio sibi deligit ex hoc vel illo nutrimento, aut Venere. Neque enim eadem omnia animalia concupiscunt, aut ex omnibus adæquè voluptatem capiunt, verùm alia ex his, alia ex aliis, quomodo videas alias bestiarum delectari aquâ lacustri, alias pluviâ, fluviâ alias, fontanâ alias, hoc pabulo has, alio illas: Similiter hominem magis capi hoc cibo & potu, quàm illo, ad delicias usque & luxuriem, hâc veste & domo magis, quàm illâ, ad delicias usque & luxum. Idem de Venere judicium. Atque in hanc voluptatem quadrat illud: Trahit sua quemque voluptas, equum sua, cui pabula culmi & paleæ optabiliores, quàm aurum, canem sua, cui panes ossa & carnes, gallum gallinaceum sua, cui grana hordei & avenæ, asinum sua, cui stramen & fœnum, hominem itē sua, alia hunc, alia illum, alia istum, studiosum litteræ, Musicum carmina, Poëtam versus, Philippum aliquem, sive equorum amatorem, equi: Quin tantum abest, ut omnes homines ex iisdem rebus voluptatem capiant, ut res eadem aliis molestæ sint, aliis verò jucundæ, alios offendant, alios oblectent. Ita non eadem

dem v. g. dulcia febricitanti & bene valenti, eademvè calida sano & ægro: Cur id? Quia enim non eodem modo affecti dispositique sunt, quibus propterea non possunt esse eadem convenientia. Dicitur secundum quid communis, quia non omninò eadem in omnibus ad ista propensio: Non naturalis, quia non ea hîc naturæ necessitas, quæ in purè naturalibus voluptatibus, aliqua tamen, eò quòd ipsa corporis constitutio & crasis, quæ naturalis est, multum nã multum conferat ad hoc vel illud expetendum, quomodo videas melancholicos ferè amare amara, sanguineos suavia, septentrionales multam carnem, & multum potum, meridionales contrà olera & herbas: Denique propria, & non necessaria, quia singulis animalibus peculiaris, vel naturâ, vel more, item adventitia, eò quòd ex pravâ consuetudine aut affectione exislat, ut cum quis hunc vel illum cibum potum aut Venerem impensius & intensius expetit.

12. *Voluptas Bona sive Honestâ* est, quæ fluit ex virtutum actionibus, sive operationibus virtuosis, quibus vir bonus delectatur. Homini propria, sicut ipsa virtutum actio, unde fluit. Atque hæc simpliciter & absolute bona scilicet. Dico simpliciter & absolute bona. Duplex enim est voluptas, alia absolute bona, alia comparatè. Voluptas absolute bona est illa, quæ vera appellatur, qualis.

qualis quæ ex virtutibus & bonis actionibus capitur: Voluptas comparatè sive alicui bona, est illa, quæ in ægrotantibus, aut fame sitivè laborantibus, scabievè ticillaris, esse solet. Hi namque eam voluptatem expetunt illi quidem, sed dum vel siti, vel fame, vel morbo laborant, aliàs non item, cum vera & absoluta voluptas ab omnibus expetatur.

13. *Atque adeò saltem aliquam voluptatem esse bonam & honestam, id verò probatur fide sequentium rationum.* I. Quia, quemadmodum bonum aliud simpliciter & absolute bonum, aliud verò secundum quid bonum, quoniam alicui bonum, alicui verò non, ita etiam voluptas, bono cognata, alia simpliciter atque absolute bona, alia secundum quid. II. Quia, si aliqua operatio bona, etiam aliqua voluptas, cum nullus effectus possit toto genere esse deterior suâ causâ, & per consequens nec voluptas. III. Quia saltem ista voluptas, quam percipit vir bonus & studiosus ex virtutum actionibus, quæque conjuncta est cum beatitudine, est bona. IV. Quia, nisi bona sit voluptas, aliqua duntaxat, efficietur inde, beatum non vivere jucundè, immò etiam molestè, atque ita homo beatus non tantùm in voluptatibus nullis erit, quod absurdum, sed hoc amplius in molestiis, quod absurdius. V. Quia voluptas, aliis bonis addita, ea facit optabiliora

liora accessione suâ: (Majus enim bonum virtus cum voluptate, quàm si sola sit, & voluptate destituta:) Quare bona, cum bonum non augeatur nisi homogeneo, hoc est, bono. VI. Denique, quia voluptas ab omnibus expetitur, tam ratione utentibus, quàm ejus expertibus, tam bestiis, quàm hominibus: Quod autem ab omnibus expetitur, illud videtur esse per se bonum, cum bonum fit, quod omnia appetunt: Quin tantum abest, ut omnis voluptas sit mala, ut ne corporis quidem voluptas omnis, quæ bona, si non simpliciter & de se, minimùm ex eventu, sicut medicina, quæ ut non sit bona simpliciter, est tamen bona ægrotanti, & *μικροῦ τῆ* aliquatenus, atque usque ad aliquem terminum, quatenus videlicet servatur in eâ mediocritas, rationisquè præscriptum, ac naturæ desiderium, quod si non teneatur atque observetur, statim voluptas corporis desinit esse bona, etiam necessaria. Sed & vel idèd voluptas corporis bona, quia oppositus dolor corporis est in malis, sive sit positivus, qui à malorum præsentia, sive privativus, qui à bonorum absentia. eò quòd contrariorum alterum si est malum, tunc alterum certè, vel bonum, vel saltem non malum sit, quoniam contrariorum contraria, ut ratio, ita consecutio, putà immediatorum, non mediatorum. Neque enim *γ* valet: Prodigalitas est opposita avaritiæ, ut

ut rei malæ, ergò bona! Ut enim valeat hæc consequentia in contrariis, quæ non habent medium, eò quòd remoto uno ponatur alterum, & posito uno removeatur alterum, ut non est sanum, igitur ægrum, vel est sanum, igitur non ægrum, tamen non valet in contrariis, quæ habent medium, ut non est album, igitur nigrum, cùm possit esse viride, fuscum, aut similis coloris: Gemino pacto in nostro argumento non valet, hoc opponitur malo, igitur bonum, cùm possint esse duo extrema mala contraria, mediumquè bonum per negationem extremorum, inter prodigalitatem v.g. & avaritiam liberalitas, & sic voluptatem inter & dolorem indolentia. Id quod videtur voluisse Speusippus, Platonis nepos, qui sic arguebat: Non, si voluptas & dolor sunt contraria, quorum alterum constat esse malum, continuò alterum ut sit bonum necesse est. Nam utrumque malum esse potest, cùm & malum malo sit contrarium, & utrumque bono, seu ambo ei, quod neutrum est, quemadmodum majus minori est contrarium, & utrumque æquali, vitium vitio, & utrumque virtuti, & sic voluptas dolori, & ambo τῇ ἀλυσίᾳ, sive doloris vacuitati. Ut ita Speusippo voluptas constituat unum extremum malum, dolor alterum extremum malum, medium autem bonum vacuitas doloris. Verùm meminisse oportuit Speusippum, hoc posito voluptatem quoque fugiendam

giendam esse. Nam si utrumque est malum, dolor & voluptas, utrumque fugiendum: Atqui dolorem omnes fugiunt, ut malum, voluptatem verò expetunt, ut bonum: Ergò non malum utrumque, neque ideò fugiendum utrumque.

14. *Voluptas Mala sive Turpis* est, quæ fluit ex vitiorum actionibus, sive vitiosis operationibus, quibus vir malus delectatur. Et ipsa homini propria, sicut vitiorum actio, unde fluit.

15. *Atque adeò, saltem aliquam voluptatem esse malam & turpem, id verò probatur fide sequentium rationum.* I. Quia, si omnis voluptas foret bona, nulla mala, aut omnis mala, nulla bona, sic nullum amplius daretur discrimen inter voluptatem illam, quam affert adulator, & hanc, quam affert amicus, cum tamen illa sit turpis, hæc honesta. II. Quia nonnullæ voluptates sunt per se pravae, ut voluptates carnales, quæ consistunt in scortatione, helluatione, inguine, inquam, & gulâ, & universè voluptates moraliter malæ, quæ percipiuntur ex vitiosis actionibus. Atque hoc sibi voluit antiquitas, cum Martem, voluptatis vinculis irretitum à Vulcano, nihil amplius præclari gerire potuisse, est fabulata.

16. *Voluptas Media sive Indifferens* est, quæ nec moraliter bona sive honesta, nec moraliter mala sive turpis, qualis corporis voluptas, quæ in genere, nec bona, nec mala, ut actiones, unde oritur. Quòd si modum excedat, prava est, qualis

qualis phagorum ebriosorum & libidinosorum sive libidinantium voluptas: Sin contineat se iustis ac debitis terminis, media est, quoniam illâ homines & rectè uti possunt, hoc est, ex virtute, atque ad bonos & laudabiles fines, & malè, malo videlicet consilio, atque ex vitio: Naturâ interim suâ si æstimetur, potius sanè bona fuerit civili bonitate, quàm mala, quoniam à rerum conditore est concessa, ut eâ ad propriam conservationem, quæ individui, & aliorum propagationem, quæ speciei nomine venit, excitemur. Sed de divisionibus voluptatis hæc digito indice indicâsse sufficiat.

CAPUT XLVI.

An & cur Voluptates inter se specie differant?

§. I. **V**oluptates inter se specie differunt, cum ob alias rationes; tum ob has. I. Quia, quæ specie differunt, ab iis, quæ specie differunt, perficiuntur, quoniam quales effectus, tales causæ: At actiones mentis & sensuum specie differunt, sicut & ipsorum sensuum operationes à se invicem, ut intelligere, ratiocinari, velle, appetere, videre, audire, hæquæ à voluptatibus perficiuntur: Igitur & voluptates specie differunt, ut quæ sint perfectiones operationum specie differentium. II. Quia voluptates diversarum operationum effectus contrarios ac specie diversos producant, v. g. voluptates suæ

suæ & alienæ, sive propriæ & peregrinæ, quæ sibi invicem sunt impedimento, quomodo, qui cantu tibiâ & musicis delectantur, illos colloquia sermones historias fabellas haud magni facere videas, nec iis aures præbere, si quidem tibias audire liceat, & universè, si duæ occurrant actiones, duobusquæ agendis occupemur, id, quod jucundius, obfuscare alterû cernas, quod minus habet voluptatis, quin immò, si una actio longè plus, quàm altera, afferat voluptatis, unam ferè nos persequi videas, alteram cōtrā omittere, atque aded, quæ leviter saltem & modicè nos delectant, ea non nisi obiter & perfunctoriè agere, alioquè interim subindè propendere, sicuti fieri assolet in theatris. Quod si enim histriones, gladiatores, & his similes homines, imperiti sint, minusquè placeant, tum verò spectatores bellaria edunt, aut aliquid alterius rei faciunt, parum ad ea, quæ geruntur, attendentes. Est autem voluptas propria, quæ ex eâ ipsâ re, quæ agitur, ex ejus, inquam, actione capitur, sicut voluptas aliena, quæ capitur aliundè, priori impedimento, neque tamen eodem, quo proprius dolor, modo, qui & ipse actionibus est præpedimento, verùm dissimiliter. Voluptas namque aliena hoc facit blandiendo, dolor verò proprius offendendo, illa avocando animum suaviter ab aliis functionibus, & ad suas pelliciendo.

hic violenter cum abstrahendo, illa suaviter non violenter, quia contraria dolori, hic violenter, non suaviter, quia contrarius voluptati. Unde consequitur, dolorem magis nescio quomodo impedire actiones, quam alienam five peregrinam voluptatem, quia hæc minuit tantum operationes, dolor verò vel destruit productas, vel impedit producendas. III. Quia, cum voluptatum aliæ sint bonæ atq; honestæ, aliæ malæ atque inhonestæ, aliæ mediæ five indifferentes, sicut actiones, quas consequuntur, his specie differentibus, non possunt non etiam specie differre illæ. IV. Quia & cupiditates actionum specie differunt, quare & voluptates, quæ conjunctiores sunt actionibus tempore & naturâ, ut quæ eodem tempore sint cum actionibus, cum contrà cupiditates ab actionibus tempore sint disjunctæ, eò quòd prius quid cupiamus operari, quam operemur. V. Quia voluptatum objecta inter se specie differunt. Alia quippè est voluptas liberalis, alia temperantis, alia fortis, quia ex alio objecto. VI. Quia subiecta, hoc est, ii, in quibus sunt voluptates, specie differunt. Alia quippè est voluptas equorum, alia leonum, alia urforum, alia hominum, qui non solum voluptates habent diversas ab aliis animalibus, verum etiam inter sese. Nam, quæ prævæ sunt, pravis placent, quæ verò honestæ, illiæ probis arrident, alia musico, alia amuso, adulatori alia, amico alia.

2. Quòd

2. Quòd si voluptates inter se specie differunt, ut differunt, etiam oppositi dolores differant sic inter se, vi oppositionis

CAPUT. XLVII.

Opposita ut definitio ita divisio Doloris.

§. 1. **D**olor, voluptati oppositus, vi oppositionis, est imperfecta operationis accidens, siue imperfectio operationis extrinsecus accedens: Vel plenius & planius: Dolor est imperfectio accidentalis operationis potentia percipientis, proveniens ex malâ dispositione potentia, & objecto, quod potentia non respondet, sensio siue perceptio inquam, rei incommodæ cum læsione. Sic ex visione dolorem capimus, cum velex oculis laboramus, vel cum rem horridam & obscenam intuemur.

2. Quicquid sit, ut Voluptas, ita Dolor, dividitur in Dolorem Animi & Corporis, Simpliciter Communem, & Secundum quid Commitem siue Proprium, denique Bonum Malum & Medium, quia quot modis unum oppositorum dicitur, tot modis dicitur & alterum.

3. Dolor Animi dicitur, qui animo sic percipitur, ut ad corpus nullo modo pertineat & pertingat. Consequitur siquidem solam apprehensionem interiorem alicujus mali, repugnantis animo, dolor interior Thomæ.

4. *Dolor Corporis* dicitur, qui sensu externo percipitur, ideoquē ad animum ita spectat, ut corpus etiā afficiat. Causatur quippe ex malo conjuncto corpori, per sensum externum apprehenso, dolor exterior inde Thomæ. Totuplex, quot sunt sensus. Alius namque percipitur ex visu, alius ex auditu, alius ex odoratu, alius ex gustu, alius ex tactu, quoties hi sensus à suâ constitutione, siue statu suo naturali, dimoventur, visus v. g. splendido lumine ac colore, vim ejus & virtutem disgregantibus ac dispergentibus, auditus in genere, quovis strepitu violento, in specie, voce asperâ, gravi, maximâ, & celerimâ, odoratus siue olfactus, in genere dissolutione vaporum nimis acrium, in specie sudore & fœtore, qui à sudore, gustus saporibus nimis pinguibus, austeris, acerbis, acidis, acutis, falsis, amaris, ex quibus pinguis Veneri, austerus Jovi, acerbus Lunæ, acidus Mercurio, acutus Soli, falsus Marti, amarus Saturno, à fabulosâ antiquitate est consecratus, tactus nimis caloribus ac frigoribus, necnon iis, quæ tendunt, rodunt, rumpunt, fidem huic rei facientibus ipsis sensibus, qui sic de seipsis loquuntur, aut potius ut loquentes introducuntur à Ravasio:

Visus: Lucem oculis video, & varios discerno colores:

Auditus: Consona me juvat, offendit symphonia discors:

Olfac:

Olfactus: *Fragranti oblector, vitioso offender
odore:*

Gustus: *Inspidum & sapidum quid sit,
me iudice constat:*

Tactus: *Sentio, quid calidum, & gelidum,
quid molle, quid asprum.*

Sed maximè interim & proximè dolor corporis percipitur ex tactu, cujus symptoma dolor propriè & per se, ut quem causentur qualitates, vel primæ, eæquè vel activæ, ut calor & frigus, vel passivæ, ut siccitas & humiditas, suâ vel positione, quomodo in siti parit dolorem qualitas positiva siccitas, non absentia humiditatis, vel privatione, quomodo ex humiditate nascitur dolor, cum immodicâ sui copiâ partem aliquam occupavit, v. g. ventriculum potus, vesicam urina, vel secundæ, ex contemperamentis primarum natæ, reliquorum verò sensuum symptoma per accidens, idquè aut propter *ignorantiam*, quatenus sunt tactus participes, aut propter objecta eorum, quæ, si naturæ mediocritatem transeant, causam aliquam proximam doloris procreant.

5. *Dolor Simpliciter Communis* dicitur, quem omnia animalia naturaliter refugiunt, percipiuntquè ex defectu nutrimenti & Veneris, cum destructione sui, tum in individuo, tum in specie, in individuo, per deliquium alimenti, in specie, per deliquium Veneris.

6. *Dolor Secundum Quid Communis* sive

INSTITUTIONUM ETHICARUM,

LIBRI SECUNDI,

QUI EST,

Περὶ

Τῆς Ἀρετολογίας,

DE

Vitæ Rectæ Regimine,

CAPUT I.

*Quid ἡ Ἀρετολογία, quæ posterior Ethicæ pars,
eiquæ substrata Ἀρετὴ, Virtus, oppositumquæ
Vitiū, quæ nomen, quæ rem nomine vestitam?*

§. I.



*Hæc Ἀρετολογία nihil aliud est, quæ
Doctrina de Regimine Virtutis:
2. H' Ἀρετὴ verò sive Virtus,
quæ Objectum ejus, habitus, qui
subjectum, in quo est, animum
scilicet hominis, benè affectum reddit, & opus e-
ius rectum ac perfectum dat: Vel, quod eodem
redit, Virtus est habitus animi laudabilis, κατ'
ὁρθὸν λόγον, ἢ μετ' ὁρθοῦ λόγου, rectæ rationi
consentaneus, & cum eâ conjunctus. Quæ de-
finitio est generalis, utriq; speciei virtutis com-
petens, licet inæqualiter, sive secundū prius &
posterius, πρώτως morali, δευτέρως intellectu-
ali, quia hæc præstat facultatem tantū benè ope-*

randi, illa cum facultate compræstat bonum ejus usum.

3. Sed juvat ἀναλύν. *Definitum est Virtus.* Hæc apud Hebraicè philosophantes nomen habet à mensurâ, vel quòd ad rectæ rationis regulam sit dirigenda passivè, vel quia commotionem animi, humanarumquæ contemplationum & æctionum, regula sit activè. Græcè philosophantibus appellatur ἀρετή, cujus nominis variz circumferuntur etymologiæ in scholis etymologicis. Quidam enim id deducunt δὲ τῆς Ἀρεως, à Marte, eò quòd initid tantùm notârit fortitudinem, quæ tempore Martis, hoc est, belli, in quo virtutis usus potissimùm elucescit, nescio quomodo conspicitur: Alii ab ἄρω, quod est congruo, eò quòd virtus sit congruentia cum rectâ ratione: Alii δὲ τῆς ἀρίσκειν, à placendo, quasi ἀρεσὴν, quia omnibus placere debeat: Alii δὲ τῆς ἐργᾶν, à diligendo, quasi ἐργατήν, per μετᾶρῃσιν primorum sive initialium elementorum, quia summè sit diligenda: Alii δὲ τῆς αἵρειν, ab attollendo, quasi αἰρετήν, quia mentem ad summa elevet atque extollat, quemadmodum opposita κακία eandem ad inferiora deprimit, sic dicta, quasi κατὰ ἰὼν ἢ κακῶς ἰὼν, deorsum seu male iens: Alii, δὲ τῆς αἰρίομαι, quod est eligo, quasi αἰρετήν, quia maximè sit eligenda: Alii, inter quos Plato, δὲ τῆς αἰεὶ ῥεῖν, à semper fluendo, quasi αἰετῶρετήν, quia semper negocietur,

cictur, nunquam ocietur. Latine philosophantibus virtus vocatur, vel à viro, eò quòd antiquitus sola fortitudo, quæ viris propria, virtus diceretur, quasi viri artus, vel à viribus, quæ majores & crebriores in viro, quàm in foeminâ, vel à vi, accipiendo hanc vocem, non pro violentiâ, quæ βία Græcis. (Quid enim huc cum virtute negotii, in quâ libera & voluntaria omnia, nulla coacta?) sed pro *δυνάμει*, facultate & potentiâ, cum virtus nihil sit aliud, nisi vis quædam animi, quâ affectus subjiciuntur rationi. Germanicè philosophantibus est *tugend* vel *tügend*, à *taugen* vel *tügen*, quod est valere. Quid enim aliud virtus, quàm valor & vigor animi florentis Philosophicè?

4. Sumiturquè ejus vocabulum, vel Propriè, vel Impropriè & Modificatè. Propriè tribuitur, in genere homini, in specie adulto & sanæ mentis, in quo invenitur judicium sapientiale & prudentiale, acquisitum doctrinâ vel cõsuetudine: Impropriè, tribuitur creaturis, vel viventibus solùm, vel viventibus & sentientibus, vel viventibus sentientibus & ratiocinantibus naturaliter, ut cum virtute fœniculi dicuntur acui oculi, virtute pœoniæ expugnari morbus caducus, virtute rutæ pelli venenum, virtute dictamni coalescere vulnera, virtute solis reviviscere omnia, virtute lunæ trahi humores, cumquè ut vegetativæ ita sensitivæ & rationali ani-

mæ suæ tribuuntur virtutes, animæ vegetativæ facultas nutriendi concoquendi expellendi, animæ sensitivæ sentiendi, animæ rationali ratiocinandi. Modificatè hinc, ut cùm per metaphoram ea attribuitur Deo, angelis, brutis, vel per synecdochē, sapientia, fortitudo, aliq̃vè ejus species, ejus nomine intelliguntur, vel per metonymiā, virtus Catonis pro ipso Catone, Lælii pro ipso Lælio, ponitur, ad eum modū, quo fructus castaneæ pro ipsâ castaneâ, nucis pro nuce.

5. *Definitio constat Genere, & Differentiâ Specificâ.*

6. *Genus virtutis est Habitus*, quia per eam perfectè disponimur ad operandum, & quoad uniformitatem actionū, & quoad expediētiā atque expeditionem: *Isquē Operativus*, operis tam interioris quàm exterioris, cùm sit perfectio potentiæ ad opus, non quoad esse, sed quoad agere: *Nec is quivis, verū Bonus*, secundum propriam essentiam, atque ex ratione suâ intrinsecâ, ex suâ naturâ inclinans & facilitans hominem ad actum bonum, nulloquē ad actum malum modo, cùm virtus disponat ad actus similes iis, à quibus fuit producta. Sicut enim habitus pulsandi citharam non inclinatur ad quemvis motum, sed ad motum secundum artem & harmoniam, ita habitus virtutis, v. g. temperantiæ, inclinatur non ad quamvis comestionem, sed ad circumstantiatam, cum debitis circumstantiis, faciens, & habentem bonum, & opus ejus bonum, virtus.

tus moralis absolute, intellectualis, cum ad-
ditamento, bonum putà Physicum, per habi-
tum Physices, Metaphysicum, per habitum
Metaphysices.

7. *Differentia Specifica virtutis non una, sed duplex. Dicitur quippè primò, quòd subiectum, in quo est, animum scilicet hominis adulti, & sana mentis, benè affectum reddat:* Quo sensu, sicut virtus oculi dicitur benè cernere, ita virtus hominis benè dispositum esse ad operandum, hoc est, contemplandum & agendum unifor-
miter, continuò, & cum voluptate. *Dicitur se-
cundò, quòd opus ejus rectum & perfectum det,* ut quod non tantum conveniat esse κατ' ὀρθὸν λόγον cum Stoicis, sed etiam μετ' ὀρθῶς λόγον cum Peripateticis, hoc est, non tantum rectæ rationi consentaneum, verum etiam cum rectâ ratione conjunctum. Neque enim valet, hic habitus vel hoc opus dirigitur à rectâ ratione, ergò est cum rectâ ratione. Nam & improbi sæpè quid faciunt rectæ rationi consentaneum, dum reddunt v. g. depositum, sed inviti aut coacti, qui tamen virtute præditi non sunt: Etiam quin servus habet habitum obediendi, secundum quem obedit domino suo prudenti, facitquè, quæ ille præcipit, neque tamen virtus in servo, licet in eo sit habitus, directus à rectâ ratione, quia talis recta ratio non est in servo, sed in domino.

8. *Quod raptim dictum & doctum de Vir-
tute, idem mutatis mutandis dicendum ac-*

docendum de opposito Vitio, sic dicto à vitando: Quod aliàs sumitur propriè, vel pro ipsâ pravitate seu vitiositate, tam corporis quàm animi, vel pro qualitate ac dispositione vitiosâ ac pravâ, aliàs modificatè, ut cùm parietibus tribuitur vitium, qui vitium facere dicuntur, quando minantur ruinam, cumquè per ignem vitium excoqui, aut virgini vitium offerri dicitur. Si propriè, vel est mera privatio, & non aliquid positivum, ut in priori significatione, vel est aliquid positivum, vitiositate ac pravitate informatum, aut potiùs destitutum bonitate debitâ, ut in posteriori. Atque sic accipitur hoc loco à nobis, nempè pro privatione debitæ bonitatis ac perfectionis, hoc est, virtutis. Neque interim est privatio pura puta, ceu sunt peccata, quæ vocant, omissionis, verùm aliquid, quod per rationem suam formalem est privativum. Quæ duo toto cœlo differunt. Privatio enim, quâ talis, est non ens, privativum verò ens cum non ente complicatum, hætenus positivum, non quidem quoad formale, quod ἀρξία, quæ non positio sed privatio πείρωσις, verùm quoad materiale, quomodo inebriari vitium, neque tamen pura puta privatio, cùm non contingat sine actione, hoc est, bibitione multâ, quæ, quatenus actio, positivum quiddam & ens, quatenus verò deformitas actionis, vel facultatis, quam habet pro subjecto, hoc est,

est, quatenus vitium, ut sic privativum quiddam, & non ens, (lapsus, inquam, in id, quod non est, & recessus ab eo, quod est,) non quidē quoad materiale, sed quoad formale. Quò fit, ut vitia extrema, inter quæ mediant virtutes, non sint puræ aut meræ privationes mediarum virutum, sed actus cum privatione, adeoque privationes quoad formale, actus quoad materiale.

9. Cæterum de vitio agitur in Ethicâ, non primò & per se, sed per accidens, & per consequentiam quandam, seu ex eventu, neque ut parte constituyente, verum uberioris tractationis distinctionis explicationis & cognitionis ergò, adeoque in ordine ad viriutem, quæ cum sit mediocritas, perfectè cognosci ac declarari nequit sine extremis, quoniam oppositorum est eadem scientia, eaque juxta se posita nescio quomodo magis elucescunt. Quemadmodum ergò Medicus tractat de toxico, Logicus de sophismate, Politicus de flagitiis dominationis, Jurisconsultus de injuriâ, ita Ethicus de vitio, non docendo illud, sed dedocendo, & istorum non aliorum etiam nos.

CAPUT II.

Tñs 'Agetñs diviso secundū anima potētiās virtutis susceptivæ, in Intellectualem sive Mentis, & Moralem sive Appetitus, cum horum comparatione.

§. I. *Sic definita 'Agetñ Virtus, vel Intellectualis est sive Mentis, vel Moralis sive Appetitus.*

Cùm enim omnis virtus humana sit habitus, quo homo ad benè operandum perficitur, principium autem humanorum actuum in homine non sit nisi duplex, τὸ Λογικὸν Intellektus, & τὸ Ὁρεκτικὸν Appetitus, hinc sequitur, Virtutem Humanā esse perfectivam alicujus istorum principiorum, & vel Intellectualem, quæ perfectiva Intellectus, vel Moralem, quæ perfectiva Appetitus. Cumquē plures sint animæ potentia, præter τὸ Ὁρεκτικὸν, καὶ τὸ Λογικὸν, etiam τὸ Φυτικὸν, erit vel τῷ Φυτικῷ, vel τῷ Ὁρεκτικῷ, vel τῷ Λογικῷ: Non τῷ Φυτικῷ, tum quia hæc potentia non est hominis propria, sed huic cum stirpibus & bestiis communis, quæ hujus beneficio aluntur & augentur, id est, amplificantur in longum latum & profundum, tum quia eadem potentia nescio quomodo magis per somnum, quàm per vigiliam, operatur, valentiorquē est in dormientibus, quàm in vigilantibus, potentia verò hominis propria cōtrā se habet, quæ in somno quiescit, neque somno impeditur unquam, sed benè somnio, hoc est, somno non somno, tum quia non expers modò rationis est hæc potentia, putà altrix, sed hanc nullo modo audit admittivè: Non etiam τῷ Ὁρεκτικῷ, quatenus hæc potentia est irrationalis quoad sui constitutionem, hoc est, de naturā suā atque essentia, ut quæ ut sic responset rationi, conquē venienter virtuti, quod autem tale, id irrationale, cùm ratio non repugnet rationi,

& ve-

& verò etiam homini sit communis cum cæteris animalibus, quæ & ipsa habent sensum, neque tamen agunt, sed aguntur potius instinctu. quodam naturali, cum sint expertia rationis: Quare τῆς Λογικῆς, ejusquæ vel Participati, hoc est, talis per participationem sive communicationem, quatenus τὸ ὁρεκτικόν, id est, eadem hæc potentia in subjecto homine est apta nata auscultare rationi, & τὸ ὑπακούον ejus sequi, quemadmodum videmus cæcum sequi ductum videntis, sicquæ participationem esse quodammodò visus, filium amicumvè sequi, illum rationem patris, hunc rationem amici, non quasi ratio patris insit in filio, aut amico, aut quasi filius rationem, cur pater sic agat, & amicus, cur amicus, reddere valeant, verùm quòd sequantur rationem ac judicium patris & amici, horumquæ rationi obtemperent, vel Originalis, hoc est, talis per essentiam ac constitutionem, pro quarum animæ potentiarum ratione, duarum numero, totidem Virtutum genera ingeniosè colligit Philosophus, alterum Διανοητικὸν Intellectuale, cui hospitium assignat ἐν τῇ Λογικῇ, in Intellectu, alterum Ἠθικὸν Morale, cui stationem assignat ἐν τῇ Ὀρεκτικῇ, in Appetitu Sensitivo ratione illustrato, quarum virtutum illæ Intellectuales sive Intellectus, hæ Morales sive Appetitus, illæ Mentis, hæ Moris audiunt in Philosophiâ Morali, sine quâ mente, & quo more, nulla.

nulla datur actio studiosa, illâ existēte causâ, hoc causâ causati. Excipies fortaſſis, præter τὸ φυικὸν animæ vegetantis, τὸ ὁρεκτικὸν animæ sentientis, & τὸ λογικὸν ἢ διανοητικὸν animæ rationalis, dari quoque inter potentias animæ sentientis, τὸ αἰσθητικὸν, καὶ κινητικὸν κατὰ τὸ πῶς, igitur malè divisionem virtutis in intellectualem & moralem colligi ἐκ τοῦ ὁρεκτικῶς καὶ λογικῶς, secluso φυικῶ tantùm! Respondeo, τὸ αἰσθητικὸν καὶ κινητικὸν κατὰ τὸ πῶς, in catalogo potentiarum animæ, nominatim sentientis, idēd omitti à Philosopho hoc loco, quia τὸ ὁρεκτικὸν animæ alterum ponit antecedenter, alterum consequenter, utrumquē implicitè.

3. Sed utra prior in hoc regno, Virtus nē Intellectualis Morali, an Moralis Intellectuali? Intellectualis Morali, tum quia in docendo faciliora præcedere, difficiliora sequi debent, faciliores autem sunt virtutes intellectuales, cū tantū contemplantur, difficiliores contrā virtutes morales, quæ in actionum altum pelagus demerguntur, tum quia generalia specialibus sunt priora, dirigens directo, mensura mensurato, regula regulato, virtutes autem intellectuales sunt mensuræ & regulæ virtutum moralium, dictante intellectu appetitui, quid bonum, quid malum, quid eligendum, quid averſandum, quid committendum omittendum sit, absque quâ honesti & turpis, boni & ma-

li notitiâ, impossibile, ut virtus moralis compareretur, quoniam ad eam consequendam, tum appetitio & persecutio boni, tum averfatio & fuga mali requiritur, utraque autem præsupponit notitiam boni & mali, quæ sine virtute intellectuâli contingere nequit. Possunt quidem virtutes morales esse sine quibusdam virtutibus intellectuâlibus, verbi gratiâ, sine scientiâ & arte, sed non item sine intelligentiâ & prudentiâ: Non sine illâ, quia per intelligentiam cognoscuntur principia, tam speculativa, quàm practica: Non sine hâc, quia ad hoc, ut electio sit bona, non tantùm desideratur, ut sit debita intentio finis, id quod suo loco curat virtus moralis, quæ appetitum inclinat ad bonum conveniens rationi, sed etiam, ut homo rectè accipiat ea, quæ sunt ad finem, id quod suo loco atque ordine curat prudentia, quæ suggerit media ad eum finem, illa τὸν σκοπὸν, hæc τὰ μέσῃς τοῦτον. Sed & quædam virrutes intellectuâles esse possunt sine moralibus, ut inrelligētia, scientia, sapientia, & ars, ut quæ queant esse etiam in malè moratis, etiam quin in spiritibus malis: Quin immò intellectuâles virrutes magis esse possunt in comparatione sine moralibus virtutibus, quàm hæ sine illis.

4. *Vtra item præstantior ac præstabiliior in comparatione, Virtusnè Intellectuâlis Morali, an Moralis Intellectuâli? Intellectuâlis ite-*

rna

310 INSTIT. ETHICARUM
rum Morali, saltem ἀπλῶς, hoc est, absolutè at-
 q; in se, tum quia ut sic nobilius habet subje-
 ctum, nempè mentem, nobilius objectum,
 nempè Deum & divina, nobiliorè finem, nem-
 pè contemplationem, cui suo loco velificatur
 actio, nobiliora adjuncta, voluptates putà stabi-
 liores sufficientiores sinceriores ac tranquillio-
 res, idquè ob operationis simplicitatē, quæ non
 corporis, sed mentis, non fluens, sed constans,
 non transiens, sed immanens, non horaria aut
 temporaria, sed in diem currens & recurrens,
 licet secundum quid moralis queat esse præ-
 stantior & præstabilior intellectuali, considerata
 in ordine ad actum, & quatenus perficit appe-
 titum, cujus est movere alias potentias ad actū.

C A P U T III.

*Quid Virtus Intellectualis sive Mentis, quā Nō-
 minalitatem, quā Realitatem? Quod ejus Genus,
 Subjectum, Objectum, quaquè ad eò Affectio?*

§. I. *Virtus Intellectualis, siquidem nomen
 speciei, nihil aliud est, quàm virtus
 intellectus: Sin rem, nihil aliud, quàm habi-
 tus animi, hoc est, virtus, intellectum ad inqui-
 rendum verum perficiens, quā is illud, vel
 affirmando, vel negando, enunciat, sicut vir-
 tus moralis nihil aliud, quàm habitus animi,
 hoc est, virtus appetitum ad comprehendendum
 bonum perficiens, quā is illud, vel prosequendo,
 vel fugiendo, assequitur.*

2. Juvat ἀναλύειν, *Definitum est Virtus In-
 tel-*

Intellectualis, διανοητική Græcis, rationalis mētalis adjectivè, rationis mētis substantivè Latinis.

3. *Definitur Genere & Differentiâ Specificâ.*

4. *Genus Virtutis Intellectualis remotum est Habitus: Proximum Virtus: Vtrumque Qualitas*, virtus remotè, habitus proximè, qui species qualitatis, sicut virtus habitus.

5. *Differentia Specifica Virtutis Intellectualis sumitur à Subiecto ejus, Objecto, & Affectionibus Propriis. Subiectum Virtutis Intellectualis est Intellectus*, tum quia virtutes intellectuales inde appellantur tales, quòd sint habitus intellectus, atqui habitus non est, nisi ejus, quod est subiectum ejus, tum quia idem intellectus est subiectum specierum intelligibilium, quare & habituum, tum quia, sicut intellectus hominis est capax actionum suarum immanentium, ita & habituum, qui ex illarum repetitione & frequentatione consurgunt, tum quia, si habitus intellectuales non essent in intellectu, tanquam in subiecto, tunc mens, à corpore separata, nec intelligens nec sciens, nec sapiens foret, quod absurdum, cum beatitudo non possit consistere cum privatione atque exilio omnis intelligentiæ scientiæ & sapientiæ: *Non Phantasia & Memoria*, tum quia, si intelligentia scientia & sapientia essent in phantasia, eæ homini cum bestiis sic communes forent, nec virtutes & perfectiones mentis, sed phantasiæ & memoriæ, quæ mens non esset

am.

amplius denominanda sapiens, verum phantasia, nec homo talis, id est, homo, munere rationis sive mentis, sed phantasiæ, tum quia phantasia & memoria sensitiva non sunt capaces universalium, quæ non judicantur sentiendi facultate, ac benè intelligendi, virtutes autem intellectuales sunt universalium, tum quia sic tolleretur discrimen inter virtutes mentis & moris, affirmatioquæ & negatio non mentis audirent operationes, sed phantasiæ. Ponuntur quidem in viribus sensitivis apprehensivis internis quidam habitus consuetudinales, v. g. in memoriâ, sed illi non sunt habitus per se, ideoquæ virtutes dici nequeunt.

6. Contra Pico lomeus, qui virtutes intellectuales in phantasiâ recipi, & in memoriâ servari vult, motus his argumenta in argumentis. I. Quia appetitus sensitivus possit esse subiectum virtutis moralis, in quantum obedit rationi, ergo & imaginativa & memorativa subiectum intellectualis virtutis! Quasi verò imaginativa & memorativa respectu intellectus se habeant, ut motæ, sicut appetitus sensitivus, ac non potius ut moventes. II. Quia prudentia sit quædam virtus, hujus autem pars memoria! Quasi vero memoria sit pars prudentiæ, sicut species est pars generis, & non potius se quodammodò habeat per modum partis integralis, quatenus unum eorum, quæ requiruntur ad prudentiam.

prudentiam, est memoriæ felicitas sive bonitas. III. Quia mens sit res divina, atque ex se sufficiens, ut rectè suo munere fungatur, non egeat formâ, sive accidente mutabili, per quod intrinsecus dirigatur, v. g. habitu! Quasi verò, utut mens, ratione originis suæ naturæ ac facultatum, sit res divina, quò tamen rectius munere suo fungi valeat per omnes partes, non in genere tantum, sed & in specie, ad eam rem indigeat habitibus, tam infusis, quàm acquisitis. IV. Quia, si habitus subjectivè essent in mente, nunquam deleterentur, cùm solus materiæ fluxus sit causa, cur formæ deleantur! Quasi verò per lapsum primorum parentum non deleta fuerit in animâ rationali impressa imago Dei, quamvis in eâ materiæ fluxus non fuerit. V. Quia virtus ordinetur ad bonum, hoc autem non sit objectum intellectus! Quasi verò, cùm bonum sit uniuscujusque rei finis, intellectusquè finis verum, hoc ipsum, putà cognoscere verum, non sit ejus bonum? VI. Quia virtus sit, quæ producit bonum actum, bonumquè facit habentem, hoc autem non faciant habitus perficientes intellectum! Quasi verò, quamvis habitus perficientes intellectum non faciant simpliciter bonum habentem, opusquè ejus bonum reddant, (Neque enim simpliciter quis dicitur homo bonus ex hoc, quòd est sciens, vel artifex, sed solam secundum quid, putà, bonus Gram-

Grammaticus, aut bonus faber,) non reddant bonum opus in facultate quâdam, bonumquæ faciant habentem secundum quid.

7. *Objectum Virtutis Intellectualis est Verum, tam νοητὸν, quàm Διγνωτὸν, tam Cognoscibile tantum, quàm Cognoscibile & Producibile finis, quorum alterum est habituum speculativorum, nempe Intelligentiæ Scientiæ & Sapientiæ, alterum Practicorum, nempe Prudentiæ & Artis, idquæ tam in actu signato, quatenus & verum pertinet ad distinctas disciplinas, quàm exercito, quatenus ad omnes, quæ verè cognoscunt sua subjecta, Physicus aurum, Mathematicus circulum, Ethicus virtutem, per modum cognoscentis & cogniti, adeoque secundum denominationem intrinsecam, non extrinsecam, quomodo etiam falsum ejus objectum, non per se, sed per accidens, nec primariò, verum secundariò Quod si excipias, animam sæpè falli, ergò ejus objectum non esse verum! Redexcipiam, animam per virtutes intellectuales semper dicere verum, tam ex parte rerum, quàm ex parte nostrâ, & habitu purè intellectuali cum sint de necessariis, conquæ sequenter illis, quæ non possunt aliter se habere, ideoquæ falli nequeunt, secundum verò habitus mentis consultativæ, ut sunt prudentia & ars, quarum altera est in mente activâ, altera in mente factivâ, verum quantum ex parte suâ, non item verum semper ex parte rerum*

rerum atque executionis, qui error per accidens, & non per se, culpâ existente non in prudentiâ, vel arte, sed in conditione & varietate ac variabilitate rerû, circa quas versantur, quæ contingentes sunt, sequè aliter atque aliter habere possunt, ut ira non ipsorum habitum sit peccatum, sed rerum.

8. *Affectiones Virtutis Intellectualis sunt, Affirmatio & Negatio, sicut Virtutis Moralis Prosecutio & Fuga.* Quemadmodum enim operationes intellectus ratione strati duæ sunt, quæ virtute intellectuali diriguntur, *κατάφασις καὶ ἀντιφασις*, affirmatio & negatio, ita operationes appetitus ratione sui strati & ipsæ duæ sunt, quæ virtute morali diriguntur, *διώξις* videlicet *καὶ φυγή*, prosecutio & fuga, quas inter talis cognatio, ut intellectus affirmatio sit quædam velut prosecutio, & negatio quædam velut fuga; & contrâ, appetitus prosecutio quædam velut affirmatio, & fuga quædam velut negatio. Etenim cum intellectus affirmat, dicendo hanc rem esse bonam, ideoquè sequendam, tunc appetitus prosequitur eam quasi affirmativè, similiter quando intellectus negat quid esse bonum, ideoquè fugiendum, tunc appetitus illud refugit quasi negativè: Quo fit, ut prosecutio sit in appetitu, sicut affirmatio in intellectu, similiterquè fuga in appetitu, sicut negatio in intellectu.

CAPUT IV.

*Virtutis Intellectualis Subdivisio in Theoreticam
& Practicam, sumta ex Subiecto, Objecto, Modo,
& Fine, cum ordinis tumultuariâ designatione.*

§. 1. **S**ic definita Virtus Intellectualis, vel Theoretica est, ut Intelligentia, Scientia, & Sapientia, vel Practica, ut Prudentia & Ars. Cujus numeri quinarîi ratio colligitur, partim à Subiecto Operante, partim ab Objecto Operabili, partim à Modo Operandi, partim à Fine Operationis. A Subiecto Operante hætenus, quia materia in quâ. seu subiectum in hærentiæ habituum intellectualium, est intellectus, isquæ duplex, ἐπιστημονικὸς ἢ θεωρητικὸς, qui subiectum intelligentiæ, scientiæ & sapientiæ, καὶ λογικὸς ἢ πρακτικὸς, (sumto vocabulo τὸ πρακτικὸν latè, prout τὸ ποιητικὸν ambitu suo includit, non strictè, prout illud excludit, qui subiectum prudentiæ & artis, ex quo subiecto Virtus Intellectualis non incommodè tribuitur in Theoreticam & Practicam, condividenter tum ipsi Philosophiæ, tum finiejus.

2. Ab Objecto Operabili hætenus, quia materia circa quam, seu objectum habituum intellectualium, vel est cognoscibile tantum, idquæ vel principiorum, & circa hæc attinetur intelligentiæ, vel conclusionum, sive conclusorum de principiis, & circa hæc attinetur scientiæ, vel utrorumque
per;

permixtum, siue aggregati ex his, & circa hæc attinetur Sapientia, quæ est veluti amborum nodus, vel Cognoscibile & Producibile simul, idquæ vel Agibilem pressè summorum, & circa hæc attinetur Prudentia, vel Factibilem, & circa hæc attinetur Ars.

3. *Modo siue Munere Operandi hætenus*, quia enim Intellectus, cujus opus veri per-vestigatio, hoc munere suo fungitur, aut in se, aut alterius gratiâ: Si in se, vel id facit sine mentis quâdam agitatione siue discursu, & dicitur Intelligentia, vel cum mentis quâdam agitatione seu discursu, interveniente ratiocinatione apodicticâ, dum ratio speculativa ratiocinatur syllogizando demonstrativè, & dicitur Scientia, vel permixtum, ita ut utroque munere fungatur mens, cumquæ disputatione quid concludat, vel sine eâ, & dicitur Sapientia, quæ habitus compositus ex duobus simplicibus: Si alterius gratiâ, vel id facit agendo, & dicitur Prudentia, vel faciendo, & dicitur Ars, utrumque interveniente ratiocinatione dialecticâ, dum ratio activa & factiva ratiocinatur syllogizando demonstrabiliter.

4. *Denique à Fine Operationis hætenus*, quia Intellectus Speculativi, & Habituum Speculativorum, putâ, Intelligentiæ Scientiæ & Sapientiæ, finis sola cognitio, Intellectus verò Activi, & Habituum Activorum, putâ, Prudentiæ & Artis, præter cognitionem

nem operatio, hoc est, illius actio, hujus factio.

5. *Quod attinet Ordinem Virtutum Intellectualium, quem illa habent inter se, ille verò vel Necessitatis est, vel Dignitatis seu Naturæ.* Ordine Necessitatis primæ sunt Artes, ut quæ succurrant humanæ necessitati, & ob humanam imbecillitatem sint paratæ, requiranturquæ, non tam ad benè esse, quàm ad esse: Proxima Prudentia, sine quâ homines, nec à feris, nec à se invicem, tuti esse possunt. Ordine Dignitatis seu Naturæ contrà cedunt Artes ceteris, cùm artes solùm quærant utile, Prudentia honestum, reliquæ virtutes verum contemplabile, inter quas princeps Intelligentia, proxima Scientia, huic porrò proxima Sapientia, quia enim intelligentia nullo eget, sapientia autem proximè ex intelligentiâ & scientiâ pendet, & ab his perfectionem recipit, propter quod autem unumquodque tale, illud magis tale, vel ideò etiam, quia universa perfectio totius ex parte prodit, cui nobiliori modo ut sic convenit perfectio, quàm toti, cùm ei conveniat ratione propriâ, toti verò, ut pendet ex parte.

CAPUT V.

De Intelligentiâ, & ejus Extremis, hoc est, inde Scrupulositate, hinc Errore, sive Ignorantiâ Principiorum.

§. I. *Intelligentia, si Nomen sive Nominalitatem ejus spectes, sic dicitur ab intelligendo,*

gendo, & vel generatim fumitur de omni facultate intelligendi, vel speciatim de illâ, quæ absque discursu seu ratiocinatione principia cognoscit, tam theoretica, quàm practica, quorum principiorum altera Scientiam pariunt, altera Prudentiam, utraque Intelligentiam. Aliter Intellectus appellatur, nomine ipsius potentia, sed rectius Intelligentia cum Cicerone, modò æquivocationem vocis caveamus.

2. *Sin Rem sive Realitatem*, ut sic Intelligentia nihil est aliud, quàm habitus perceptivus principiorum, per quem principia demonstrabilium cognoscimus absque demonstratione. Dico, principia demonstrabilium, non principia demonstrabilia, quia principia propter suam primitatem, & in se, atque ut actus sunt talia, sunt supra demonstrationem, non infra, cùm sint tale quid, per quod demonstratur aliud, ideoquè prius eo, quod demonstratur, sive conclusione demonstrandâ, per indemonstrabilitatem, vel absolutam, ut principia prima, quæ indemonstrabilia à priori simpliciter in omni statu, vel limitatam, ut secunda, quæ indemonstrabilia à priori secundum quid, & pro tali statu, licet juxta aliquem loquendi modum demonstrari queant utraque, aut per deductionem ad absurdum, aut per experimentum, aut per terminorum declarationem, verùm à posteriori scilicet, non priori, neque tam ratione ipsorum principiorum, quàm negantium principia, adeo-

principia animæ nostræ inesse, rem ipsam minimè, qui idèò mentem nostram, non ut Plato, rasæ & oblitteratæ tabulæ, sed nudæ ac puræ, comparat, cui nihil quidem actu sit inscriptum, inscribi tamen omnia *νοητὰ* possint, hoc est, negat Aristoteles, principia nobiscum nasci actu, nosquè afferre ait saltem facultatem illorum, sensuum ministerio colligendorum, atque animo recipiendorum. Et certè, notitiæ illæ communes, (quas *κοινὰς ἐννοίας* Græci nuncupant, eò quòd omnium animis sint ingeneratæ, item *προλήψεις* anticipationes, eò quòd has ipsas ante omnes res sumamus, intelligamusquè & apprehendamus simpliciter, sine omni demonstratione, antecedenteve causâ, notiones verò ac prænotiones Latini, eò quòd has per nos ipsos noscamus, præquè aliis omnibus rebus prænoscamus, tanquam principia nobiscum nata,) illæ non videntur menti nostræ naturâ impressæ sive inscriptæ, expressæve actu primo, per modum habitus insiti à primordio, ut vult Plato, verùm potentiâ potiùs, eâquè propinquâ, uti vult Aristoteles, quæ, ut actu exerere se possit sine institutione, tamen non potest sine cognitione sensitivâ præsentante objecta, sive absque sensuum ministerio, eò quòd omnis cognitio intellectiva ortû. habeat à sensu, si omnis, ergò & hæc, planè sicut potentiæ visivæ impressa est quædè vis

4. Quicquid horum sit : *In animâ hominis dari potentiam naturalem propinquam, immò proximam, principiorum tam theoreticorum quàm practicorum, siue notitiam horum inchoatam & radicalem, id verò vincunt. immò evincunt, hæ rationes.* I. Quia in homine post lapsum aliquid imaginis divinæ reliquum, igitur & aliquid τῆ γυναικῆ, loquendo de notitiâ naturali seu innatâ, quæ in hominibus, non experimentalis seu acquisitâ, quæ inter homines, per quarû alteram, persuade naturalē, gentes faciebant τὰ τῆ νόμου φύσις, utut non haberent νόμον θεόν. II. Quia, si nullæ sunt à naturâ notitiæ nobis insitæ, tum verò verum & falsum, honestum & turpe, non naturâ discernente, sed tantum δόξα ἡδὲ νόμος, quæ Pyrrhonis Carneadis & Cynicorû professio fuit, fuerint, conquē venienter, quicquid autoritate publicâ decretum erit, & circa illud, & circa istud, id tale erit, quale decernitur, immò idē tale erit, quia decernitur, quod absurdum. Cùm enim album & nigrum, calidum & frigidum, distinxerit natura, cur non etiam verum & falsum, honestum & turpe? III. Quia notitiæ principiorum etiam pueris, qui vixdum balbutire cœperunt, sunt notæ, quos videmus ejusmodi ratiocinationes texere, quarum similes nunquam audiverunt, utut non antè compareant, quàm fari possint, quo in casu actu demonstrationis principia nondum sunt, non quia nulla omninò, sed quia in humidis.

& fluidis corpusculis vim suam exerere nequeunt, non magis quàm ebrii sensa animi. Accedit, quòd pueri infantes, quid rationis & ratiocinationis habeant, antequam voces formare discant, non possint exprimere. IV. Quia, quæ per sensus ad animum deferuntur, ea sine naturali quâdam luce rationis dignosci nequeunt, quæ propterea præsupponitur, siquè nulla forent principia naturalia, tum verò in infinitum progrediendum esset in quærendis primis veri & falsi, honesti & turpis, regulis ac criteriis, à quo tamen abhorret natura. V. Quia, si nullæ darentur notitiæ naturales, principiaquè nobis innata, ac ne practica quidem, tunc nullum ampliùs foret jus naturæ, ideoquè nec justitia originalis, quare nec peccatum originale, cùm ejus, quod nec fuit, nec esse potuit, nulla sit privatio, sicquè everterentur omnia, quæ de discrimine legis & evangelii Theologi, de jure gentium Jurisconsulti, de communibus notionibus Philosophi, magno consensu tradiderunt, quorum nihili facere auctoritatem haud convenit.

5. *Præter hanc potentiam naturalem propinquam immò proximam principiorum, si-
ve notitiam eorum inchoatam & radicalem,
dari quoque in animâ hominis habitum princi-
piorum acquisitum, non per discursum, sed per
simplices actus, ex solâ nimirum terminorum
appre-*

apprehensione, per quem potentia illa consummetur ac perficiatur, tanquam per qualitatem superadditam, secundum quam promtè & facile homo assentiaturs principiis, illud verò vincunt, immò evincunt, illæ rationes. I. Quia, utut principia natura nota sint, intellectis putà terminis simplicibus, v. g. quid totum, quid pars, quid parentes, quid colere, quos præcognoscere oportet, antequam intelligamus, quòd omne totum sit majus suâ parte, quodquè parentes sint colendi, tamen habitui hætenus hîc locus, quatenus accedente exercitio, experienciâ, inductione, promtiùs eorum veritatem percipimus, quàm per solam potentiam naturalem, lumenquè intellectus congenitum. II. Quia, cùm scientia sit occupata circa conclusiones demonstrabiles, nulla autem demonstratio sit absque principiis, ex quibus oriuntur tales conclusiones demonstrabiles; hinc fit, ut hujusmodi principiorum conveniat esse aliquem habitum proprium. III. Quia natura nihil facit frustra, ideoquè homini neutiquam tribuit partem animæ sine facultate judicandi suum objectum, quod prima principia, & benè quidem judicandi sive ex habitu supra posito.

6. *Hunc ipsum porrò habitum acquisitum principiorum esse Intelligentiam, istud porrò vincunt, immò evincunt, istæ rationes, conglobatæ in unam.* Aut habitus ille acquisitus

principiorum est Scientia, aut Sapientia, aut Prudentia, aut Ars: Non Scientia, quia scientia est de iis, quorum est demonstratio, principiorum autem rerum scibilium non est demonstratio, quare nec scientia! Non etiam Sapientia, quia hæc etiam est de conclusionibus, quæ demonstrari possunt, principiorum verò non est demonstratio, quare nec sapientia, in quantum est conclusionum, & quia sapientia causarum cognitio, principiorum autem nequeunt dari causæ: Sed nec Prudentia, aut Ars, quia utraque eorum, quæ possunt aliter se habere, rerum, inquam, contingentium & mutabilium, non necessariarum ac immutabilium, ut sunt principia, quæ æternam veritatem habent: Ergò alius habitus, nempe Intelligentia, quia hi sunt habitus mentis, & non alii.

7. *Objectum Intelligentiæ sunt hæc ipsa Principia. Quæ duobus generum: Natura seu Essendi, & Cognitionis seu Intelligenti. Utraque duplicia. Vel enim sunt absolute prima, quæ non præsupponunt alia priora in eo genere, vel non omnino prima, quæ præsupponunt alia priora in eodem genere.* Priorum exemplum, inter principia essendi, in genere causæ efficientis, Deus, qui omnino prima causa, sine ullâ distinctione generis, simpliciterque primum, in genere verò causæ materialis materia prima, quæ etsi & ipsa non præsupponat aliud primum in suo genere, tamen

præ-

præsupponit causam efficientem Deum, ut potentia præsupponit actum: Inter principia verò intelligendi, primum principium affirmativum, quod simpliciter primum, ut, de quolibet affirmatio vel negatio, & primum principium negativum, quod licet præsupponat illud affirmativum, est tamen primum in suo genere, ut, de nullo istorum ambo. Posteriorum exemplum, inter principia essendi, substantiæ separatae, quæ præsupponunt ipsum Deum, & coelum, quod substantias separatas: Inter principia verò intelligendi, affirmativa, quæ rediguntur ad primum principium affirmativum, ut, omne totum est majus suâ parte, & negativa, quæ rediguntur ad primum principium negativum, ut, si punctum puncto addatur, non fit majus.

8. *Atque hæc Principia Cognitionis, sive Intelligendi, iterum vel sunt Axiomata, vel Propositiones, Axiomata sunt propositiones indemonstrabiles, ideoquæ nullâ indigentes demonstratione, cùm de se pateant, & statim cognitis terminis innotescant, quale, quòd de quolibet verum sit dicere, quòd aut sit, aut non sit, & de nullo istorum ambo, cujusmodi principia necesse est discitem habere ex sese, sine ullâ doctrinâ, atque afferre ex domo suâ, quia sunt communes animi conceptus, quos omnes homines ex sese naturaliter percipiunt, nesciuntquæ penè, unde habeant. Propositiones sunt positiones Apodicticæ,*

vel etiam Dialectica, quibus paritur ac paratur scientia vel cognitio, ut, juvare egenum, exhibere honorem magistratui, &c.

9. *Viraque, vel Theoretica sunt, vel Practica*: Theoretica, ut, omnis causa est prior suo effectu, omne totum majus suâ parte, æqualia si addas æqualibus, quæ inde oriuntur, sunt æqualia, ex nihilo nihil fit, idem non potest simul esse, & non esse: Practica, ut, honestè vivendum, nemo lædendus, suum cuique tribuendum. Deus colendus, parentes honorandi. Quibus Principiis Complexis si jungas Incomplexa, quæ non dicunt rem esse, vel non esse, ceu sunt, Deus, ens, omninoquè essentia rerum, eâdem operâ Objectum Intelligentiæ condescripseris.

10. *Extrema Intelligentia duo sunt, alterum in Excessu, alterum in Defectu.*

11. *In excessu ei opponitur Nimia Aνεξιβητα Scrupulositas*, quando quis singularitate gaudet, axiomataquè in communi Philosophorum scholâ approbata & comprobata, reprobât atque improbat, eaquè in dubium vocat cum Anaxagorâ, qui nivem negabat esse albam,

Quærens in scirpo, soliti quod dicere, nodum.

12. *In defectu Error, sive Ignorantia Crassa atque Affectata Principiorum*, quando quis ea, quæ mediocribus ingenio naturaliter sunt cognita, indagare negligit ac posthabet, tantumquè ea, quæ sensibus obvia sunt, spectat,

Qat,

Etat, & vel nescit communia principia, quæ omnes sciunt, à furno redeuntes lacuquæ, vel nesciturit, hoc est, nescire se simulat.

CAPUT VI.

De Scientiâ, & ejus Extremis, hoc est, inde Nimiâ Subtilitate, hinc Errore, sive Ignorantiâ Conclusionum.

§. I. **S**cientia, si Nomen sive Nominalitatem ejus spectes, quadrifariam accipitur. I. De cognitione rerum & verborum, qualiscunque tandem illa sit, certa an incerta, necessariorum an contingentium, de quavis, inquam, rei cognitione, undecunque illa sit, sive ex sensu, sive ex ratione, sive ex testimonio, sive ex inductione, sive ex demonstratione, ut cum dicimus, nos scire, glaciem esse frigidam, nivem albam, omne vinum calefacere. II. De cognitione rerum necessariarum per demonstrationem, sive illa sit à priori, sive à posteriori, sive ex causis propinquis, sive remotis. III. De cognitione, quæ ex demonstratione tantum dicitur, sive à priori, cujus exempla non tantum in Philosophiâ Theoreticâ dantur, sed etiam in Practicâ dari possunt, quamvis rariora in comparatione. IV. De cognitione rerum simpliciter necessariarum; quo pacto non nisi disciplinæ Theoreticæ scientiæ vocari possunt, quamvis in Ethicis genera & species non minus necessaria sint, hoc est, perpetua

& semper vera, quàm in Theoreticis. Hanc-
 què adeò ob causam scientia à Græcis appella-
 tur ἐπιστήμη, παρὰ τὸ ἵστασθαι, à stando, eò quòd
 scientis animus instar muri immobilis perstet
 & consistat in scitis. Quid enim aliud scire, si
 pressè & strictè vocabulum capias, quam rem
 per causam, propter quam res est, id est, pro-
 ximam atque adæquatam, cognoscere, quod
 ubi fit, eadem operâ scimus rem ita se habe-
 re, neque aliter se habere posse, stamusquè
 scitis.

2. *Sin Rem sive Realitatem*, ut sic Scientia-
 nihil est aliud, quàm habitus apodicticus, quo
 percipimus conclusiones necessarias, per cau-
 sas suas veras, primas, immediatas, notiores &
 priores ipsis conclusionibus. Habitus apodicti-
 cus, passivè tamen potius, quàm activè: Apo-
 dicticus autem? Et quidem, vel per Inductio-
 nem, quòd reducitur Exemplum, tanquam in-
 ductio imperfecta, vel per Syllogismum, quòd
 Enthymema, tanquam syllogismus imperfe-
 ctus: Non fit autem per inductionem, quia
 hæc utitur singularibus, scientia verò est de uni-
 versalibus, ergò per Syllogismum, & quidem
 vel Dialecticum, vel Sophisticum, vel Apodi-
 cticum: Non per illum & istum: Ergò per
 hunc, qui sumit principia necessaria, exquæ-
 iis cogit conclusionem sequi necessariam, non
 modò ex formâ, sed etiam ex materiâ, adeò
 ut sequatur non solùm necessitas consequen-
 tiæ, sed etiam consequentis, quod non item
 fit.

fit in Syllogismo Dialectico, vel Sophistico, verum in Apodictico, qui principiis usus universalibus, ex his concludenter concludit universales conclusiones: Per causas, quia tum scimus, cum cognoscimus causam: Veras, quia fieri nequit, ut id sciatur, quod non existit: Primas, quia ex principiis, quorum si alia forent principia, & rursus aliorum alia, tum daretur processus in infinitum, tollereturque omnis scientia: Immediatas, quia ex causis proximis, non propinquis remotivè: Notiores conclusionibus, quia antea cognitæ, & quatenus significant, & quatenus sunt, absque quo esset, per accidens haberemus scientiam, & non per se, cum nequeamus ignotum scire per ignotum, conclusionem autem sciamus per principium, quare per notius, ut notitia interim principii pertineat ad intelligentiam, notitia verò conclusionis ad hunc habitum, qui illius notitiam præsupponit, tanquam majorem & certiore, cuique propterea major quoque habetur fides: Denique priores, quia causæ, & ex antea cognitæ. Atque hæc omnia scientia facit mediante Syllogismo, eoquæ Epistemonico, non Inductione, quâ utimur quidem, at non ad rectè concludendum per causas, sed ad universa rebus singulis confirmanda, adeoque ut principio universalis, unde nobis illud innotescit. Cum enim universalis sint remotissima à sensu, procedendo inductivè per singularia, sensum venimus in cognitionem.

gnitionem universalium, indequè ex universalibus principiis procedimus ad universales & necessarias conclusiones per suas causas.

3. *Objectum Scientia est τὸ Ἐπισητὸν, Scibile, sive id, quod sciri potest, quale τὸ μὴ ἐνδεχόμενον ἄλλως ἔχειν, quod aliter se habere nequit, sive τὸ ἐξ ἀνάγκης ὄν, quod necessariò est.* Omnes namque ea se scire existimant, quæ aliter se habere non possunt. Quæ enim aliter se habere possunt, eorum certitudo esse nequit, quæ ad scientiam conrequiritur. Ut ita objectum scientiæ sit τὸ necessarium: Si necessarium, ergò & immutabile: Si immutabile, ergò & sempiternum: Si sempiternum, ergò ortus atque interitus expers, quale quid universale, non singulare, id quod propterea tamen non excludendum peremptoriè à scientiâ, tum quia dantur quædam singularia incorruptibilia, qualia Deus, sol, luna, quæ *μεγαλὴ* sunt, suiquè similia non habent, firma interim sunt firmitate negativâ, quorum idèò scientia datur, tum quia singularia, non tantùm incorruptibilia, de quibus multa Physici Astronomi & Theologi demonstrant, sed etiam corruptibilia, affectiones habent, de subjectis suis, per causas proximas, vel effecta, demonstrabiles, tum quia, si singularia à scientiis excludenda, tunc hoc fiet, vel quia per se primò quoad existentiam corrumpuntur, vel quia.

con-

connexiones, inter illa & ipsorum prædicata, necessariæ non sunt, vel quia singularia non habent prædicata reciproca: Atqui nulla harum rationum officit luminibus illorum: Non prima, quia subjectorum corruptibilitas non obstat scientiæ, sed nec omnia singularia corruptibilia sunt: Non secunda, quia falsum, nullas esse affectiones individuis inseparabiles, quoniam visibilitas non magis separabilis à Platone, quàm ab homine: Non tertia, quia non videtur esse de necessitate subjecti, ut prædicata habeat reciproca, cum sufficiant necessario inseparabiliterquè connexa, cum differentiis suis individuantibus, quas inter etiam sunt prædicata reciproca, quemadmodum ea res patet in prædicationibus de Deo, Christo, sole, lunâ.

4. Objicies fortassis: Infinita non cadere sub scientiam: Singularia esse infinita: Quare non cadere sub scientiam! Huic argumento occurreret fortean doctior quis, dicendo, infinita, quatenus sunt numero talia, non cadere sub scientiam, cadere interim respectu unitatum singularum, quæ numero infinitæ infinitum constituunt, quatenus videlicet unitates singulæ affectiones habent necessarias, demonstrabiles de subjectis, quod ubi fit, non attendi numerum infinitum, sed id, quod numerum facit infinitum, seu, quod in numero infinito continetur, tanquam pars ejus. Adderet dictis alius, singularia non esse actu infinita, cum

cùm numero non nisi unicum sit, & quando id definit esse, infimul definat esse singulare.

5. *Extrema Scientia duo sunt, alterum in Excessu, alterum in Defectu.*

6. *In excessu ei opponitur Nimia Subtilitas*, quâ quis omnium rerum causas, etiam abstrusissimas, cupit indagare, quæ nec scienti profunt, nec obsunt ignorantibus, immemor humanæ scientiæ partem esse, quædam æquo animo ignorare velle.

7. *In defectu Error, sive Ignorantia Conclusionum*, cùm quis in rebus necessariis, quæ sub scientiam cadunt, ea, quæ scitu digna sunt, nescit, vel per ignorantiam negationis, quâ quid planè nescimus, v. g. causas macularum in lunâ, vel per ignorantiam dispositionis, quâ animos falsis opinionibus imbutos habemus, v. g. quasi maculæ in lunæ luminari proveniant à montibus & vallibus: Quarum ignorantiarum altera, cùm nihil scimus, altera, cùm pravè, quæ deterior in comparatione, difficiliorquè emendatu. Non tantum enim non habet id, quod verum, sed etiam falsum ejus in locum substituit, nec discit tantum, sed primò dediscit, tum discit.

CAPUT VII.

De Sapientiâ, & ejus Extremis, hoc est, inde Nimia Sapientia Persuasione, sive τὸν Νίμιον Sapere, hinc Ruditate, sive τὸν Μινίον Sapere.

§. I. *Sapientia, si Nomen sive Nominalitatem ejus spectes, descendit à τὸν sapere, quod palati*

palati cùm sit, ad animum transfertur, ut aliorum sensuum vocabula. Græcis *Σοφία* dicitur, vel à *σίβομαι*, eò quòd honoret ea, quæ sub contemplationem cadunt, propterquæ horum scientiam honoretur, quæ nominis ratio & activa & passiva longissimè petita tamen, vel ἀπὸ τῆς σοφείας, ab illuminando, ut σοφὸς sit, in cujus mente est σέον φῶς, sanum lumen, vel quasi σοφεία, eò quòd sit evidens ac perspicua. Quicquid sit, ut *Σοφίας* sive Sapientiae, ita *Σοφῆς* sive Sapientis, vocabulum interdum latius patet, interdum augustius. Latiore notione ἡ *Σοφία* complectitur omnes scientias & artes, etiam opificum, ipsam quin quoque prudentiam, similiterquæ τῆς *Σοφῆς* nomen omnes artifices cujuslibet artis & scientiae, ad pictores, statuarios, & quemlibet opificem, in suâ arte præstantem, inclusivè. Ita v. g. Phidias sculptor σοφὸς dici consuevit, Polycletus item statuarius σοφὸς, Apelles pictor σοφὸς. Angustiore notione *Σοφία* est prima Philosophia, & *Σοφὸς* primus Philosophus. Est & alia homonymia vocabuli *Σοφίας* καὶ *Σοφῆς*, Sapientiae & Sapientis, quòd alia sapientia secundum quid, alia simpliciter dicta: Secundum illam dicuntur sapientes, qui certâ tantum in arte sunt σοφοί, ex parte, hâc aut illâ in re, καὶ πῶς, quodam modo: Secundum hanc, qui non tantum unâ in arte sunt σοφοί, sed ὅλως atque universè, πεπαιδευμένοι, non καθ' ἑκαστον sed ἀπλῶς καὶ περὶ πάντων, universaliter docti, qualis

qualis Margites Homericus, qui non fult, fossor, aut arator, aut in aliquâ arte sapiens, hoc est, quodam modo improprie & secundum quid, verum simpliciter & proprie, summam habens in unaquâque scientiâ perfectionem.

2. *Sin Rem siue Realitatem*, ut sic Sapiencia nihil est aliud, quàm Intelligentia & Scientia, hoc est, habitus, ex intelligentiâ & scientiâ, non deductus, sed compositus, quo & principia, quod est intelligentiæ, & ex principia demonstranda, quod est scientiæ, cognoscuntur. Ille quippè proprie sapiens audit, qui omnium rerum & scientiarum principia, atque ex principia demonstranda, cognoscit, altera ratione intelligentiæ absque demonstratione, altera ratione scientiæ cum demonstratione. Quod si iuvet excipere contra allatam definitionem Philosophi, sic intelligentiâ & scientiâ definiens sapientiam, ut nihil videatur differre, & ab illâ, & ab istâ, neque esse habitus contra ut distinctus ita distinguendus ab utrâque, cum tamen nullus alius habitus mentis includat aliû: Respondebo sic excipienti, sapientiam non esse aliquem illorum habituum, sed quoddam tertium, resultans ex illis duobus simul sumtis, differens in eo, quod est intelligentia, à scientiâ, & in eo, quod scientia, ab intelligentiâ.

3. *Objectum Sapientia sunt τὰ Τημεώτατα, res honore*

honore dignissima, cujus generis sunt, principia rerū æterna, connecessaria, ipseque adeò Deus, & substantiæ separatæ à materiâ, eâ ratione, quâ separatæ sunt, res, inquam, diviniæ, admirabiles, harumque causæ, in hominis viatoris cadere quæ cognitionem possunt: Una omnium scientiarum ided præclarissima, exquisitissima, limatissima, accuratissima, communissima, difficillima, per se maximè optabilis, liberrima, diviniissima, ac proinde optima, quibus epithetis eam passim ornat Philosophus.

4. *Extrema Sapientia duo sunt, alterum in Excessu, alterum in Defectu. In excessu ei opponitur Nimia Sapientia Persuasio, sive τὸ Νιμῖον Σάπερ*, quando quis in omnibus rebus Aristarchum agit, sibi quæ in his, etiam si eas non intelligat, virgulam censoriam capit, cum Momo & Zoilo sapientulis, vel etiam in rebus infrugiferis multum operæ ponit cum Aristomacho Solensi, quæ λεπτολογία & κενотоμία sapientiæ studiosis plurimum officit. *In defectu Ruditas, sive τὸ Μινιμῖον Σάπερ*, quando quis in rebus necessariis, quid & quomodo agendum sit, ignorat cum Callione Achæo, qui vas fictile pulvinaris loco supponere solitus est, offensus quæ duritia ejus, illud paleis implevit, quod mollius haberet cubile.

CAPUT VIII.

*De Arte, & ejus Extremis, hoc est, inde Κακῆ-
τεχνία ἢ Ματαιοτεχνία. hinc Ἀτεχνία.*

§. I. **A**Rs, si Nomen sive Nominalitatem ejus
spectes, Latinitatis investigatoribus ab
arctando nomen traxisse videtur, eò quòd dis-
persa colligat, & soluta constringat, devin-
ciat, ac coarctet, unumquè in corpus redigat,
vel, ut loqui amat Isidorus, artis, hoc est, ar-
ctis præceptis ac regulis constet, iisque con-
gruentibus. Quid enim aliud ars, quàm peritia
aliquid congruè aptandi? Græcè vocabulanti-
bus ἀπὸ τῆς ἀρετῆς dicitur per syncopam.
Quod etymon artis nonnullorum judicio præ-
ponderat, & illi illorum, qui ab ἄρω, quod est,
congruo, apto, deducunt artem, & isti isto-
rum, qui ab ἄρῳ utilitas, & huic horum, qui
ab ὀρέω, quæ vox valet idem, quod τείχω,
(unde τέχνη,) hoc est, struo, paro, quoniam
arte quid struatur & paretur utilitatis causâ.
Verùm enimverò cum Africano non amo ni-
miùm hîc diligentes.

2. *Sin Rem sive Realitatem, ut sic Ars nihil*
est aliud, quàm εἰς μετὰ λόγον ἀληθοῦς ποιη-
τικὴ, habitus cum verâ, hoc est, rectâ ratione
factivus. Omnis namque ars versatur in gene-
si, occupataquè est in re aliquâ moliendâ, at-
que artificiosè efficiendâ, adeò ut conversâ de-
finitione cum suo definito, quemadmodum
ars est habitus cum verâ ratione factivus, ita
contrâ

contrà habitus cum verâ ratione factivus sit ars. Id quod inductione probat Philosophus hoc modo: Si ædificatoria est habitus cum verâ ratione factivus, similiterque marmoraria, statuaria, futoria, sartoria, fabrilis, omnesque adeò effectiones, ratione certâ quid efficientes, tum patet utique inductivè, quòd omnis habitus cum verâ ratione factivus sit ars, & contrà, omnis ars habitus cum verâ ratione factivus: Verum prius: Verum igitur & posterius.

3. Sed juvat *διαλύνειν*, *Genus artis remotum est habitus, proximum virtus*, quatenus facultatem benè operandi operanti præstat artificialiter, non moraliter, quod proprium virtutis perficientis appetitum, quæ habitu artis benè uti facit habentem, bonumque ejus opus reddit, quantum ad usum.

4. *Differentia Specifica artis sumitur partim à causâ efficiente ejus, partim ab effectu.* Causa efficiens artis est recta ratio, non Logica, sed Logistica. Quo fit, ut quamvis artifex errare possit ratione operis artificiosi, hoc est, effectus, qui variè impediri potest per obstacula, quæ arti, & operationi artificiosæ, objiciuntur, nunquam tamen errare per se possit, quatenus artifex, quin erroris ducem habeat ipsam artem, id quod *ἀντιφατικόν* contradictorium, loquendo de operatione artificiosâ, non opere artificioso seu effectu, qui *ποιεῖν ἢ τεχνάζειν*, hoc est, secundum artem in subjectam materiam agere, eamque tam sensilem, appo-

340 INSTIT. ETHICARUM
 apponendo, transponendo, auferendo, com-
 mutando, quàm insensilem, componendo
 ac dividendo. Definitio siquidem hæc artis
 non tantùm competit artibus mechanicis
 ac manuariis, quas illiberales vulgò vocant,
 sed etiam liberalibus, quarum opus in men-
 te, non manu. Unde monent Doctores,
 ποιῶν artis, vel materialem esse, instru-
 menta corporea, materiamquè externam
 requirentem, qualis v. g. in sutoriâ, sartoriâ,
 sculptoriâ, vel immaterialem sive menta-
 lem, haud egentem organis corporeis, ma-
 teriâquè externâ, qualis v. g. in Grammati-
 câ, Rhetoricâ, Logicâ, cæterisque artibus
 liberalibus.

5. *Quod attinet Objectum Artis, illud πὲρ*
Ποιῶντα Factibilia, & τὰ Ποιῶντα Arte Facta,
 seu sunt; Dædali automata, mobiles Home-
 ri tripodes, volatilis Archytæ columba,
 sphaera Archimedis, specula Procli, pictu-
 ræ Apellis & Protogenis, statux Polycleti
 & Phidix, Typographia & Sclopetaria Ger-
 manorum, ea, inquam, quæ effici possunt,
 quorumquè aded principium externum est
 in efficiente, sive artifice, qui primum effi-
 ciendi principium, arte utens ad operis pro-
 ductionem, tanquam instrumento interno,
 externæ actionis directivo, sive tanquam
 regulâ & normâ, applicativâ materiæ, con-
 venienter naturæ ejus. Dico, primum effi-
 ciendi principium. Nisi enim velit ὁ ποιῶν
 arti-

artifex, & moliatur, nullum per se, & suavi, nascetur opus. Quo loco notandum notanter, artificem non posse per artem inducere formam artificialem in materiam naturalem subiectam, nisi illa habeat potentiam naturalem, quæ forma & natura recipientis, unde educi artificialis possit. Neque enim quodlibet artis opus, ex materia quâlibet, producere artifex est potis, sed ex certâ, putâ illâ, quæ admittit formam artificialem, quomodo pistor ex farinâ, non ex arenâ, panem conficit, sartor vestem ex panno, non ex ligno, aut ferro. Notandum deinde autem, respectu quodam, limitatione quæ certâ, primum efficiendi principium quoque posse dici artem, cum ad opus refertur, quatenus est artificiosum. Artificiosum siquidem, quatenus est artificiosum, non datur principium arte prius, à quâ proximè artificiosum, quâ tale, atque hoc respectu artem ædificandi alicubi dicit Philosophus esse causam summam ædificii.

6. *Extrema Arii* (Εὐτυχίας, καὶ Εὐτυχίας,) *duo sunt, alterum in Excessu, alterum in Defectu*

7. *In Excessu ei opponitur, ratione Εὐτυχίας ἢ Κακῆς τευχίας, artes, inquam, malæ & perniciose, cum nobis tum aliis, in quibus, Diogenis verbo, quò melius, eò deterius: Ratione verò Εὐτυχίας ἢ Μαραιότης τευχίας, artes, inquam, futes & inutiles, nihil habêtes, nec boni, nec mali, sed vanum.*

laborem, qualis illius peritia, qui grana ciceris ex spacio quamlibet distante in acum continuo & sine frustratione inferebat, quem cum spectasset Alexander, donasse dicitur ejusmodi leguminis modio, ut haberet, quo se exerceret, Myrmecidæ item Milesii, & Callicratis Lacedæmonii vanitas, qui quadrigulas effabricarunt, quæ sub muscâ possent abscondi, immemores, non qui vana scit, sed qui utilia, in doctis & peritus numerandum esse.

8. *In defectu ἡ Ἀπείρεια, sive Artium Inscitia*, qualis veterum fuit pictorum, qui adeò rudi atque impolito stilo pinxerunt animalia, ut ad ea ascribere necesse haberent, hoc est bos, illud equus, istud asinus, qualis item imperiti illius pictoris, qui, cum præter cupressum nihil scitè pingere posset, rogatus à quodam, suum uti pingeret naufragium, quæsit, num ex cupresso quid vellet adjici? Ἀπεσθονύσας!

C A P U T IX.

De Prudentiâ, & ejus Extremis, hoc est, inde Versutiâ, hinc Imprudentiâ seu Stoliditate.

§. I. **P**rudencia, si Nomen sive Nominalitatem ejus, spectes, dicitur quasi providentia, à providendo, sive prævidendo, quòd futura prævideat. Græcis *φρόνησις* audit, vel *ἀπὸ τοῦ φρονεῖν*, vel *ἀπὸ τῆς φρονέως*, eò quòd sit operatio rectæ rationis, in ratiocinio ejus consistens.

2. Sin

2. *Sin Rem sive Realitatem*, ut sic Prudentia nihil est aliud, finitore Aristotele, quam habitus cum ratione verâ conjunctus, ad agendum idoneus, in iis occupatus, quæ homini bona vel mala sunt. Juvat αἰαλύνειν, omissis Ciceronis, Plutarchi, & Stoicorum definitionibus, quorum illi prudentia rerum expetendarum & fugiendarum, isti rerum bonarum & malarum, his præter has mediarum sive neutrarum scientia, in quibus definitionibus, nec proprium genus prudentiæ traditur, nec differentiæ ritè explicantur.

3. *Genus Prudentia est habitus*, quo genere separatur à naturali solertiâ & industriâ, quibus ad res contrarias licet uti maxime, non item prudentiâ. *Nec is qui vis, verum cum verâ ratione*, tum ut sic ascribatur veris habitibus intellectus, tum ut eâdem operâ distinguatur à falsis habitibus ejusdem. Ut enim omnes habitus dianoëtici tractant, & vera, & falsa, illa κατὰ φαικῶς sive affirmativè, hæc ἀποφατικῶς sive negativè, non contrà, ita etiam hic habitus.

4. *Cum verò dicitur, quòd prudentia sit habitus cum verâ ratione*, eo ipso innuitur, primò, quòd sit *Virtus*, secundò, quòd *Virtus Intellectualis*.

5. *Prudentiam esse virtutem, & quidem specialem*, id verò liquidò liquidius liquet inde, quia non solum habet rationem virtutis, quam habent alię virtutes intellectuales, sed

etiam rationem virtutis, quam habent virtutes morales. Facit quippè bonum habentem, bonumquè ejus opus reddit, non materialiter tantum, ita ut sit bonum secundum materiale rationem, sed etiam formaliter, ita ut sit bonum secundum formalem rationem, hoc est, secundum ipsam rationem boni: jam verò plus habent de ratione virtutis illi habitus, qui respiciunt bonum, non solum materialiter, hoc est, id, quod est bonum, at non sub ratione boni, sed etiam formaliter, hoc est, id, quod est bonum, sub ratione boni, qualis habitus prudentia.

6. *Eandem Prudentiam esse Virtutem Intellectualem, non Moralem*, id verò iterum liquido liquidiùs liquet inde, tum quia subiectum ejus, in quo residet, intellectus, tum quia idem ejus causa, licet ratione objecti & finis, τὸ πρᾶκτὸς καὶ πρᾶξις, cum virtute morali quoquo modo communicet, non quasi & ipsa in praxi consistat, ut virtus motum, sed quòd ad praxin ordinetur, eamquè directorio suo dirigat.

7. *Differentia Specifica Prudentia petitur, partim à Fine, partim ab Objecto.*

8. *Finis Prudentia indicatur, cùm dicitur habitus πρᾶκτικός, ad agendū idoneus*, ut cujus finis veritas, non quævis, sed practica. Duplex siquidem Veritas, una Speculativa, altera Activa. Veritas Speculativa est, quæ
spe-

ſpectatur ex conformitate iudicii ad obiectum, ſeu rem cognitam, vel, quod eodem redit, quæ rem dicit eſſe, ut eſt à parte rei. Unde fit, ut veritas ſpeculativa neceſſaria debeat habere quoque obiectum neceſſarium. Quòd ſi enim obiectum ſit contingens, & mutari poſſit, poterit etiam mutari veritas propoſitionis. Veritas Activa eſt, quæ non ſpectatur ex conformitate iudicii ad obiectum, ſed ex conformitate eiſdem ad appetitum rectum. Ut ita ea ſit veritas activa, quæ congruit cum appetitu recto, qualis, qui conformatur rectæ rationi, tanquam regulæ ſuæ, quam prudentia ſemper ſequitur, ſi minùs quantum ad ſuam ſpeciem, prout comparatur ad obiectum, minimùm quantum ad ſuum exercitiũ, quoad, inquam, applicationem rectæ rationis, non ad aliquid factibile, quod pertinet ad artem, ſed agibile, quod ad prudentiam.

9. *Obiectum Prudentia indicatur, cùm dicitur, quòd habitus ille practicus ſi occupatus in iis, qua homini bona vel mala ſunt, uno verbo, cō τοῖς πρακτοῖς, contingentibus humanis, de quibus deliberare, quæquæ adeò agere poſſumus propter finem, qui, ſicut eſt potiſſimus in unoquoque, ita defectus, qui eſt circa eum, peſſimus in unoquoque. Dico, contingentibus humanis, non in genere contingentibus, ut quæ vel à nobis*

bis aliena, vel in nostrâ potestate non sita, aut sita quidem, ut contingentia effectibilia, verum aliud atque alterius finis, quàm actionis, ideoquè nec hujus loci. Ubi notandum, quamvis objectum prudentiæ generatim spectatum sit quid universale, videlicet τὸ πρᾶκτον, id omne, quod rectâ ratione venit agendum, nihilominus tamen prudentiam, in unoquoque particulari homine spectatam, circa res singulares versari, sicquè objectum prudentiæ absolutè & simpliciter dici debere particulare, quia non sufficit, quodvis negotium occurrens nôsse in universali, quæ Prudentia Superior Scholasticis, sed necesse est, ut de singularibus actionibus quoque rectè judicemus, an hic videlicet, & nunc, cum omnibus circumstantiis, quæ pro illo tempore occurrunt, nobis quid sit licitum, necnè, quæ Prudentia Inferior iisdem. Utut enim ratio, primò & principaliter sit rerum universalium, potest tamen, immò debet, per habitum prudentiæ universales notitias ad particulares actiones applicare, cum universalia nequeant agià nobis, applicare autem nequit, nisi utrumque, nempe & id, quod applicandum est, & id, cui applicandum est, in particulari habuerit persectum.

10. *Quod attinet Partes Prudentiæ sic definita, illa verò vel Subjectiva sunt, vel Integræ, vel Potentiales.* Triplex quippè datur pars:

pars, Subjectiva, quomodo bos & leo sunt partes animalis, Integralis, quomodo fundamentum paries & tectum sunt partes domus, Potentialis, quomodo nutritivum & sensitivum sunt partes animæ.

11. *Partes Subjectivæ Prudentiæ sunt, quæ sub eâ continentur ut species: Atque hoc modo: partes Prudentiæ sunt: Prudentia Ethica, Oeconomica, & Politica.*

12. *Prudentia Ethica* est, quâ quisque sibi benè consulit, vitæ actiones dispensando, secundum leges, & circumstantias occurrentes, ritè ordinando præsentia, providendo futura, recordando præterita. De hac accipe illa famosa: Odi sapientem, qui sibiipsum non sapit: Qui sibiipsum sapiens esse nequit, nequaquam sapit. Exemplo Melon, qui, prospiciens infelicem exitum Siculæ expeditionis, mente se captum finxit, domumque suam incendit, eâque arte vacationem militiæ obtinuit: Aristippus, qui navi piraticâ per imprudentiam conscensâ, pecuniam suam in mare delabi passus: Necnon Hannibal, qui apud Gorlymos Cretenses, amphoras plumbo repletas, & supernè auro contextas, in Dianæ templo deposuit, at statuas æreas, quibus suas infuderat pecunias, domi in propatulo abjecit, illisque templum custodientibus, rebus suis convasatis, au-
fugit.

13. *Prudentia Oeconomica* est, quâ quis be-

ne consulit familiæ, & rei familiari. Atque hæc media est inter Prudentiam Ethicam & Politicam, sicut domus medio modo se habet inter unam personam, quæ est pars domus, & civitatem, cujus domus est pars. Hæc prudentiâ floruit Themistocles, qui in elocandâ filiâ, maluit virum pecuniâ indigentem, quàm pecuniam indigentem viro: Floruit Crassus, qui servis erudiendis ipse præfuit, quòd diceret, à servis reliquis, sed servos à domino gubernari debere: Floruit Cato Major, qui uxorem duxit, magis antiquitate generis pollentem, quàm divitiis, auctusquè filio, semper adfuit, cum lavaretur, & fasciis involveretur, utquè servorum benevolentiam hunc conciliaret, ancillarum pueros interdum uberibus maternis admovit, licetquè haberet domi servum Chilonem Grammaticum, filium nihilominus litteras ipse docuit, indignum ratus, puerum, si tardiusculus esset, ab eo, qui serviret, reprehendi, ipse quia propriâ manu historias litteris majusculis filio descripsit, adeò à verborum turpitudine sibi temperans præsentem puero, quasi virginibus Vestalibus arbitris loqueretur. Hic est ille Cato, cujus circumferuntur hæc familiaria & familiarica dicta, plena prudentiæ: Prædium ne cupidè emas: Quod malè emptum semper pœnitet: Frona domini plus quam occipitium prodest: Frugi

Frugi Paterfamilias non debet esse emax ,
sed vendax.

4. *Prudentia Politica* est , quâ quis benè
consult civitati , Reiquè publicæ. Estquè
illa, vel *Universalis*, vel *Particularis*, quarum
illa *Architectonica* dicitur, quia non agit
quicquam, sed quid & quomodo agendum
sit , præscribit , non aliter atque archite-
ctus operis manuaris, item *Nomothetica* ,
quia leges fert , secundum quas civitas re-
genda est, hoc jubendo, illud vetando, istud
permittendo , hæc *Politica* , servato no-
mine communis generis, διὰ τὸ πολιτεύει-
σθαι, quia, qui hâc præditi sunt, maximè
πολιτεύεσθαι, maximequè *Politici* esse cre-
dantur, item *Præctica* , quia ad eam perti-
net, non quidem cudere & condere le-
ges, quod θεωρητικόν, sed agere, eaquè ex-
equi, quæ à legislatóriâ sunt præcepta, ..
quod πρακτικόν, ultimumquè in actione.
Primò enim fit consultatio, deinde electio ,
postea psephisma seu decretum, quod pro-
priè τῶν πρακτῶν, rerum singularium & a-
gendarum, demùm excurio. Ita consulta-
tur, v. g. an Carthaginem sint mittendi le-
gati necnè, deinde eligitur ex iis duobus al-
terum, veluti quoddam sint mittendi, hinc de-
cernitur, & fit decretum, ut mitrantur le-
gati, quod est ultimum præcedentium, &
proximè cadit in actionem. *Prudentia Ar-
chitectonica* sive *Nomothetica* est, quâ

describitur Respublica, quâ sacra, quâ profana, quâ pacem, quâ bellum, quâ civium ordines, ærarium, annonam, leges, præmia, poenas, & si qua sunt alia, quæ ad ejus integritatem conservationemquæ spectant. Prudentia Politica abscissè sic dicta sive Practica est, quæ civitatem regit secundum conditas à prudentiâ legislatoriâ leges, & p̄sephismata sive decreta facit, ἐν τοῖς κατὰ ἐκείνην, de singulis factis, negociaquæ adeò Reipublicæ, in quorum administratione versatur, suis quasi manibus tractat, aliâs in senatu, alias in judicio. Duplex numero exindè, Senatoria videlicet sive Consultrix, & Judiciaria sive Judicatrix. Prudentia Senatoria est, quæ in consultationibus publicis occupatur, vocans in deliberationem, & decernens ea, quæ sunt ex usu Reipublicæ. Quod sit, si consilium sine sit honestum, mediis licitum, circumstantiis opportunum, dequæ re non dubiâ tantum, sed possibili Exemplum hujus prudentiæ Mosis focer apud Israelitas, Septem viri Persiæ, extinctâ familiâ Cyri, apud Persas, Calanus Gymnosophista cum corio suo sicco & arido, apud Indos, Themistocles, cum muris suis ligneis, apud Græcos, Herennius Pontius, & Marcus Portius Cato, apud Romanos. Prudentia judiciaria est, per quam de actionum cum lege, vel conformitate, vel difformitate, necnon de præmiis & poenis, sententia fertur, judicaturquæ, quo jure, quâvè injuriâ, quidlibet sit dictum.

etum factumvè. Quam inter & priorem, hoc est discriminis, quòd prudentia consulens est futurorum, judicans verò præteritorum. Adhuc duplex. Vel enim est ἀκριβής exquisita, vel ἡμεκής æquitati consentanea, quarum illa secundum legis rigorem, hæc secundum æquitatem judicat. Exemplum hujus prudentiæ Salomon, cum famoso suo judicio de controverfo partu, & Athenienses, cum simili judicio in puerum, qui laminam sustulerat auream, quæ ex Dianæ corollâ deciderat, propositis huic crepundiis, talis, & aureâ laminâ.

15. *Tres hæ Prudentia species, Ethica, Oeconomica, & Politica, non subiecto, si vere subiectâ, verum τῷ εἶναι, id est, essentiâ ac ratione, aut modo considerandi potius, discernuntur.* Quatenus enim hic habitus prudentiæ est principium agendi bona ad seipsum, sibi què quis eo mediante prodest, & sua sectatur commoda, adeoque quatenus quis cum Socrate κατὰ νόμον πολιτῇ prudenter vivit, nihil avarè, nihil injustè, nihil intemperanter in vitâ agens, ut sic Prudentia Ethica audit: Quatenus verò est principium agendi bona erga paucos, familiamquè ritè regit ac tuetur, ut sic Prudentia Oeconomica: Quatenus denique est principium agendi bona erga plures in Republicâ, ut sic Prudentia Politica, haud aliter differens in suis speciebus, quàm ascensus & descensus in scalis, convexum & concavum in circumferentiâ, mens Theore-

352 **INSTIT. ETHICARUM**
 tica & Practica in animâ intelligente, virtus
 tota & iustitia tota in doctrinâ virtutum, quæ
 re & strato eadem, ratione non item. Scilicet,
 & Prudentia Ethica, & Oeconomica, & Poli-
 tica, sunt habitus agendi cum verâ ratione cir-
 ca humana bona, ut verò talis habitus est ad
 seipsum, & ad unum, dicitur Prudentia Ethica,
 ut ad alium, & ad paucos in familiâ, dicitur
 Prudentia Oeconomica, ut ad alium, & ad
 plures in civitate, dicitur Prudentia Politica.
 Unus idemquè habitus *οὐσία ἢ εἶδος*, re & fun-
 damento, sicut idem bonum *ἐνὶ καὶ πολλοῖς*, uni
 & civitati, cùm non aliud bonum applicent
 Oeconomica & Politica, quàm explicat Ethica,
 ratione interim differt, quoniam alia ejus
 ratio, ut est ad unum, alia ut est ad plures, ma-
 nente & hîc & illîc prudentiâ habitu agendi
 cum verâ ratione in ipsâ illâ ratione. Alia qui-
 dem atque alia numero prudentia requiritur
 ad hanc vel illam actionem moralem, at non
 alia specie. Una siquidem prudentia sibi suffi-
 cit in regimine actionum humanarum, ex-
 emplo ducis, qui, unus cùm sit, infinitos ta-
 men milites regit.

16. Verùm contrâ est, quòd prudentia sit
 pars, sive objectum parziale Philosophiæ Pra-
 cticæ, realiter distinctum ab ipsâ disciplinâ,
 cujus est pars, seu objectum parziale, eo mo-
 do, quo corpus naturale est distinctum quid
 à Physicâ, quantitas à Geometriâ, sermo à
 Grammaticâ, quid attinet igitur eam illius,
 exem-

exemplo secare in Ethicam Oeconomicam & Politicam, quoniam idem simul esse nequit pars & totum? Responsio ad manum est, hoc quadrare in prudentiam, quatenus sumitur pro virtute, quæ in Philosophiâ Practicâ tractatur, tanquam pars ejus, vel objectum parziale, cujus naturam illa declarat & exponit, non item in prudentiam, quatenus vocabulum ejus accipitur pro integrâ disciplinâ, hoc est, prudentiâ humanâ, quæ cum Philosophiâ Practicâ idem est habitus. Contrâ quoque est, quod in hac divisione prudentiæ videatur omitti Jurisprudentia, quæ & ipsâ prudentiæ quædam pars est, vel ipsius nominis augurio. Sed & hic responsio ad manum est, nempe Jurisprudentiam, cum Græcè Philosophantibus, ad eam partem Politicæ Prudentiæ referri posse, quæ in judiciis locum habet, & *δικαστική* dicitur, cum nihil sit aliud, quàm legum scriptarum, ad causas singulas, & usum vitæ communis, accommodatio, at cum Latinè Philosophantibus ad prudentiam nomotheticam: Eccur? Quia enim Romana posterior Jurisprudentia, quâ nunc utimur, non tam singularum est rerum, quàm universalium, adeoque nomothesia quædam.

17. *Partes Integrales Prudentia sunt, quæ concurrunt ad perfectum illius actum, neque interim ipsam propriè integrant. Atque.*

*hoc modo Partes Prudentia sunt, secundum alios tres, Sapientia sive Memoria, qua præteritorum, Intelligentia, qua presentium, & Providentia, qua futurorum: Secundum alios octo, videlicet, Memoria, Intelligentia, Docilitas, Solertia, Ratio, Providentia, Circumspectio, & Cautio. Ex his octo partibus quinque priores pertinere ajunt ad prudentiam, quatenus est cognoscitiva, sive ut est habitus cognoscendi, tres verò posteriores ad eandem, quatenus est præceptiva, applicando cognitionem ad opus. Sed his minutis sectionibus, aut non opus, aut, siquidem ludere velimus in re seriâ, plures his dare poterimus de facili cum Pontano, qui præter has viginti alias commemorat, quæ tamen prudentiæ potiùs sunt officia quædam, quàm partes, aptitudines, inquam, & dispositiones prudentiæ. Sicut enim virtutum omnium suæ sunt comites & cognatæ, liberalitatis, facilitas hospitalitas humanitas, justitiæ, fides sanctitas pietas, magnanimitatis, simplicitas & generositas, temperantiæ, pudor reverentia *Grætiæ*, ad eundem modum & suæ prudentiæ comites atque administræ.*

18. *Partes Potentiales Prudentiæ sunt virtutes huic adjunctæ, ordinatæ ad aliquos secundarios actus, vel materias, sic dictæ, quòd non totam potentiam principalis virtutis in se cohibeant, v. g. intellectus & voluntas totam animi vim ac facultatem, cujus tamen sunt par-*

tes.

tes. Atque hoc modo Partes Prudentia sunt, Σύνεσις sive Perspicacitas, Δεινότης sive Solertia, Εὐβουλία sive Rectitudo Consilii, & Γνώμη sive Sententia, quibus ex partibus sola Eubulia occupatur circa consilium, reliquæ circa iudicium.

19. Ἡ Σύνεσις ἢ Εὐσυνεσία, Perspicacitas sive Sagacitas, est naturalis facultas judicandi de mediis, vis, inquam, quædam rectè intelligendi & judicandi ea, quæ prudentia agenda censuerit, præceperitque. Prudentia siquidem est ἐπιτακτική, præcepatrix, sagacitas verò περιπατική disceptatrix: illa ἐπιτακτική imperatrix, quia ejus τέλος ἢ ἔργον, finis sive officium & munus, præcipere atque imperare agenda: Hæc περιπατική dijudicatrix, quia ejus officium & munus, à prudentiâ præcepta atque imperata agi, dijudicare, an recta & honesta sint. Sic dicta ἀπὸ τῆς συνιέναι, vocabulo accepto, non pro eo, quod est acquirere prudentiam, vel etiam habere, sed eâ uti, quemadmodum inscientiis is dicitur συνιέναι, non qui acquirit scientiam, aut eam habet, sed qui eâ utitur. Latine sagacitas audit, item intelligentia, sicut contraria Ἀσυνεσία, Hebetudo & Stultitia, ut in illo Comici, stulto intelligens quid interest, stulto, id est, ἀσυνέτῳ, intelligens, id est, συνετός, voce τὸ συνέτῳ non πωθηλῶς sumtâ pro cognobili, Catonis verbo, verum ἐνερρητικῶς pro intelligente & sagaci. Moralistæ prudentiam non ineptè doctori, sagacitatem verò

verò discipulo comparant. Sicut enim doctor quærit & invenit, quid sit dicendum, postea affert illud, sic & prudens facit in rebus agendis: & sicut discipulus benè dijudicat de iis, quæ dicit doctor, dato quòd non sit homo hebes, sic se habet in rebus agendis sagacitas, respectu prudentiæ præceptricis, quæ sagacitas principium dijudicandi ea omnia, quæ à prudentiâ præceptrice præcipiuntur.

20. *Solertia sive Acumen*, est naturalis facultas, media celeriter consequendi, & ad scopum applicandi, facultas, inquam, nobis insita, quâ ea, quæ faciunt ad scopum, acutè cernuntur, reperiunturquè. Latine Philosophantibus redditur industria,abilitas, aptitudo. Haud rectè. Industria enim idem est, quod labor & diligentia, abilitas idem, quod opportunitas, aptitudinis verò vocabulum heic barbarum, ut quod non valeat potentiam, sed non repugnantiam, sive negationem repugnantia. Ideò Turnebus & Lambinus δεινότης vertunt solertiam, Perionius acumen seu ingenium, & τοὺς δεινοὺς, acutos atque ingeniosos. Urit hæc vox plerunque apud Græcos in malam accipiat partem, pro versuto nempe vafro & callido.

21. Ἡ Εὐβουλία, *Rectitudo Consilii*, est recta ratio capiendi consilii, hoc est, rectum quod-

quoddam consilii, quo ea, quæ toti vitæ sunt bona & utilia, bonâ ratione & modo, debito-
 què tempore, assequimur. Rectum quod-
 dam consilii est, tum quia *ἡ εὐβουλία* bona
 consultatio, benè autem consultate est re-
 ctè consultare, tum quia est vis quædam,
 quâ consilia ac deliberationes diriguntur
 rectè: Quo ea, quæ toti vitæ sunt bona at-
 que utilia, assequimur, quia enim finium
 vitæ alter communis, ad totam ejus ratio-
 nem spectans, qualis beatitudo, alter singu-
 laris, qualis imperatori victoria, mercato-
 ri lucrum, eubulæ autem, sicut pruden-
 tiæ, siplis non tam singularis, quàm com-
 munis, quorum hic eubulæ universalis,
 suscipitur de illo, quod simpliciter est
 bonum, sive de hominis beatitudine con-
 sequendâ, ille eubulæ particularis, quæ
 specialiter de hoc vel illo fine suscipitur,
 v. g. de opibus, honoribus, eruditione,
 consilii recti utraque, verum honesti,
 non inhonesti scilicet, quomodo si homo
 intemperans, agitans secum, quomodo
 suâ Glycerio potiarur, si eam sit affecu-
 rus, licet rem sit nactus improbam, purâ,
 finem inhonestum sibi propositum, rectè
 deliberâsse dicitur, atqui eubulæ rectum,
 non ad malum est directum finem, sed
 ad bonum: Et modo, quia accidere po-
 test, ut quis bonum quidem finem, aut
 malo atque improbo modo, neque per-
 de-

decentia media, assequatur, v. g. fœnerator pecuniam, ambitiosus honores, solium Papa, planè sicut ex falso termino sive medio sæpè vera conficitur conclusio, ut, si homo volat, est avis, si lapis sentit, est animal, qualis eubulia non est eubulia, quæ, cùm à bono nomen habeat, omnia vult esse bona, tam finem, quàm media. Debitoquè tempore, quia in eubulia hoc requiritur insuper, ut nec nimium celeriter, nec nimium tardè, habitâ ratione temporis, deliberetur, etsi interim tarditas univèrsè consiliis sit utilior, quàm celeritas, lentumquè magis consilium probetur, quàm præceptum. Scilicet rectum consilium quadriariàm dicitur. I. Quando quis finem suum per idonea consequitur media, licet nec finis bonus sit, nec media legitima. Exemplo Pharaon, masculos infantes Hebræorum aquis mergens, gentem deleturus, item Herodes, eosdem mactans, Christum cointerfecturus, quæ consilia recta quidem, quia fini consequendo apta, non bona interim, quia illicita. II. Quando finis quidem bonus, & honestum propositum, sed media vitiosa, ut si quis rem familiarem furtis & rapinis augeat, cujus generis consilium haud bonum, sed simile syllogismo, in quo ex falso verum concluditur. III. Quando finis quidem bonus, & media licita, sed ratione, vel temporis, vel loci, vel aliarum circumstantiarum, minùs opportuna, ut si quis urbem obsideat tempore hiber-

hiberno, quod consilium rectum, at non bonum. IV. Quando & finis bonus, & media, cum honesta, tum opportuna, quale consilium, & rectum est, & bonum, cum reliquæ species secundum quid, & ex parte tantum, recta consilia dici mereantur. Latine Philosophantibus, jam prudens ac bona consultatio, jam bonum consilium, vocatur, sed perperam, quia bona seu prudens consultatio, bonumve consilium, actio potius quædam, aut quid actionis, cum eubulia sit habitus potius, affectiove, visque bene consultandi.

22. *H' Graecæ Sententia* Aristoteli est rectum, æqui & boni viri, de aliorum dictis & factis, judicium. Rectum judicium, quia in vero consistit, quoniam id censetur rectum judicium, quod verum, non quod bonum. Æqui & boni viri, sive æquitatem amantis, quia hujus propria: De aliorum dictis & factis, quia sicut justitia est de alieno bono, ita & æquum bonum. Videtur autem Philosophus, quasi sui oblitus, gnomen definire, ut operationem profluentem ab habitu, non ut habitum, quorsum eam sic definiveris, quod sit habitus viri boni & æqui, implicans principium judicandi, quo is dignoscit & ignoscit, ut oportet. Atque ita gnome sumitur, vel materialiter, pro ipso judicio æqui & boni viri, in defectu legis; vel formaliter, pro habitu bene judicandi de illis, in quibus lex communis deficit, qui habitus principium talis judicii.

dicil, ut hoc loco. Cæterùm hoc iudicium, gnomes consistit in duobus, partim in benignâ interpretatione eorum, quæ ab aliis dicuntur & fiunt, atque hæc propriè nominatur *εὐγνώμων*, & illi, qui meliorem in partem aliorum dicta & facta accipiunt, *εὐγνώμονες*, id est, benignè de aliis sentientes, partim in condonatione & veniâ. eorum, quæ ab aliis per ignorantiam aut infirmitatem fuerunt peccata, atque hæc propriè nominatur *συγγνώμη*, & illi, qui aliorum erratis, præsertim si imprudentiæ sint, probabilisque ignorantiae, facillè dant veniam, *συγγνωμονικῶς*, id est, prompti ad ignoscendum.

23. Omnes hæ facultates sive habitus, persuasæ, *Σύνοσις, Δεινότης, Εὐβουλία, Γνώμη*, concurrerunt in Prudentiâ, ad eundemque scopum contendunt omnes, quia omnes spectant τὰ πρᾶκτὰ, communem, inquam, vitam recta degenda rationem, verum item extremarum, hoc est, singularium sunt omnes, denique naturales omnes. Eiusdem scopi omnes. Unde, quem prudentem, eundem & sagacem, & solerem, & eubulum, & benè sentientem, vulgò dicimus, eò quòd quatuor hæ facultates sint simul in eodem subiecto, nempe in prudente, licet interim differant ratione. Etenim eubulum aliquem vocamus, quia quærit invenit & percipit ea, quæ sunt agenda pro aliquo fine.

fine bono consequendo: Idem dicitur sagax, quia percipit omnia, quæ præcepit prudens, & dijudicat illa rectè se habere:

Idem dicitur solers, quia ea, quæ faciunt ad scopum, acutè cernit, atque ad hunc dextrè applicat: Idem *ἔχει γνώμην*, habere sententiam, ut dijudicat iussu à prudentiâ, considerando personas, conditiones, occasiones, tempora, voluntates, adeoque ea, quæ indigent correctione veniâ, atque ob aliquem particularem casum, qui in universali à prudente legislatore comprehendi non potuit, ideoquè nec debuit. *Rerum hinc extremarum, hoc est, singularium omnes*, quia omnes sunt in rebus agendis, quæ singulares, adeoque extremæ in deliberando. Deliberatio namque definit, quando ad actionem venit. *Denique naturales omnes*, cum non comparentur doctrinâ, sed comitentur ætatem, quæ autem comitantur ætatem, sunt naturalia, argumento, quòd ætas à naturâ, quodquè cum ætate crescere solent, sicut & mens ipsa, quemadmodum ea res patet in senibus, quibus ut prudentiam, ita sagacitatem, solertiam, consilii & sententiæ vim, tribuere solemus. Acquiruntur quidem etiam, usuquè perficiuntur, ipsa interimabilitas & dispositio est à naturâ, quâ apti sumus ad has suscipiendas, quomodo videmus quosdam secundum complexionem, bonamquè tempe-

temperiem instrumentorum, aptos naturâ ad sagacitatem & prudentiam consequendam.

24. *Extrema Prudentia duo sunt, alterum in Excessu, alterum in Defectu.*

25. *In excessu ei opponitur Astutia sive Versutia, quæ prævum finem in consulendo sibi propositum habet, vel pravis mediis aspirat etiam ad finem optimum.*

Pelliculam veterem retinens, & fronte politâ, Astutam vapido gestans sub pectore vulpem,
convenienter pronunciato Lyfandri, dicentis, eò esse assuendam pellem vulpinam, quò leonina non pertingit, uti facerequè soliti Cretenses & Cilices & Cappadoces, tria k k k pessima. Aliter Vafrities, Calliditas, Dolus sive Fraus, nuncupatur, cujus utriusque genus Astutia. Sicut enim dolus consistit in executione astutiæ, ita & fraus, sed in hoc differre videntur, quòd dolus pertineat universaliter ad executionem ejus, sive is fiat per verba, idquè principaliter, quia hæc præcipuum locum tenent inter signa, quibus homo quid alteri significat, sive per facta, fraus autem magis propriè ad executionem ejus, secundum quod fit per facta. Atqui ipse Deus subindè malis mediis utitur ad bonos fines, v. g., innocentis Christi condemnatione ad salutem generis humani, venditione Josephi ad ejus exaltationem, & familiæ conservationem: Ergò his uti licet! Sed Deo scilicet, qui nemini factorum suorum rationem reddere tenetur, ne
tunc

tunc quidem, quando hominum peccatis utitur ad bonos fines, quorum eventus ita in potestate habet, ut uti iis benè absque culpa possit, id quod non item facere queunt homines.

26. *In defectu ei opponitur Imprudentia seu Stoliditas*, quæ neque honestum, neque utile, ex contingentibus colligere potest, sive spectes præterita, quorum non recordatur, vel hæc cum præsentibus aut futuris non confert, sive præsentia, quorum circumstantias non attendit, & vel certum actionibus finem non præstituit, vel, si præstituit, in mediorum electione turpiter errat, sive futura, quæ non respicit. Dico Stoliditas, non Fatuitas, quia enim prudentiæ illa contrariè, sive ut contrarium, hæc negativè tantùm, sive ut pura negatio, opponitur, quoniam fatuus caret sensu judicandi, stultus autem habet eum, sed hebetatum, qualis stultus fuit Meletides Homericus, qui captâ demùm Troja venit, Priamolaturus suppetias, Chorcæbus, qui maris undas numerare conatus est, cùm non posset numerando progredi ultra quinque, Argivus quidam, qui vacuo in theatro tragædias spectavit, Heliogabalus, qui decies mille pondo aranearum collegit, dicens, ex eâ re magnitudinem Urbis Romanæ æstimari posse, decies quin etiam mille mures, millequè mustelas, & totidem forices, publicè exhibuit, denique morio anonymus, qui, cùm morderetur à pulicibus, lucernam extinxit, putans,

sc

se ab iis non posse ampliùs videri, avarus item anonymus, qui moriturus, ne per mortem suam pecunia ad alios transfiret, seipsum heredem testamento scripsit. Næ stolidè! Cæterùm duplex stoliditas, una naturalis, ex indispositione naturali, altera moralis, ex indispositione morali, atque hæc hujus loci: Duplex item imprudentia, una negativa, importans solùm carentiam prudentiæ, altera privativa, importans & ipsa carentiam prudentiæ, sed, quam quis natus est habere, haberequè adco debet, quæ & ipsa hujus loci, ut quæ contrariò modo moveatur, quàm prudentia, huic contrariè opposita, ut sic.

C A P U T IX.

An & quatenus ad Ethicam pertineat, tractare de Virtutibus Intellectualibus? Et cur proximè Prudentiam agatur de Virtutibus Moralibus?

§.1. **A**N, & quatenus, ad Ethicam pertineat tractare de Virtutibus Intellectualibus, questionis est, meo iudicio, necessaria, antequam à Virtutibus Mentis transeamus ad Virtutes Moris. Nobis affirmativa questionis sedet. Quamvis enim certo respectu tractatio earum antecedens pertineat ad Physicam, ratione videlicet subjecti, quod est intellectus, cui inhærent, pertineat deinde autem ad Metaphysicam, ratione cogni-

cognitionis absolutæ , & divisionis entis ,
pertineat denique ad Logicam , ratione mo-
di sciendi : Tamen earundem tractatio
consequens , certo item respectu , pertinet
ad Ethicam , quatenus scilicet summum bo-
num suo loco respiciunt , mediaquè sunt
ejus assequendi , sed brevis scilicet , nec
quoad totum esse , seu omnem usum , eò
quòd Philosophus Practicus non agat ex
professio , nisi de Felicitate Practicâ , ejus-
què mediis , ut non magis ad Ethicum istor-
sum pertineat , præcipere de virtutibus in-
tellectualibus , quàm ad Metaphysicum
Physicum aut Mathematicum , præcipere de
virtutibus moralibus.

2. *Sed & , cur proximè Prudentiam agatur
de Virtutibus Moralibus , quæstionis est , meo
iudicio hic loci connecessaria.* Atque adeò , haud
scio , annon ratio hujus instituti rectè petatur
inde , quòd , quamvis virtutes morales & pru-
dentia intellectuione separentur , formaliter
quin immò essentialiterquè , hoc est , ut res
& res , quarum una non prædicatur de alterâ ,
actu tamen exercito simul semper sint , ita ut
virtus moralis esse nequeat sine prudentiâ ,
& hæc sine virtute morali. Cùm enim virtu-
tes morum rectâ ratione , à quâ diriguntur ,
utantur semper , hæc autem à prudentiâ pen-
deat semper , eam omnes uti comitentur ne-
cesse est , & antecederet , ratione dependen-
tiæ atque acquisitionis , & concomitanter ,

Q

tatione

ratione connexionis consensionis & conspirationis. Quod si ita, si talis & tam arctus syncretismus est virtutes morales inter & prudentiam, cur non huic proximè jungantur extrinsecè in opere, quæ sic familiariter junctæ intrinsecè in operante?

C A P U T X I.

Definitio, ut Virtutis Moralis, ita Vitii, in tria Segmenta sive Gradus, Incipientium, Proficientium, & Perfectorum, quorum Graduum ille Semivirtus vel Semivitiū, iste Virtus vel Vitium, hic Virtus Heroica vel Vitium Heroicum, audit in Auditorio Morali.

§. I. **U**T omnium rerum est suum quoddam initium perfectio & excellentia, ortus, inquam, & maturitas, cum superaddito, ita & in Moribus Virtutum & Vitiū.

2. *Virtutum*, quarum quædam Inchoatæ, & vel Naturales, ut Igniculi & Semina Virtutum, Affectionesvè Animi Probæ, hominem ad virtutem inclinantes, v. g. Verecundia, Misericordia, vel Consuetudinales, quæ nostrâ operâ curâ atque assuetudine comparantur, v. g. Continentia, Tolerantia, conjunctam habentes cum passionibus vehementibus resistendi virtutem: Quædam verò Perfectæ, passionibus non adeò vehementes habentes conjunctas, sed sedatiores jam & pacatiores, ut Virtutes Communes: Quædam denique Excellescentes, passionibus quidem habentes conjunctas, v. g.

verum cohibitas & compressas, ita ut nunquam, aut rarissimè, vixquè repugnent rationi, ut Virtutes Heroicæ, quorum Graduum ille Infimus, iste Medius, hic Supremus seu Summus, ille Semivirtus, iste Virtus, hic Virtus Heroica.

3. *Vitiorum* hinc, quorum & ipsa quædam Inchoata, & vel Naturalia, ut Igniculi & Semina Vitiorum, Affectionesvè Animi Improbæ, v. g. Inverecundia, opposita Verecundiæ, & Immisericordia, opposita Misericordiæ, vel Consuetudinalia, v. g. Incontinentia, opposita Continentiæ, & Mollities, opposita Tolerantiæ: Quædam Perfecta, ut Vitia Communia, opposita Virtutibus Communibus: Quædam denique Excellentia, ut Vitia Heroica, opposita Vitiis Communibus, quorum Graduum iterum ille Infimus, iste Medius, hic Supremus seu Summus, ille Semivitiū, iste Vitiū, hic Vitiū Heroicum correspondet.

CAPUT XII

Id Semivirtus, oppositumquè Semivitiū? Quotuplex Aristoteli, & sequacibus.

Licet Aristoteles, ante virtutum perfectarum, & vitiorum perfectorum, stationem de semivirtutibus & semivitiis id agat, nos tamen, nostrum quoddam iurum secuti, de iis hoc loco tractandum censemus, quia ab imperfectioribus ad

368 INSTIT. ETHICARUM
perfectiora evidentior progressus, evidentia
autem studere debet Philosophus.

2. *Semivirtus* est dispositio ad virtutem,
servans mediocritatem in actionibus in & abs
se consideratis, & hætenus bonis, sine de-
bitâ *μεγαλίστη*, cum manifestâ luctâ ratio-
nis atque appetitus, aut hæsitazione & flu-
ctuatione mentis veriùs, adeoque cum ali-
quâ difficultate ægritudinequè, affectibus ra-
tionis imperio reluctantes, ægrequè pa-
rentibus : *Semivitiium* contra dispositio ad
vitium, deferens mediocritatem in actioni-
bus, mente hæitante ac contraluctante, vel
saltem non totaliter præmeditatequè consen-
tiente, conquè sequenter agente cum diffi-
cultate & ægrimoniâ.

3. *Viriusque tot species, quot Virtutis & Vitii*, quibus condividuntur, non tanquam
species generi, sed quantum ad hoc, in
quo deficiunt. Cur tot? Quia enim utro-
bique locum habet pugna illa animi ratio-
nem inter & appetitum, quæ semivirtutes
à virtutibus, & semivitia à vitiis, distinguit.
Cum enim semivirtutes quædam viæ sint,
quæ ad morales virtutes ducunt, similiter-
què semivitia viæ, ducentes ad vitia, ideò
tot semivirtutes & semivitia esse conve-
nit, quot sunt virtutes & vitia : A quibus
interim differunt gradu, ut dispositio & ha-
bitus, differunt causâ efficiente, quæ se-
mivirtutum & semivitiarum infrequentia
actio-

actionum, virtutum & vitiorum frequentia earundem, differunt effectu, qui semivirtutum, prædomare appetitum, virtutum, edomare eundem, semivitiarum, audire quidem appetitum, at non exaudire, vitiorum, & exaudire eum, & ei obedire, differunt adjuncto, quod semivirtutes & semivitia minus diuturna in comparatione, virtutes & vitia magis, quodque horum certæ species, non item illorum.

4. Quo loco notandum, quod Aristoteles, dum sumsit unam semivirtutem, putà Continentiam, & unum semivitiū, putà Incontinentiam, ex appetitu concupiscente, totidemque, putà Tolerantiam atque Mollitiem, ex appetitu irascente, hisce quatuor vocabulis, quoniam propriis nominibus destituuntur, tam semivirtutes, quàm semivitia, videatur complexus esse totum genus.

CAPUT XIII.

De Continentiâ, & ejus Extremis, hoc est, inde Incontinentiâ sive Impotentiâ, hinc Stupore.

§. 1. **C**ontinentia, si Nomen sive Nominalitatem ejus spectes, sic dicitur à continendo, hoc est, moderando, & vel sumitur generatim pro quâvis moderatione cupiditatum indifferenter, vel speciatim pro certâ.

2. Estque vel *κρυφαῖα καὶ ἀπλῆς*, propriè ac simpliciter talis, vel *κατὰ τὴν καὶ κατὰ μέρος*,

secundum quid, atque *ex parte*, quarum continentiarum altera cupiditates, circa necessarias corporis voluptates, temperat, id est, eas, quæ ad corpus spectant, atque ex usu nutrimenti, & rerum venerearum, percipiuntur, altera verò cupiditates, circa voluptates non necessarias, id est, eas, quæ percipiuntur ex rebus ad corpus non pertinentibus, quales, quæ ex honore, victoriâ, divitiis, potentiâ, libertate, formæ dignitate & venustate, posteritate, denique amicis, capiuntur. Qui in illis modum servant, illi absolutè, ac sine ullâ adjectione, continentes appellantur in scholis, qui in his, continentes quidem, sed *κατὰ ἐπιθεσιν*, cum additione si-
ve appositione, v. g. continentes iræ, lucri, honoris, ejus Olympionicis exemplo, cui nomen hominis, commune alioquin, tanquam proprium fuit, (neque enim Titius aut Sejus dictus,) qui tamen ad differentiam nuncupatur Olympionices, homo victor, còpse differens à seipso, hoc est, homine, ut erat homo simpliciter, adeoque à suâ ratione propriâ, cùm alia ejus fuerit ratio, quâ fuit homo, alia, quâ homo Olympionices, planè sicut Nævium & Suffenum dicimus malos poëtas, quos simpliciter interim non dicimus malos, sed cum additione, malos poëtas. Scilicet quemadmodum hi non dicuntur simpliciter mali, quia non sunt vitiosi, verùm similitudine quâdam, quia ma-
li

li poetæ, per se fortassis non mali: Sic continens quis iræ, gloriæ, pecuniæ appellatur per similitudinem quendam, addendo ad continentiam vocabulum iræ, gloriæ, honoris, pecuniæ, aut quid hujusmodi, adeò ut, nisi adderetur illud, non benè intelligeretur, quia, cum quis dicitur continens, non addendo aliud, intelligitur continens circa voluptates gustus & tactus, hoc est, continens propriè, & non per similitudinem, sive secundum quid, atque ex parte.

3. *Sin Rem sive Realitatem*, ut sic Continentia propriè dicta nihil est aliud, quàm semivirtus, in voluptatibus, ad gustum & tactum pertinentibus, servans mediocritatem cum luctâ, id est, cum rationis & appetitus ἀνίστα-
χίας quâdam.

4. Juvat ἀναλύειν. *Genus Continentia est Semivirtus*, argumento pugnæ, quæ heic est rationem inter & appetitum, in quâ pugnâ, ubi ratio vel tandem vincit, succumbente appetitu, vocatur ea affectio continentia. Ut ita continentia non sit quidem virtus propriè, quæ pugnam illam ignorat, sed dispositio interim virtuti propinqua, quæ nihil aliud, quàm semivirtus. Cum enim ejusmodi sit, ut pugnet cum ratione, neque tamen obtemperet ei statim, utique non meretur dici virtus, quia tamen vel tandem rationem sequitur, etsi cum aliquâ difficultate.

te, non est omnino à virtute aliena, immò virtus, verùm in viâ & fieri, non in termino viæ, & factò esse.

5. *Differentia Specifica Continentia petitur, partim ab Objecto ejus, partim à Modo Operandi circa illud objectum. Objectum Continentia sunt Voluptates Necessaria, vel pro conservatione individui, ut voluptates gustus, vel pro conservatione speciei, per generationem alterius individui, ut voluptates tactus, ita tamen, ut continentia universè magis occupetur circa has, quam circa illas, tum quia gustus per se voluptatem haud affert, sed tantùm ratione tactus, nempe quatenus cibus & potus attingit nervos & membranas, quæ tactus instrumenta, tum quia gustus est tantùm in exiguâ corporis parte, nempe in linguâ & palato, tactus verò per totum diffusus corpus, tum quia tactus voluptatibus, quarum plenior fructio, quàm voluptatum gustus, temperare difficilius, virtus autem versatur circa difficiliora, si virtus, etiam suo loco semivirtus, qualis continentia.*

6. *Quod attinet modum operandi circa hoc objectum, ille in mediocritate quidem consistit, verùm cum pugnâ. Quo nomine actio continentia inferior actione temperantia, quoniam continens se habet ut miles, qui constan-*

stāter cum hoste forti pugnat, temperans
 verò ut miles, qui hostem jam vicit & de-
 bellavit, ille ut venator, qui feras agrestes
 circurandas accepit, hic ut venator, qui ear
 jam circuravit. Atque ita hęc parte Conti-
 nentia differt à Temperantiā, ut Imperfe-
 ctum à perfecto, inchoatum à completo,
 adeoque ut dispositio ab habitu. Quamvis
 enim convenient objecto, atque In eo, quòd
 neutra propter voluptates quid faciat, quòd
 adversetur rectæ rationi, disconveniunt ta-
 men formā seu modo, quo versantur circa
 illud objectum. Temperans siquidem mo-
 deratè voluptates expetit, nec invitus ab il-
 lis abstinet, enimverò continens, & experit
 immoderatè, & abstinet ab his invitè: Ille
 ultrò rectæ rationi morem gerit, hic non si-
 ne obloquio ac rebellione: Ille virtiosis ac
 violentis cupiditatibus planè non agitur,
 hic agitur, quamvis vel tandem animum
 vincat. Differt deinde autem à Pervica-
 ciā & Pertinaciā, siue perseverantiā in quo-
 cunque proposito, sed malo serè, quia
 continentes in bono tantum & laudabili
 proposito persistunt, ab eoquè se non pa-
 tiuntur cupiditate dimoveri, cedunt interim
 meliora docentibus, pervicaces verò & per-
 tinaces in quovis proposito persistunt, tam
 bono, quàm malo, ab eoquè nullis possunt
 abduci rationibus, cum tamè se facillimè du-
 ci sinant à cupiditatibus suis, sic dicti, aliter

à pervincendo, quòd semper pervincere velint, nihilquè remittere, alteri vel à pertendendo cum Varrone, quòd, qui hoc malo laborant, pertendant, in quo non debent pertendere, vel à pertenendo cum Plauto, hoc est, admodum tenendo, idquè *κλασσιγτέρας*. Ut breve faciam: Pervicaces & pertinaces sunt illi quidem continentibus similes, quemadmodum homo profusus liberali, audax forti, lupus cani, in hoc tertio, quòd utrique in sententiâ persistent, dissimiles interim, quia, cum duabus ferè fiat rebus, ut de sententiâ discedamus, aut ratione edocti meliùs, aut perturbationibus victi, voluptatibus putà aut doloribus, continentes non hoc, sed illo, pervicaces contrà & pertinaces, non illo, sed hoc potiùs modo, de sententiâ decedunt. Continentes quippè perturbationibus resistunt, nequè ab his patiuntur se detrudi de verâ sententiâ, persuaderi tamen sibi ratione faciliè patiuntur: At pervicaces & pertinaces nullam planè audiunt rationem. Multos quippè videas, qui de vitâ potiùs, aut civitate, quàm de sententiâ, discedere velint, si ratione cum iis pugnes, qui tamen ipsi, voluptatum escâ inescati, sæpenumero de sententiâ desistant. Atque adco tria dantur genera hominum pervicacium & pertinacium. Primi generis sunt *ἰδιογνώμους*, qui proprias ac peculiare opiniones animis suis concipiunt, suaquè inventa tuentur tanquam *ψηφίσματα*, quod genus ho-

hominum gaudere videas quasi victores, si non refellantur illorum dogmata & decreta, dolere contrà, si ipsorum inventa abrogentur evertanturvè. Tales sunt nominatim, atque in specie, homines ἀνέδιδακτοι, suis qui vigiliis lucubrationibus & studiis debent doctrinam, quam habent: item ii, qui in magistrorum præcepta vulgò jurare perhibentur. Secundi generis sunt Ἀμαθείς, homines indocti & imperiti, qui opiniones aliundè acceptas per imperitiam mordicùs retinent, quibuscunque tandem rationibus impugnentur, nihilquè rectè factum putant, quàm quod ipsi fecerunt, impudentes, præsumtuosi, audaces, præfracti, ut qui maximè. Terti generis sunt Ἀγροίκοι, homines agrestes, difficiles, morosi, quales, qui ex merà pertinaciâ, & rusticâ quâdam insolentiâ, falsis opinionibus sunt mancipati, mancipatiquè manent, licet evidentissimis confutentur rationibus atque argumentis. Nulli horum continentes, quia omnes persistunt in malo proposito, abstinentes à concupiscentiis bonis, cùm verè continentes perseverent in bono proposito, abstinentes à concupiscentiis malis.

7. *Extrema Continentia duo sunt, alterum in Excessu, alterum in Defectu.*

8. *In excessu ei opponitur Incontinentia, qua, si Nomen siue Nominalitatem ejus spectes, sic dicitur ab incontinendo, hoc est, non*

continendo sive moderando, ita ut particula in sit ἀρνητικὴ negativa. Græcè verbi-gerantibus Ἀκράσια audit, sive Impotentia, & ille, qui hoc malo laborat, Ἀκράτης, sive Impotens. Næ significanter ! Rectè quippè eum, qui sibi imperare nequit, affectusquè suos comprimere, vocamus impotentem cum Cicerone & Latinis, non item æquè rectè. incontinentem cūm Latinissantis. Sed quid verat loqui cum vulgo, & sentire interim cum doctis ? Sumiturquè vox incontinentiæ, & ipsa vel generatim, pro quâvis immoderatione cupiditatum indifferenter, vel speciatim pro certâ.

9. *Est què vel κυρίως καὶ ἀπλῶς, propriè ac simpliciter talis, vel κατὰ τὴν καὶ κατὰ μέρος, secundum quid, atque ex parte, quarum specierum altera versatur circa determinatam materiam, hoc est, corporis voluptates, putâ eas, quæ ex gustu & tactu percipiuntur, altera verò circa vagam materiam, hoc est, voluptates non necessarias, quales, quæ ex irâ lucro honore capiuntur. Qui in prioribus modum transeunt, hi absolutè, & sine ullâ adjunctione sive adjectione, incontinentes appellantur : Qui in posterioribus, incontinentes quidem, sed κατὰ προσέθεσιν, cum additione sive appositione, v. g, incontinentes iræ, lucri, honoris, mali medici & poëtæ exemplo, quos simpliciter non*
di.

dicimus malos, verum cum hac additione, medicum & poetam malum, cum simpliciter mali non sint; ut qui non sint vitiosi, similiter incontinentem iræ, honoris, lucri, per similitudinem quandam, adeoque cum adjunctione incontinentem, non simpliciter, nec malum, nisi per accidens. Neque enim incontinentia ex parte per se vitium, & vituperabilis, quia occupatur circa bona fortunæ, quæ suapte naturâ non vituperantur; cum sint per se expetenda, nullumquæ his insit vitium, & verò sola nimia in his sint mala: Quod si bona atque invituperabilia: Ergo & is, qui his utitur, qui non malus, nisi per accidens, quatenus videlicet in his sectatur nimia. Ita v. g. honores sectari, turpe non est, aut vituperandum, sed ambitiosè eos sectari turpe. Similiter liberos amare, turpe non est, quin immò laudabile, sed stultè, aut nimia cum indulgentiâ, eos amare, id vitiosum, qualis amor fuit Niobes in liberos, & Satyri Philopatoris in parentem, uterque insanus. Sicut ergo dicimus malum histrionem, quem simpliciter non diceremus malum, verum cum hac additione, histrionem malum, qui tamen simpliciter malus non est, cum non sit vitiosus: Sic incontinens circa iram, talis dicitur per translationem, non absolute, inquam, sed cum adjunctione, sive modum transeat per præcipitantiam, ut

cum quis vehementiori iræ affectu subito abripitur, antequam cogitare possit, quid sibi sit faciendum, sive per infirmitatem, ut cum quis, interveniente quâdam morâ, vincitur ab irâ, cui aliquandiu restiterat, ex quibus illa melior hâc, quâ, qui præcipitantiâ peccant, vincuntur ab affectu validiore sine deliberatione, qui verò infirmitate, à minori cum deliberatione, majus habentes se præmuniendi spacium.

10. *Sin Rem sive Realitatem Incontinentia spectes*, ut sic nihil est aliud, quàm semivitiium, in voluptatibus, ad gustum & tactum pertinentibus, transiens mediocritatem cum luctâ quâdam rationis & appetitus. Vel sic: Incontinentia est semivitiium, quod cupiditatibus voluptatum, ad gustum & tactum pertinentium, vel tandem succumbit, contradicente quidem rectâ ratione, sed tamen appetitui cedente.

11. Juvat & hîc ἀναλύνειν. *Genus Incontinentia est semivitiium.* Argumento iterum pugna rationem inter & appetitum, in quâ ratio vel tandem manus dat, herbamquæ quod ajunt, porrigit, triumphante appetitu. Ut ita naturalis incontinentiæ propriè dictæ causa sit dissidium rationis & appetitus, ratione suadente ea, quæ bona & honesta sunt, sed cum labore difficultatibus ac molestiis conjuncta, appetitu contrâ amplexâ n.

plexante illa, quæ sensibus grata sunt & jucunda, sed turpia & periculosa, quo fit, ut huc illuc trahatur Incontineus sive impotens. Sed quia vehementiores cupiditates, & ratio languidior, inde fit, ut hæc tandem illis succumbat, non aliter ac refractatio equo sessor, aut ventorum insolentiae nauclerus.

12. *Differentia Specifica Incontinentia petitur & ipsa, partim ab Objecto ejus, partim à Modo Operandi circa illud Objectum.*

13. *Objectum, ut Continentia, ita opposita Incontinentia, sunt Voluptates Necessariae, quales voluptates gustus & tactus, quarum alteræ necessariae pro conservatione ejusdem individui, alteræ verò pro conservatione speciei, per generationem alterius individui. Dico, ut Continentia, ita Incontinentia, quia sicut virtus & vitium versantur circa eandem materiam, ut habitus coopositi, ita semivirtus & semivitiū similiter circa eandem materiam, ut dispositiones coopositæ.*

14. *Quod attinet Modum Operandi circa illud Objectum, ille verò in excessu consistit, verum cum pugna morali. Quemadmodum enim in perfectis habitibus nulla est pugna rationem inter & appetitum, sed vel ratio, vel appetitus, planè ac plenè dominatur, ita in imperfectis habitibus, qualls suo loco Incontinentia, existit pugna rationem inter*

inter & appetitum, & quemadmodum, fir-
ratio vel tandem vincit appetitum in volupta-
tibus, illa dispositio dicitur Continentia, ita si
vincatur vel tandem in iisdem, contraria dis-
positio Incontinentia, quâ cum, sicut nequit
consistere perfecta prudentia ex hoc capite, ita
nec perfecta malitia. Non perfecta prudentia:
I. Quia nemo prudens, nisi vir bonus, inconti-
nens autem vitiosus, saltem ex parte, ut qui
agat res turpes & pravas, victus quidem à vi-
tiosis cupiditatibus, spontè interim, non item
prudens. II. Quia prudens is, non qui, quæ
sint agenda, novit duntaxat, sed qui ea agit
pro re natâ: Atqui incontinens novit qui-
dem meliora, neque tamen ea, quæ novit
& videt esse meliora, agit, sed deteriora se-
quitur, similis in eo civitati, quæ habet bo-
nas & præclaras leges, neque tamen iis utitur.
Sed nec perfecta malitia, quia incontinens
absque *αἰσχροσύνη*, nullum autem vitium, à
quo homo vitiosus malusvè, absque *αἰσχρο-
σύνη*. Quid ergò, si non vitiosus malusvè?
Ut non sit cum *αἰσχροσύνη*, malâ utique at-
que improbi, ut homo vitiosus malusvè,
tamen quia spontè & sciens quodammo-
dò, saltem generaliter, agit, eâ re *ἡμιπρόη-
γος*, semi-malus sive semi-improbis rectè
vocatur, sicut intemperans, qui similis ci-
vitati, quæ legibus quidem utitur, verùm
malis atque improbis, rectè *πονηρός*, ille
ἡμιπρόηγος q̄b dispositionem sive disposi-
tivè,

tivè, ut, qui in malitiâ suâ atque improbitate habeat iudicium rectum, & voluntatem rectam, extra passionem, appetitumquè inferiorem non ita corruptum per habitum inductum, cum subsequâ displicentiâ commissi, hic *πονηρὸς* ob habitum sive habitualiter, ut qui habeat intellectum pravè dispositum quoad iudicium objecti, ob inolitam longâ consuetudine perversitatem, voluntatemquè pravè dispositam habitu vitioso, appetitumquè inferiorem eodem condispositum modo, cum complacentiâ commissi. Sed & vel ideò nequit cum perfectâ prudentia, vel perfectâ malitiâ, consistere incontinentia, quia incontinens partim, agit sciens, partim ignorans: Sciens, quia maxima hominum pars facit ea, quæ scit esse mala, rationisque & appetitus conflictum in se sentit: Ignorans, quia in ipsâ actione homo incontinens ebrio similis, malè syllabizanti & syllogizanti. Cùm enim ratio dicat, noxia esse fugienda, ideoquè & ebrietatem, tanquam noxiam, appetitus contrà dicat, jucundis esse fruendum, ideoquè & ebrietate, quâ nihil jucundius, incontinens assumptione rationis in dubium vocatâ, additis eorum exemplis, qui sine noxâ inebriantur, eam suis occæcatus cupiditatibus seponit, contrariumquè ejus facit, quod
recta

recta ratio conclusit, atque ita duplici vitio laborat, dum & particularia nescit, & ad hæc universalia haud applicat.

15. Verùm enimverò, ut tota hæc quæstio inter Socraticos & Aristotelicos componatur, distinctionis virgulâ utendum scilicet, eâquè non unâ. Primò enim distinguendum in actione incontinentis inter tempus præteritum ante factum, præsens in facto, futurum post factum: Secundò, inter π scire, quod vel idem, quod scientiam habere, neque tamen eâ uti, vel idem, quod scientiâ uti, quorum alterum actus primi sive habitus, qui vel solutus, ut in vigilantibus sanis & sobriis, vel ligatus, ut in dormientibus furiosis ebriis, alterum actus secundi, sive operationis: Tertiò, inter propositiones universales in se atque in intellectu, ut si quis sciat, omni homini prodesse sicca, vel extra intellectum in re, ut si quis sciat, quòd hoc illud istud sit siccum. Quia homo incontinens ante factum & post factum nòrit, quid bonum aut malum sit, quid honestum aut turpe, quid omittendum aut committendum, dubium non est, in ipso facto interim, (cui tamen constituendo non punctum aut momentum satis est, sed justum temporis spacium,) ignorantì similis est, quoniam violentis & vitiolis perturbationibus recta ratio opprimitur. Quia idem quoque sit sciens ratio-

ne.

ne habitus , quoad habitum , inquam , scientiæ solutum & liberum , ignorans verò quoad habitum constrictum & impeditum , & ipsum extra dubitationis aleam est positum , quomodo Galenum scientem dicimus habitu soluto , quando vigilans est , sanus , & siccus , eundem nescientem habitu ligato , quando dormit , ebrius est , aut furiosus , & sic incontinentem , quoniam eadem vis cupiditatum , quibus perturbatur , quæ somni , vini , furoris. Quin denique idem sit sciens quoad syllogismi propositionem universalem , licet quoad assumptionem particularem , sive singularem , sit ignorans , hoc ipsum quoque dubium haud patitur . Quamvis enim fieri possit , ut homo incontinens sciat utramque propositionem , tamen *ὡς πολὺ* alteram tantum novit , nempe universalem , non etiam particularem , exemplo Medici , qui scit omnem helleborum bili expurgandæ esse perutilem , sed hoc aut illud esse helleborum , ignorare potest , geminoque modo noster scire , omnia turpia esse turpia , atque interim ignorare , hoc vel illud esse turpe , id quod maximè sciendum erat , propterea quòd in eo consistat actio , quam constat esse rerum singularum . Ut rem exemplo illustratum eam . Ponatur universale : Nullum dulce est gustandum : Ponatur & alterum universale : Omne dulce est jucundum . Utrumque novit incontinens , verum

rùm

rùm neutrum ad agendum est idoneum, quare etiam singulari opus: Hoc est dulce. Hic jam configunt ratio & appetitus, & ratio, cujus propositio fuerat, nullum dulce gustandum, suadet, hoc non esse gustandum, appetitus contrà, cujus propositio erat, omne dulce est jucundum, suadet contrarium, hoc videlicet esse gustandum: Hinc malè concludit appetitus, non operando atque exequendo id, quod rationis, sed quod cupiditatis, quæ, si abesset, bonam faceret conclusionem, nempè hanc: Nullum dulce est gustandum: Hoc est dulce: Ergò!

16. *Atque hâc parte, hoc est, ratione Modi Operandi circa Commune Objectum, Incontinentia differt, & à contrariâ Continentiâ, & à disparatâ Intemperantiâ. A contrariâ Continentiâ hætenus: Quòd continens superat voluptates gustus & tactus, à quibus plerique vincuntur, incontinens contrà superatur à voluptatibus gustus & tactus, quas plerique vincunt, ille ἐμμενικῶς τῷ λογισμῷ, perseverativus in ratione, hic ἐκταλινικῶς τῷ λογισμῷ, defultorius à ratione. A disparatâ Intemperantiâ hætenus: I. Quia intemperans ἀνίατ, insanibilis ingenii atque animi idèò, quia ἀμεταμελητικῶς, impœnitentis ingenii atque animi, ut quem vitii sui laud pœniteat, incontinens contrà δόλιατ, sanabilis ingenii atque animi, idèò quia μεταμελητικῶς, pœnitentis ingenii atque*

que animi, ut quem vitii sui poeniteat, sanabilior ob id in comparatione. II. Quia intemperantia malum continuum, tabi aut aquæ intercuti simile, incontinentia verò malum discontinuum, simile morbo epileptico five comitiali, qui habet sua interval-
la & inducias, eodemquè incontinens modo, qui tantisper incontinens, quàm diu voluptati oblata paret, eamquè sequitur, postea verò ad se redit instar ebrii, qui edormivit crapulam, cùm intemperans instar ebriosi hominis nunquam bonâ fide ad se redeat, quia habitu quodam impresso est affectus atque informatus, quo fit, ut continuò habeat appetitum paratum sine ullâ pugnâ ad prosequendâs voluptates, contra quàm facit incontinens, qui non semper & statim ad voluptates est dispositus, sed pugnat cum iis, demumquè vincitur: Quare, quemadmodum perpetuus morbus interrupto deterior, ita intemperantia, quæ similis morbo perpetuo, deterior incontinentiâ, quæ similis morbo interrupto. III. Quia intemperantia malum occultum, latens habentem, hoc est, hominem intemperantem, qui putat esse bonum, quod à se appetitur, quia habet rationem corruptam, sicut febricitans corruptum gustum, incontinentia verò malum manifestum, non latens habentem, hoc est, hominem incontinentem, qui quoque

quoquo modo cognoscit, illud esse malum, quod à se appetitur, fidem huic rei faciente pugnâ, interveniente inter rationem atque appetitum: Jam verò mala, quò occultiora, hoc graviora, sicut vulnera secreta periculosiora.

17. *In defectu Continentia opponitur Aíraíσθησís Insensibilitas, non Negativa, sed Privativa, qualis eorum, non, qui nullas voluptates expetunt, sed qui minùs, quàm decet, quorum numerus intra numerum, immò infra: Eccut? Quia enim η αίραíσθησís à naturâ hominis, & quatenus est animal, & quatenus est homo, aliena: Quatenus est animal ideò, quia omni animanti naturâ inditus appetitus eorum, quæ naturæ sunt convenientia, tum quoad conservationem individui, tum quoad propagationem speciei, cui utrique appetitui contraria αίραíσθησís, ad naturam corporis inanimati accedens proximè, & à naturâ animalis recedens longissimè: Quatenus est homo ideò, quia dicta αίραíσθησís, eum affectuum multitudine & vehementiâ, qui plures in homine, & acriores, quàm in brutis, minimè consistit, teste experientiâ, quæ mille testes.*

CAPUT XIV.

De Tolerantiâ, & ejus Extremis, hoc est, inde Intolerantiâ, hinc Mollitiâ.

§. I. **T**olerantiâ, si Nomen sive Nominalitatem ejus spectes, sic dicitur à tolerando, hoc est, ferendo. Græcè loquantibus vocatur *Κεχρηία*, ἀπὸ τῆς κερχεῖν, quod est tolerare, hoc est, non superari à doloribus, sicut cognata *Ἐγκρητία* ἀπὸ τῆς κερχεῖν, quod est vincere, hoc est, non superari à voluptatibus, sed superare. Quarum duarum semivirtutum posterior dignitate prior priori, sicut præstantius in comparatione, obtinere victoriam, prælioquè victorem esse, quàm non pati cladem, adeoque nec vinci, obstare, inquam, & vincere, quàm stare ac resistere tantum, quorum alterum facit continens, alterum tolerans.

2. *Sin Rem sive Realitatem*, ut sic Tolerantia nihil est aliud, quàm semivirtus, moderatè sufferens dolores, recalcitrante quidem appetitu, sed tamen rationis capistrum accipiente vel tandem.

3. *Differt, & à Patientiâ, & à Fortitudine*: Ab illâ, non essentiâ, sed gradu perfectionis, tanquam imperfectum à perfectò, dispositio ab habitu: Ab hâc Modo & Modalitate: Modo, quia fortis pericula non sustinet tantum, sed ultrò adit, cùm necesse est, aut tolerans ea quidem sustinet, sed non adit, nisi

388 INSTIT. ETHICARUM
nisi cum urgetur: Modalitate, quia fortis
plenâ sponte perfert pericula, & non capit
dolorem ex suis actionibus, aut tolerans non
sustinet pericula sine luctâ & dolore.

4. *Extrema Tolerantia duo sunt, alterum in
Excessu, alterum in Defectu.*

5. *In excessu ei opponitur Intolerantia,*
quæ in ferendis doloribus modum, contrâ
quàm recta ratio præcipit, excedit: *In defe-*
ctu Molles, quæ, licet aliud recta ratio ju-
beat fieri, doloribus, qui ferri, & poterant,
& debebant, victa succumbit, qualis Vo-
luntaria sive Quæsitâ Molles quæ nostro
vitio seu culpâ contrahitur, fuit Sybarita-
rum, quorum tam delicatum arque effœmi-
natum fuit ingenium, ut artes opificum,
strepitum edentes, nominatim ahenarios o-
mnes, ab urbe removerint, ipsos quin etiam
gallos gallinaceos, ne somnum interrump-
perent quos studiis molles, ac proinde ve-
rè molles, rectè dixeris, sicut & Persæ, quos
feretro servi bajulabant, adeoque omnes,
quibus domi sunt lecti molliùs strati, qui
pavimenta rapetis, quò mollior sit ingres-
sus, instrata habent, qui hieme, non tan-
tùm caput pedes & corpus, sed & manus
chirothecis delicatius obvelant, qui æstare
non solùm umbras arborum, sed & in his
alias umbras, hoc est, umbracula, conse-
quantur, qui denique molliibus stragulis si-
ve

sive centunculis equos præter solitum infestunt, vestemquæ ponè trahunt, ne ex eâ attollendâ, atque in humeros injiciendâ, molestiam capiant. Dico, voluntaria sive quæsitâ mollities. Datur quippè præter hanc mollities involuntaria sive insita, quæ vel à naturâ loci, qualis nonnullarum gentium, vel ab ætate, qualis puerorum infantum, vel à sexu, qualis mulierum, vel à morbo, qualis olim Scytharum, nominatim Smindyridis sive Mindyridis Scythæ, qui adèò portentosè mollis fuit, ut, cum vidisset quendam fodientem, altiusquæ spatham vel ligonem elevantem, latus sibi inde dolere diceret, interdiceretquæ operanti opere, ne illud in suo conspectu faceret, παρὰ φύσιν illi, qui tam delicatus fuisse perhibetur, ut coquum, facturum placentam, & quid intritutum, juberet chirothecâ vestire digitos, ne fortassè quid fordium aut sudoris immitteret.

CAPUT XV.

Quid Virtus Moralis sive Morum, quâ Nominalitatem, quâ Realitatem? Et quod ejus Genus? Facultativè? Affectivè? an Habitus? Isquæ Περιεργητικὸς Electivus? Et quidem Bonus?

§. 1. **V**irtus Moralis, si Nomen sive Nominativitatem ejus spectes, idem est, quod Virtus Moris, voce hac sumptâ, non propter
R con.

consuetudine, quæ causa efficiens τοῦ ἡθικοῦ
moris, sed pro ἡθικῷ more, qui objectum
τοῦ ἡθικοῦ consuetudinis, aut effectum ve-
rius.

2. *Sin Rem five Realitatem*, ut sic vir-
tus moralis fuerit habitus appetitus sensi-
tivi, cum consilio conjunctus, in me-
diocritate affectuum atque actionum, nec-
non voluptatis & doloris, quoad nos
consistens, ratione terminatus, prout vir
prudens judicaverit. In quâ definitio-
ne, si loco differentię posita esset, non
μετρίότης mediocritas, verum ἐφθόνη re-
ctitudo, ratione & prudentiâ definita,
nihil foret, quod in eâ jure desiderari pos-
set, ut in quâ distinguendo distinguatur
virtus moralis ab omnibus aliis rebus. Et-
enim per habitum discernitur ab affectibus
& potentiis, quæ etsi sint in animâ, ut vir-
tutes morales, tamen non sunt habitus:
Cum additur, quòd sit habitus appetitus
sensitivi, cum consilio conjunctus, sic se-
paratur à scientiis & artibus, quæ habitus
quidem, sed non electivi, neque appe-
titus, verum intellectus: Cum porro ad-
jicitur, consistens in mediocritate affe-
ctuum & actionum, necnon voluptatis
& doloris, eòpse discluditur à vitiis, quæ
habitus quidem electivi, at in extremis,
non in medio: Cum quoad nos, exclu-
ditur sic medium rei, admissio medio
per-

personæ : Cùm terminata ratione, sic excipitur ratio vitiosi, quæ interminata, non terminata, ut studiosi : Cùm denique quasi appendicis loco annectitur, prout vir prudens judicaverit, his verbis significatur, quænam ratio ad virtutem morum sit necessaria, nempe non sapientis, putà Physici, aut Metaphysici, sed prudentis, qui summus in genere activorum, præscribens circumstantias rectè agendi, ut sapiens in genere speculativorum, præscribens circumstantias rectè contemplandi :

3. *Sicut verò Virtus Moralis est talis habitus, ita Vitium Morale contrà, habitus ejusdem appetitus sensitivi, & ipse cum consilio conjunctus, verum in excessu vel defectu consistens affectuum atque actionum, necnon voluptatis & doloris, cum viri prudentis judicio pugnans, eoquè interminatus.*

4. *Genus Virtutis Moralis est, vel Remotum, vel Propinquum, vel Proximum. Genus Remotum Virtutis Moralis est Qualitas, & ea quidem Animi, non Corporis, cùm virtus hîc ratione sui, non operationum, consideretur. Qualitatis quatuor sunt species, nempe Habitus, Potentia Naturalis, Passio sive Affectus, & Forma sive Figura. Jam virtus animi qualitas, non corporis : Igitur nihil minùs quàm forma, cùm non hæreat in corporeâ quantitate, &*

neque sit qualitas, orta ex terminatione magnitudinis, sumta Mathematicè, nec figura cum colore, sumta Physicè: Quâ de quaternione qualitatum detractâ, conficitur, *Virtutis Moralis Genus Propinquum esse, vel Potentiam, vel Affectum, vel Habitus.*

5. *Non est autem Virtutis Moralis Genus Propinquum Potentia.* I. Quia potentia naturalis, hoc est, virtus agentis, quâ potest operari, pertinet ad secundam speciem qualitatis, virtus verò moralis, disponens potentiam naturalem ad benè operandum, ad primam. II. Quia potentia naturalis inest omnibus, non tantùm hominibus, sed etiam bestiis, jumentis, inquam, & feris, virtus contrà moralis, nec bestiis omninò, nec hominibus omnibus, sed certis, & his paucis. III. Quia potentiae naturales priores actionibus, virtus verò moralis his posterior, ut quæ indè producat. Neque enim ex iteratâ sæpè sensatione sensum accepimus, sed contrà, cùm sensum haberemus, eo usi sumus, non adepti sumus eum, quia usi sumus: At virtutes consequimur *ἐκ τῆς αἰσθητικῆς*, operantes priùs, quæ virtutis sunt. IV. Quia potentia, quæ Græcè *δύναμις*, est *φυσικὴ* insita, virtus autem moralis *ἐκ τῆς αἰσθητικῆς*, adventitia & consuetudine comparata, illius inchoare actionem, hujus perficere. V. Quia potentia con-

contrariorum, v. g. mens, cujus instrumentum Logica, quæ ars mentis, veri & falsi, voluntas boni & mali, Philosophia Prima entis & non entis, Jurisprudencia justî & injusti, Medicina salubrium & insalubrium: Non sic contrariorum, atque ad utrumlibet, virtus moralis, quâ non possumus uti nisi benè. VI. Quia à potentiâ nec boni nec mali dicimur simpliciter, nec laudamur, nec vituperamur, sicut à virtute, & huic opposito vitio.

6. *Non etiam Passio seu Affectus.* I. Quia affectus naturâ insunt, virtus autem moralis assuefactione paratur. II. Quia affectus sunt motus appetitus sensitivi, virtus verò moralis potius principium morale illorum motuum. III. Quia affectus repenti, & ἀνευ αἰτίας, surgunt, tanquam subiti & repentini animi motus, virtutes autem morum, vel sunt αἰτιαί, vel saltem non ἀνευ αἰτίας. IV. Quia affectus crebrò feruntur contra rationem, virtus autem moralis rectæ rationi nunquam contrariatur, ut quæ animum non perturbet, sed tranquillet, nec obnubilet, verùm serenet semper. V. Quia propter affectus dicimur κινεῖσθαι, aliquo modo commoveri, quoniam illis animus turbatur non nihil, propter virtutes verò morales διακινεῖσθαι καὶ διακινεῖσθαι, aliquo modo disponi, & quasi conformari, ut ποιοῦντες, cujusdam modi,

hoc est, apti atque idonei ad benè agendum, honestasquè actiones celebrandas, reddamur. VI. Quia circa affectus domandos occupatur virtus, quæ dicitur, morum, quæ ideò affectibus annumerari nequit, cùm nihil occupetur circa seipsum. VII. Quia ab affectibus nec boni nec mali denominamur, nec laudamur, nec vituperamur, quomodo nemo bonus malusvè, laude vel vituperio dignus ex eo, quòd lætatur, timet, amat, sperat, odit, irascitur, sed quod benè vel malè, nimium vel parum, rectè vel perperam, secundum vel contra rationem, his affectibus utitur: At à virtute boni nuncupamur & laudamur, sicut à vitio mali, & vituperamur. VIII. Denique, quia nullus affectuum ut genus de virtute morali prædicari potest.

Ergò habitus, idquè ob remotionem cæterorum membrorum. Cùm enim præter præallegata principia actionum nil sit in animo, virtusquè moralis huic inhærens, nec sit Potentia sive Facultas, nec Passio sive Affectus, utique legitimè consequentià infertur, eam esse habitum. Scilicet in actione, ut virtutis, ita vitii, tria spectantur, inchoatio, & sic potentia, progressio, & sic affectus, perfectio, & sic habitus, ex quibus illa nos movet, iste acuit & disponit, hic perficit.

8. *Atque adeò, propinquum genus virtutis.*

mora-

*moralis esse habitum, id verò astruitur si-
de sequentium rationum.* I. A. definitione
habitus, qui qualitas, crebris actionibus
comparata, atque ita confirmata, ut sine
maximâ mutatione tolli nequeat, haud
aliter scilicet, nisi vel per benè multos actus
contrarios, vel per supinam priorum
actuum intermissionem, vel per defectum
subiecti, quæ definitio virtuti morali næ-
bellè compètit. Est enim qualitas, inhæ-
rens animo, quem afficit: Crebris actio-
nibus acquiritur, quia nemo virtuosus na-
scitur, sed nec fit uno actu: Semel acqui-
sita difficulter tollitur, quia ejus proprium,
non tantùm expeditè & cum jucunditate
operari, verùm etiam constanter. Cùm
igitur definitio habitus de virtute morali
rectè affirmetur, utique & definitum ip-
sum de eâdem erit affirmandum. II. A.
requisitis ad habitum concurrentibus, quæ
tria, naturæ aptitudo, ne quis videli-
cet sit ineptus ad habitum, qui compara-
ri debet, disciplina, proponens præcepta,
quibus ceu mediis habitus comparatur,
crebra hinc præceptorum praxis, major
vel minor, pro variâ dispositione recipien-
tis, & difficultate formæ recipiendæ, quæ
præcepta ad usum transferuntur, actiones-
quæ circa idem objectum frequentes insti-
tuuntur, donec ex iteratâ repetitione ef-
florescat habitus, quæ triga requisitorum.

urique non non locum habet in virtute morali, quæ à naturâ inchoativè sive initiativè, à disciplinâ excitativè sive provocativè, à consuetudine verò completivè sive perfectivè. III. Quid, utur virtus moralis, considerata in concreto, & ratione *ὑποθέσεως*, certi subjecti atque individual intuitu, magis sit *διάθεσις*, inchoata dispositio, quàm *ἔξις*, perfectus absolutusque habitus, tamen considerata in abstracto, & ratione *οὐσίᾳ* essentiae, atque in ideâ, qualis per se est, saltem esse debet, ut sic magis nescio quomodo est *ἔξις* habitus, quàm *διάθεσις* dispositio: Atqui definitiones concipiuntur de ideis, non de subjectis, in quibus multiplex infirmitas, nec tam, quid res sit in singulis divisim, quàm quid in omnibus conjunctim, attenditur: Ergò!

9. *Genus Proximum Virtutis Moralis est Virtus*, hoc est, ejusmodi habitus, qui subjectum, in quo est, bonè affectum reddit, & opus ejus rectum ac perfectum dat, non formaliter, quasi ipsa operationes produceret, cùm illud faciat potentia animæ, sed virtualiter, disponendo potentiam ad agendum operationes studiosas activè, illasque recipiendum passivè. Idèd quippè naturali potentiae super additur, ut rudem atque imperfectum ejus actum perficiat, v. g. habitus citharisandi potentiam motivam, non tam ratione motus
manus

manus, qui fieri potest etiam à potentiâ solâ non habituâtâ, quàm ratione certi modi, accedentis ultra naturalem actum facultatis motivæ, qui ab habitu artis, naturalem potentiam ad operandum facilitante,

10. *Ἰσὴ Προαιετηγὸς Electivus*, tum antecedenter, quatenus per actiones proæreticas, quæ à iudicio mentis, & electione appetus, paratur, tum consequenter, quatenus proæreticas actiones edit, adeoque ratione & causæ efficientis & effecti, causæ efficientis, quia proficiscitur à προαιετηγὸς, effecti, quia agit cum προαιετηγὸς, præeunte delectu ac deliberatione. Ut ergò vitium morale, quod & ipsum habitus προαιετηγὸς, non est, ubi vel semel, vel casu & temerè, vel ex affectu & imbecillitate, quispiam impingit, sed cum ita comparatus animo jam est, ut, quod facit, faciat deliberatò & consultò; ita virtus moralis non est, si vel semel, vel casu, vel coactè, rectè quis quid faciat, verùm si constante animi proposito & voluntate.

11. *Et quidem Bonus*, ex suâ naturâ inclinans ad actum bonum, nulloquè ad actum malum modo, ut quæ inclinèt ac disponat ad actus similes iis, à quibus fuit producta, hoc est, rectæ rationis & legis Dei iudicio conformes.

CAPUT XVII.

*Qua Virtutis Moralis Materia in Quâ, sive Sub-
jectum, tam Totale, sive ut Quod, quàm Partia-
le, sive ut Quo, quorum illud Denominationis, hoc
Inhesionis, in Diatribis Philosophicis.*

§. I. **M**ateria in Quâ Virtutis Moralis Sub-
jecto definitur: Quod vel Totale, sive
ut Quod, vel Partiale, sive ut Quo, quorum il-
lud Denominationis & Adaquationis aliter,
quia rem adequatè possidet, hoc Inhesionis, Re-
ceptionis aliter, quia eo succollante res proximè
possidetur.

2. Subiectum Virtutis Moralis Totale, sive
ut Quod, est Homo Adultus, & Sana Mentis,
& quidem Vtriusque Sexus, isquè Totus.

3. Non Deus, Angelivè, cum de humanâ
virtute hîc agatur, non divinâ & angelicâ, quâ
de notandum tamen in transitu, & quasi in
parenthesi, quòd, quicquid bonitatis & perfe-
ctionis reperitur in inferioribus, id eminenter
tribuitur, superioribus, eminentissimequè
Deo supremo, qui unus bonus, unus melior,
unus optimus, unus virtuosus, unus virtuo-
sior, unus virtuosissimus.

4. Aique aded Subiectum Virtutis Mora-
lis Totale, sive ut Quod, esse Hominem Adul-
tum, & Sana Mentis, id verò patet inde,
quia in eum finem discit Ethicam, quæ Di-
sciplina Morum, ut dediscat vitium morale,
& addiscat virtutem moralem, id quod fa-
ce.

cere nequit, nisi homo adultus, & sanæ mentis.

5. *Et quidem Veriusque Sexus*, ut in quo utrinque locum habeat, quemadmodum virtutio, præsupponens *σιπρω*, carentiam tiam virtutis, ita virtualitas, ponens *δυναμειν*, possibilitatem ejus consequendæ, cum discrimine tamen, quoniam virtus sexus masculini, qui regulariter habet temperamentum vividius, & cor spiritosius, pluresquæ ad hanc occasiones, ut intensior ita extensior, virtus verò sexus fœminini, qui regulariter habet temperamentum languidius, & cor minùs spiritale, paucioresquæ ad eam occasiones, ut remissior ita rarior, in comparatione.

6. *Eumquè Totum*. Quamvis enim virtus moralis, quæ habitus, & quæ internè operatur, compescendo affectus, circa quorum regimen occupatur, ut sic in animâ saltem hæreat, homine, inquam, interno, tamen quæ actiones edit exteriores, in corpus & per corpus erumpit, ejusquæ ministerio utitur, atque ita hominis quoque est externi, ni, utquæ non sit in corpore hominis, (verba sunt Thomæ,) habitetquæ in carne, quæ ex se non habet bonum virtutis, fit tamen instrumentum viruosi actus, in quantum movente ratione membra nostra exhibemus ad serviendum virtuti, mediante irascibili & concupiscibili.

7. *Subiectum Virtutis Moralis Partiale, sive ut Quo, est Anima Hominis, non secundum Essentiam, sed Potentiam tamen: Ecce cur? Quia enim virtus moralis est habitus, habitus autem subiectivè, idquè proximè, recipiuntur in potentiis: Hoc ipsum cur? Quia enim proximè ordinantur ad hoc, ut potentias faciliunt ad operandum, actuando eas ad actus suos benè exercendos.*

8. *Atque adeò Subiectum Virtutis Moralis Partiale, sive ut Quo, esse Animam Hominis, non secundum Essentiam, sed Potentiam, id verò iterum patet inde, tum quia virtus importat perfectionem potentiae, perfectio autem est in eo, cuius est perfectio, tum quia virtus moralis est habitus operativus, omnis autem operatio est ab animâ per aliquam potentiam, quoniam anima est principium operationum per suas potentias, secundum quod habitus sunt in eâ secundum illas potentias, in quibus sicut in subiecto virtus, quia subiectum primum habituum non est suppositum, sive principium quod, sed potentia, cui habitus supraponitur, sive principium quo, mediante inter utrumque principium formâ suppositi, tanquam principio quo radicali.*

CAPUT XVII.

An Subiectum Virtutis Moralis Partiale, siue ut Qua, nominatim sit Mens cum Socraticis Platoniciis & Stoicis? An Voluntas cum Scotistis? An Appetitus Sensitivus cum Peripateticis? An denique partim Voluntas, partim Appetitus Sensitivus, cum Thomistis & Casistis, verum ἄλλως καὶ ἄλλως, alio atque alio sensu?

§. I. *Subiectum hoc Virtutis Moralis Partiale siue ut Quo, universè vel Negativum est, vel Positivum, vel Neutrum, hoc est, nec Negativum omninò, nec Positivum.*

2. *Subiectum Virtutis Moralis Partiale, siue ut Quo, Negativum est Facultas Cognoscens siue Mens Socraticorum Platoniorum & Stoicorum, & Facultas Appetens siue Voluntas Scotistarum.*

3. *Facultas Cognoscens siue Mens Socraticorum Platoniorum & Stoicorum, qui virtutes morales statuerunt esse scientias, vel prudentias, sequè cum Protagorâ còpse venditârunt veluti virtutum magistros & doctores. Α φιλοσόφως ! I. Quia, si virtutes morales forent scientiæ vel prudentiæ, tum ut cognoscitivæ doceri possent, essentquæ docibiles apud dociles, quo nihil insulsius, cùm consuetudine acquirantur, morequæ confirmantur, non doctrinâ solitariè sumtâ, inquæ intellectu sic essent, non appetitu, nedum appetitu sensitivo, cùm omnibus constet, scientias & prudentias non in*

hoc esse, sed in illo, virtutes contrà morales non in illo, sed in hoc. II. Quia facultas, quæ audit subiectum virtutum moralium, alterationis capax, intellectus non item, cum sit immaterialis. III. Quia, si homo esset solus, mensquè ejus sejuncta foret à sensibus, tum ne egeret quidem virtute morali, quemadmodum eà non egent intelligentiæ à corpore solutæ. Unde colligitur, virtutem moralem non in mente esse, sed appetitu, per quem homo ad illecebras pronus redditur, quem propterea condecieri, frenari, domari, habituquè conformari convenit, ne quasi indomitus equa fessorem ducat. dicam, an trahat præcipitem. IV. Quia, si in intellectu residerent virtutes morales, tunc earum objectum foret verum, quod objectum intellectus, & virtutum ejus, quæ præparatoriæ ad cognitionem intellectivam veri, non bonum, quod objectum appetitus sensitivi, & virtutum ejus, quæ præparatoriæ ad cognitionem operativam boni. V. Denique, quia sic virtus moralis non amplius esset habitus ~~intellectus~~ electivus, tollereturquè moraliter sic philosophando & arguendo sive argumentando, dicam, an arguendo, pars animæ ratione carens, tollerentur affectus, tollerentur mores. Quà de re? Quia enim nulla amplius foret virtus appetitus, nullum regimen affectuum in appetitu,

ritu, nulli mores, cum moratum esse non sit. v. g. scire quid sit fortitudo, sed fortiter agere, huic rei studere, eâque delectari. Pulchrum quidem est, ait Philosophus, nōsse, quid in unaquâque re sit honestum, nec tamen in virtute præstantissimum illud est, pōsse. Neque enim scire volumus, quid sit fortitudo, sed esse fortes, neque quid sit iustitia, sed esse iusti, planè quemadmodum sani esse malimus, quàm scire, quid sit sanum esse, corporisque habitu bono esse, quàm nōsse, quid sit benè habere. Piccolomineus hic distingueret, & virtutem moralem fateretur esse, cum scientiam, tum prudentiam, idque ratione principii, à quo pendet & dirigitur, non item ratione principii, hoc est, habitus in appetitu sensuum formati & firmati. Non inappositè meo iudicio.

4. *Facultas hinc Appetens sive Voluntas Scitistarum*, qui virtutes morales in solâ collocabant voluntate, quamvis dicis causâ habitus aliquos ponerent etiam in appetitu sensitivo. Α' φιλοσόφος! I. Quia habitus virtutum moralium acquiruntur more & consuetudine: Ergò sunt in appetitu sensuum, tanquam in subjecto, eò quòd mos versetur in compositione effectuum, ad appetitum sensuum pertinentium. Evadit quippè homo v. g. temperans, dum coërcet, & ad medium congru-

ens redigit cupiditates gulæ & inguinis, id-
 què per habitum more acquisitum, eo exem-
 plo, quo eques, crebrâ equorum agitatione,
 habitum peritè equitandi comparat, ut non
 sine equis, ita nec per equos, virtute diri-
 gente existente in aurigâ; non equis: Jam
 verò voluntas proprios habitus more acqui-
 rendos non exposcit, neque ratione cogni-
 tionis, neque ratione perturbationis: Non
 ratione cognitionis, quia id sequitur, quod
 ratio suadet, quo fundamento posito, non
 opus aliis in animâ rationali habitibus, quàm
 intellectivis, cùm intellectu rectè se habente
 laborare voluntas nequeat: Sed nec ratione
 perturbationis, quia eâ caret: Quo fit, ut,
 dum unâ ex parte rectè se habet ratio, ex al-
 terâ verò parte perturbationes sensuum sunt
 compositæ, quæ coërcentur à propriis vir-
 tutibus, tum in pace sint omnia: Quid o-
 pus igitur voluntati habitibus, quæ etiam
 ratione objecti his haud indiget, quod
 est bonum ratione approbatum, volun-
 tati congruens, ad quod cùm tanquam si-
 bi proprium abs se tendat, idè ad hoc non
 eget habitu, quo ad illud inclinetur, sive
 bonum illud sit commune, sive particulare,
 modò sit proportionatum supposito ipsum
 expetenti: At benè his opus appetitui sen-
 sitivo, ut qui ex suâ naturâ non tendat in
 bonum rationis, mensuram ac captum ejus
 exuperantis, sed in bonum delectabile, sua-
 vites

viter afficiens sensus. II. Quia ille habitus cenferi debet virtus morum, quo præfente illa adest, abfente abeft: At præfente habitu fentientis facultatis adest virtus moralis, & homo v. g. dicitur temperans, dum appetitus fenfuum ita affuetudine eft confirmatus, ut adverfus rationem non infurgat, cum eà non pugnet, fed libentiffimè huic obtemperet, eo verò abfente, & præfente illo mentis ac voluntatis habitu, non adest virtus moralis, quemadmodum ea res vifitur in viro continente, in quo ratio rectè fe habet, voluntas & *νοεσις* optimè funt compofita, folùm appetitus fenfuum tergiverfatur, eò quòd domitus non fit: Virtus igitur moralis, non mentis & voluntatis, fed fenfuum habitus eft ex hoc capite. III. Quia ad quam partem pertinent fupplicia & pœnæ, tanquam ad fubjectum, ad eandem quoque pertinent virtutes morales, quæ curationes quædam dolorum ex pœnis ortorum, ecurr, quia enim curationes ex contrariis adhiberi natæ: Atqui ad appetitum fenfitivum pertinent fupplicia & pœnæ, cùm dolor ex fupplicio confurgens fit fenfuum: Ergò ad eundem, tanquam ad fubjectum, pertinent virtutes morales! Quamvis enim fupplicia pœnæ & dolores non attineant ad folum appetitum fenfitivum, fed ad ipfam quoque rationem & voluntatem,

tamen,

tamen ad illum antecedenter & subjectivè, ad has verò consequenter & transitive sive reduplicativè spectant. Indigere quidem videtur voluntas, ad repugnandum effrenatis motibus passionum, qualitate quâdam, sed quæ non mereatur virtutis nomen absolutè, quia non tam voluntatem firmat & corroborat, ut passiones oppugnet & vincat, id quod faciunt habitus in appetitu sensitivo hospitantes, quàm ut ne ab illis vincatur, utquè se in arce rationis contineat, cavet.

5. *Subjectum Virtutis Moralis Partiale, sive ut Quo, Positivum est Appetitus Sensitivus Peripateticorum*, fide rationum. I. Quia potentia, non serva omninò, inclinatur ad oppositum rationis, nã indiget habitu contrario dictæ inclinationi, inclinante ipsam ad iudicium rationis sequendum, antequam possit cum voluptate & promptè sequi illud: Sed appetitus sensitivus est talis potentia, & tamen oportet ipsam promptè & cum voluptate sequi rationem: Ergò indiget tali habitu: ille verò non alius, nisi virtus moralis, quæ ideo in eâ animæ parte collocanda, quæ à ratione potius est dissidere, quare non in voluntate, quæ semper sequitur rationem, nec ab eâ unquam dissidet, nisi cum ratio dissidet à seipsâ, quare in appetitu sensitivo! II. Quia materia & forma
vir-

virtutum moralium ad eandem pertinent animæ partem, cum forma non in alio recipiatur, quàm in suâ materiâ: At materia virtutum moralium sunt affectus, hi quæ sunt in appetitu sensitivo: Ergò quod subiectum horum, etiam illarum! III.

Quia ad eandem animæ partem pertinent virtutes morales, ad quam semivirtutes, cum via & terminus sint ejusdem facultatis: Sed ad appetitum sensitivum pertinent semivirtutes, ut quæ conveniant pueris infantibus ante rationis & voluntatis usum, quæ illi carent: Ergò & virtutes! IV.

Quia virtutes morales in nobis gignuntur non sine alteratione Physicâ appetitus sensitivi, quatenus talibus habitibus est informandus per assuetudinem, ut id, quod intellectus Practicus dictavit agendum vel non agendum esse, voluntas verò accipit, & ipse sequatur:

(Quamvis namque virtutum moralium non sit alteratio, tamen non fiunt sine alteratione:). Atqui alteratio non attingit voluntatem, ut quæ immaterialis: Ergò nequit esse subiectum virtutum moralium!

V. Quia idem appetitus sensitivus est principium rectarum actionum, hæ autem non possunt proficisci, nisi à potentiâ benè dispositâ, quæ propterea virtutis debet esse capax, non mentis voluntativè, ergò moris!

VI. Quia virtus moralis occupatur,
circa

circa difficilia : At omnis difficultas , quæ est in actibus virtutum , profluit ex appetitu sensitivo : Ergò virtus moralis ad appetitum sensitivum referri debet , quò hoc faciliùs inclinetur ad hujuscemodi actus , rationiquè circa illos promptiùs obtemperet , acquisito habitu ad expeditiùs operandum passionibus repressis , perquè frequentes actus , à ratione & voluntate imperatos , ad mediocritatem reductis. VII. Denique , quia Aristoteles , ex duplici appetitu sensitivo , θυμικῷ irascibili , & ἐπιθυμητικῷ concupiscibili , duplex virtutis moralis genus colligit , unum attinens ad partem animæ ex se rationis compotem , alterum verò ad partem animæ ex se rationis impotem , nam tamen eam audire , sub quo secundo genere comprehendit virtutes , quas vocant , morum.

6. *Subiectum Virtutis Moralis Partiale, sive ut Quo, Neutrum, hoc est, nec Negativum omninò, nec Positivum, est, partim Voluntas, partim Appetitus Sensitivus, Thomistarum & Cassistarum.*

7. *Thomistarum, qui omnes virtutes morales in appetitu sensuum constituunt, exceptà justitia, secuti magistrum suum Thomam, qui hoc psephisma Philosophicum sic colligebat : Illa potentia est subiectum virtutis, ad cujus potentiaè actum rectificandum virtus ordinatur : Justitia autem non ordina-*

non ordinatur ad dirigendum aliquem actum cognoscitivum, cum non dicamur iusti ex hoc, quod rectè aliquid cognoscimus, sed quod rectè aliquid agimus, cuius principium non potentia cognoscitiva, sed vis appetitiva: Ergò necesse est, ut iustitia sit in aliquâ vi appetitivâ, sicut in subiecto. Est autem duplex appetitus, voluntas & appetitus sensitivus: Jam verò reddere unicuique, quod suum est, non potest procedere ex appetitu sensitivo, quia apprehensio sensitiva non extendit se ad hoc, ut considerare possit proportionem unius ad alterum, sed hoc est proprium rationis: Ergò iustitia non potest esse, sicut in subiecto, in appetitu sensitivo, sed solum in voluntate! *Ἀφίλοσόφως!* Nam quando appetitus sensitivus sequitur rationem, & iudicium mentis, dum ratio præfert id, quod melius ei esse videtur, sive sit bonum proprium, sive distinctum à proprio, & supra proprium collocatum, cum proportionem unius ad alterum, næ prosequitur id, ut qui rem absolute appetat, ut à ratione prælatam, & mente potiore iudicatam, non autem cum distinctione boni, respicientis se vel alios, si spectetur, inquam, appetitus sensitivus, quatenus in homine rationis imperio iam est subiectus, ac sedes cæterarum virtutum constituitur, vel ab ipso Thomâ. Sed & sic collit-

colligit idem Thomas. Virtus, inquit, ad appetitum sensuum pertinens, est moderatio alicujus perturbationis, medians inter duo extrema vitia: Justitia non est hujusmodi, ut quæ nullius perturbationis sit moderatio, neque inter duo opposita vitia collocetur, sed solam injustitiam sibi habeat contrariam: Ergò non pertinet ad appetitum sensuum! Et ipsum *ἀφιλοσόφως*! Etenim etiam justitia est moderatio perturbationis, & hætenus in medio Possumus siquidem ab ortu esse proclives ad inferendam injuriam, ad furripienda aliena bona, ad tribuendum plus uni, quàm alteri, quæ propensio utique corrigitur per habitum justitiæ, more & consuetudine interveniente, quibus rectè componuntur perturbationes animi, per habitum, inquam, justitiæ servantis medium. Dum enim plus æquo tribuimus uni, minus æquo relinquimus alteri, & ob id oppositum ejus uno injustitiæ nomine denotamus, includentis & excessum & defectum. Denique sic: Justitia ab Ictis definitur, constans & perpetua voluntas, suum cuique tribuendi, ab Aristotele verò habitus, quo homines propensi sunt ad res justas gerendas, quoquè res justas gerunt, gererequè volunt: Ergò in voluntate! Sed & hoc *ἀφιλοσόφως*! Neque enim attributum hoc justitiæ peculiare, sed omnibus virtutibus morali-

moralibus commune, quibus de similes definitiones tenent. Ita fortitudo est constans & perpetua voluntas agendi fortia, liberalitas liberalia, & sic de cæteris. Quod attinet definitionem Aristotelis, in eâ non opponitur voluntas appetitui sensitivo, verùm solummodò designat, justitiam non posse sine voluntate exerceri. Id quod iterum non soli justitiæ peculiare, sed huic commune cum reliquis virtutibus moralibus, quæ & ipsæ exerceri nequeunt reclamante voluntate. Atque adeò Subjectum Justitiæ Partiale esse Appetitum Sensitivum, æquè ac cæterarum virtutum in more positarum, id verò probatur fide sequentium rationum. I. Quia justitia universalis, quæ suo ambitu omnes virtutes morum complectitur, est virtus una & universa: Cùm sit virtus una, ad unam animæ facultatem pertinebit, cùm universa, in eâ animæ parte reperietur, in quâ insunt cæteræ virtutes morales, quæ sunt partes ejus: Atqui hæ sunt in appetitu sensitivo; Quare & universa virtus moralis: At universa virtus moralis & justitia, re sunt idem, solâ ratione differunt, ut absolutum & relativum, quoniam quatenus habet relationem ad alterum, justitia dicitur, quatenus autem talis quidam habitus est, perficiens habentem, absolute virtus appellatur: Igitur, ut universa virtus, ita
univer-

universa justitia, posito hoc calculo, in appetitu sensuum erit, & non in voluntate!

II. Quia ad eandem animæ partem spectat justitia, ad quam semi-justitia, quæ semen justitiæ, & via ad eam, tanquam terminum: Cur id? Quia enim via & terminus sunt ejusdem facultatis: At semi-justitia est in appetitu sensitivo, tanquam in subiecto ut quæ conveniat pueris ante rationis & voluntatis usum: Ergo & justitia! III.

Quia, quæ more & assuetudine acquiruntur, ea ad appetitum sensuum pertinent, qui instar pueri assuetudine formatur: At, nedum cæteræ virtutes morales, verum etiam justitia, more & assuetudine acquiritur, cum, sicut crebrò fortis agendo quis fit fortis, liberalia agendo liberalis, ita agendo iusta iustus: Ergo ad appetitum sensuum pertinet! IV. Quia, qui rectè judicant iusta, eaquè gerunt, & volunt gerere, si internam appetitionis sensuum pugnam sentiant, iusti non sunt, nec iustè agunt, sed iusta, non ob aliam rationem, nisi quia in appetitu sensuum non est contractus habitus: Ergo justitia, non secus ac cæteræ virtutes morales, erit habitus appetitus sensuum, conquè venienter exposcet, ut iustè agens sit animo certo quodam modo affectus, adeoquè extra pugnam appetitus sensuum positus, id quod sine habitu fieri nequit, qui est in eo.

V. Quia

V. Quia Aristoteles duo sola signat virtutum genera, Intellectuales & Morales, & illas ponit ἐν τῷ λογικῷ, has ἐν τῷ αἰσθητικῷ, tertiam virtutum sedem & patriam non agnoscit: Aut ergo iustitia sita erit ἐν τῷ αἰσθητικῷ, aut, si ἐν τῷ λογικῷ, inter virtutes intellectuales erit numeranda.

8. *Cassitarum hinc*, qui Subjectum Virtutis Moralis Partiale, sive ut Quo, ultimum dicunt esse Voluntatem, ultimandum verò Appetitum Sensitivum, eò quod virtus moralis appetitui sensitivo videatur inesse inchoatè, voluntati verò consummatè, ad eum modum, quo unus actus inæqualiter pertinere potest ad diversas potentias, diversimodequè ab his progredi, v. g. ambulatio à ratione, ut dirigente, à voluntate, ut movente, à locomotivâ, ut exequente. Quam in rem sic Thomas: Aliquid esse in duobus contingere potest dupliciter, uno modo sic, ut ex æquo sit in utroque, & sic impossibile, unam virtutem esse in duabus potentiis, quia diversitas potentiarum attenditur secundum generales objectorum conditiones, diversitas autem habituum secundum speciales, atque inde, ubicunque est diversitas potentiarum, etiam est diversitas habituum, non contrà, alio modo, non ex æquo, sed ordine quodam, atque sic una virtus pertinere potest ad plures potentias, ita ut in omni

fit principaliter, & se extendat ad alias per modum diffusionis, secundum quod una potentia movetur ab aliâ, sed per modum diffusionis scilicet, & non per modum adæquationis, sive ratione subiecti adæquati, quod quidni unum idemquè sit habitus inchoati & consummati, uti idem subiectum est dispositionis & habitus? Quod attinet exemplum ambulationis, ad illud juvat respondere, ut idem actus non possit esse æqualiter, atque eodem ordine, diversarum potentiarum, posse tamen esse secundum diversas rationes, atque ordine diverso.

9. *Utut verò in Voluntate non dentur Virtutes Morales propriè dictæ, dantur tamen Habitus Virtutibus Moralibus Αἰσθητικοῖς, sive Virtutes Analogicæ;* sed hi habitus nihil sunt aliud, quàm effectus prudentiæ, voluntatem quidem perficientes, ut subiectum, non autem dirigentes ac determinantes, ut objectum, contrà quam faciunt virtutes morales, quæ appetitum sensitivum non solum perficiunt ut subiectum, sed etiam dirigunt ac determinant ut objectum, eumquè rationi subjiciunt, tametli naturâ suâ sequatur dictamen phantasiæ. Ut ita morales virtutes appetitui sensitivo insint, ut sequatur rationem, habitus verò illi, virtutibus moralibus αἰσθητικοῖς, voluntati, non ut sequatur rationem, sed quia sequitur rationem, nihil ideo indigenti qualitate super-

peradditâ , quâ inclinetur , atque , ut ita dicam , facilitetur ad sequelam rationis, cùm abs se eam sequatur.

CAPUT XVIII

Qua Materia Circa Quam Moralis Virtutis, siue Objectum? Et quotuplex? Quod Internum siue Primarium? Annon Affectus? Actionesquæ? Voluptasquæ & Dolor? Quod item Externum siue Secundarium respectivè.

§. **M**ateria circa Quam siue Objectum Virtutis Moralis , circa quod occupatur , vel Internum est , idquæ Primarium , vel Externum , idquæ Secundarium.

2. Objectum Internum siue Primarium Virtutis Moralis , sunt Affectus , & Actiones , necnon Voluptas & Dolor.

3. Affectus idè , quia hos moderatur, atque ad justam mediocritatem redigit, ne, instar equi indomiti nos trahant præcipites, atque à bono rationis abducant, & ad peccandum inducant. Quorsum à Philosopho definitur , quòd sit habitus, quo circa affectus nos rectè habemus.

4. Actiones idè , quia ex eâ laudantur antecederent, tanquam operativâ siue productivâ operationum bonarum , habente se ad eas , ut causa ad effectum, ipsa verò ex his laudatur consequenter, ut fons propter rivus & fluvios inde emanantes. Sanè , cùm

omnes virtutes morales nodo Gordio sint connexæ in prudentiâ , næ idem censeretur debet earum objectum , quod illius : Atqui prudentiæ objectum sunt actiones humanæ : Ergo & virtutum moralium !

5. *Voluptas & Dolor idè* , quia circa utrumque versatur virtus , quam vocant , morum , non tantum per modum sequelæ , adeoque ut circa quid consequens ad proprium actum ipsius , quem sequi amat voluptas , quia virtuosus delectatur opere suo , sicut impedimentum ejus dolor , quia idem , cum impeditur in opere suo , dolet , sed etiam per modum objecti , adeoque ut circa materiam propriam , tum quia quælibet facultas & habitus versatur circa illa , ex quibus generatur & corrumpitur , virtus moralis autem per voluptates ac dolores generatur & corrumpitur , quoniam propter voluptates homines improba sæpè faciunt , harumquè causâ à virtute desciscunt , sicut propter dolores sæpè posthabent ea , quæ honesta sunt , tum quia eadem virtus moralis circa affectus & actiones versatur , ergo etiam simul circa voluptates & dolores , qui & quæ ab illis separari nequeunt , tum quia voluptas & dolor sunt in numero expetendorum & fugiendorum , expetendo-

rum ,

rum, ceu sunt. honestum, utile, & jucundum, fugiendorum, ceu sunt. turpe, inutile, & molestum seu triste, virtus moralis autem vertitur & versatur circa expetenda & fugienda, tum quia voluptas vel maximè hominis, quem comitatur inde à primis incunabilis, & cum eo quasi coëducatur, quod autem tale, circa illud utique versatur virtus moralis, quæ si versatur circa voluptatem, connecessariò quoque versabitur circa dolorem, quoniam contrariorum eadem potentia, tum quia homines voluptate & dolore assilient metiri actiones suas, ut qui in aggrendendis expeditionibus semper cogitent, quidnam voluptatis, quidvè molestiæ, sit habitura actio, ut non parum intersit ad agendum, benè vel malè lætari aut tristari, quâ autem re metiri consueverunt homines actiones suas, circa illam utique occupatur virtus moralis.

6. *Objectum Externum sive Secundarium Virtutis Moralis sunt Interni sive Primarii Objecti Antecedentia, Comitantia, & Consequentia*, adeoque omnia circumstantiarum genera, quæ affectibus & actionibus, horumquè comitibus, sedandis, augendis, minuendis, exasperandis serviunt, quomodo videas alias virtutes extrinsecus occupari in rebus adversis, periculis, ipsâquè morte, alias in cibo, potu, Venere,

in honore & contemptu alias, in divitiis & paupertate alias, nonnullas in offensionibus & injuriis, in conversatione concinna & eleganti aliquas, denique in præmiis & penis contractibusquæ aliquas, in morali hoc viridario.

CAPUT XIX.

Qua Virtutis Moralis Forma? Negatione, saltem Privatio Extremorum? Mediocritativè juncta Medietas? Congruentia vè cum Rectâ Ratione? An non potius Rectitudo Congruens?

§. I. **T**antum de Materiâ Virtutis Moralis. *Forma Virtutis Moralis & ipsa, vel Negativa est, vel Positiva.*

2. *Forma Virtutis Moralis Negativa est, Negatio & Privatio Extremorum, Mediocritativè juncta Medietas, Congruentiaquæ cum Rectâ Ratione.*

3. *Negatio Extremorum idèd, quia forma entis positivi nequit esse non ens, quale negatio. Quid enim absurdius, quàm ens per non ens, affirmationem per negationem, adeoque oppositum per oppositum, definire?*

4. *Privatio Extremorum idèd: I. Quia privatio & ipsa refertur inter non entia, & quia caret essentiâ positivâ, habet rationem mali, cum re tantùm bonâ propriè privari dicamur, naturamquæ non perficit, sed destruit atque interficit, quæ omnia contra-*
rio.

rio modo se habent in virtute morali, quæ ens est, bonum est, naturæ perfectio est, non destructio: Igitur non privatio, nedum privatio extremorum propriè dicta, quæ nulla datur in virtute. Hæc enim est absentia habitus in subjecto capaci, & carentia formæ, quæ jam fuit, vel esse debuit, in certo subjecto: Quæcunque ideo res quid nec habuit, nec habere debuit, aut potuit, eo privari nequit: Jam verò virtus moralis extrema non includit, sed semper excludit, neque unquam ea intra se recipit, recipere est apta, æquomodo igitur extrema privata dici poterit? II. Quia privatio & habitus sunt species oppositæ & contradistinctæ, nullum autem oppositum sui oppositi est forma. Tollunt quippè se invicem opposita, non ponunt, multò minùs constituunt. Cùm ergò virtus moralis sit habitus, utique privatio, quæ habitui opponitur, esse nequit ejus forma? III. Quia entis positivi formam quoque oportet esse positivam. Qui enim aliàs forma & formatum convenirent? Quisquè posset privatio positivum esse largiri, cùm ipsa in se positivi nihil habeat?

5. *Mediocritati juncta Medietas ideo, saltem præcisè & formaliter, cum quia harum natura ac conditio nihil aliud, quàm negatio extremorum, quoniam quo de extrema negantur, illud in medio consistere*

dicitur, atqui nulla negatio est forma entis positivi, quia forma & formatum sunt homogenea, virtus verò moralis est positivum quid, mediocritas contrà medietas què entis negatio, què ergò queant esse forma virtutis moralis? tum quia neutra est ens absolutum, ut virtus, sed potius relatum, consistens in relatione & respectu ad extrema, quæ sicut mediū extrema, ita mediū extremorum est mediū, vnde autem relatio entis absoluti vera & genuina forma non est, quia aliàs forma & formatum. pars & totum, prædicamento vel genere differrent, quod absurdum, tum quia mediocritati juncta medietas, virtutem moralem naturā non præcedit, sed sequitur, cum non idèd sit virtus, quia verifatur in medio, sed contrà, quia virtus est, mediocritatem & medietatem servat, adjunctum ejus consequens potius, non essentialē constituens, nihil notans, nisi recessum ab extremis, atqui forma rem non sequitur, sed naturā præcedit, cum principium prius sit principiato, tum denique, quia contraria contrariorum sunt attributa essentialia & specifica, quare, si forma virtus moralis est mediocritati juncta medietas, vitii moralis forma erit extremitas, quis autem est, qui extremitatem pro accuratā vitii formā ausit vendicare, quæ accidens potius, quàm differentia

tia vitii, quod Apostolus, non per ἀρετήν & extremitatem, verum per ἀνομίαν illegalitatem seu irrectitudinem, definit. Quare, sicut vitii differentia ἀνομία sive pravitās devians à lege, ita vi contrariorum virtutis forma ἐννομία, sive rectitudo legi consentanea, cujus argumentum mediocritati juncta medietas, non fundamentum.

6. *Congruentia cum Rectâ Ratione* idem, quia congruentia formaliter sumpta nihil est aliud, quàm relatio, ut quæ notet habitudinem, quæ est inter normam & normatum, mensuram & mensuratum: jam verò nulla relatio potest esse forma entis absoluti, quia sic prædicamenti dicerent constituenta & constitutum, quod absurdum.

7. *Quid ergò? Forma Virtutis Moralis Passiva est Rectitudo Congruens, hoc est, ipsa Bonitas Rectæ Rationi conformis, eaque non Dispositiva, sed Habitualis*, tum quia forma est, per quam res est id, quod est, virtus autem moralis est id, quod est, per rectitudinem, tum quia, per quod virtus formaliter distinguitur à vitio, id ejus utique est forma, eò quòd contrariorum formæ sunt contrariæ, cum omne contrarium suo contrario sit contrarium per formam, per quam est id, quod est, jam verò virtus formaliter

distinguitur à vitio *ὑπομεία*, rectitudine legi congruenti, quæ ei dat quidditatem seu esse, quæ idè ejus forma. Quòd si dicas, Aristotelem & sequaces nihil aliud intelligere per suam illam mediocritatem & medietatem, quàm ipsam hanc rectitudinem, respondebo, tenendam igitur mentem, corrigendam interim linguam, quæ altera mens Philosophi, sicut manus artificis manuarii.

CAPUT XX.

Annon interim Mediocritati juncta Medietas sit Forma Virtutis Moralis, minimum Objectivè Effectivè & Adjunctivè? Et si, quotuplex universè sit Medium? Qualequè Medium Virtutis Morum in genere, in specie verò Iustitia? Reinè, an Rationis seu Personæ?

§ I. **Q**UAMVIS Mediocritati juncta Medietas non sit Forma Virtutis Moralis Positiva, est tamen quid Forma, Objectivè, Effectivè, & Adjunctivè, ita ut pro vicariâ vere forma commodum usurpari possit, usurpataquè sit ab Aristotelicis.

2. Objectivè, sive secundum Objectum, & quâ Mediocritas, quia sita est in adæquatione ad suam regulam, ut nec illam excedat, nec ab eâ deficiat, in adæquatione, inquam, ad mensuram rectæ rationis, quæ cum sit æqualitas sive cõmensuratio quædam inter excessum & defectum, nihil aliud est, quàm mediocritas, quæ idè forma virtutis moralis, minimum objectivè?

3. Effectivè.

3. *Effectivè hinc, sive secundum Effectum, & quà Medietas*, quia omnis virtus moralis, exceptâ justitiâ, consistit in medio, sitaque est inter duos vitiosos habitus, quorum alter peccat in excessu, alter verò in defectu, v.g. liberalitas prodigalitatem inter & avaritiam, fortitudo audaciam inter & ignaviam seu timiditatem. Dico, exceptâ justitiâ, quia quicquid sit contra jus, sive ad excessum, sive ad defectum vergat, semper injustitiam parit, quæ ideò justitiæ sola opponitur.

4. *Denique Adjunctivè, sive secundum Adjunctum, & quà Mediocritas, & quà Medietas conjunctim*. I. Quia his positis ponitur virtus moralis, & sublati tollitur, aliisque ab habitibus discernitur. Est siquidem dicta virtus moralis habitus medius, inter duos extremos habitus consistens, neque habitus tantum, sed & affectus, & actus. Sicut enim datur habitus medius inter duos extremos, ita quoque affectus medius, & actus medius, inter duos extremos, quorum tamen neuter virtus moralis, quæ tanquam habitus medius versatur circa medium affectus & actus, sicut extremi habitus circa extrema affectus & actus. Priori modo medium, posteriori in medio. II. Quia, quod rectum & laudabile, næ illud virtutis proprium: Sed mediocritas affectuum & actionum est illud ipsum rectum & laudabile,

ut in quâ omnium affectuum & actionum rectitudo & laus consistat, si quis v. g. irascendo, timendo, dando, accipiendo modum servet: Ergò virtutis propria, proprium, inquam, ejus adjunctum, quod ideò loco formæ non incommodè poni potest, poniturquè ab Aristotele ! III. Quia, quod decet, quando, & in quibus, erga quos, cujus rei causâ; quomodo decet, nã illud est mediocre: At virtus moralis illud ipsum, quod decet, in affectibus & actionibus sibi propositum habet: Ergò quid mediocre: Si quid mediocre, non malè formæ loco ponitur mediocritas. IV. Denique vel hanc quoque ob causam virtus moralis seu morum non inappositè mediocritatis & medietatis sepimento circumscribitur, quia omni arte limatior est & melior, quæ & ipsa inter nimium & parum servat medium, excessu & defectu, si quid addas, vel demas, operis perfectionem corrumpente, eandemquè mediocritate conservante, quomodo calceamenta ea censemus optima, quæ ad pedem sunt accommodatissima, & neque laxiora, neque arctiora, picturas item & statuas eas exactissimas, in quibus nihil redundat, nihil deficit. Virtutem arte esse limatiorem & meliorem, id verò confirmatur ex eo, quia ad artem requiritur tantum cognitio seu notitia, ad virtutem præter

præter hanc agendi consilium , & animus virtute præditus : Ars ad bonum & malum est indifferens moraliter , ut quâ quis possit abuti , exemplo Oratorum , qui linguam venalem habent , ut meretriculæ pudicitiam , at virtus semper determinata ad bonum , ut quâ nemo possit uti malè , cum sit bonum honestum , ac proprium viri boni : Ars perficit artificem , respiciendo ad res externas , reddendo animum ejus peritiorum , non meliorem & honestiorem , unde eam videas subindè cadere in viros malos , immò pessimos , virtus contrà perficit habentem , reddendo animum ejus prudentiorem & meliorem , quæ ideò in hominibus malis haud habet locum : Eadem ars varia , virtus exemplo naturæ semper sibi similis : Denique ars , ut famula , materiam præparat virtuti ; ut dominæ , sartor v. g. vestes , quibus utatur liberalis , cocus cibos , quibus vescatur temperans , non item virtus arti.

5. *Ceterùm vox Medii quadrifariam accipitur in Scholis Philosophorum. Vel enim significat Medium Comprehensionis , quale medium inter continens & contentum id , quod & continet , & continetur , quomodo octonarius inter duodenarium & quaternarium , continet quaternarium , sed à duodenario continetur : Vel Medium Situs seu Locationis , quale medium , quod medio quidem situm est.*

est loco, neque interim vitiosis extremis interjacet, v. g. æer terram inter & coelum, Germania Galliam inter & Poloniam: *Vel Medium Participationis seu Subjecti*, quale quod participat aliquid de extremis, in gradu putà remisso, v. g. tepor quid de calore & frigore, medii colores quid de albo & nigro, tanquam coloribus extremis: *Vel denique Medium Negationis seu Exclusionis*, quod in neutrum oppositorum cadit, nulliusquè extremorum, inter quæ situm, est particeps. Atque tale medium est virtus moralis, quæ nec defectum continet, contineturvè ab excessu, ut medium comprehensionis, nec habet extrema vitio carentia, quibus penes intervalla locorum interponatur, ut medium situs seu locationis, nec miscetur contemperaturvè ex extremis, ut medium participationis, verùm inter nimium & parum, adeoque id, quod ultra aut citra, supra aut infra medium, servat medium, ut medium negationis. Videtur quidem etiam esse $\pi\eta$, seu aliquâ ex parte, medium per participationem, quia similitudo quædam est fortitudinem inter & audaciam, liberalitatem hinc & prodigalitatem, sed hæc comparatio veriùs, quàm similitudo, neque ipsa hæc comparatio ratione essentia, sed ratione existentia, hoc est, modi & operationis.

6. *Atque hoc Medium, quod vocant, Negatio.*

gationis adhuc duplex, Rei videlicet seu Arithmeticum, & Rationis seu Geometricum.

7. *Medium Rei seu Arithmeticum* est, quod absolute æquè distat ab utroque extremorum, nec uni vicinius similisque est, quàm alteri. Simile centro in circumferentiâ circuli, & puncto in lineâ, hanc in æquales partes discescenti. Appellatur medium rei, eò quòd à parte rei æquè distet ab utroque extremo, quomodo panis duarum libellarum, medius inter panem unius libellæ, & trium libellarum: Item Arithmeticum, eò quòd proportio æqualis numerorum ex hoc oriatur, quomodo senarius medius inter binarium & denarium, quoniam tantum excedit unum extremorum, putà binarium, quantum exceditur ab altero extremorum, putà denario, nempe quatuor unitatibus, similiter novenarius medius senarium inter & duodenarium, à quo utroque distat tribus unitatibus. Atque hoc medium quantitatis semper manet idem, sine ullâ circumstantiarum variatione, quia semper eodem modo se habet ad sua extrema, nullo habito respectu personæ, loci, temporis, regulæ Atticæ conferenda hâc parte.

8. *Medium Rationis seu Geometricum* est, quod inæqualiter distat ab extremis, quodquè uni extremorum interdum vicinius, ab altero verò contrà remotius, ita tamen, ut
neque.

neque redundet, transiens medium in excessu, neque deficiat, deferens medium in defectu, contrà quàm loci temporis & personæ circumstantiæ requirunt. Appellatur medium rationis, quia in analogiâ est positum, & à rectâ, hoc est, sapienti ratione statuitur determinaturquè respectu circumstantiarum, earumquè ratione mutatur, adeoque augetur vel minuitur: Item Geometricum, quia in eo servatur eadem ratio seu proportio majoris termini ad medium, & medi ad extremum: Item personæ, quia consistit in proportionē rei ad personam, spectatâ conditione & qualitate operantis, varians ubi hæ variant: Item quoad nos, se habens perinde ac regula Leslie, quæ flecti, ac proinde variis lapidibus accommodari poterat, non quasi virtus hoc exemplo ratione essentia suæ sit mutabilis, cùm sit habitus, ac propterea constans & invariabilis, sed quòd respectu modi & existentia sit variabilis, qui modus agendi secundum hunc habitum subindè variat, ita tamen, ut à rectâ ratione nunquam recedat. Atque hoc idèd medium, cùm in proportionē rei mutabilis, rationisquè moderatione, consistat, consideratâ re, non in se, sed ad aliud, non semper est idem, verùm variùm & mutabile, prout concurrentia ad actionem variare & variari possunt circum-

cum-

cumstantiis mutatis. Res exemplo fiet illustrior. Ita v. g. comedere duos panes sit parum omnibus, decem verò nimium, medium conveniens cuique non ocyùs propterea fuerint sex panes, qui sunt medium vel inter duo & decem, sed medium sumetur id, quod erit conveniens cuique, secundum quod requirit cujusque complexio. Nam quia non omnibus eadem temperamenti & caloris vis ad decoquendum, idèd sæpè id, quod unius collatione, v. g. Tironis aut Socratis, nimium, respectu alterius, v. g. Milonis Crotoniatæ, aut Theragiæ, quorum utrèque uno die taurum quadrimum integrum solus comedit, Phagonequè illius anonymi, qui vettente die, ante mensam Aureliani Imperatoris, aprum integrum, vervecem, porcellum, & centum panes, comedissee festur, parum. Quibusdam ergò erit conveniens, comedere fortè tres panes, quibusdam quinque, aliis septem, & tale medium erit respectu nostri, ita ut non res, sed nos ipsi sumus termini, ad quos respicere convenit ex præscripto temperantiæ, imperantis victum medium, naturæ habitum non everrentem.

19. *Virtus Moralis non est posita in Medio Rei, sed Rationis, & respectu Essentia, & respectu Existentiæ. Respectu Essentia, quia in medio duorum extremorum vitiorum consistit, id est, inter duos habitus vitiosos, quod*

quorum alter peccat in excessu, alter in defectu, fortitudo v. g. audaciam inter, quæ excessus, & timiditatem, quæ defectus, similiter liberalitas prodigalitatem inter, quæ excessus, & avaritiam, quæ defectus, hætenus medietas, non in extremis, sed inter extrema. *Respectu Existentiæ*, quia illuc spectat, ut passionēs & operationes, circa quas attinetur, medium teneant, quod medium, secundum subiecti, hoc est, operantis varias condiciones, propter locorum, temporum, personarum, aliarumque circumstantiarum varietatem, subindè mutatur, quomodo quod in periculis militi fortitudo, id sacerdoti & mulieri temeritas, quodquæ in cibis giganti parum, id pumilloni nimium, ei verò, qui statura mediocri, æquale, hætenus mediocritas. Scilicet virtus moralis debet se accommodare circumstantiis, & nunc ad unum, nunc ad alterum extremum, propius accedere, prout maiorem minoremve cum hoc vel illo habet cognationem, non quidem ratione essentiæ, cum ut sic nulla sit participatio vitiorum cum virtute, nec magis dicenda prodigalitas in essentiâ liberalitas, quàm avaritia, sed ratione existentiæ, quam si spectes, prodigus liberali est similior, quàm avarus, id quod fieri utique non posset, si virtus, quam vocant, morum semper æquali intervallo distaret à suis extremis.

mis, distaret autem, si foret medium rei, non rationis.

10. *Ab hac communi lege eximitur Iustitia, qua non in Simplici sed Analogico siue Proportionali Medio consistit.* Cùm enim aliæ virtutes morales (verba sunt Thomæ,) principalter consistant circa passiones, quarum rectificatio non attenditur, nisi secundum comparationem ad ipsum hominem, cujus sunt passiones, ideoquè medium talium virtutum non accipitur secundum proportionem unius rei ad alteram, sed solùm secundum comparationem ad ipsum virtuosum, propter hoc in ipsis solùm est medium secundum rationem, seu quoad nos: At cùm materia justitiæ sit exterior operatio, secundum quod ipsa, vel res, cujus est usus, debitam proportionem habet ad aliam personam, ideo medium justitiæ consistit in quâdam proportionis æqualitate rei exterioris ad personam exteriorem, quare in medio rei, ut quæ hoc solùm spectet, ut tantum det alteri, quantum debet, vel secundum æqualitatem rei ad rem, Proportione Arithmeticâ, ut si debeas 100 des 100, prout fit in Justitiâ Commutativâ, vel secundum æqualitatem proportionis bonorum onerum præmiorum meritorum, Proportione Geometricâ, ut si merearis habere 10, alius 20, tibi dentur 10, alteri 20, prout fit in Justitiâ Distributivâ.

CAPUT XXI.

De Medii Oppositione Logico-Logistica cum Extremis, & Extremorum inter se.

§. I. **C**ùm Virtus Moralis siue Morum posita sit in Medio inter duo Extrema re vel ratione, quæstionis est, quo inter se opponantur modo? Consentiant elasticè, quòd Extrema medio opponantur Privativè, ipsa verò inter se Extrema Contrariè.

2. *Extrema Medio Privativè*, quia virtus, quæ medium, quatenus virtus, ponit illud, nempe actiones, legi naturæ & bonis moribus conformes, quod vitia, quæ vitia, tollunt, nempe easdem actiones in formâ.

3. *Ipsa verò inter se Extrema Contrariè*, ut quæ sub uno & eodem genere longissimè distent, v. g. omnia pericula aggredi sine ratione, quod audaciæ, & omnia pericula fugere sine ratione, quod timiditatis, pecuniæ tenacissimè inhærere, quod avaritiæ, & eandem temerè profundere, quod prodigalitatis, vitiorum extremorum, oppositorum virtuti mediæ, altera fortitudini, altera liberalitati: *Non Privativè*, quia illa ipsa extrema non sunt puræ privationes virtutis in medio consistentis, sed quid cum privatione, putâ actus pravi, includentes non tantum privationem, sed & contrarietatem.

4. *Catèrùm Oppositio hac in suâ amplitudine seu latitudine triplex est. Vel enim Medium*

dium opponitur Extremis, vel Extremum Extremo, vel Extrema Medio.

5. *Medii atque Extremorum Oppositio* est, cum virtus vitiis, non ἀπλῶς simpliciter, sed πῶς quâdamtenus, hoc est, ratione exuperantiæ, opponitur, quatenus nimirum ab uno extremo superatur, alterum verò superat. Sicut enim æquale, cum re minore comparatum, est majus, respectu defectus excessus, cum re verò majori comparatum minus, respectu excessus defectus: Ita virtus, si cum eo extremo comparatur, quod in defectu cernitur, superat, estquè excessus, si cum eo, quod in excessu cernitur, superatur, estquè defectus. Dico, non ἀπλῶς sed πῶς, quia medium extremis, virtus vitiis, non verè contraria. Etenim de verè contrariis unum uni tantum contrariatur, album v. g. nigro, verè quin etiam contraria longissimè inter se distant, album v. g. à nigro: Jam verò virtus, tanquam medium, non uni tantum vitio, tanquam extremo, verum duobus, opponitur, neque longissimè, eò quòd proficiscentibus ab uno extremo ad alterum, medium prius occurrat, quàm ad illud perveniatur, alterum putà extremum.

6. *Extremorum inter se Oppositio* est, quando extremum extremo, vitium vitio, opponitur. Quæ oppositio priori major, tum quia extrema longius distant inter se quàm
ἀπλῶς

à medio, sicut videmus majus & minus longius distare inter se, quàm ab æquali, tria à novem, quàm sex à tribus & novem, tum quia major solet esse dissimilitudo inter extrema, tanquam species oppositas, quàm inter medium & extrema, tanquam species disparatas, cum illæ nullam habeant cognationem, hæ aliquam, saltem in strato præfenti, quomodo avaritiam inter & prodigalitatē, quæ duo liberalitatis extrema, nullam videre est convenientiam, quia extremè distant, & altera nullum modum in retinendo observat, altera verò in erogando, cum interim media liberalitas, cum avaritiæ retentionem, cum prodigalitate largitionem, communes habeat, etsi modum utrique præscribat, illi in retinendo, huic in largiendo.

7. *Extremorum cum Medio Oppositio* est, quando extrema medio, majoris minorisvè contrarietatis respectu, opponuntur. Si enim in his, quæ ad corpus pertinent, extremorum unum magis est contrarium medio, quàm alterum, v. g. in exercitatione nimium, quidni idem obtineat etiam in iis, quæ ad animum spectant, quomodo videas virtutem cum alterutro extremorum habere aliquam affinitatem, modò cum excessu, modò cum defectu. Licet namque virtuti mediæ duo utrinque vitia repugnent, sapè tamen unum extremorum vitiorum habet

magis sibi contrarium, quàm alterum, adeoque nonnunquam magis ei repugnat vitium per defectum, nonnunquam vitium per excessum, v g, liberalitati magis avaritia, quæ defectus, quàm prodigalitas. quæ excessus, contrà temperantiæ magis intemperantia, quæ excessus, quàm stupor, qui defectus,

CAPUT XXII.

Atque aded, Ἀκρότηςnè Extremitas cum Pythagoricis, an Μετριότης Mediocritas sc cum Aristotelicis Virtus Moralis? Μετριοπάθειαnè item potius, sive Temperamentum Affectuum, cum Peripateticis, an Ἀπάθεια, sive Vacuitas Affectuum, cum Stoicis?

§. I. **V**irtus Moralis seu Morum, κατ' ἄλλον καὶ ἄλλον ὑπολήψεως τρόπον, diverso, inquam, considerandi modo, & Mediocritas est cum Aristotele, & Extremitas cum Pythagorâ.

2. Mediocritas cum Aristotele, eaque passionum & operationum, non absolutè atque intrinsecè, secundum suam substantiam & naturam, quia enim virtus non est de genere passionum aut operationum, sed objectivè & extrinsecè, quia prædicta virtus est circa medias passiones atque operationes occupata, inveniendò in his medium, appetitumquè ad passiones & operationes medias determinam.

nando, ut in his servet aptam, ac commodam, sive ratione circumscriptam, moderationem, evitetquè id, quod nimium est, vel parum, secundum omnes medii conditiones & circumstantias, quando, quantum, ubi, quomodo, cur, & sic de cæteris.

3. *Medietas deinde autem cum eodem*, eaque vitiorum, quoad situm in medio inter duo extrema re vel ratione, si substantiam ejus essentiam rationemquè formalem spectes, quatenus ut medium bonum extremis malis, medius habitus bonus extremis habitibus malis, opponitur, alteri in excessu, alteri in defectu, utriusque ratione quantitatis seu essentia.

4. *Extremitas hinc cum Pythagorâ*, ratione qualitatis, si excellentiam ejus & bonitatem spectes, quatenus ut bonum malo, extremum extremo, opponitur, hoc est, duobus extremis simul sumtis, virtute obtinente locum formæ, vitio locum privationis & recessus à formâ. Scilicet virtus moralis, & medium est, & extremum, illud essentialiter, hoc perfectionaliter, illud respectu oppositionis mediata, ut respicit extrema, hoc respectu perfectionis & restitutionis, ut respicit objecta, quomodo in medio ea, non medium, quia bonum opponitur malo, non secundum medium, sed secundum extremum, illud, si collocetur inter duo extrema vitia in specie, justitia v. g. inter inju-

injustitiæ excessum & defectum, hoc, si opponatur suis vitiis in genere, justitia v g injustitiæ.

5. Quod si virtus moralis seu morum Mediocritas, nominatim Passionum, Μετριοπάθεια igitur cum Peripateticis, non Απάθεια cum Stoicis.

6. Μετριοπάθεια cum Peripateticis, sive Εὐπάθεια, ἢ Συμμετρία τῶν Παθῶν, quia de eorum placito virtus est habitus, quo nos ἀεὶ τὰ πάθη εὖ ἔχομεν, benè in affectibus habemus, habemus autem, cùm iis affecti sumus mediocriter. Neque tamen propterea ipsa hæc affectuum mediocritas virtus, tum quia, si formaliter affectuum mediocritas foret virtus, tunc genus ejus esset affectus mediocris, isquè non simplex, sed compositus: è gradibus extremorum, quoniam duorum extremorum medium ejusdem est generis cum extremis, atqui falsum consequens, ergò & antecedens, tum quia mediocritas affectuum non fuit forma virtutum Adami ante lapsum, cùm ante eum homo non fuerit vitiosis affectibus obnoxius, eadem autem virtutis forma manserit etiam post lapsum, tum quia nec mediocritas affectuum vitiosorum erit forma virtutum in beatâ futuri ævi vitâ, jam verò virtutis forma non mutatur, et si virtus perficitur, tum denique, quia si forma virtutis est μετριοπάθεια sive affectuum mediocritas, tunc illi

tur, ideò nequaquam omnes indifferenter uno ictu tollendi, saltem quasi in perpetuum exilium pellendi, nisi velimus committere *αὐτοχειρίαν* à parte naturæ affectæ, & *θεομαχίαν* ex parte Dei afficientis, qui mortificari vult affectus, velli, inquam, vellicari, non evelli, neque expungi & induci unâ quasi liturâ, sed poliri atque expositi potius. II Quia, quod per se malum & vitiosum, ideoque tollendum, id ad laudabilem mediocritatem nunquam redigi potest: Atqui affectus, in excessu vel defectu peccantes, ad laudabilem mediocritatem rediguntur per virtutem, quo aspectu apud Homerum pingitur Pallas, retrahens iratum Achillem, ne gladium stringat in Agamemnonem, apud Pindarum verò & Æschylum Poetas fingitur Pegasus alatus, partem in homine *ὑπερμένην*, quæ rapidissima est, significans, non antè potuisse domari, donec eadem Pallas aureum frenum attulit Bellerophonti, quorsum modò laudatus Homerus Heroibus suis, Hectori, Ajaci, Ulyssi, non omnem affectum adimit, sed nimium tantum & immoderatum: Ergò non sunt tollendi! Vel ideò, quia virtus moralis pugnam solummodò affectuum cum rectâ ratione nata est auferre, non pugnantes affectus, qui non simpliciter tollendi, verum secundum quid, id est, respectu intensiōis seu nimii, & remissionis seu minimi. Virtus namque non

pugnat cum affectibus, sed horum extremis, neque ipsi affectus, sed horum excessus & defectus, impediunt virtutem, qui tollendi, non ipsi affectus cum radice & matrice, qui excindi nec possunt, nec debent: Non possunt, quia sunt naturales, ideoque immutabiles, cum fieri nequeat, ut, qui homo est, non sit animal, id est, ut non habeat appetitum homini naturalem, quem compescere quidem potest rationis imperio, exuere non potest, modum v g ponere dolori, ut autem nullum dolorem sentiat, non item facere, quia omnis homo animal, animal autem non est, quod sensu caret, caret autem isto, quod re nullâ afficitur, quæ in sensus incurrit: (Usque adeo, tollere affectus ex homine, est hominem ex homine tollere, & intra hominem non hominem agere!) Non debent, quia enim hæc foret quædam quasi castratio innaturalis, velle abscindere affectus, rebusque à naturâ insitis seipsum nudare. Et cur abscindantur quæso, cur? Quàm diu enim limites à rectâ ratione præscriptos non emigrant, moraliter utique non sunt mali, quare nec virtuti obstant, ideoque nec opus est, ut tollantur: Quin tantum abest, ut tolli hos oporteat, ut sublatiis nec ipsa virtus moralis esse possit, v g fortitudo sublato metu & fiduciâ, temperantia sublatâ cupiditate, mansuetudo sublatâ irâ, cum sit quædam quasi calcaria atque inci-

tamenta, ad benè, hoc est, rectè vivendum, homines expergeficientia è veternovitiorum. III, Quia in totà rerum naturâ, non ex humorum extirpatione, sed ex eorum moderatione, apta temperamenta nascuntur, salutareque harmoniæ conficiuntur, quæ natura perfectionem naturalem molitur, non per contrariorum eversionem, sive exterminationem, sed per eorum contemperationem, uti videre est in qualitatibus primarum contrariarum, ad certam & cuivis naturæ congruentem temperiem, reductione & redactione, similiterque perfectionem moralem in homine, non per contrariorum affectuum evulsionem, sed mediocritatem ac temperamentum. Quin ergò reducimus potius affectus ad mediocritatem, eo pacto, quo ii, qui ab ebrietate sibi metuunt, non effundunt vinum, sed diluunt, quovè boum. & equorum magistri, non motus horum, verum petulantiores saltus, castigant jugi & freni impositione, aut, ut Musici in sonis concentum, non acutarum & gravium vocum internecone, Medici in corporibus sanitatem, non suffocatione caloris & frigoris, sed proportionem temperamenti, Mathematici, ex gravium & levium compositione æquilibrium, quærunt & colligunt, quovè adeò modo imperatores milites, licet non omnes sint

sint boni, non tollunt tamen, verùm redigunt in ordinem, quoniam sine his bellum geri nequit, quin, inquam, idem & nos celebramus factum in facto horum exemplo, nisi similes videri velimus. Lycurgo, vitēs à radicibus exscindenti, hortulanovè Herodiano, qui, cùm ruris colendi esset insolens, agrumquè purificare desideraret, omnes cum rubis frondes, palmitescquè sæcundos, prostravit, adeoque illis, qui currendum esse negant, quòd aliquandò impingatur, jaciendumquè & jaculandum, quòd aliquandò à scopo aberretur, quicquè cum sano amore omnem amorem, cum avaritiâ, sive æris aviditate, omnem appetitionem tollunt, næ insulsè insulsius insulsiissime!

8. Sed scilicet Stoici Peripateticis etiam hâc parte non sunt contrarii. Stoa asserit, affectus rationi contrarios esse expellendos: Peripatus, *ῥοπᾶς* illas naturales, sive morus indifferentes, rationi non contrarios, vel in excessu, vel in defectu, per se expelli, nec posse, nec debere. Utrumque verum, utrumque bonum & rectum. Quid ergò in Stoicis reprehendendum? Rectè etiam hîc senserunt, sed non rectè locuti sunt, quia non distinxerunt actum naturalem ab ejus *ἀταξία*, putâruntquè, idem esse affectum, & ejus accessorium vitium: Atqui Philosophum *δεῖ ἀκριβοῦς λογέσθαι*, examinare

Inquit. Scilicet non convenit inter partes, funem contentiōis ducentes, de significatiōe vocum, passionis & affectus. Quod enim passionem seu affectum esse voluerunt Peripatetici, quibus hæc duo nomina sunt rei per se & suâ naturâ non vitiosæ, quæ tamen per excessum & defectum vitari potest, id negarunt esse Stoici, quibus nomen passionis sive affectus erat rei naturâ suâ & per se vitiosæ, atque hinc, quod Peripatetici affirmant esse affectum, id negant esse Stoici. Et sanè, si per affectus intelligas, quod Stoici, nullum dubium est, quin illi non sint temperandi, & ad mediocritatem revocandi, verùm omni ope ac conatu extirpandi, ejiciendique penitus ex animo, neque quisquam veterum, cùm de affectuum temperamento verba facit, id autor est, ut quis affectus mediocriter indomitus habeat, sed ut mediocres, quia enim vitium temperari aut mediocre reddi nequit, quoniam à mediocritate abit: Sin per eosdem intelligas, quod Peripatetici, iterum dubium nullum est, quin nullo modo sint eradicandi ex animo. Ut ita non tam discrepantia aut dissensio sit in rebus, quàm in verbis, neque tam *παραλογισμαχία*, quàm *λεγομαχία*, præsertim si vocabulum *ἀπαθείας* non capias pro exclusione cujuscunq; passionis in genere, tam corruptibilis, qualis in incontinente, quàm non corruptibilis, qualis

in constante, incorruptibilisque, quæ in temperante, qui passionatur quidem aliquâ passione, verum non concurrente, nedum corrumpente rationem, sed pro exclusionem certæ passionis in specie, putà malæ moraliter, saltem non bonæ.

CAPUT XXIII.

*De Indivisibilitate & Divisibilitate Virtutis
Moralis, Affectuumque & Actionum, verum
Ethicâ, non Mathematicâ.*

§. I. **Q**UAMVIS Virtus Moralis seu Morum, ratione quantitatis, & quoad essentiam definitione explicabilem, adeoque absolute, & in abstracto, sit indivisibilis, & hætenus non recipiat gradus, hoc est, magis & minus: Tamen eadem ratione qualitatis, & quoad inexistenciam in subiecto, adeoque subiectivè, & in concreto, divisibilis est, saltem hætenus admittit eosdem. Cujus bicolli hæc ratio & regio: Prioris, quia id, quod pertinet ad essentiam & speciem rei, est aliquid naturâ definitum constans & certum, ideoque non receptivum gradus, quo sensu omnes formæ in simplici atque invariabili essentiâ dicuntur esse positæ, numerisque comparantur, quibus sine variatione speciei nihil potest addi vel demi, atque hoc conceptu, omnium virtutum una, ut definitio, ita essentia, ut essentia, ita definitio essen-

essentialis: Posterioris, quia multa ad virtutis introductionem in subiectum, & ejus in subiecto radicationem, concurrunt, quæ uno momento non adsunt, nedum ut uno eam momento perficiant, quæ sicut habent sua incrementa & decrementsa, interventu prudentiæ majoris minorisvè, crebritatis actionum majoris minorisvè, aptioris ineptiorisvè dispositionis recipientis, firmioris infirmiorisvè connexionis cum aliis virtutibus, adeoque ratione variorum extrinsecus occurrentium, sive naturæ sive fortunæ munerum, necnon aliarum opportunitatum, vel remorarum, quæ faciunt, ut alii magis alii minùs sint virtuosi, ita virtus magis minusvè in subiecto recipitur, perque gradus successivè acquiritur, hætenus divisibilis. Quòd si enim consideretur ex parte subiecti participantis, sic contingit eam esse majorem vel minorem, sive secundum diversa tempora in eodem, sive in diversis hominibus, eò quòd ad attingendum medium virtutis unus melius sit dispositus, quàm alius, vel propter meliorem dispositionem naturæ, vel propter majorem assuetudinem, quæ altera natura, vel propter perspicacius judicium rationis, vel propter majus donum gratiæ denique.

2. Sicuti verò Virtus Moralis divisibilis, conditò modo, ita & Affectus, & Actiones.

T. 5. circa

circa quos & quas illa versatur. Affectus, in quibus ipsis divisibilis quædam latitudo est. Quemadmodum enim in omni re continuâ & divisibili, & plus, & minus, & æquale, sumere possumus, ita etiam in affectibus. Possumus siquidem, & plus, & minus, & mediocriter irasci, plus, & minus, & mediocriter metuere. Idem de reliquis affectibus iudicium. *Actiones* hinc, in quibus & ipsis divisibilis quædam latitudo est atque extensio, aut in rebus potius, circa quas actiones humanæ sunt occupatæ, veluti in periculis, nutrimento, pecuniâ, honore. Sicut enim in omni re continuâ ac divisibili, & plus, & minus, & æquale, legere possumus, similiter in actionibus. Possumus quippè, & plus, & minus, & mediocriter dare, & plus, & minus, & mediocriter distribuere. Idem de reliquis actionibus iudicium. Sed cur in omni re continuâ & divisibili sumere licet, & plus, & minus, & æquale? Quia enim divisio fit in partes, vel majores, vel minores, vel æquales, ubi autem æqualitas, ibi & medium.

3. *Neque interim indifferenter omnes, vel Affectus, vel Actiones, divisibilitatem hanc admittunt. Non Affectus*, quia quidam affectus per se mali, & rationi aduersi, quorum nominibus statim vitium est implicatum, siue malitia moralis, ita ut cum quis eos audit appellari, turpes eos & pravos protinùs iudi-

judicet, quales omnes illi, in quibus medium ferire non licet, verum necessariò est peccandum, ceu sunt, malevolentia, impudentia, invidentia: Alii contrà per se boni, & rationi consentanei, quorum nominibus statim virtus, seu bonitas moralis, est complicata, ita ut cum quis eos vel nudè audit nominari, bonos eos protinùs esse censeat, ceu sunt, nemesis, pudor, zelus. *Non etiam Actiones*, quia similiter quædam actiones per se malæ, rationiquè adversæ, quarum nominibus vitium est implicatum, ita ut si quis eas audiat allegari, turpes eas & pravas nonnon judicet, quales omnes illæ, in quibus item medium ferire non licet, verum necessariò & semper peccatur, quantumcunque nos ad eas habeamus mediocriter, quia sunt de naturâ suâ prave, & non ut excessus, aut defectus, ceu sunt, in genere, delicta crimina & scelera, in specie, proditio, parricidium, scortatio, adulterium, furtum, sacrilegium, aliæ contrà per se bonæ, & rationi consentaneæ, quarum nominibus statim virtus est complicata, ita ut si quis eas audiat vel nominari, bonas & probas eas esse animo præsumat, ceu sunt, jejunium, eleemosyna. Atque hujus quidem rei hæc videtur esse ratio, quòd hæc vocabula, tam affectuum, quàm actionum, non nudos affectus, aut nudas actiones, significant, verum affectus & actiones cum

circumstantiis conjunctas, in quibus bonitas aut malitia moralis est posita. Certè enim, v g, invidia nihil aliud est, quàm dolor, qui è commodo proximi capitur, *ἡ ἐπιχαριρεγκία* contrà nihil aliud, quàm voluptas, percepta ex ejusdem incommodo. Plus ergò sunt, quàm dolor & voluptas, adeoque plus quàm affectus. Similiter *στοργή* parentum erga liberos, & horum *ἀτιπιλαργία* erga parentes, affectus sunt, putà amor, & boni quidem, at non simplices, cùm non sint amare tantùm, verùm ejus amor, quod recta ratio, & lex naturæ ac divina, amari jubet. Ad hoc exemplum furtum actio, cùm sine ablatione rei alienæ non committatur, at non simplex, cùm non sit agere tantùm, verùm agere contra leges & mores, mores & leges, ideoquè actio quidem, sed mala, illa quoad materiale, hæc quoad formale. Similiter abstinentia à cibo & potu, non negativa, ex *ἀδυναμία* quæ est subiecti, vel objecti defectu, sed privativa, qualis Danielis & sociorum ejus, actio & ipsa est, non simplex, verùm ejus, quod protunc expediebat, ideoquè plus quàm actio, nempe bona actio, & quoad materiale, & quoad formale.

CAPUT XXIV.

*Duo famosa Paradoxa Stoicorum , de Rectè
& Prave Factorum Æquilibrio Morali,
contra Peripateticorum Disquilibrium ,
cum Conciliatione Partium Controver-
santium.*

§ 1. Sicut ad indivisibile virtutis moralis me-
dium, (indivisibilitate putà Ethicâ, ha-
bente aliquam qualemcumque latitudinem ,
non Mathematicâ ,) sicut , inquam , ad indi-
visibile virtutis moralis medium , interdum
propius acceditur , interdum minus propè ,
ita ab eodem interdum longius receditur ,
interdum minus longè , aliàs intensivè , per
actuum ut virtuosorum ita vitiosorum con-
tentionem , aliàs extensivè , per eorun-
dem actuum repetitionem , quomodo me-
lius pejùs v. g. agit , qui ex proposito , &
majore cum voluntatis intensione exten-
sione protensione agit , quàm qui præter ,
immo contrà , quiquè adeò sæpiùs , quàm
qui semel.

2. Quo posito & presupposito, hallucinari Stoi-
cos necesse est, qui nec Virtutem Virtute Majorem
esse , & Rectè-Factum Rectè-Facto , nec Vitium
Vitiis , & Prave-Factum Prave-Facto , perhi-
bent. Virtutem Virtute haud Majorem , &
Rectè-Factum Rectè-Facto , moti his ar-
gumentis. I. Quia rerum essentia & for-

mæ non recipiant magis & minùs , cùm sint quid naturâ definitum : Quare nec virtutes & rectè facta ! Immò verò , si minùs ratione essentiæ absolutæ , minimùm ratione particularis inexistentiæ , ut recipiuntur in materiâ , quomodo differentias coloris recipere magis & minùs videmus , quatenus in alio recipiuntur. I I. Quia nullo perfectum possit crescere in aliquâ sui perfectione : Quare nec virtus perfecta ! Immò verò , si minùs quoad perfectionem essentialem , quæ in impartibili , minimùm quoad gradualem. III. Quia virtus moralis sit veritas rectitudo & ordo rationis , vero autem nihil detur verius , recto rectius , ordinato ordinatius ! Immò verò , & vero verius , ratione cognitionis confusæ & distinctæ , objecti etiã magis aut minùs mutabilis respectu , sicut falso falsius , cùm non similiter mentiatur , qui quatuor censet esse quinque , ac qui n ille , & recto rectius , ordinatoquè ordinatius , si minùs Mathematicè , minimum Ethicè : Quin immò & Mathematicè , si minus absolutè , minimùm comparatè. Quævis enim omnes lineæ rectæ sint æquè rectæ , quia à puncto ad punctum brevissimæ sunt , tamen queunt inter se esse inæquales , quia aliæ aliis longiores vel breviores sunt , ut digiti in manu.

3. Sed nec Vitium Vicio Majus , & Præ-
Easum.

Factum Prave-Factum, moti istis argumentis

I. Quia vitia virtutibus opponantur : Omnes autem virtutes sint æquales: Quare & vitia opposita ! Immo verò non æquales. Quamvis enim virtutes sint æquales proportionaliter in uno & eodem, nihilominus una aliam præcedit dignitate secundum suam speciem. Ne dicam, unum hominem virtuosiores esse alio vel in eadem specie virtutis, v. g. is, qui in majori periculo fortem se gessit, quàm qui in minori. Quid, quòd etiam si virtutes essent pares, non tamen inde sequeretur, vitia quoque esse paria, quia virtutes habent connexionem, non item vitia, virtus indivisibilis in gradu perfectionis, vitium contra divisibile, virtus simplex, vitium verò duplex, unum in excessu, alterum in defectu, non sic virtus una excedens, altera deficiens. II. Quia omnia vitia sint æquè vitia, ut quæ de naturâ generis ex æquo participant, cum essentia & definitio vitiositatis omnibus æquè vitiis conveniat, sicut definitio alboris omnibus albis ! Immo verò non æquè. Quemadmodum enim omnia animalia sunt æquè quidem animalia, bestia v. g. æquè animal atque homo, quoniam species ex æquo naturam generis sibi vendicant, neque interim æqualia, cum differant quantitate : Idem suo modo tenet hîc. III. Quia peccare sit quasi transilire lineam, hoc est,

est, regulam rationis: Lineam autem transilire se habeat æqualiter, & uno modo, cum æquè extra lineam sit, quisquis transivit, adeoque privativè, privationes autem non recipiant magis & minùs: Quare omnia vitia esse æqualia! Immodò verò non esse, quia vitia privationes quidem sunt, at non puræ. Et quis nescit, privationem, quò plus habet contrarii habitus, hoc minorem esse? Quis non animadvertit discrimen tenebrarum & umbræ? Quis ignorat, differentiam esse inter eclipsin totalem & partialem? Quamobrem, meo judicio distinguendum fuerit inter ipsam privationem, exorbitantiamquè rectæ lineæ præcisè, & illius exorbitantiæ gradum.

I.V. Quia vitium sit positum, non in hæc vel illâ declinatione, sed absolutè in declinatione à scopo sive recto, à quo qui declinant, eos absolutè & æquè peccare declinando, veluti absolutè dicuntur in aquam demersi, qui vel uno vel decem pedibus infra aquam sunt positi, pariterquè perhibentur non esse in Canopo, & qui centum inde absunt stadiis, & qui uno, nihiloquè magis respirare in aquâ, qui ad summum ejus appropinquant, atque qui sunt in profundo. Immodò verò non æquè, cum omnes æquè non declinent, sed alii magis, alii minus. Quod attinet illos, qui vel uno vel decem pedibus infra aquam sunt positi, in aquâ qui-

quidem utrique sunt demersi, at non utrique pariter, sicut à Canopo æquè abesse dicuntur & illi, qui centum absunt stadiis, & qui uno tantum, verum illi longius interius, hi minus longè. Simile, sumtum à respirantibus, est sibi dissimile, cum dispar victiorum & aquarum sit ratio. Quamvis enim nihilo magis respirent naturaliter, qui jam ad summum aquæ appropinquant, quam qui sunt in profundo, cum omnis demersio in aquâ simpliciter respirationem impediat, magis tamen nescio quomodo respirare possunt moraliter, qui minus profundè vitiis sunt immergi, atque qui magis. Adde, quòd nec æqualitas distantiae ab objectis diversis æqualia faciat omnia vitia, eò quòd non omnia objecta sint æqualia, sed nec æquales circumstantiae omnes, quomodo gravius peccare videas, & moribus & legibus, ex hoc capite, sacrilegum quàm furem, parricidam quàm homicidam, eum, qui Deum blasphemat, quàm qui homini maledicit, quam in rem nã egregiè Poeta :

*Non vincit ratio hoc, tantundem ut peccet
idemquè,*

Qui teneros caules alieni frangerit horti,

Et qui nocturnus dirum sacra legerit :

Adsit

Regula peccatis qua pœnas irroget aquas,

Ne sententiâ dignum horribili sectere flagello.

V. Quia

V. Quia peccare sit facere, quod non licet: Id autem, quod non licet, nec majus nec minus esse possit, cum uno & eodem modo in omnibus reprehendatur: Quare unum vitium & prave-factum non esse altero gravius in comparatione! Immo verò esse, idquè ob majorem minoremve deordinationem, aggravantem vel elevantem illud. Quorsum peccata spontanea deteriora invitis, consulta inconsultis, in scholâ morali: Ex eodem quin fonte facta alia merentur veniam & commiserationem majorem minoremve, alia verò pœnas, & hæc inæquales, in eâdem scholâ, prout sunt vel συζημητικὰ, vel μὴ συζημητικὰ, ἀτυχεύματα alia, ἀμετρήματα alia, ἀδίκηματα alia, gradibus differentia, & quoad culpam, & quoad pœnam.

4. Quid multis? Inæqualibus virtutum, & prave factorum, (quorum hæc pejora in comparatione, quàm illæ, tum quia propter actum vitiosum quis justè punitur, non item propter habitum vitiosum, nisi in actum erumpat, tum quia, sicut est melius benè agere, quàm posse benè agere, ita pejus malè agere, quàm posse malè agere, tum quia habitus non denominatur malus, nisi quatenus inclinât ad actum malum, tum quia actus vitiosi pluribus nocet & gravius, quàm habitus, qui suo tantum subjecto nocent,

cen^{tes}, & minùs etiam id affligunt, quàm actio-
 nes, quæ & auctori & aliis sunt damnosæ:)
 illa verò radicialiter oritur è duobus fonti-
 bus moralibus, voluntatis, inquam, *ωγαπᾶς*,
πείσας, & adjunctis circumstantiis, ab illà in-
 ternè, ab his externè. E voluntatis *ωγαπᾶ-
 σαι*, quomodo quisquid minùs invitè, magis
 spontè, hoc est, majore cum scientià, mi-
 nori cum ignorantia, minori item cum ani-
 mī affectu, præsupponente majorem *ωγαπᾶ-
 σαι*, majori denique cum voluntatis inten-
 sione extensione & protensione, commit-
 titur, deterius est in foro morali. Dico,
 cum majori voluntatis intensione, ut cùm
 quis, quò facit magis, hoc cupit & studet
 facere magis: Dico, cum majori volunta-
 tis extensione, ut cùm quis delictum iterat:
 Dico, cum majori voluntatis protensione,
 ut cùm diu quis in animo habuit quid face-
 re. Atque adeò, quis æquè peccare dixe-
 rit eum, qui præter voluntatem & consi-
 lium, temerè atque fortuitò, nullo retro-
 gressu odio, ullàvè incendi cupiditate, per-
 iram, quam consequitur poenitentia, ebrie-
 ratemvè, cum poenitudine conjunctam,
 quem læserit, ac eum, qui deliberato con-
 silio, ex composito, proindequè ex male-
 volentià & maleficio, perquè insidias, id
 fecerit? Qui ex infirmitate cum Petro Chri-
 stum abnegavit, ex inscitia cum Paulo eun-
 dem in membris suis persecutus fuerit, &
 qui

& qui eum cum Judâ , filio illo perditionis , ex malitiâ prodiderit ? Quis æquè peccare eum , cujus pudicitia labitur in formosâ , ac cujus in deformi muliere ? Quis æquè denique ex duobus gubernatoribus , quorum uterque naufragium fecit , peccare eum , qui majori diligentia cavit , atque eum , qui levi brachio tractavit suam vecturam ? Si in altero fuerit ignorantia pravæ dispositionis , in altero simplicis negationis ? Si alter solù n ignorans peccaverit , alter verò per ignorantiam ? Si in altero fuerit ignorantia concomitans aut consequens , in altero verò antecedens ? Si in altero fuerit inscitia juris , in altero facti ? Et illa sine pœnitentiâ , hæc cum ? Si denique in altero fuerit ignorantia vincibilis , in altero contrâ invincibilis ? Ex adjunctis hinc circumstantiis , quomodo majus delictum audit in curiâ morali , ratione loci , stuprum in loco sacro commissum , ratione temporis , πὲρ ὀργάνου βαρχεῖα pridè Quadragesimam , ratione occasionis , cum quis eam sibi facit , non utitur factâ ab aliis , ratione quantitatis , beneficium malâ animi intentione datum , quod etsi majus materialiter , minus interim moraliter , quale Phariseorum beneficium in ordine ad mulieris Evangelicæ beneficiolum , ratione qualitatis , stuprum illatum liberæ ab homine in officio constituto , ratione instrumenti , cædes pugione aut sicâ patrata , ratione actus ,

ma-

maleficium quod actu nocet, quamvis, si deliberata sit & firmiter constituta voluntas, utut actus non sequatur, res pro factâ habeatur. Quis iterum, quis æquè peccare dixerit latronem, qui peram & loculos, & qui jugulum secuerit? Eum, qui furtum, & qui sacrilegium, cædem, & qui parricidium commiserit? Qui vim privatam, & qui publicam, fecerit? Qui hominem privatum, & qui in magistratu constitutum, percusserit? Qui bis tervè decem vel viginti florenos furatus sit, & qui semel centum, vel mille? Etc.

Contra Stoicos, rectum sentientes in obliquo, & acutum in obtuso, quod ajunt. Quis enim credat, sapientissimos viros omnimodam peccatorum æqualitatem statuissè, nullosquè simpliciter admisissè gradus? Aliud ergò nihil videntur voluisse Stoici hâc suâ peccatorum æqualitate, quàm convenientiam peccatorum omnium in formali ratione peccati, per quam unum non est magis peccatum, quàm alterum, Neque enim necessariò magis & minùs inferunt quoque majus & minus. Hoc igitur sensu æqualitatem adstruxissè videntur, ut nihilo concederent dissimilitudinem minùs, quam ad dispares retulissè gradus videntur. Scilicet æqualia dicunt esse omnia peccata Stoici, non item similia. Ita v g, omne mendacium est æquale, neque aliud alio
magis

magis falsum, sed quanquam omne mendacium æquè sit mendacium, non tamen omnes, qui mentiuntur, æquè mentiuntur. Sic etiam si patris & mancipii cædes æquè sit peccatum, hoc tamen differunt, quòd in servo necando semel peccatur, in patre verò necando multifariàm, quia violatur is, qui procreavit, qui aluit, qui erudit, quæ cædes idèò multitudine peccatorum præstat, quoniam hîc variæ rationes peccatorum constitutivæ concurrunt, quæ sicut singulæ communissimam peccati habent rationem, ita conjunctæ in uno, & in unum, peccatum exasperant. Quid, quòd hoc Stoicorum pseudographema non caret suo usu in vitâ communi, ut quod conferat ad cautionem moralem, & minima pro maximis habeat caveatquè. Tantò siquidem faciliùs abstinemus à quovis delicto, quantò illud magis metuimus, nec citò ad majora progredietur, qui etiam minora formidat, si fides Hieronymo.

C A P U T XXVI.

Quæ Virtutis Moralis Causa Efficiens? Naturæ cum Stoicis? Temperamentum cum Galenicis? Institutione seu Doctrina cum Socraticis & Platoniciis? An verò Consuetudo cum Peripateticis.

§ 1. **Q**UOD attinet Causam Efficientem Virtutis Moralis, illa verò vel Universalis est, vel Particularis. Causa Efficiens

ficiens Virtutis Moralis Universalis, sive Causa Principalis Divina & Remota, illa est Deus Optimus Maximus. Unde illa Philosophemata famosa: Bonus vir à Deo est, qui inde θεός ἐστιν Laconibus, qui commendaturi virum bonum, eum hoc elogio orabant: Nulla sine Deo mens bona: Nemo unquam bonus sine afflatu divino extitit. Quorsum Aristoteles summum bonum, modò θεός δοθέν, à Deo datum, modò θεός πεμπόμενος, à Deo missum, haud aliâ mente appellat.

2. *Causa Efficiens Virtutis Moralis Particularis, sive Administra Humana & Propinqua, illa verò vel Interna est, vel Externa.*

3. *Interna iterum vel in Animo, vel in Corpore.*

4. *In Animo, Natura Seminarium, dictantis, honesta esse appetenda, turpia fugienda, Deum colendum, parentes honorandos, neminem lædendum, benefactoribus benefaciendum, indequè elicientis conclusiones, si Deus colendus, ergò in eo acquiescendum, si parentes honorandi, ergò honestè de his sentiendum & loquendum, eorum mandatis obtemperandum, horum nævi tolerandi, si nemo lædendus, ergò amicè cum omnibus vivendum* *In Corpore Bonum Temperamentum, hoc est humorum principalium, sanguinis, cholerae sive flavæ bilis, melancholiae sive nigræ bilis, & phlegmatis*

460 INSTIT. ETHICARUM
matis five pituitæ , mistio laudabilis.

4. *Externa Causa Efficiens Virtutis Moral*
is est Doctrina & Consuetudo : Doctri-
na habetur ex magistris, vel vivis, qui vi-
vâ voce ad virtutem nos instruunt, vel mor-
tuis, hoc est, libris, scriptam continentibus
magistrorum vivorum vocem. *Consuetu-*
do crebrâ actionum moralium iteratione
absolvitur. Sicut enim una hirundo non
facit ver, nec unus dies serenus tempore
brumali halcedonia five halcyonia, ita nec
una actio habitum.

5. *Sola Natura non sufficit ad virtutis mo-*
ralis generationem, quia non est in nostrâ
potestate, sed Dei munere & indultu no-
bis accidit. Quodd si naturâ, tanquam vir-
gulâ divinâ, viri boni effici possemus, tunc
nullis opus esset, nec moribus, nec legibus:
Atqui utrisque opus, illis Ethicè, his Politi-
cè. Ad bonos namque efficiendos opus est
consuetudine & assuefactione, præterquè
hanc imperio & vi, quorum illud morum
proprium, hoc legum, quæ armatæ pote-
stâte, ut illi honestate.

6. *Solum quoque Temperamentum non*
sufficit ad virtutis moralis generationem,
quia homines ad hos aut illos animi mo-
tus inclinat tantum & disponit, non neces-
sitat. Sæpè enim, accedente institutione &
consuetudine, mutantur mores, non mutato

tem-

temperamento, & contrâ sæpè mutatur temperamentum, non mutatis moribus, quod argumento utique, mores non in solidum pendere à corporis temperamento, vel ideò etiam, quia temperamentum non est in nostrâ potestate, cùm fieri nequeat, ut quis ullis pharmacis, vel artibus, ex melancholico sanguineus, aut ex pituitoso biliosus, efficiatur, at mores in nostro sunt positi arbitrio, cùm fieri possit, & subindè fiat, ut qui bonus erat & probus, improbus fiat consuetudine vivendi, & è converso, qui improbus, mutato genio & ingenio, probus. Erat Manlius Torquatus in pueritiâ suâ ingenio tam hebeti, ut à patre rus ablegaretur, & tamen postmodùm, cùm in urbem rediisset, pietate in parentem, & meritis in patriam, clarissimus extitit. Nec Scipioni Africano Majori obstitit, quò minùs jugum Carthagini rebeli imponeret primus, quòd solutior nonnihil adolescentia ejus fuisset. Quin immò tantum abest, ut semina malorum morum sive vitiorum in herbâ opprimi nequeant, ut sæpenumerò evellantur etiam, quando jam nonnihil adoleverunt, licet id fiat rariùs. Phœdonem certè ex cinœdo optimum Philosophum Socrates fecit, & ex ebrioso atque impudico adolescente Polemone continentissimum virum item fecit Xenocrates. Quid quòd, si mores animi sequerentur temperamentum.

corporis peremptoriè atque abscissè, sic omnis ratio virtutis & virii, sive rectè & pravè factorum, adeoque tota Philosophia Practica, tolleretur, virtutesquè & vitia non compararentur ampliùs, sed innascerentur, neque libertas arbitrii ulla relinqueretur, verùm temperamentum dominaretur actionibus nostris, neque aliter facere possent homines, quàm temperamentum ipsorum secum fert, quia immò sic omnia bruta prædita forent virtutibus moralibus, quia positrâ causâ adæquarâ necessariò sequitur illud, quod ex causâ illâ fluit, quoniam dans formam, dat etiam consequentia formam.

8. *Sed nec sola Doctrina sufficit ad virtutis moralis generationem*, quia per se in plerisque nihil planè potest absque consuetudine, quæ prima secunda & tercia pars vitæ, fortior quàm doctrina, quæ sine eâ tinnionabulum absque plectro seu linguâ. Quicquid sit, virtus moralis non est scientia propriè dicta, ita ut ad ejus acquisitionem sola doctrina sit sufficiens. I. Quia scientiam mali cum bonis communem habent, virtus autem moralis bonorum est propria. II. Quia virtus moralis, sive mores, pertinent ad appetitum, scientia verò ad intellectum. Benè siquidem vel malè moratum appellamus, nō qui noticiam bonorum vel malorū morum haber, sed qui re & opere bonos vel malos mores exprimit. Ita v. g. fortis est, nō qui scit, quid sit for-

fortiter agere, sed qui fortiter agit. Neque enim scire volumus, quid sit fortitudo, sed esse fortes, quemadmodum etiam sani esse malimus, quam scire, quid sit sanum esse, corporisque habitu bono esse, quam nosse, quid sit bene habere. Quod si exponere naturam fortitudinis non est fortiter agere, ergo nec scientia ejus, quod forte est, fortitudo fuerit. Ut ita virtutis moralis perfectio, non in scientia, seu notitia rerum agendarum, consistat, sed in ipsa actione & praxi, quare nihil minus quam scientia. III. Quia oppositum moralis virtutis vitium morale & ipsum pertinet ad appetitum, non ad intellectum. Ipsa siquidem notitia vitii neminem per se vitiosum reddit: jam vero habitus & privatio ad idem subiectum pertinent.

8. *Non denique vel ipsa Consuetudo sola sufficit ad virtutis moralis generationem*, quia naturam temperamentum & doctrinam, tanquam commilitones, præsupponit hactenus, ut natura cum temperamento tribuat homini virtutem habilitatem sive capacitatem ad virtutem moralem suscipiendam, habile subiectum huic suppetitudo, doctrina tribuat sequacitatem, illud facilitando, consuetudo hinc tribuat complementum, illud è potentiâ naturali & artificiali in actum moralem educendo, ne natura sine doctrinâ sit cæca & surda, doctrina sine naturâ manca, consuetudo sine utraque clauda.

9. *Atque ita Virtutis Moralis Causa Efficiens.*

eiens, præter Deum φιλάρετον, est Natura, est Temperamentum, est Doctrina, est Consuetudo conjunctim.

10. *Natura initiativè inclinativè & dispositivè* : Semel prout naturale distinguitur contra supernaturale, quia aliàs Deus solus concurreret ad faciendum hominem virtuosum five studiosum : Iterum, prout naturale post lapsum, in statu apostasiæ, distinguitur contra naturale antè lapsum, in statu integritatis, in quo virtus homini fuit connaturalis, quia fuit pars imaginis divinæ, itaque à Deo creatus est Adam, ut virtutibus fuerit instructus, nec magis nudus ab his, quàm cælum à suis ornamentis, aut terra absque herbis, virtute pro tunc existente bono φυσικῶ, tanquàm à naturâ naturante infuso habitu, non ἐπικτήτῳ, studio acquisito, ut nunc in statu corruptionis post lapsum, in quo virtus naturalis esse desiit, si minùs quoad radicem, & inclinationem ad decus & honestatem, quia natura hominis etiamnum talis, ut virtute informati quomodolibet possit, minimùm quoad habitum completum & perfectum, sive quoad virtutem perfectam, ut est habitus : Adhuc, prout naturale distinguitur contra violentum, quia virtus non est res violenta, & contra naturam, ut quæ nobis insit à principio intrinseco, cùm violentia sit à principio extrinseco, & contra voluntarium, quia se-

cūs

cùs sequeretur, quod in voluntate nostrà non esset, acquirere virtutes morales, vel non acquirere : Denique prout naturale distinguitur contra casuale, quoniam virtus est effectus à nobis intentus, proveniens ab actibus à nobis intentis, 'contraquè artificiale', quoniam eadem virtus non est ab arte, nisi invitativè. Id ita esse, hoc est, virtutem moralem esse à naturà imitativè inclinativè & dispositivè, ratione, inquam, seminarii inchoamenti rudimenti inclinamenti, & non quoad esse perfectum, id verò vincunt, immò evincunt, hæ rationes. I. Quia virtus moralis, aut est præter naturam, aut contra naturam, aut supra naturam, aut secundum naturam, ac proinde naturalis : Atquì non est præter naturam, quia non est præter intentionem ac scopum naturæ, neque contra naturam, quia non infert voluntati nostræ violentiam, sed huic maximam potius affert perfectionem, sed nec supra naturam, quoniam illa debent esse & fieri supra naturam, quæ à diviniore aliquo oriuntur principio, quorumvè adeò principia non sunt in nobis, sed supra nos, id quod de virtute morali dici nequit : Ergò secundum naturam, tanquam ipsius perfectiva. II. Quia homo naturà suà est particeps rationis, huicquè naturale est, secundum rationem vivere : Quare, cùm actiones virtutum sint consentaneæ rectæ rationi, consequens est, ut hominis quoque natu-

re convenientes sint. III. Quia homo per naturam inclinatur, sicut ad cognitionem veri, ita ad appetitionem boni: jam verò, sicut virtutes intellectuales feruntur in verum, ita virtutes morales in bonum: Quæ ided nonnō naturales. IV. Quia quasi congenita sunt etiamnum homini principia tam Theoretica, quàm Practica, ex quibus virtutes, tam mentis, quàm moris, deducuntur, insita semina, radices, inclinationes, propensiones, proclivitates, facilitates ad virtutem, quæ naturalis aptitudo ad virtutem percipiendam si desit, hircum mulgebis, de virtute introducendâ si laboraveris, cū negatâ potentiâ naturali negetur quoque potentia artificialis, negatâque potentiâ primâ, negetur quoque secunda, quæ ided etiam hæctenus naturalis. V. Quia secū, provida illa mater natura, minūs sollicita fuisse de homine, quàm de brutis, quibus media dedit, quibus intervenientibus possunt adipisci finem suum, homini non item, si virtus huic non naturalis.

12. At nō quoad esse perfectū tamē, tū quia habitus moralis est *acquisitivus*, ideoque voluntarius necessariò, & per consequens non purè naturalis, cū nullus habitus *acquisitivus* homini innascatur, tum quia habitus moralis acquiritur etiam institutione & assuefactione, jam verò, quicquid etiam studio industriâ assuetudine acquiritur, illud

non

non est purè naturale , quia acquisitum & innatum sunt opposita , quæ simul stare nequeunt, tum quia, si virtus moralis hoc modo naturalis esset, omnibus hominibus inesset, ad infantes usque inclusivè, sicut naturales facultates videmus inesse omnibus, sicquè adeò nasceremur cum eâ, ut cum oculis, manibus, pedibus, sicquè quin provenirent, quemadmodum videmus provenire barbam & dentes post nativitatem, & verò etiam tunc inanis foret omnis institutio atque educatio, quoniam omnes à primis annis virtutibus & orationibus essemus præditi, ne nequè vitiosè ageret, vitiisvè assuescere posset, quoniam ad id, quod hoc pacto est à naturâ insitum, nihil proficit contraria consuetudo, uti patet in terrâ, quæ, quia nativam habet gravitatem, quâ deorsum tendit, licet versus locum superiorem sæpiùs jaciatur, nunquam tamen ad ascendendum sponte naturæ assuescit, tum quia, si virtutes morales hoc modo naturales essent, nemo iis mereretur laudem aut præmium, cum nemo, nisi ex libero actu, laudetur præmievè, tum quia, quæ à naturâ sunt, in iis potentiæ priores sunt actionibus, si non tempore, saltem naturâ, quomodo visus prior visione, auditus prior actu audieridi, & sic ratio prior actu ratiocinandi, voluntas prior actu volendi, at in virtute morali prior est actio, posterior potentia, quoniam virtute præditus non est, nisi qui, quæ virtutis sunt, antè egit, cum

nascatur ex crebris actionibus: tū deniq; quia quæ naturā nobis insunt, de his non necesse est ferre leges, quæ naturalibus ferri haud solent, eò quòd nec commendationē nec emendationē mereantur, de virtutibus autem comparandis, & vitiis fugiendis, feruntur leges, commendatrices virtutum, emendatrices vitiorum, quæ idè non sunt de numero merè naturalium.

13. *Temperamentum coinclinativè & condifpositivè.* Negari quippè non potest, licet complexio non faciat de per se ad acquisitionem virtutum moralium, tamen multum huc facere inclinativè, quia secundum diversitatem complexionum de facili vel difficili aliqui sunt virtuosi. Quòd si prava partium corporis temperies planè tollere usum rationis potest, ut fit in phrenesi, & similibus affectibus, immò animam ipsam à corpore separare, & mortem accersere, dubitari non potest, quin eadem multum vel juvare vel impedire voluntatem actionesquè nostras possit, vitamquè adeò omnem. Est etiam ab illā temperie sine dubio, quòd hominum alii aliis nascantur ad virtutes vel vitia procliviores, quòd hic sit satus ad pacem, hic castrensibus utilis armis, quodquè Castor gaudeat equis, ovo prognatus eodem pugnīs, feminaquè adeò naturæ quisque sequatur suæ. Sed scilicet sequi temperamentum contingit dupliciter, vel necessario, ut causam principalem & adæquatam, quomodo odores colores & sapes sequuntur

tur

tur temperamentum, mores item animi, qui competunt ab ortu, vel universo generi humano, vel alicui nationi, vel etiam alicui individuo, vel non adeò necessariò, cùm nata sint studio atque assuetudine immutari, atque hujus generis sunt mores, qui competunt in progressu, sive sint leves dispositiones, sive constantes habitus, qui assuetudine comparantur, & cognitionem exposcunt, atque hi sunt hujus loci.

14. *Doctrina hinc invitativè excitativè atque provocativè*, propositâ virtutis præstantiâ atque utilitate, vitii verò turpitudine & noxâ, quæ, utut non sit causa proxima immediata atque adæquata virtutis moralis, tum quia nulli inveniuntur præceptores, qui eam doceant Practicè, sanam mentem ipso actu communicando, mediantibus præceptis methodicè dispositis, quibus virtutis natura per definitiones & divisiones déclaratur, canones praxin dirigentes traduntur, rationesquè ad hanc incitantes afferuntur, docibiles interim Theoreticè, nempe quatenus pueri adolescentes, quid justum, quid injustum, quid sanctum, quid profanum sit, quæ agenda, quæ non, doceri valent à nutrice, matre, patre, pædagogo, Poëtis, Philosophis, legum conditoribus, quid, quando, quomodo, ubi, cur, ex naturâ virtutis sit agendum, tum quia sic æqualiter sermones omnibus prodesse ad virtutis moralis generationem.

cum sermo inest homini à totâ specie, hique
 idè sermones similes debeant habere effe-
 ctus, similiterquè omnibus hominibus pro-
 desse, cum objecta sunt similia, quia omnes
 homines sunt ejusdem speciei, cum contrà
 comperiamus multos multa discerequè & di-
 cere, at pauca facere, ut, inquam, non sit
 causa proxima immediata atque adæquata
 virtutis moralis, tamen est ejusdem causa
 remota mediata inadæquata, tum quia, si-
 cut terram, antequam semen huic mandes,
 subigi arari occari convenit, ita & animum
 ejus, qui in bonis moribus est instituendus,
 convenit multò ante præcoli, ut honestis
 rebus gaudeat, turpibus contrà offendatur,
 tum quia, sicut in artibus opus adjuvantibus
 causis, ita & in moribus, quas inter non po-
 strema doctrina seu disciplina, tum quia
 ob virtutis moralis adeptionem paratur do-
 ctrina, parantur admonitiones, adhortatio-
 nes, persuasiones, castigationes verbales, paren-
 tum, amicorum, præceptorum, apud ratio-
 ne ducibiles & castigabiles, corrigibiles, in-
 quam, & persuasibiles, quæ res argumento
 utique, quamvis virtus moralis non acqui-
 ratur proximè & unicè per doctrinam, quæ
 ad generationem ejus concurrat per accidens,
 sicut ad virtutis intellectualis generationem
 consuetudo, tamen non acquiri citra doctri-
 nam, fide rationum. I. Quia ad omnem
 habitum acquisitum, qualis suo loco etiam,
 est

est virtus moralis, præter naturam & exercitationem, desideratur doctrina, sine qua natura cæca, & exercitatio inanca. II. Quia ad comparandam virtutem moralem requiritur, tum appetitio & prosecutio boni, tum averfatio & fuga mali, utraque autem præsupponit notitiam boni & mali, quæ contingere nequit sine doctrinâ, præscribente, quid sit honestum & turpe, quid eligendum & averfandum, adeoque afferente notitiam illam, sine qua impossibile, ut virtus moralis acquiratur. III. Quia, si ad virtutis moralis generationem nihil conferret suo loco doctrina, tunc vana atque inutilis effet tota Philosophia Practica, quæ tradit præcepta honestè vivendi. Quid multis? Quamvis litteræ virtutem dare non possint, animum tamen ad illam accipiendam præparant, atque ut eam quosdam impetus à naturâ suam at, perficienda tamen doctrinâ est, à quâ doctrinâ licet non sit virtus ut ab operante & producente, est tamen ut à dirigente.

7. *Consuetudo denique completivè sive perfectivè, quæ tanquam causâ proximâ posita, ponitur virtus moralis, & sublatâ tollitur.* Virtutis moralis causam proximam esse consuetudinem, probatur. I. Quia virtus moralis Latinis sic dicitur à more, prout mos naturalis, vel quodammodo naturalem, inclinationem ad aliquid agendum, significat. Græcis verò *ἥθος*, vel ab *ἦθος*, vel ab *ἦθος*.

cum potissimum assuefactione seu consuetudine paretur, sicut virtus intellectualis doctrinâ seu institutione, sive genesis, sive auxesin, sive statum ejus spectes, item *ὁρμη* ab appetitu, subjecto suo, in quo propriè locum habet mos. II. Quia omnes habitus acquisiti actionibus vel crebrioribus vel paucioribus, siquidem validiores sunt, & validioris agentis, parantur, fidem faciēte experientiâ: Quare & virtus moralis. Quæ enim facienda sunt discuntibus, ea facientes & faciendo discimus. Ita, qui ædificant, ædificando architecti fiunt, qui canunt, canendo citharædi, eundemquæ ad modum justa facientes justî, temperantia temperantes, fortia fortes. Arque hujus loci sunt pervulgata illa & protrita: Agri, licet maximè pingues sint, culturâ cessante sterilescunt, & licet maximè steriles sint, adhibitâ culturâ convalescunt: Silices itinere formicarum atteruntur: Ipsum ferrum atque æs sensim manibus tractantium atteritur: Rotæ paulatim circumrotando curvantur: Gutta cavat lapidem, non vi, sed sæpè cadendo: Cura potest omnia, nam & Isthmum perfodere potuit. Etc. Usque aded.

Omnia conando docilis solertia vincit:

Quo in versu Maniliano, sicut solertia refertur ad naturam, docilitas ad doctrinam, ita conatus ad assuefactionem sive consuetudinem.

16. Cæterum, cum virtus moralis dicitur esse

esse à naturâ, per naturam hîc non tam intelliguntur ipsæ facultates naturales, quàm naturæ quædam prærogativa, quam *Εὐφροσύνη* vocant Græcè Philosophantes, quæ nihil aliud, quàm *διπληρεὶα φύσεως, ἢ διπληρεὶα σώματος καὶ ψυχῆς*, rectè, inquam, compositus animus, cū bono réperamento corporis, quādo mēs sana est in corpore sano. Latine Philosophantes ingeniū vertunt. Bis malè, quia ἡ εὐφροσύνη contrahitur per τὸ εὖ, propterea què non est indifferēs, ut ingeniū, quod vel bonū, vel malū, unde alii per bonū ingenium eam reddidēre differentię causā. Certè si *εὐφροσύνη* malam diceremus, proferremus pugnantia. Judiciū vertunt alii. Et ipsi malè, quia multi iudicio valen', qui tamē ingenio vidētur esse obrusi & tardi, eo modo, quo videmus multos pollere memoriā, & carere interim iudicio. Ne dicā, iudiciū solūm pertinere ad vim cognoscendi, *εὐφροσύνη* autem etiā ad vim appetendi.

17. *Εὐφροσύνη* hac duplex est, *Animi & Corporis*. *Εὐφροσύνη* *Animi* est, quæ vel in resū contemplatione, quid verū aut falsum sit, optimè intelligit, vel in rebus agēdis, quid expectendū aut fugiendū sit, optimè novit. Et ipsa duplex, *Theoretica & Practica*, per quarum illam homo benè se habet ad iudiciū veri & falsi, per hanc verò idem homo item benè se habet ad electionē boni, & fugam mali. *Εὐφροσύνη* *Corporis* est optima partium corporis constitutio & conformatio, cum usu earum.

conveniente. Tribus, quod ajunt, verbis, *Quia* in genere est bona corporis & animi constitutio, cum ad verum, tum ad bonum, comprehendens, præter corpus bellè temperatum, sagax ingenium, acre & solidum judicium, fidelem memoriam, & bonam indolem, aliasquè dotes naturales, quæ ex benè temperato corpore ferè consequuntur, originaliterquè ac radicaliter pendent à corporis dispositione, formaliter interim sunt animi.

18. *Sicut & Institutio duplex, Theoretica & Practica*, quarum illa comparata ad sciendum, ideoquè scientiæ propria, & τῶν θεωρητικῶν contemplabilem, hæc comparata ad agendum, ideoquè prudentiæ propria, & τῶν πρακτικῶν agibilem.

19. *Ad virtutis moralis studium necessaria utraque: Institutio Theoretica idèd*, tum quia virtutes morales regi convenit eruditione & doctrinâ, unde dicitur vulgò, studia abire in mores, tum quia contemplatione rerum hominis animus acuitur, omnesquè ad disciplinas capeßendas paratior redditur, eadem quin contemplatio animum n̄ avocat à corpore, corporeisque voluptatibus, faciens, ut nos ipsos n̄scamus, quæ scientia omnium virtutum origo, tum quia eadem communia tradit principia, de vero, bono, actu, potentiâ, necessitate, contingentia, fato, providentiâ, animæ facultatibus, & potentiis naturalibus, dispositionibus item & habitibus, & si quæ sunt generis.

generis ejusdem, quorum in practicis usus est maximus, & tantum non perpetuus, ipsa quin Philosophia Practica sua principia ab hac accipit, tum quia multa suo loco suppetat argumenta, quæ nos ad virtutem invitant, sumpta ab animi opificio seu architecturâ, qui, si liber, non igitur se perturbationibus subiciat, si immortalis, non igitur magnificiat mortalia, si incorporeus, elevetur igitur supra corpus, si simplex & purus, non igitur se terrenâ fece inficiat, si formosus, non igitur se per vitia deformet, si Dei proles, æmuletur igitur, ut generosa proles, parentem, si denique particeps rationis, rectè igitur formatam & firmatam sequatur, non autem deviantes sensus: *Institutio Practica* idèò, quia neglectis urenda filix innascitur agris, hoc est, optimè natis atque ingeniatis ingeniis vitia, præsertim si prava sodalitia accedant, quorum ad corumpendos animos vis maxima. Ut enim morbi quidam contactu corporum ad alios transiliunt, ita mores animorum transennt ad alios insensibiliter, per latentem alluvionem factorum, ex quibus paulatim nascitur habitus. Quemadmodum namque minuta quædam animalia, cum mordent, non sentiuntur, adèò tenuis illis & fallens in periculum vis est, tumor indicat morsum, & in ipso interim tumore nullum vulnus apparet, idem in conversatione malorum usus.

usuvenit, non deprehendis, quemadmodum
& quando noceant, nocuisse deprehendis:
Sed magis interim Practica, quàm Theoretica,
& propter dignitatem subjecti, quod illius vo-
luntas, quæ proximius principium actionis,
hujus intellectus, qui remotius, & propter
excellentiam objecti, quod illius bonum, hu-
jus verum, & propter nobilitatem finis pro-
ximi, qui illius, ut benè beatequè vivamus,
hujus ut benè beatequè vivendi rationem
& viam sciamus.

CAPUT XXVI

*Qua Actionum Consuetudinalium, quibus Vir-
tus Moralis acquiritur, tanquam causis, ut Quan-
titas, ita Qualitas? Et an specie, an verò gradu,
differant ab illis, quæ illa acquisita edit, tanquam ef-
fecta? Quæquè adeò sit Signatura habitus contracti?*

S¹. Cùm consuetudine, hoc est, crebrâ mora-
lium actionum repetitione, proximè ac-
quiratur virtus moralis seu morum, hacquè ejus
sua causa immediata, questionis est, quot &
quibus actionibus illa comparetur, & quoad
quantitatem confusè, & quoad qualitatem di-
stinctè.

2. Illud in confesso, quod attinet quantita-
tem actuum, quibus virtus moralis proximè
debet suam vitam, & suum esse, habitum
virtutis moralis non causari per unum actum,
sed per multos, ideoquè necessariò eosdem ac-
tus pluries iterandos esse ad contrahendum
ha-

habitus virtutis moralis. Quemadmodum enim ignis, quia non potest totaliter vincere suum combustibile uno actu, non statim inflammat illud, sed paulatim abjicit contrarias dispositiones, ut sic totaliter vincens ipsum, similitudinem suam ipsi imprimat, idem gemino modo tenet in virtutis generatione, cujus habitus non causatur per unum actum, sed per multos, impedimentis generationis successivè sublati, quò sic sternatur via ad habitum. Ut ita ex pluribus actibus surgat & consurgat habitus virtutis moralis, numerus interim numerans actionum, quibus generatur, exactè nequeat definiti in hypothesi. Plures enim vel pauciores requiruntur, prout animus ad virtutem moralem magis aut minùs dispositus, prout denique actiones validiores sunt, aut minùs validæ, actionum paucitatem valore & vigore earum compensante, sicut excavationem in lapide produci videmus, vel à multis guttis extensivè, vel à re validà paucis ictibus intensivè.

3. *Quod porrò attinet qualitatem actionum, quibus virtus moralis generatur, ea verò constare debent certâ quâdam mediocritate excessum inter & defectum.* Quemadmodum enim oppositum vitium morale oritur ex operationibus extremis, hoc est, excessivis & defectivis, ita virtus moralis, vi oppositionis ex mediis, utrisquè tam internis, quæ
prox.

proximè constituunt ut virtutem ita vitium, quàm externis, quæ indicant & ostendunt eandemmet virtutem, & idemmet vitium, extremis operationibus gignentibus vitium, corrumpentibus virtutem, mediis contra gignentibus virtutem, corrumpentibus vitium. Quæ enim medio conservantur, illa corrumpuntur extremis, sicut, quæ conservantur extremis, illa corrumpuntur medio, quod invenire ac determinare, persuadere verum & totale, secundum rectam rationem, exigentiamquè & sufficientiam omnium circumstantiarum, quæ requiruntur ad bonum & laudabilem actum moralem, perdifficile, & tantum non impossibile, cum sit unicum. Quemadmodum enim non est cujusvis, sed periti artificis, invenire centrum in circulo, quod est medium rei, ita non est cujusvis, sed prudentis, invenire medium in affectibus & actionibus, quod est medium rationis, & si difficile, investigare medium rei, quod immutabile atque idem semper, cum semper eodem modo se habeat ad sua extrema, à quibus distat æqualiter, quanto difficilius erit invenire medium rationis, quod varium & mutabile, pro occasionum & circumstantiarum occurso, neque semper eodem modo se habens ad sua extrema, à quibus distat inæqualiter, hoc difficilius, quia in rebus singulis hoc scrutinium versatur, quæ ad vivum ressecari, & ad libellam per-
inadè

indè quadrari nequeunt, ut res universæ, cò quòd non tam sub rationem, quàm sub sensum, cadant, quorum autem criterium seu crisis est penes sensum, ea exquisitam determinationem non admittunt, cùm sint infinita, tantamquè habeant varietatem, ut perdifficile sit, in his certam regulam constituere, definirequè verbis, quid in quâlibet re sit agendum, ut teneas medium, nec in vitium te ducat culpæ fuga, si caret arte, quod stultorum proprium, qui, dum vitant vitia, in contraria currunt, ignorantia mediæ, inquè Scyllam incidunt, dum gestiunt vitare Charybdin, id quod præcepto Circes cavendum cum Ulysse Homérico hoc loco.

4. *Sicut verò dantur actiones mediocres, quæ virtutis moralis generationem antecedunt, ut causa, ita dantur adhuc alia, quæ eandem consequuntur, ut effecta.* Neque enim actiones sunt tantum causæ, verum etiam effecta virtutis moralis, sed aliter atque aliter: Causæ hætenus, quia in potentiis activis & factivis, quæ acquiruntur exercitio disciplinâ & consuetudine, cujusmodi sunt artes & habitus morales, operatio prior tempore, quàm potentia sive habitus, quoniam nisi v. g. quis fidibus cecinerit frequenter, non fit fidicen, nec ædificator, qui non subindè ædificavit, oratorvè, qui non oravit: Effecta hætenus, quia sicut actiones præcedentes gignunt ac generant habitum, ita subsequentes sequuntur

480 INSTIT. ETHICARUM
tur habitum productum, illæ pariunt, hæ
pariuntur.

5. *De his quæri solet, specienè an gradu differant?* Qui gradu differre volunt, non specie, his insistent argumentis. I. Quia, quæ differunt saltem gradibus & perfectione, ea specie haud differant: Atqui hæc duo actionum genera differunt saltem gradibus & perfectione, cum alteræ sint, vel à naturâ, vel à dispositione quâdam, tendente ad habitum, alteræ verò ab habitu, illæ probæ materialiter, licet non fiant probè formaliter, hæ & probæ nominaliter, & probè adverbialiter, illæ etiam non probi hominis, hæ nonnisi probi, illæ conjunctæ cum difficultate & molestiâ, ob sui imperfectionem, adeoque cum dolore, hæ sine difficultate & molestiâ, ob sui perfectionem, adeoque cum voluptate, illæ inconstantes, ut quæ pendeant mediata ex recto rationis judicio, & huic congruente proæresi, hæ verò constantes, ut quæ pendeant inde immediatè. II. Quia dispositio & habitus non differant specie, sed gradu tantum, id est, ut perfectum, & imperfectum, similiterque actiones, virtutem moralem antecedentes & consequentes, quarum illæ à dispositione, hæ ab habitu. III. Quia actus secundi oriantur ex primis, qui, cum specie sint distincti, ut secundi etiam distinguantur specie necesse esse, quales omnes actus antecedentes & consequentes. IV. Quia

Quia illæ actiones differant specie, quæ & definitione, cum definitio explicet speciem rei, actus verò primi & secundi differant definitione, ingrediente definitionem secundi actus primo. III. Quia actio .habitu consequens, formâ differat ab antecedente actione, proximè constituyente habitum, uti deprehendere est in habitu justitiæ, cujus actio præcurrens iusta quidem, at non iustè facta, enimverò actio sequens habitum ejus, illa verò, & iusta, & iustè facta, quæ idè specie differat ab illâ. IV. Quia actiones antecedentes non sint morales, cum non pendeant ex habitu morali, more & assuetudine comparato, quo cum careant, solum æquivocè morales videri possint, non univocè, ut consequentes actiones, quæ idè ultimâ specie differant, licet conveniant genere proximo. V. Denique, quia actiones præcurrentes sint imperfectæ & inconstantes, ob internam pugnam perturbationum, consequentes verò perfectæ & constantes, ob earundem sedimentum & moderationem, ideoquè proximâ formâ ac specie distinctæ. Pro me, distinguem fortè cum Contrado Hornejo, easquè in rigore, nec specie easdem esse, sed nec toto item genere differre, dicerem. Quamvis enim eadem sint materialiter, tamen non sunt eadem formaliter, saltem non omninò formaliter eadem, uti nec diversæ omninò formaliter, quia imperfectio & perfectio actionum

ctionum accidentalem tantum parit differentiam, eò quòd magis perfectum & minus perfectum in accidentibus haud mutet formam, quem vide, comparantem eas animali perfectò, procreato à parentibus calore feminis, & imperfectò, productò à calore solis ex putridà materiâ, alteris harum existentibus ante habitum, & sine habitu, ad quem tendunt, tanquam ad terminum ad quem, alteris post habitum, & cum habitu, à quo tendunt, tanquam à termino à quo. Quod attinet rationes Francisci Piccolomini, ut præallegatas, ita præallegandas, asserentis, quamvis actiones antecedentes & consequentes habitum virtutis moralis extrinsecus conveniant, genere item & formâ remotâ, necnon fine, intrinsecus tamen, & formâ proximâ, à quâ actiones morales proximè formantur & constituuntur, differre, adeoque specie, non gradu, ex verò sic refelluntur. Primæ, negari id de actibus primis principalibus, unde actus secundi fluunt, quos morales appellant, cùm una sit causa principalis utrorumque actuum, sicut & de instrumentalibus actibus, sive habitibus, qui sunt instrumenta facultatum. Quidni enim effecta specie eadem, possint ab eadem causâ principali, per instrumenta non eadem, produci? Secunda, differre quandoque definitione, quæ non item differunt specie, quomodo alia v.g. hominis,

alia

alia regis, definitio, neque tamen rex ab homine specie differt, similiterquè nec actiones antecedentes à consequentibus, quæ ut habeant diversam definitionem accidentalem, tamen non perindè diversam habent essentialem. Nec obstat, quòd in definitione actionum, quæ habitum, sequuntur, fiat mentio habitus, quem vulgò actum primum vocant. Neque enim idèd, quia habitus aliquid confert ad actiones sequentes habitum, nihil autem ad antecedentes, specie differunt actiones illæ morales; cùm eas causa principalis producat utrasque, alteras sine habitu, alteras cum habitu, & per habitum. Tertia, actionis antecedentis habitum, & consequentis, formam essentialem non esse modum, quæ actio alia dicatur justa, at non justè facta, alia & justa, & justè facta, verùm conformitatem cum lege, cui utraque suo loco est conformis, & ea, quæ tantum est justa, & ea, quæ & justa, & justè facta simul. Accedit ad cumulum, quòd nec modus planè sit alius & diversus specie. Nam & actiones habitum antecedentes proficiuntur à sciente, consultò, & ex virtutis amore, utut nondum ita confirmatum sit propositum, ut in actionibus habitum excipientibus. Quarta, quamvis actio, habitum more comparatum sequens, *κατ' ἐξοχήν* moralis appelletur, tamen antecedentem malè idèd æquivocè talem nuncupari, cùm utriusque causa principa-

quam qui sentit, ne ille inde de habitu virtutis moralis perfectè acquisito certus esse potest, sicut è converso, quisquis in agendo adhuc sentit dolorem, inde colligere potest, se adhuc abesse ab habitu, ejusquè perfectione, hoc magis, quò majorem sentit dolorem. *Sunt & alia signa crescentis vel adultæ virtutis moralis*, cujus si accessio, atq; , ut ita dicam, alluvio, deprehendi non posset, nã tunc equali semper pondere vitium huic appensum hæreret, cumquè profecisse nos in Grammaticâ Rhetoricâ Logicâ sentiamus, quidni & in virtute, ac bonis moribus, ad quorum perfectionem non pervenitur in instanti, quasquè per saltum, quare non magis sine sensu, quàm viator, qui continuò progreditur, & ab uno termino longiùs se recedere, atque ad alterum propriùs accedere, sentit ambulando. Quòd si tanta esset acceleratio mutationis, ut, qui manè fuerat duplex *xx*, sive pessimus, vesperi fieret duplex *ææ*, sive optimus, aut si alicui usuveniret, ut, cùm obdormivisset vitiosus, expergisceretur virtuosus, non tamen, ut puto, ille ignoraret, ita se à seipso intra id spacium esse mutatum, modò recordari præteritorum posset. Quæ illa? I. Studium indefessum, & sitis inexhausta honestarum actionum, si quis continuò & æquabiliter, sinequè offensâ, his det operam, harumquè desiderio æstuet semper, nec jam calidus, jam tepidus aut frigidus existat, ullamvè rei benè gerendæ occasio,

nem prætermittat, ægrè quin ferat, sibi occasionem exerendæ atque exercendæ virtutis præcidi. Quod si quæ interdum induciæ laboris intercedant, ut intercedant, dum feriæ illæ non sint ocii aut desidæ modò, verùm huc comparatæ, uti hoc pacto recolletis viribus ad officium hoc acriùs & alacriùs redeatur, etiam hætenus confirmabitur vir bonus, virtute præditus, de suo in illam studio, affectu, & profectu. Neque enim similis est planetarum, qui motu inæquali feruntur, & jam progrediuntur celerius, mox incedunt tardius, hinc subsistunt, demùm planè regrediuntur: Sed nec similis calamo, cujus ab initio longiora sunt internodia, at quò assurgunt altiùs, hoc magis contrahuntur: Nedum Vacunæ filii, quibus semper feriæ, verùm maleferiatæ. II. Facilitas operandi, si cui virtutis via non ampliùs sit acclivis & ardua, sed declivis facilis plana atque expedita, ita ut cupiditates, vel nullas, vel multò, quàm olim, leniores sentiat, superatquè faciliores, si nominatim cunctatione magis peccet, quàm temeritate, aliorum admiratione, quàm contemptu, duritiâ, quàm mollitie & luxu, lentitudine, quàm iracundiâ, maledicta non pluris faciens, quàm rotæ stridorem, garrutum picæ, latratum canis, ventrisquè crepitum. III. Æmulationis hinc studium, si quis virtutes, & aliorum præclarè facta, non probet tantùm & laudet, sed etiam imi-

tetur, neque verò invidet aliis, cum eos videt virtute antecellere, quin potius horum virtutem admiretur, idque non solum, cum secundis rebus florent, sed etiam cum adversis opprimuntur, exilio Aristides, vinculis Anaxagoras, paupertate Socrates. I V. Conjectura è somniis, si per quietem turbulentis quis haud vexetur insomniis. Hæc siquidem honestorum somnia præsumtivè. Unde Zeno ex his deprehendi posse ait, quantum quis in litteris & moribus profecerit. Ut enim in somno ferè quiescat ratio, tamen pars animi bruta bonis in viris ita subacta est, ut nil nisi ingenuum promittat & promat, criteriumque bonæ mentis & boni moris sit exinadè, sicut malæ mentis & mali moris argumentum eadem in malis viris, nondum sub jugum rationis missa, atque morata benè.

CAPUT XXVI.

De Fine Virtutis Moralis his causis descripta:

Et; an simplex ea, an verò multiplex?

§. 1. *Finis Virtutis Moralis duplex constituitur, Summus & Subordinatus.*

2. *Finis Summus Virtutis Moralis sive Morum est gloria Dei, qui creati hominis, & reanti moraliter, scopus ultimus atque architectonicus.*

3. *Finis Subordinatus Virtutis Moralis sive Morum in genere intrinsecè est καλὸν ἡθικόν, morum internorum probitas &*

honestas, extrinsecè ἡ Καλοκ'αγαθία τῶν Τρεῶ-
πων, morum externorum probitas & hone-
stas, in specie verò τὸ Καλόν, Honestum cujusq;
Virtutis, qui finis ejus internus, & τὸ Πρέπον,
Decorum cujusque Virtutis, qui finis ejus ex-
ternus, v g, liberalitatis καλόν, ut tam δόσεις
quàm λήψεις fiat honesti causâ, πρέπον, ut u-
traque fiat observatis circumstantiis persona-
rum, quantitatis, qualitatis, loci, temporis.

4. *Qua Virtus Moralis, an una Numero,*
cum Menedemo Eretrienſi, qui censuit, vir-
tutes morales unam esse, nomine & objectis
tantum differre, non essentiâ & naturâ, neque
formâ discretas esse, sed solâ materie, adeoque
synonimas esse, ut ensis & gladius: Aristoteli
item Chio, qui asseruit, unicam quoad
substantiam virtutem moralem dari, nempe
sanitatem, respectu autem certarum rerum
plures, ut si quis vellet visum nostrum, quan-
do res albas intuetur, λευκῶ θεαν, alborum spe-
ctatorem, quando nigras, μελαίνῶ θεαν, nigro-
rum spectatorem, aut aliâ simili ratione, ap-
pellare, conque venienter has solummodo
variis designari voluit nominibus, quatenus
ad varia referuntur, ideoque extrinsecus
tantum secerni, non intrinsecus; Socrate
hinc & Platone, qui omnes virtutes mora-
les redigere in unam prudentiam: deni-
que Zenone Stoico, qui asseveravit asseve-
ranter & ipse, omnem virtutem moralem
nonnisi unam esse, eamque prudentiam

nun-

nuncupavit, adeò ut fortitudo ipsi esset prudentia in rebus gerendis, justitia in rebus distribuendis. Etc.

5. *An verò plures, & Numero, & Specie* cum Aristotele, neque interim innumeræ cum Chrysippo, qui secundum singulas denominationes qualitatum singulas virtutes constituit, teste Plutarcho, à gratioso gratiositatem, bono bonitudinem, magno magnitudinem, honesto honestitudinem, & sic in infinitum, exemplo passionum, quæ penè innumeræ, hæc de re controversia est sanè quàm anceps.

• 6. Ego cum illis facio, qui pro pluralitate virtutis moralis, contra ejus unitatem, arma expediunt, hisquè utuntur telis. I. Quia virtutes morales, quæ occupantur circa passiones diversas, diversificentur secundum illas passiones, pertinentes ad distinctos appetitus, aliæ ad appetitum concupiscendi, aliæ ad appetitum irascendi, cumquè sint mediocritates distinctarum passionum, idèò & ipsæ distinctæ sint, eò quòd forma & materia sint ad aliquid, distinctæquè materie forma quoque sit distincta. II. Quia virtutes morales, quæ occupantur circa operationes, distinguantur ab his, quæ occupantur circa passiones, virtutes, inquæ, productivæ & directivæ operationum, ab his, quæ sunt productivæ & directivæ passionum. Cum enim objecta distinctarum virtutum sint distincta, v g, res terribiles, cibus & potus, divitiæ,

honores, contractus, ipsas quoque virtutes distinctas esse. III. Quia non iisdem actibus acquirantur omnes, aliis fortitudo, aliis temperantia, agendoquè fortia quis evadat fortis, non temperans, & contrà, agendo temperantia temperans, non fortis, nisi ex eventu. IV. Quia nonnullos videamus magis aptos ad unam virtutem moralem, quàm ad aliam, aliunquè ad aliam magis minusvè inclinari per corporis temperamentum. V. Denique, quia à se invicem sint separabiles, cùm non omnes sint fortes, qui temperantes, liberales, qui taciturni, nec omnes magnanimi, qui iusti.

7. Sed scilicet una virtus naturâ effectû ac materiâ multiplex esse potest, sicut ignis natura una cùm sit, varias interim urit materias, cultri item una natura cùm sit, varia tamen secatur, & cùm aspectus noster similiter unus sit, siquidem cernat nigra, alius, sin alba, iterùm aliùs videtur, ratione subiectæ materiæ.

C A P U T XXVII

De Virtutum Moralium Connexione in Prudentiâ secundum Thomam, earundemquè Inconnexione secundum Scotum, cum Synerisi Philosophicâ.

§. I. **V**irtutes has Morales Thomas necessariò connexas esse ait in Prudentiâ, atque ita quidem connexas, ut, cui una adest, huic adsint omnes, & cui vel una deest, hic omnibus exciderit, hocquè suum Philosophema astructum it his argumentis. I. Quia, ubi-

ubique est prudentia, consiliativa judicativa & præceptiva eorum, quæ sunt virtutis, ibi fiat omnes virtutes morales : At , ubi est una virtutum moralium , ibi sit prudentia , cum nulla virtus moralis esse possit sine prudentia : Ergo , ubique est una virtus moralis, ibi esse omnes collectivè ! Confirmat hoc ex eo , quia prudentis sit cernere rerum agendarum principia , cerni verò ea nequeant, nisi à mente affectibus liberà & solutà , hoc autem præstare virtutem moralem, quæ prudentiæ ideo sit necessaria , proindeque utraque ut concurrat necesse esse , virtus moralis, ut constituat ac dirigat scopum , prudentia , ut ea , quæ ad scopum, non hæc, aut illa, sed omnia. Prudens namque non est , qui nunc rectè & prudenter quid facit , nunc imprudenter , sed qui rectè omnia moderatur , omnia autem moderari ac dirigere nequit , nisi scopus antè rerum omnium sit definitus : At hoc præstat virtus moralis : Virtus ergo moralis ut cum prudentiâ conspiret ac consentiat, necesse est, non hæc , aut illa , vel ista , sed universa. Jacto hoc fundamento è dictis concludit , quòd omnes virtutes morales sint simul connexæ inter se , & cum prudentiâ , ita ut non separentur , nisi ratione suâ formali ac definitione , cum hoc pacto sint distinctæ , quia habent diversa objecta , circa quæ versantur , diversas potentias , quas perficiunt , diversas item rationes formales , licet hoc stan-

te, neque interim obſtante, in eo, in quo una perfectâ virtus moralis, ſint reliquæ ſimul, unâ cum prudentiâ. Neq; enim dari poteſt perfectâ prudentia, quin inſint omnes virtutes morales, idquæ ſimul, quoniam non priùs videtur oriri prudentia, quàm morales virtutes, nec priùs morales virtutes, quàm prudentia, ex quo ſequitur, unâ datâ etiâ reliquas ibi eſſe. II. Quia, quemadmodum vitia moralia ſummo perè diffident, & cùm virtutem, tum ſeipſa, mutuò deſtruunt, ita ex adverſo virtutes morales inſolubili nexu ligentur, & inſtar Gratiarum ſe mutuò amplectantur, idquæ intervèntu conſiliatricis & conciliatricis prudentiæ. Prudentia quippè vera non eſt, quæ juſta temperans & fortis non eſt, nec perfectâ temperantia, quæ juſta fortis & prudens non eſt, neque integra fortitudo, quæ prudens temperans & juſta non eſt, ſed nec vera juſtitia, quæ prudens fortis & temperans non eſt. Quamvis enim, ut verſantur in propriâ materiâ, & conſideratè ut partes, diſtinctè ſint, tamen per communes quafdam proprietates ſingulæ in ſingulis reperiuntur, quia habent communem finem, qui eſt honeſtum, quò fit, ut cùm unaquæq; ſit honeſta, unaquæq; diligat atq; exoſculetur alteram, & pro facultate ac viribus cū eâ connectatur, cùm finis ſit amoris coagulum. III. Quia hoc ipſum requirat duplex perfectio virtutis moralis, interna videlicet ſeu propria, & externâ ſeu adventitia, quam una virtus moralis accipit ab aliâ.

aliâ virtute morali, quæ adjumento alteri ad operandum, quo adjumento careat, qui præter unam virtutem non habet alias se invicem perficientes. V.G. Sit aliquis temperans in summo gradu, & habeat temperantiam perfectam secundum perfectionem propriam, neq; adjuvetur à perfectione externâ, id est, ab aliis virtutibus, sed sit avarus ex alterâ parte, hic talis non erit perfectè temperans. Si enim proponatur ei adulterium committendum, magnâ vi pecuniæ oblatâ, aut recusabit, aut non: Si non, non erit temperans: Si recusabit, quia est avarus, recusabit cum difficultate, atque ita non erit perfectè temperans, cum non habeat habitum temperantiæ, qui operatur cum facilitate. Sic, sit aliquis intemperans, sed ex alterâ parte justus, & in re judicandâ offeratur aliqua ei voluptas, aut accipiet, & eâ de causâ afferet injuriam alteri, atque ita non erit justus, aut, si non accipiat, neque inferat injuriam, id faciet cum aliquâ difficultate, atq; ita non erit perfectè justus, cum non operetur cū facilitate: Ergo ad hoc, ut virtus aliqua sit perfecta, requiritur, ut ad perfectionem ejus propriam accedat alia perfectio, proveniens ex unaquâq; virtute, ne operatio alterius impediatur. Quod si in aliquo sit virtus perfecta utrâq; perfectione, internâ scilicet & externâ, propriâ, inquam, & alienâ, ne tunc necesse, ut sint in eo omnes virtutes, sintquæ simul, non item, si sit una virtus perfecta tantum una perfectione, hoc est, in-

ternâ & propriâ, quo sensu Plato dixit, claudam esse fortitudinem ex parte dextrâ, si superarer quidem dolores, sed succumberet interim voluptatibus. IV. Quia omnes virtutes morales pendeant à rectâ *αγαθότητι*; recta verò *αγαθότης* sequatur rectam consultationem, recta porro consultatio exposcat rectam finis expeditionem: At cui recta *αγαθότης*, consultatio recta, & finis expeditio recta, competunt, hinc omnes virtutes morales competere necesse sit. V. Quia integrum quiddam sit virtus moralis absoluta atque perfecta, integrum autem, sit, quod omnibus suis membris constar, cōvenienterquē etiam virtus moralis, omnibus virtutibus moralibus particularibus, constituentibus unam universalem, quasi membris integrum, aut speciebus veriùs genus, sive totum universale, VI. Quia, cū de genere aliqujus rei loquimur, debeamus semper optimum absolutū & perfectū illius generis inspicere, cū Platone, agente de Republicâ, Aristotele, agente de demonstratione, Cicerone, agente de Oratore, quare etiam hī. *Contrā* Scotus, perpetuus Thoma impugnator, *Virtutes Morales sive Morum non necessariò inter se connexas esse in prudentiâ asserit*, hocquē suum anti-philosophema astructum ic illis argumentis. I. Quia connexio illa non sit de ratione intrinsecâ virtutum moralium, sive de essentiâ earum, cū non accipiatur in de-

finitio-

finitione earum, sed nec essentiam earum ne-
 cessariò consequatur, verum extrinsecus tan-
 tum, atque ex eventu, his competat, id est,
 contingenter, hoc est, ita, ut possit etiã non
 competere, vel experienciã teste, quæ teste-
 tur, in uno homine hanc, in alio aliam vir-
 tutem moralẽ reperiri, prout magis ad hanc
 vel illam suscipiendam quis est dispositus
 naturaliter, aut huic vel illi magis operam-
 dat moraliter, magis quin etiam abundat op-
 portunitatibus, ad hujus quàm alterius vir-
 tutis actionem necessariis, instrumentaliter.
 Hinc videas, inquit, multos extitisse viros
 fortes, qui tamen fuerunt intemperantes,
 cumquẽ vincerent suã fortitudine viros, vi-
 ctos à foeminis, rursus multos extitisse tem-
 perantes, qui tamen, eò quòd non satis ver-
 sati essent circa terribilia, nec satis instrumẽ-
 torum ad eam rem haberent, haud fuerunt
 fortes. Quid mirum, Scote, quia enim nullius
 virtutis operationibus acquiritur alia virtus
 præter eam, quæ est propria operationis il-
 lius, cum ex similibus operationibus omnes
 generentur habitus, adeoque non ex quavis
 operatione quævis virtus, sed ex determina-
 tâ, nec magis quis actionibus fortitudinis
 fiat temperans, quàm actionibus temperan-
 tiæ fortis, eò quòd una virtus alteri non sit
 ratio, ut sit virtus, quoniã aliàs sequeretur,
 unam esse causam procreantẽ alterius, tum
 unam non prius, quàm alterã, in nobis ge-

nerari, demùm unâ in homine pōsitâ poni omnes, & unâ sublatâ tolli omnes, atque ita consequeretur, aliquam esse virtutē, antequā sit virtus, nullamquē esse primam, immò nullam omninò. Nam si virtus una nequeat esse sine alterâ, tunc v g, temperantia habebit à fortitudine, ut sit virtus, & contrâ, quare fortitudo erit virtus, antequā sit virtus. Temperantia enim non est virtus sine fortitudine, quod si ita, oportet ut fortitudo sit prius virtus: At canon est virtus sine temperantiâ: Fortitudo itaque erit virtus, antequam sit virtus, atque ita nulla erit prima virtus, neq; ulla in nobis prius alterâ generabitur, quoniam nulla reperitur, quæ alias non supponat. Postremò sequetur, quòd nulla planè sit virtus, quia, si una nequit esse virtus, nisi adsint aliæ, & aliæ nequeunt esse sine eâ, una igitur supponet alias, & supponetur ac præsupponetur ab eis, eritquē prior ac posterior aliis, & seipsâ, quare nulla erit virtus. II. Quia perfectiones particulares ita se habeant, ut una esse possit absque alterâ, sanitas v g & pulchritudo oculi sine sanitate & pulchritudine aurium: Virtutes autem morales sint perfectiones particulares: Quare separabiles ab invicē vel in eodem subjecto! III. Quia, si virtutum moralium una nequeat consistere absque alterâ, sic absolutè liceat inferre, neminem fore virtute præditum, cùm nemo apud nos reperiat, in quo omnes virtutes morales inveniantur, quiquē omnes earum operatio-

nes simul producat. IV. Quia nonnullæ virtutum moralium inter se pugnent, ita ut altera repellat alteram, v. g. liberalitas magnificentiam, cum liberalis non sit magnificus, conditiones quin etiam quorundam hominum cum conditione quarundam virtutum pugnent, eò quòd viri pauperes & obscuri possint quidem esse liberales, at non magnifici. V. Quia, sicut virtutes intellectuales, perficientes partem intellectivam, non sint connexæ, cum quis possit habere unam scientiam, sine hoc, ut habeat alteram, ita nec virtutes morales, perficientes partem appetitivam.

3. Verùm hæc Scoti, Doctoris subtilis, sententia de virtutum moralium inconnexione in prudentiâ, sic refutari potest. Quòd enim ait, prudentiam non esse de ratione intrinsecâ virtutum moralium, sed extrinsecus tantum, atque ex eventu, his competere, hoc est, contingenter, id est, ita, ut possit eis etiam non competere, vel experienciâ conteste, quæ contestetur, in hoc homine hanc, in alio aliam, reperiri, id tenet de virtutibus moralibus in grosso, & pingui Minervâ, quod ajunt, non item in ideâ, quomodo una non est sine alterâ, fidem facientibus rationibus pro connexione militantibus. Quòd porrò ait, unum hominem nescio quomodo magis dispositum esse ad unam virtutem suscipiendam, quàm ad aliam, neque pariter ad omnes, id verum de communiter contingentibus scilicet, non

etiā de raro cōtingentibus. Fieri quippè posse videtur, ut aliquis homo æquè sit dispositus ad omnes, utur rarissimè. Et si enim ut plurimùm fiat, ut unus homo habeat maiorem aptitudinem ad unam virtutem capeffendam quàm ad alteram, tamen sicut dari potest corpus sanctissimum, sic dari posse videtur appetitus, habens æquè aptitudines naturales ad omnes virtutes suscipiendas, & is, qui habet ejusmodi appetitum, videtur æquè aptus esse ad omnes virtutes, quia habet potèstias, secundum quas potest suscipere omnes, licet cum majore difficultate unam, quàm aliam, id quod cum grano salis Theologici accipiendum tamen. Quòd hinc alit, nullius virtutis moralis operationibus acquiri aliam virtutem præter eam, quæ est propria operationis illius, illud iterum verum in principio, cum oritur habitus, non item, cum jam est ortus. Sic enim una cum prudentiâ omnes aliæ oriuntur virtutes, ita ut simul sint. Hæc quippè dat esse virtutibus moralibus, & idè cadit in definitionem earum. Accedit, quòd omnes virtutes morales sint mediocritates, ad quam mediocritatem si verè & perfectè redigitur appetitus, erit etiam paratus ad aliam, licet non exerceantur operationes, quia paratus est obedire rationi, quodcumque occasio tulerit, quemadmodum ea res parat in paupere, qui liberalis animo, non facultate, quæ si datur, operabitur. Quòd ultre-

siùs inferr, perfectionem particularem unam
 esse posse absque alterâ, quare & virtutem
 morum unam absque alterâ, cùm virtutes
 morales sint & ipsæ perfectiones particula-
 res, id quemadmodum admiserim de perfe-
 ctione particulari essentiali singularum vir-
 tutum distributivè, ita abnuerim de perfe-
 ctione accidentali omnium collectivè. Quòd
 subdit Scotus, sic neminè præditum fore vir-
 tute morali, eò quòd nemo reperiat, qui
 omnes virtutes morales habeat in suâ posses-
 sione sive dirione, omniumquè actus simul
 producat, ad id reponitur, quòd, ubi homo
 acquirit habitû unius virtutis perfectæ, ibi
 immediatè adsint reliquæ, ob affinitatem, quâ
 habent inter se, & cû prudentiâ. Quòd si quis
 nō acquireret omnes per operationes, (dice-
 ret Thomas, aut Thomista aliquis,) acquirere-
 ret tamen per electionem, quæ est actus qui-
 dam internus, & firma quædam dispositio
 ad exercendas omnes operationes studiosas.
 Quòd superioribus addit, non solùm nonnul-
 las virtutum moralium inter se pugnare, ita
 ut una repellat alteram, liberalitas v. g. ma-
 gnificentiam, sed & conditiones quorûdam
 hominum cum conditione quarundam vir-
 tutum, eò quòd homines pauperes & obscu-
 ri nequeant esse magnifici, quare non posse
 omnes cohabitare in uno subjecto, ut, qui
 unam habet, habeat omnes vi connexionis,
 id stringeret, si vel varè inter se pugnarent.

dictæ virtutes, ita ut una esset alterius exclusi-
 va ac destructiva, nunc autem gradu tantum
 remissionis & intensiōis distinguuntur, spe-
 cie interim indistinctæ, liberali habente ha-
 bitum magnificentiæ in propinquâ disposi-
 tione, sive dispositivè, magnifico contrà habi-
 tum liberalitatis actu, sive suppositivè & præ-
 suppositivè, vel si pauperes & obscuri nullo
 possent esse magnifici modo, ne comparatè:
 quidem & proportionaliter, adeoque nec affe-
 ctu, sive actu interiore, nec effectū, sive actu
 exteriorē, quod longè secus est. Sicut enim di-
 cto Xenophontis, homines absque auro pos-
 sunt esse liberales, ita absque eodem magnifi-
 ci in quantulocunque opere, quod, etsi in se
 sit parvum, potest tamen magnificè fieri se-
 cundum proportionem illius generis. Usque
 adeò nunquā vacua est à munere manus, ver-
 bo Ciceronis, si arca cordis repleta est bonā vo-
 luntate, potest autem esse repleta etiam in ho-
 mine paupere, etiam quin in homine obscuri
 nominis. Quòd denique asserit, sicut virtutes
 intellectuales, perficientes intellectum, non
 sunt connexæ inter se, ita nec virtutes mo-
 rales, perficientes appetitum, videri conne-
 xas esse, hoc argumentum, pace tanti Philo-
 sophi dixerim, claudicat. Virtutes quippè in-
 tellectus circa diversas occupantur materias,
 ad invicem non ordinatas, sicut patet in diver-
 sis scientiis & artibus, in quibus idè non in-
 venit connexio, quæ invenitur in virtuti-
 bus

bus appetitus, existentibus circa passionibus & operationes, habent quendam ordinem ad invicem, quò fit, ut tota materia moralium virtutum bellè sub unam rationem prudentiæ cadat. Taceo, omnia intelligibilia ordinem aliquem ad prima principia habere, & secundum hoc omnes virtutes mentis dependere ab intellectu principiorum, sicut prudentiam dependere videmus à virtutibus moris.

4. *Sunt, qui mediam viam eligant Thomam inter & Scotum*, distinguendo inter Gradum Continentiæ, qui Incipientium, conjunctam habens cum passionibus vehementibus virtutem, quæ his resistitur, Gradum Temperantiæ, qui Proficientium, passionibus non adeò vehementibus conjunctas, & Gradum Heroicum, qui Perfectorum, passionibus habens planè refrenatas. Virtutes in gradu continentiae ajunt non ita esse inter se connexas, quin una esse possit sine altera, atque hoc probare dicunt rationes Scoti: Virtutes in gradu temperantiæ ajunt omninò inter se connexas esse, ut, qui unam habet, habeat omnes, atque hoc probare dicunt rationes Thomæ. Quòd si virtutes in gradu temperantiæ ita inter se connexæ, multò magis virtutes in gradu heroico, quæ omnem sortiuntur excellentiam:

5. Quid veri? Casus diceret, virtutes morales esse cōnexas in prudentiâ efficienter ac dependenter, nō formaliter atq; essentialiter: (Quam enim alia atq; alia numero prudentia sit

in aliâ atque aliâ virtute morali, tamen non inest alia specie:) Timplerus, virtutes morales esse inter se connexas ratione communium attributorum, quibus inter se conveniunt, non propriorum, cum unaquæque habeat suâ propriam essentiam, suas proprias causas, sua propria objecta & adjuncta: Franciscus Piccolomineus, virtutes morales, ultimâ perfectione præditas, quam una habet ex connexion cum alterâ, hætenus esse connexas & perfectas, non secus ac ex appositione ultimæ regulæ universa domus redditur perfecta, inque adventu ultimæ formæ singulæ partes hominis ultimam consequuntur perfectionem.

5. Juvat concludere hoc argumentum judicio Wendelini, hospitis quondam mei, qui sic in Philosophiâ suâ Morali: Equidem, inquit, non negaverim, eam posse concipi virtutis ideam, ut ultima ejus perfectio in omnibus difficultatibus possibilibus exorere se perfectis actionibus haud possit, sine aliarum adminiculis & concursu, quoniam difficultates circa unius virtutis materiam possunt occurrere, quæ superari nequeant absque aliis virtutibus, quæ pro objecto suo habere eas possunt, ut si à castitatis proposito avocare aliquem moliatur improbus, vel per amplas divitias, vel per magnos honores, vel per tormenta & mortem, vel per ebrietatem, vel per sermones impudicos & scurriles, vel

vel per invitationem ad levitatem in moribus, vel per extenuationem beneficiorum acceptorum, ad perseverandum in castitatis proposito, opus erit liberalitate, magnanimitate, fortitudine, sobrietate, civilitate, gravitate, gratitudine, ut elidant omnia illa irritamenta: Cùm tamen virtus, ita absolutè perfectà, faciliùs cognosci possit, quàm in subiecto inveniri, non magis reprehendendi videntur ii, qui negant, omnes necessariò connexas esse inter se, quàm qui affirmant, præsertim cùm quæstio sit de virtutibus, non quales sunt in ideâ & imaginatione, sed quales sunt in hominibus, qui virtutibus exculi dicuntur, quomodo sunt, qui in unâ alterâquè virtute excellunt, qui actus aliarum virtutum proprios nunquam attigerunt, vel certè, qui habitibus omnium virtutum instructi dici nequeunt, quoniam crebris, ad eos comparandos necessariis actionibus, non sunt operati, adeoque ad actus virtutum omnium haud assuefacti, quos omnium virtutum expertes dicere, quia omnibus virtutibus instructi non sunt, admodum videtur iniquum, cumquè ita comparatæ sint virtutes in adultis, ut, qui caret iis, earum extremis sit obnoxius, sequeretur, unâ qui caret virtute, cum omnibus obnoxium esse vitiis, quia omnibus aliis carebit virtutibus, quod absurdissimum. Hæc ille.

CAPUT XXVIII.

Divisio Virtutis & Vitii Moralis, Acroamatica ex Objecto Formali, Exoterica ex Objecto Materiali, illius in Pietatem & Probritatem, hujus in Impietatem & Improbritatem,

§. 1. **D**ivisio Virtutis Moralis, vel Accidentalis est, vel Essentialis, illa Subjecti in sua Adjuncta, hac Generis in Species secundum Differentiam ejus Specificam.

2. Differentia Virtutis Moralis petenda est ab Objecto, eoquod tam Interno, quàm Externo, tam Materiali, quàm Formali, & hoc maximè.

3. Objectum Internum Virtutis Moralis sunt Affectus & Operationes Immanentes sive Internæ, quibus externæ debent accipere ferre suum esse morale, perfectionem què, quam habent.

4. Objectum Externum Virtutis Moralis sunt Operationes Transeuntes sive Externæ, occupatæ circa Personas, erga quas, quod Objectum ejus Personale, & Res, in quibus exercetur, quod Objectum ejus Reale. Dico, operationes transeuntes sive externæ, quia quamvis principales sint actiones immanentes sive internæ virtutis moralis antecedenter, tamen ad omnimodam ejus perfectionem requiruntur præter eas etiam actiones transeuntes sive externæ consequenter, eò quod voluntates hominum non sint manifestæ sine operationibus externis, incurrentibus in sensus.

5. Ob-

5 *Objectū Virtutis Moralis Materiale est utrūque simul sumtū.* Cū enim virtus moralis sit habitus, hic autem ordinetur ad duo, nempe ad naturam, & operationem consequentem naturam, occupatam circa certum objectū, idque specie distinctum, illa, nempe natura, circa objectum internum, hæc, nempe operatio, circa objectū ferè externū, utiq; etiam virtus moralis occupabitur circa utrumque. Quamvis enim non æquè efficaciter internas facultates afficiat, actionesque rectificet, tamen in solis externis actionibus formandis & regendis minimè subsistit, sed internas quoque facultates & actiones respicit, aded ut verè virtuosa actio censeri haud debeat, nisi quæ bonitatem moralem ab interno principio trahit, obedientiamque externam cum internâ conjungit, contrà quàm faciunt legislatores, qui externam tantum actionis cum lege conformitatem urgent, & id duntaxat absolvunt vel damnant, quod oculis vident, auribus audiunt, & manu comprehendunt, de interioribus animi affectionibus parùm solliciti.]

6. *Objectū Formale Virtutis Moralis est & ipsum utrumque simul sumtum, hoc est, idem quidem, est non eodem modo, sed prout diversimod: ad rationem comparatur utrumque, ex quâ perfectio utriusque dependet. Atque ab hoc propriè sumitur divisio virtutis moralis, quoniam res per formam suam inter-*

internam potius in certâ specie constituitur, quàm per aliquid externum, adeoque virtus moralis à ratione formali, quàm ab objecto externo, describitur, quævis interior ratio formalis tacitè concludat aliquem respectum ad objectum externum, cum hoc discrimine tamen, ut aliæ virtutum moralium magis occupentur circa affectus, siue objectum internum, hos directè moderando, ut fortitudo, temperantia, mansuetudo, benè conformantes nos ad nos ipsos, aliæ contrà magis circa operationes externas, siue objectum externum, directè has moderando, ut pietas, liberalitas, magnificèntia, veracitas, iustitia, benè conformantes nos ad alterum, ut rectè nos erga alios habeamus, quæ virtutes, licet immediatè spectent conformitatem operationum erga alterum, mediatè tamen respicere possunt passiones, quatenus ad operationes exercendas illud necessarium, v g, iustitia, quæ licet immediatè spectet operationem externam, quâ reddamus alteri, quod ei debemus, ad æqualitatè, quia tamen hanc ipsam operationem impedire potest nimius amor pecuniæ, hætenus huic etiam passioni moderandæ secundariò servit.

3. *Sicut verò Virtutes Morales, specificè & formaliter à se invicem distinguuntur per Objectum Formale, ita & Vicia Moralia his opposita item per idem distinguuntur, puta, per Objectum*

jectum suum Formale. Dico formale, eò quòd in solo ordine virtutis ad objectum non consistat & stet formalis ratio virtutis, verum in defectu & privatione rectitudinis legalis. Quidni enim principalis distinctionis specificæ sit fundamentum, quod ex ratione formali, quàm quod ex materiali tantum, petitur, eum forma proxime det esse rei? Est quidem etiam per materiam res, sed per formam interiam est id, quod est, hoc est, huius aut illius speciei. Atque ita objecto distinguitur, ut virtus moralis, ita vitium morale, imprimis formali.

8. *Communiter Virtus Moralis ex Objecto Externo in Pietatem & Probitatem subdividitur in Scholâ Morali, tanquam in duas Virtutes Cardinales, sub quibus omnes alie continentur,* pietatis vocabulo accepto, non improprie & metaphoricè, pro charitate & reverentiâ, quàm homo debet parentibus & patriæ, sed pro virtute morali, quam homo erga Deum exercet, non ut medium beatitudinis celestis, quâ de Theologus, sed ut medium beatitudinis civilis, quâ de Philosophus: Similiter probitatis vocabulo accepto latè, pro virtute morali in genere, non strictè & synecdochicè, pro specie virtutis moralis, pietati in specie sic dictæ oppositâ. Scilicet virtus moralis duo habet objecta, circa quæ immediatè versatur, Deum videlicet & Hominem, quorum illum respicit Pietas, præcipiens

ciens de officiis Deo debitis secundum primam tabulam, hunc Probitas, præciens de officiis homini debitis secundum secundam tabulam.

9. *Consimiliter Vitium Morale ex Objectione Externo in Impietatem & Improbisatem dividitur in eandem Scholâ, tanquam in duo Vitia Cardinalia, sub quibus omnia alia continentur*, quorum alterum immediatè agit contra Deum, & præcepta primæ tabulæ, alterum verò immediatè contra proximum, & præcepta secundæ tabulæ, mediatè verò etiam contra præcepta primæ tabulæ, quoniam secunda tabula refertur ad primam, ut obedientia præstetur Deo præceptori, & hîc, & illic, illic *περίτως*, hîc *διὰ τίτως*. Nec est, quod excipias, ea, quæ se habent extrinsecus non conferre speciem: Sed Deum & proximum esse quid extrinsecum, ut qui extra nos, non intra nos: Ergò per hæc non distingui rectè virtutes & vitia secundum speciem! Quamvis enim Deus & proximus sint exteriora respectu ipsius virtuosi & vitiosi, non tamen sunt exteriora respectu ipsius actus virtutis & vitii, efficaciter tendentis in obiectum.

CAPUT XXX.

De Pietate, & hujus Extremis, id est, inde Superstitione, hinc Impietate.

§. I. **P**ietas, si Nomen sive Nominalitatem ejus spectes, nihil aliud est, quàm affectio ejus, qui pius est, v. g. in patriam, parentes, consanguineos, propinquos, præceptores, tutores, curatores, omnesquè, qui parentum sunt loco, aliterve nobis sunt conjuncti, sive eos amemus ex officio justitiæ, sive ex indubitâ gratiâ.

2. *Sin Rem sive Realitatem ejus*, ut sic est Virtus Moralis, sive More Acquisita, quâ Deum tè cognoscimus, cognitumquè ritè colimus.

3. *Juvat ἀναλύει. Desinitum est Pietas*, sed pressè sumpta. *Desiniturquè Genere, & Differentia Specificâ.*

4. *Genus Pietatis est Virtus Moralis, sive Acquisita More*: Quo genere primò distinguitur Pietas hæc Philosophica & Moralis, quæ medium consequendæ beatitudinis civilis, adeoque hujus vitæ, à Pietate Theosophicâ & Spirituali, quæ medium consequendæ beatitudinis cœlestis, adeoque etiam alterius vitæ: Secundò à Pietate Infusâ per se, naturâ sua non producibili, nisi ab extrinseco, nec per acquisitionem, sive operationes agentis pias, verùm per infusionem, sive per operationem Dei infundentis pietatem: Tertiò, à Pietate Infusâ per accidens, quæ etsi &
Y ipsa

ipsa sit ab extrinseco, tamen ex naturâ suâ talem productionem haud postulat, quales habitus, qui nostris quidem actibus acquiri possunt, cæterum divinitus tribuuntur, de què facto infunduntur à Deo, v. g. Adamo prodigiosa scientia, Bezaleeli prodigiosa ars pictoria, Josepho prodigiosa castitas, Samsoni prodigiosa fortitudo, Salomoni prodigiosa sapientia, quales habitus per accidens infusi vocantur in scholis, cum pietas, quâ de hic agimus, sit habitus acquisitus, saltem acquisibilis, hoc est, eam naturam habens, ut ei non repugnet per proprios actus acquiri.

5. *Ac Pietatem virtutem moralem esse in terminis, id verò probatur.* I. Quia Theologia Practica Ethnicorum fuit Ethica, ad Theologiam autem Practicam Ethnicorum pertinet præceptio de pietate, non supernaturali, quatenus Deus cognitionem nostram excedit, sed naturali, quatenus est investigabilis ratione humanâ, ab eâquè comprehendendi potest, quantum satis est, & ad cognitionem, & ad cultum aliquem. II. Quia ad felicitatem civilem non minùs necessarium medium pietas, quàm probitas, cum hujus illa sit fundamentum. Pietate namque sublata omnis probitas tollitur, omnequè virtutum ædificium vergit in præcipitium. Ab eâ quippe subditorum fides in principem, obedientia erga magistratus, amor in parentes, charitas in singulos, justitia in omnes pendet. Qui enim

enim rectè erga Deum est affectus, nã ille erga omnes congruenter se habet. Et inde, qui fundamenta solida Republicæ constituere vel conservare voluerunt, id religionis prætextu, & divini, seu veri seu fictitii numinis, cultu, sunt aggressi, tam probi, quàm improbi, credo, quòd viderent eos, qui ratione moveri nequeunt, religione tamen moveri, sic dictè à religando, quòd hoc quasi vinculo hominem Deus sibi religaverit atque obligaverit, ut ipsi serviat, ut domino, & obsequatur, ut patri, ligans se reconciliationis vinculo Deo, à quo se peccato se paravit.

6. *Differentia Specifica Pietatis sumitur, partim ab Objecto Materiali, partim à Formali, & hoc maximè & proximè.*

7. *Objectum Materiale Pietatis est Deus, sub conceptu objectivo, quatenus ex lumine naturæ, sive ex principijs naturalibus, est cognoscibilis naturaliter, & colibilis moraliter: Formale idemmet Deus, sub conceptu formali, quatenus ex eodem lumine naturæ, sive ex principijs naturalibus, est ritè cognoscendus naturaliter, colendusquè moraliter.*

8. *Absolviturquè præcedente Cognitione, & subsequente Cultu, quia prius est, Deum scire, consequens colere, cùm ignoti nulla sit, ut cupido, ita nec cultus.*

9. *Cognitio Dei Naturalis, vel est Existentia ejus, vel Essentia, vel Proprietatum Essentialium, eâquè mediante cognoscimus,*

Deum aliquem Existere, Esse unum, Esse τὸ πᾶν.

.10. *Deum aliquem existere, probatur : I.*

Ab ortu hujus mundi, qui aut à se extitit, aut ab alio, non à se, ergò ab alio, ab indipendente dependenter. II. A gubernatione hujus mundi, in quo constanter durat ac permanet ordo, semel in naturâ constitutus, quem à rectore aliquo pendere necesse est. III. A dependentiâ entis finiti contingentis temporalis causati, ab ente infinito necessario æterno causante. IV. A dependentiâ bonorum inferiorum à summo. V. A Catholico consensu omnium populorum, qui naturæ vox est, testantium esse Deum. Nulla quipè gens tam fera, nemo omnium tam immanis, cujus mentem non imbuerit Dei opinio. Hæc enim communis notio, Deum esse, originis non habere autorem, essequè salutem ac perseverantiam earum, quas effecerit, rerum, ubivis gentium se exerit, religionisquè studium tam vehemens excitat, ut, quamvis homo ægerrimè se aliis summittat, lapidem potius colat, aut lignum, quàm ut prorsus sit sine religione. VI. A testimonio propriæ conscientiæ. Illa enim, pro conditione factorum, hominem intus in animo clanculum, vel accusat, vel excusat, & sic tacitè clamat ac dictitat, esse aliquem judicem ac vindicem supremum atque omniscium, qui probis præmia, improbis poenas, decernat.

II. *Em-*

III: *Eundem Deum esse unum essentiâ, probatur.* I. Ab unitate entis simpliciter infiniti, absolutequè simplicis & perfecti. II. Ab unitate causæ simpliciter primæ, ejusquè tam efficientis, quàm finalis. III. Ab unitate gubernationis & imperii mundani. IV. A typis naturalibus, qui nōs quasi muniūducunt ad primam summam perfectissimam unitatem omniscii & omnipotentis Dei, cujus omniscientia & omnipotentia alterius omniscientiam & omnipotentiam excludit, mundo, inquam, sole, lunâ, oceano. V. A testimonio saniorum Philosophorum, nominatim Platonis, qui ad amicum scribens: Hinc disces, inquit, scribamne ego serio, nec ne? Cū serio, ordior epistolam ab uno Deo, cū seculis, à pluribus.

12. *Denique, eum esse τὸ πᾶν καὶ ὅλον, idē verò probatur inde,* quia unus omnium beatissimus, simplicissimus, æternus, & à priori, & à posteriori, immutabilis, immensus, omniscius, omnipotens, optimus, veracissimus, justissimus, liberrimus, adeoque sicut ens simplicissimè unum, nempe nec ex partibus, nec ex genere & differentiâ, nec ex substantiâ & accidentibus, nec ex potentiâ & actu, nec ex esse & essentiâ, compositum, ita & ὅλος ὅλον, totaliter totum, totus in se, totus in omnibus, totus in singulis, totus extra omnia, nec loco circumscriptus, nec loco definitus, nec loco inclusus, nec loco exclusus, omnia

præterita futura præsentia sciens uno simplicissimo actu, absque discursu noëtico aut dia-noëtico à notiori ad ignotius, procul omni ignorantia & oblivione, potens non solum eorum omnium, quæ vult, sed plurium etiam, quàm vult, supra contradicentia positus denique, quæ omnia plenius & planius quidem cognoscuntur ex libro scripturæ, defectum libri naturæ & creaturæ sup-
 plentis, ad cujus fontes limpidissimos proximè recurrendum, & non ad traditionum humanarum cisternas, aliquo tamen modo etiam ex libro naturæ & creaturæ, hoc est, ex hoc mundi amphitheatro, quod templum Dei, in quo notitiam ejus discimus, παιδουτήριον, inquam, τῆς θεογνωσίας, καὶ βιβλίον ἔσχατον, schola cognitionis Dei, & liber scriptus, prædicans Dei gloriam, & arcanam atque invisibilem magnificentiam ejus nobis mente præditis annuncians, ut eum agnoscamus, uti basilicè loqui amat Basilius. Scilicet cœlum quidem ta cet, (verba aurea sunt, ab aureo profecta ore Chrysostomi,) sed ipsius aspectus vocem tubæ clariorem emittit, per oculos, non per aures, docens τὸ γνωστὸν τοῦ θεοῦ, id quod de Deo cognosci potest, reddens gentes inexcusabiles hætenus, quòd non ulterius in veram & perfectam notitiam Dei, occasione inde arreptà, inquisiverint, quam tradit liber scripturæ. Ut enim cognoscere potuerint gentiles ex libro naturæ, Deum esse, cum-

eumquè unum, tamen non potuerunt cognoscere perindè ex principiis naturalibus, eum esse unitrinum & trinunum, idquè propter impropotionem inter Deum cognoscendum, & hominem cognoscentem, ed quodd ex libro naturæ tantum ea de Deo cognosci possint, quæ pertinent ad unitatem essentia divinx, non item, quæ ad trinitatem personarum in illâ unitate, quam trinitatem personarum ratio naturalis nullo potest capere modo, quomodo videlicet una numero essentia divina sit in tribus numero distinctis personis, quod mysterium ex libro scripturæ petendum, ut quod non tam sciri possit, quàm credi, sicut & cognitio cognata de Deo redemptore, ex supernaturalibus quæ est principiis, non naturalibus. Observare quidem licet in naturâ trium hypostaseon sive personarum vestigia, tanquam opificis summi signa & characteres, v. g. in animâ & sole, sed ea vestigia nemo hominum perspicere potuit, antequam Palladium trinitatis coelitus humano generi fuit patefactum, tum vestigia sunt, non fastigia.

13. *Cultus Dei Physico-Ethicus, sive Naturalis & Moralis*, est divini numinis veneratio, legibus ceremoniisque naturæ rationalis devincta, docentis, Deo deberi cultum & subjectionem, tanquam primo summo sufficientissimo eminentissimo singularissimo bono; ideoquè summè colendo: Primo &

summo bono, quia omne ens, quatenus ens, bonum, & quò magis ens, hoc majus bonum: Sufficientissimo, & quia nihil ei deest, cùm sit primum & summum bonum sui constitutione, cætera autem solummodò bona per participationem, & quia per eum aliis deest nihil, cùm sit primum & summum bonum etiam sui communicatione, ideoquè bonum maximè expetibile, ut quo nullum magis sit communicativum sui, id quod proprium boni: Eminentissimo, quippe primo summo sufficientissimo, & activè, & passivè, activè respectu sui, passivè respectu nostri: Singularissimo, tam ratione essentiae, quàm ratione existentiae operationumquè: Ideoque summè colendo, ut cujus natura adeò sit præstans, Ciceronis elogio, ut ea ipsa (putà natura Dei,) debeat per se ad se colendam allicere sapientem. Et enim cùm venerationem justam habeat, quicquid excellit, jure præstans Dei natura hominum pietate colitur, cùm & æterna sit, & beatissima, huc nos inter alia vocante, tum spe beatitudinis futuræ in campis verè Elysiis, seu beatorum insulis, tum metu supplicii in Tartaro vero, non ficto & fabuloso, præeuntibus nobis ad hanc rem caecis Poetis, nominatim Homero, & Hesiodo, qui, quò pietatis studium mortalibus, durioribus illis seculis, persuaderent, finxerunt Deum justis hominibus, postquam vitâ functi essent, lætis

apud

apud inferos regionibus quercus amœnissimas dare, quæ in summitate plurimas atque optimas glandes jugiter ferrent, in medio apum examina haberent, quæ perpetuo liquore dulcissima mella stillarent, ex ramis autem ac robore earum lanarum vellera depecterentur, ad usum vestium maximè idonea, fundarenturquè illic vina suavissima nunquam deficientia plenis usque pateris, contra injustos homines luto perputuo impeti, & terebratâ urnâ semper aquam ferre, Deo, qui justitiæ oculus, judicium suum in eos exercente. Quorsum Aristoteles eos castigatione & poenâ dignos pronunciat, qui dubitant, utrùm Deus sit honorandus?

14. *Ceterum cultus hic Dei, universè vel Internus est, vel Internus & Externus simul, quorum ille in animo consistit, sive in motibus hominis internis, hic etiam in corpore, sive in motibus hominis externis, cujus omnes motus naturales ita institui debent, ut Deus per eos colatur.*

15. *Cultus Dei Internus constat Amore & Timore Dei. Amandus est Deus, tum quia in & per se bonus quoad sui constitutionem, ut qui non bonus tantum in concreto εὐθρα-πηνώδης, sed ipsissima bonitas in abstracto θεοπνευστός, tum quia nobis bonus, quoad bonitatis suæ communicationem. Timendus est Deus, tum ne peccatis nostris & pravè factis eum offendamus, iramquè ejus in nos*

provocemus, tum ut hoc certiores simus de
ejus benevolentia, quam nemo sibi habet
polliceri absque timore ejus. Et quis (verba
sunt Ciceronis Christianizantis,) non timeat
omnia providentem, & cogitantem, & ani-
madvertentē, omniaque ad se pertinere pu-
tantē, curiosum & plenū negotii Deum? Nō
ex ἀνλοφιλία sed θεοφιλία quod fiat tamen.

16. *Cultus Dei Internus & Externus simul*
est, qui non animo tantum, sed etiam cor-
pore, exercetur, id est, non actibus tantum
elicitivis, sed etiam imperativis, hoc est, non
affectu tantum, sed etiam externis gestibus
actionibusque.

17. *Estque Precatio, & Gratiarum Actio*
presè sumta.

18. *Precatio* est cultus Dei internus & ex-
ternus simul, quo necessaria ab eo petimus,
internè, per animi conceptus, cogitationes,
gemitus, externè per linguam & gestus, in
quos se quasi exonerat gemitus, quando eos
non amplius capit cordis angustia. Atque hi
duo modi ita sunt comparati, ut esse prior
possit sine posteriori, posterior non itē sine
priori. Quod si enim ille sit absq; hoc, verus
nihilominus cultus esse potest, quia mente
magis hic opus, quàm mento, pectore, quàm
ore, animi intensione, quàm manuum exten-
sione, neq; tam refert hic, quo corporis ha-
bitu quis fundat preces, quàm quo affectu:
Sic hic absq; illo, nā ille hypocrisis est, &

Pha-

Pharisaismus merus, non Pythagorismus, quoniam Pythagoras cum voce quidem fieri preces voluit, non tamen, quasi existimaret, exaudiri à Deo non posse eos, qui facile precarentur, sed quòd iustas vellet esse preces, quas aliis audientibus non vereretur quis fundere. Scilicet ita loquendum cum hominibus, (verba sunt Macrobii,) tanquam Dii audiant, & sic loquendum cum Diis, tanquam homines audiant.

19. *Precationis species dua sunt, Petitio & Deprecatio.*

20. *Petitione* petimus à Deo, ut bona necessaria nobis largiatur. Dico necessaria. Neque enim quælibet à Deo indifferenter petenda, quo de argumento sic Thomas: Illa bona, inquit, determinatè in orationibus petenda, quibus quis malè uti potest, v g, honoribus, divitiis, non item illa, quæ malum eventum habere nequeunt, quæ sancti orando absolutè petunt, non item temporalia bona, quæ, quamvis à Deo sint petenda, ut quædam minùs principalia bona, tamen non sunt petenda, ut præcipua & extrema bona. Scilicet hoc licet orare, quod licet desiderare: Atqui temporalia licet desiderare, non quidè principaliter, ut in eis constituamus finè, sed sicut quædam adminicula, in quorum scilicet per ea vita corporalis sustentetur, & in quantum nobis organicè deserviunt ad actus virtutù: Pro istis ergò, cum habetur

tur, ut teneantur, cùm non tenentur, ut habeantur, suo loco orandum.

21. *Deprecatione*, quæ altera species precatationis, à Deo petimus, ut delinquentibus nobis ignoscat, & mala, quæ ob malefacta nostra nobis imminet, clementer avertat. In hac ab Ethnicis olim adhibita fuerunt Sacrificia & Lustrationes, quibus iratum numen censebant posse placari, sesequè horum interventu liberari à peste, fame, siccitatibus, imbribus, bello, aliisque calamitatibus provincialibus & popularibus, sed veram interim satisfaciendi & placandi rationem, usumquè sacrificiorum ac purgationum, ignorârunt.

22. *Gratiarum Actio presse & compressè sumta*, est cultus Dei internus atque externus simul, quo Deo gratias agimus pro acceptis beneficiis, debitamquè huic laudem pro datis desuper bonis, reddimus. Nec immeritò. Quòd si enim homini non referre gratiam simile homicidio judicatur, quantum crimen est, eam non referre Deo? Atque adeò, quid melius, & animo premamus, & ore promamus, & calamo explanemus, quàm Deo gratias, quo nihil dici brevius, nec audiri lætius, nec intelligi agivè fructuosius potest. Si Iulcinia essem, (ait admirandus senex Epietetus, cujus fictilis lucerna ter mille drachmis vendita fuit olim, quem si legas, ut Paganum, scripsit Christianè, sin ut Christianum, scripsit Paganicè, virtutis interim studio penè Christianus,)

stianus,) facerem quod Iulcinia, nunc autem, cum homo sim, quid faciam? Laudabo Deum, nec cessabo unquam. Et alio item loco idem: Quamobrem, inquit, si quid mente valemus, quid nobis agendum, nisi ut Deum assidue celebremus, ei hymnos, ei gratiarum actiones agamus, canamus, dum terram fodimus aut vertimus, sive laboramus, sive requiescimus. Quas autem? Magnus est Deus, qui hæc instrumenta dedit, magnus, qui manus ipsas largitus est nobis, magnus, qui dat, ut nec cogitantes crescamus, & dormientes respiremus; (Sunt enim hæc ejusmodi, ut nostræ industriæ ascribi non possint:) Hic omnium debet esse quotidianus hymnus.

23. *Extrema Pietatis duo sunt, alterum in Excessu, alterum in Defectu. In excessu ei opponitur Superstitio, in defectu Impietas.*

24. *Superstitio, si Nomen sive Nominalitatem ejus spectes*, hoc nominis accepit, vel ab a-
n-
niculis, quæ multis superstites per ætatem delirant delirium, vel ex eo, quod parentes totos dies precabantur atque immolabant, ut sui liberi sibi essent superstites, vel ex eo, quod superstitem memortiam mortuorum, aut superstites imagines defunctorum parentum, domi instar numinis, & tanquam Deos Penates, in larario suo colebant superstites, vel denique ex eo, quod superstantium, hoc est, cælestium & divinarum rerum, quæ supra nos stant, inanis delirus & superfluous

amor timor & cultus sit superstitio, amandos timens, quos colit violans, à superstare, quatenus est nimium esse, non quasi in cultu divino possit esse quid nimii, secundum absolutam quantitatem, quia nihil homo potest facere, quod non sit minus eo, quod Deo debet, verùm secundum quantitatem, quam vocant, proportionis, quomodo omne superfluum, quod non est proportionatum fini, hoc est, gloriæ Dei creatotis, cui subiectus homo, & mente, & corpore, quæ sunt Dei.

25. *Sin Rem sive Realitatem*, ut sic superstitio est vitium morale, exhibens cultum divinum, vel cui non debet, vel eo modo, quo non debet. Duplex numero exindè. Vel enim eum exhibet ei, cui non debet exhiberi, v. g. creaturæ, cùm divinus cultus primò atque ultimò ordinetur ad reverentiam Deo exhibendam, atque hæc superstitionis species appellatur Idololatria, quæ divinam reverentiam indebitè exhibet creaturæ cui-cunque, per sensibilia signa, repræsentata per aliquam sensibilem formam sive figuram, cum divinitatis opinione: Vel eum, (persuade cultum divinum,) non exhibet eo modo, quo debet illi, cui debet, verùm modo indebito, hoc est, aliter & contrà, quàm Deus præscripsit, atque hæc est altera species superstitionis, differens à superstitiositate, tanquam vitium à suo objecto, vel effectu. Superstitio quippè propriè est falsus & pravus Dei:

Dei cultus, falsus Theoreticè, pravus Practicè, adeoque adversè opponitur religioni, sicut superstitionis religiositati, quæ qualitas religiosi, sicut illa superstitionis.

26. *Impietas* est Dei summè colendi neglectus & contemptus.

27. *Estque duplex numero. Vel enim est Simplicis Negationis, Theoretica aliter, vel Prava Dispositionis, Practica aliter.*

28. *Impietas Simplicis Negationis sive Theoretica* est, quâ de Deo, ejusque operibus, mens hominis planè non est edocta, qualis impietas eorum in genere, qui dicuntur Athei, in specie verò Cyclopum & Cyclopistarum, sive Cyclopicorum Hominum, utrorumque non absolutè, quales athei non dantur, nisi atheismi crimen impingere velimus infantibus negativè, quia sensum de Deo per ætatem nondum induerunt, aut furiosis privativè, quia exuerunt per morbum eundem, sed comparatè, atque in ordine ad atheos vitæ & morum professione tales.

29. *Impietas Prava Dispositionis sive Practica*, est, quâ de Deo, ejusque operibus pravè mens hominis est edocta, qualis Epicureorum & Libertinorum impia pietas, dicam, anpia impietas.

CAPUT. XXXI.

De Probitate, hujusquæ Speciebus, tam Vsu Loquendi, quàm Vsu Artu.

§. 1. **T**antum de Pietate, jubente nos vivere piè quoad Deum: Excipit Probitas, jubens nos vivere sobriè quoad nos, & justè quoad proximum.

2. Probitas est Virtus Moralis, sive Acquisita More, per quam nos in humanis rectè gerimus, & quidè vel erga nos ipsos, vel erga alios.

3. Probitatis Species alia sunt Vsu Loquendi, alia Vsu Artis.

4. Vsu Loquendi numerantur quatuor cum Theage Pythagoréo, Prudentia, justitia, Fortitudo, & Temperantia. Atque hic quaternarius numerus populariter colligitur, ex Subjecto, eò quòd prudentia domicilium habeat in mente, justitia in voluntate, fortitudo in appetitu irascibili, temperantia in appetitu concupiscibili. Appellantur aliter in Scholâ Morali Virtutes Cardinales, ad similitudinem cardinum, in quibus ostiorum motus firmatur, eò quòd in iis, tanquam quatuor cardinibus, tota hominis vita, hoc est, omnis vitæ moralis honestas, vertatur, & ad has, tanquam partes potestativas, reliquæ omnes quomodolibet referri possint, sicut ad quatuor cardinales ventos, à quatuor mundi plagis flantes, reliqui. Videntur quippè esse quasi genera reliquarum virtutum moralium, ad quæ cæteræ omnes, vel tanquam

quam species subordinatæ, vel tanquam partes potentiales, aut integrales, revocari queant.

5. Verùm enimverò hæc quadripartitio virtutum moralium antiquorum, ex subiectis petita, non fert omne punctum, siue illa sit divisio virtutis communissimè sumptæ, quia nec omnes virtutes intellectuales, nec omnes virtutes morales, comprehenduntur in istâ divisione, non omnes virtutes intellectuales, quia sunt aliæ quatuor, quæ non cadunt sub membra hujus divisionis, non etiam omnes virtutes morales, quæ & ipsæ non cadunt sub istâ divisione, siue sit divisio virtutis intellectualis, quia in istâ divisione, præterquam quòd omittuntur quatuor virtutes intellectuales, ponuntur tres virtutes morales, quæ non sunt intellectuales, siue denique sit divisio virtutis moralis, tum quia hic ponitur una virtus intellectualis, quæ non est moralis, tum quia non satis liquet, quâ ratione reliquæ virtutes morales ad quatuor has familias referantur: Non, inquam, fert omne punctum hic quadrumviratus moralis, nisi fortè sumantur quatuor præallegatæ virtutes cardinales fusiùs, pro reliquarum quodammodò causis, sicquè alias virtutes sibi quodammodò connexas habeant, quarum bonitas sustineatur super humeros earum, tanquam cardines aliquos.

6. *Vsu Artis numerantur undecim cum Aristotele, non ut species infima tamen, sed*

ut subordinata: Fortitudo, Temperantia, Liberalitas, Magnificentia, Magnanimitas, Modestia, Mansuetudo, Veracitas, Comitas, Urbanitas, Iustitia. Cujus numeri undenarii, hæc reddi potest ratio. Virtus moralis vel nos dirigit in ordine ad nos ipsos, sive in ordine ad ipsum habentem atque operantem, vel in ordine ad alios, sive ad eos, in quos operans operatur. Virtus moralis, quæ nos dirigit in ordine ad nos ipsos, vel universè magis occupatur circa passiones, vel universè magis circa operationes. Circa passiones universè magis occupatur fortitudo, quæ moderatio metus & fiducia, temperantia, quæ moderatio cupiditatis voluptatum gustus & tactus, liberalitas & magnificentia, quæ moderatio cupiditatis pecuniæ, quæ parvæ, ut liberalitas, quæ magnæ, ut magnificentia, magnanimitas hinc & modestia, quæ moderatio cupiditatis honoris, quæ magni, ut magnanimitas, quæ parvi, ut modestia, denique mansuetudo, quæ moderatio iræ & vindictæ. Dico, universè magis circa passiones, quia habent pro immediato objecto passiones, quibus erga nos ipsos nos habemus rectè, licet mediare quoque possint respicere actiones erga alios, quas moderentur, v. g. erga patriam, eam defendendo, quod fortitudinis, erga innuptam nupramvè, ab eâ debitè abstinendo, quod temperantiæ, erga egenos, his succurrendo, quod

quod liberalitatis. Etc. Circa operationes universè magis occupatur veracitas, quæ moderatio dictorum & factorum in conversatione communi, ratione veritatis communis, comitas, quæ moderatio dictorum & factorum in conversatione communi, ratione jucunditatis & delectationis in seriis, urbanitas, quæ similiter moderatio dictorum & factorum in conversatione communi, ratione jucunditatis in & ex ludicris. Dicce, universè magis circa operationes, quia habent pro immediato objecto operationes, quibus erga nos ipsos nos habemus rectè, licet mediatè quoque possint respicere passionem, quas moderentur, impediunt, ne quis veraciter comiter & urbaniter se gerat in conversatione erga alios, v g, ne verum dicat, quibus & quando debet, comitem & urbanum se præbeat, erga quos debet. Virtus moralis, quæ nos dirigit in ordine ad alios, illa verò justitia, eaque tam universalis ad omnes, quam particularis ad singulos, & ipsa occupata circa operationes, ut quæ habeat pro objecto immediato operationes externas, quibus erga alios nos habemus rectè, licet mediatè quoque possit respicere passionem, quas moderetur & quibus moderetur, quatenus scilicet ad operationes suas exercendas necessarium est, atque ita justitia immediatè quidem spectat operationem externam.

quæ

quā reddamus alteri, quod huic debemus, ad æqualitatem, quam operationem quia impedire potest nimius amor pecuniæ alienæ, hætenus huic quoque passioni secundariò fervire potest iustitia, verum per accidens scilicet, quia ejus non est hæc impedimenta per seipsam tollere, verum aliarum virtutum subsidio & præsidio, v. g. liberalitatis, uti suo loco dicitur.

CAPUT XXXII.

De Fortitudine, & hujus Extremis, id est, inde Audaciâ & Timiditate, hinc Ignaviâ & Intimiditate, dicam, an Indolentiâ.

§. I. **F**ortitudo, si Nomen sive Nominalitatem ejus spectes, ut sic latè patet. Interdum siquidem nomen fortis idem valet, quod vox celer, ut in illo Enniano:

Sicut fortis equus, spacio qui sæpè supremo

Vicit Olympia., nunc senio confectus quiescit:

Interdum verò idem, quod vox robustus, ut in illo Capitolini contra Maximinum Imperatorem:

Leo fortis est, & occiditur.,

Tigris fortis est, & occiditur.,

Cave singulos, si multos non times:

Quo loco vocabulum fortis accipitur, non pro virtute morum, sed naturæ, pro fortitudine, inquam, naturali, in viribus & lacertis corporis

ris consistente, quomodo, quò quis valentior in luctæ certamine, hoc fortior habetur opinione multitudinis: Interdum denique idem, quod vox pulcher dives & nobilis, ut in Plauti Milite & Trinummio. Quicquid sit, hoc nominis proximè accepisse videtur fortitudo à ferendo, quasi fertitudo. Quis enim fortis, nisi qui vel viribus pollet corporis ad ferendum aliquid naturaliter, idque ἀνθρώπος, vel viribus pollet animi ad ferendum aliquid moraliter, idque κούριος. Sicut namque requiritur fortitudo corporis ad sustinendum & portandum magna pondera, ita requiritur fortitudo animæ ad aggrediendum & operandum difficilia correlativè.

2. *Sin Rem sive Realitatem*, ut sic iterum accipitur vox fortitudinis, aut generaliter, pro omni animi firmitate, quæ in affectuum debellatione, & cujuslibet virtutis moralis actione, reperitur, aut specialiter, pro certâ animi firmitate, in certâ materiâ, hoc est, in suscipiendis & sustinendis iis periculis, in quibus maximè difficile est, habere præsentem animi firmitatem, contra carnis infirmitatem, atque hæc significatio est præsentis instituti.

3. Aristoteles eam, sumtam sub hoc conceptu objectivo & formali, sic finit: *Fortitudo* est Virtus (putà Moralis, sive Acquisita More,) servans Mediocritatem in Metu & Fiduciâ, adeoque in Terribilibus & Fiducialibus.

4. Juvat ἀναλύειν. *Definitio* hæc constat *Genere, & Differentiâ Specificâ.* 5. *Ge-*

5. *Genus Fortitudinis est Virtus Moralis*, cum sit habitus *Προαισθητικός* Electivus, habens requisita virtutis moralis, rectam putat rationem pro principio agendi, mediocritatem inter duo extrema pro medio, honestatem verò pro fine, bonumquè faciat habentem, opusquè ejus rectum ac perfectum dec, quod proprium virtutis moralis: Ubi autem ingredientia virtutis moralis, ibi & ipsa virtus moralis.

6. *Differentia Specifica Fortitudinis sumitur ab Objecto, Adjunctoque Officio circa illud Objectum.*

7. *Objectum Fortitudinis, vel Internum est, vel Externum.*

8. *Objectum Internum Fortitudinis est Metus & Fiducia*, non prout accipiuntur hæc vocabula pro vitiiis extremis tamen, sed pro passionibus, in quibus moderandis attrinetur hæc virtus, quæ circa aliquid versari dicitur tribus modis, tanquam circa aliquid fugiendum, v g, circa timiditatem & audaciam, tanquam circa aliquid dirigendum ac temperandum, v g, circa metum & fiduciam, illius cohibitiva, ne retrahat voluntatem à sequelâ rationis, per recessum à malo difficultatem habente, hujus moderativa, ne contrà trahat voluntatem in oppositum rationis, per accessum ad malum difficile, denique tanquam circa aliquid amplectendum, v g, circa labores, dolores, pericula,
ita

ita tamen, ut præstantior in comparatione sit horum sustentia quàm aggressio, tum quia ferre pericula honestius, quàm ferire, cùm alterum tendat immediatè ad honestatem, alterum verò ad temporalem utilitatem, victoriam nempe, & pacem temporalem, nec nisi ex consequenti ad honestatem, tum quia, cùm duo munera sint viri fortis, perferre pericula, & hostem invadere, perferre pensius, quàm invadere, vel hoc nomine, eò quòd, qui invadit, bonâ spe feratur, qui verò sustinet, invito planè sit animo, nisi ad τὸ οἰσιόν accedat τὸ ἐλπισίον.

9. *Objectum Externum Fortitudinis sunt Terribilia & Fiducialia sive Ausibilia: Terribilia*, qualia sunt omnia mala, quæ hominem, cui accidunt, destruere possunt, cujusmodi sunt pericula corporalis doloris illativa, evitabilia quidem per turpem actum, invasibilia interim ad bonum virtutis salvandum, nomine malorum accepto, pro malis molestis noxiis & turpibus: *Fiducialia sive Ausibilia* hinc secundum hominem honesta, qualia omnia ea, quæ homini à secundâ fortunâ accidere, ejusquè animum lætitiâ efferre possunt, sive bona sint revera, sive apparenter, nomine bonorum accepto, pro bonis fortunæ corporis & animi, sive jucundis utilibus & honestis: Ex quibus illa constituunt objectum primum, hæc secundarium, quia difficilior, ideoquè fortitudini magis

magis consentaneum, tristitia sustinete cum Aristotele, quàm à secundis abstinere cum Archià, dolores, inquam, ferre, quàm voluptatibus æquo animo carere, resquè adversas pati, quàm confidere secundis, cum tantò magis laudetur, qui firmiter stat, quantò habet gravius impellens ad cadendum, vel cedendum: Impellit autem ad cadendum, vel cedendum, & bonum delectans, & malum affligens, sed graviùs interim hoc, quàm illud, cum à dolore maximè abhorreat natura, eumquè tanquam hostem fugiat, voluptatè contrà amicè amplectatur, plus habere timoris naturaliter homine, quàm fiduciæ.

IO. *Objectum Externum Fortitudinis, respectu τῶν Φοβερῶν sive Formidabilium, universè vel Negativorum est, vel Positivum.* Quavis enim omne malum ita comparatum sit, ut metum incutere possit, unde metus Platoni, ἀνδροξία τις τοῦ κακοῦ, expectatio quædam mali dicitur, fortitudo tamen in omni malorum genere nò conspicitur, cum vir fortis nec omnia indifferenter metuat, accedendo ad unum extremum, nec nullo, accedendo ad alterù extremum, sed quædam.

II. *Objectū Fortitudinis Negativum sunt Mala, quæ vocant, Turpia, item Tristitia tam Φαινοµένως apparenter, quàm ὄντως verà re: Et hæc vel Τετὰρ Ἀνθρώπων, vel Κατ' Ἀνθρώπων, eaque tam Leviora, quàm Graviora, adeoque in genere omnia illa, quæ sibi à fortitudinis mediocritate*

critate metui possunt, quin etiā non metui.

12. *Mala Turpia* dicuntur, quæ cum turpitudine conjuncta sunt, ideoquæ bono honesto è diametro repugnant, vel saltem conjungibilia, quorum altera impensè metuere justissimum est, non metuere injustissimum, altera verò metuere quidē licet, ast moderatè. Prioris generis sunt, ira Dei, flagitia, scelera, pœnæ delictorum, carceres, verbera, libelli famosi, dedecus, infamia justa, & alia malorum genera: Posterioris generis sunt, quæ turpitudini quidem juncta non sunt, ideoquæ omni vacant culpâ, nobisquæ præter meritum eveniunt, ut cùm cicuram bibit Socrates, cùm Aristides pellitur in exilium, cùm Phocion ducitur ad capitis supplicium, at jungibilia interim, qualia metuere utique licet, verùm moderatè. Utrorumque hæc ratio: Vir fortis laudatur: Non timens hæc, vel in totum, vel in tantum, non laudatur: Ergò non est fortis!

13. *Mala Tristia* dicuntur, quæ cum molestiâ conjuncta sunt, ideoquæ bono delectabili è diametro repugnant, ut sunt doloris illativa, per sui præsentiam, non absentiam tamen.

14. *Suntque* vel *Φαισμήνως*, sive in speciem talia, vel *Ὀρτως*, verà re.

15. *Mala Tristia Phenomena*, sive *Φαισμήνως* talia, sunt Spectra, in quibus nullus locus fortitudini, quia metui possunt salvâ for-

titudinis mediocritate, possunt quoque non metui salvâ eâdem, cum Democrito Abderisâ, Bruto, Arhenodoro philosopho, & adolescente Laconico, qui noctu præteriens monumentum, cùm umbrâ conspèctâ in eam impetum faceret, hæcquè subduceret se persequenti, quòd me fugis, succlamavit, anima bis moritura?

16. *Mala Tristitia* Ὀψωstalia, vel Ὑπὲρ Ἀνθρώπων sunt, vel Κατ' Ἀνθρώπων.

17. *Mala Tristitia* Ὑπὲρ Ἀνθρώπων dicuntur, quæ majora sunt, quàm ut mente imperterritâ contemni possint, sustineriquè ab homine, cujus viribus sunt superiora, ut quæ, vel à Deo, cujus irati sunt, aut indicia, aut judicia, vel à naturâ, vel à fortunâ, immitrantur, ceu sunt, inusitata fulgura fulmina & tonitrua, insolentes solis & lunæ eclipses, insoliti terræmotus, insueti comete, pluvie sulphure & sanguine undantes, tempestates atque exundationes extraordinariæ, præcipitia hinc, incendia, prodigia, portenta, ostenta, & monstra denique, in quibus, & circa quæ, fortitudo haud occupatur, tum quia supra hominis sunt virtutē & constantiam, tum quia, qui horum malorum mole opprimuntur, nec sibi gloriam pariunt, (Cui enim unquâ laudi fuit, quod fulmine, terræmotu, naufragio, ruinâ, periisset? Cui idèò statua posita, pyramides & colûnellæ erectæ, laudatio funebris decreta?) nec cuiquâ utilita-

tem afferunt, quibus idè contrarie hominis est, vel sanè quàm stupidi, vel sanè quàm infani. Quanquam non desint, qui fortitudinem illum quoq; metum moderari dicant, quem mala, quæ supra hominem sunt, causantur. Ejus siquidem, & excessum, & defectum, dari posse pronunciant, excessum in illis, qui hæc ad mala planè deficiunt, & quasi è mentis potestate exeunt, cum fortes his non exanimantur penitus, sed recipiant animum vel tandem, modumquè timori ponant talium, defectum verò in illis, qui ea omnino pro nihilo ducunt. Sed scilicet metus etiam vehementior hic nō est vitio, nisi fortè per accidens, si ad præcipitia, v g festiner, laqueo collum inferat, ferro pectus fodiat, homo desperabundus in illo articulo, quæ desperatio ne quidè in metuendâ fortitudine locum haber, non per se, quia illum ipsum metum, quem mala supra hominem incutiunt, seriâ pœnitentiâ, precibus, futurorum prospicientiâ, denique patientiâ, temperant verè fortes, mediocritatem affectuum, quam aliâs virtus efficit, servando in latitudine extra vitium, etiam in tali perplexitate. Ne dicâ, tam excessum, quàm defectum, hujus exorbitantiæ, pertinere ad orbitam pietatis. Sive enim excedas in timendo, sive deficias, utrinque peccas, illic superstitione, hic impietate, non audaciâ timiditaterè propriè loquendo.

18. *Mala Tristia* Κατ' Ἀνθρώπων dicuntur, quæ, etsi hominem terrere possunt, humanas tamen vires non superant, quia secundum hominem sunt, hoc est, in hominis potestate.

19. *Atque hæc iterum vel Leviora sunt, vel Graviora.*

20. *Mala Tristia Leviora* dicuntur, quæ minus terrent, quæquæ huic vel illi tantum metum incutiunt, v g, jactura pecuniæ, paupertas, exilium, captivitas, servitus, degradatio, repulsa, dolor, debilitas, cæcitas, orbitas, solitudo, ἀτεκνία, inquam, & ἀφιλία, invidia, inimicitia, & si quid his affine, quæ omnia, quævis huic vel illi sint terribilia, ambitioso Infamis, voluptuario dolores, vir fortis non idèd ocyùs & ipse debet pertimescere, dummodò ea propriâ culpâ sibi non attraxerit, v g, exulet quis, sed ob scelus, inciderit in morbum, verùm ex intemperantiâ, quo in casu omninò metuenda sunt, quia tunc sunt juncta cum ignominiâ & dedecore, justamquæ reprehensionē merentur. Ut enim, absque hoc sit, usq; metuenda non sint, cum sint ἀλγέφορα, quæ citra reprehensionem timeri vel non timeri possunt, fortis tamen idèd non est, qui ista non metuit, aut in his se præbet ἀφοβον imperterritum, cum plagas etiam nequam servi contemnant, paupertatem prodigi, morbos desperati hominæ, supplicia facinorosi. Quid ergò? Qui in
levio-

levioribus hisce se impavidum præbet ac, præstat, si nihil aliud accedat, non fortitudinis ille, sed aliarum virtutum, liberalitatis, ob jacturam pecuniæ, modestiæ, ob jacturam honoris, & repulsæ contemptû, mansuetudinis, ob iræ temperamentum, laudē meretur hoc nomine, sicut ex adverso, avari ambiciosi iracundi audiunt, qui ea supra modum meruunt, non timidi, non magis quàm pater, qui filio peregrinanti ægroativé meruit, quæ nemo timidû propterea nominaverit rectè.

21. *Mala Tristia Graviora* dicuntur, quæ magis afficiunt & terrent homines, quæquæ per se viris etiam fortibus metû incutiunt. *Suntquæ Pericula & Mors. Neq; interim, vel omnia pericula, vel omnis mors indifferenter.* Vera enim fortitudo in maximis tantû malis conspicitur, si minûs quoad objectum commune, quod omnia terribilia secundum hominem honesta, minimûm quoad objectum speciale, quod maximè terribilia, & ex parte rei, & ex parte hominum.

22. *Non omnia pericula indifferenter.* Sunt siquidè quædam mala & pericula satis gravia ex humanis malis periculisquæ, quæ sine impietate & improbitate cõtemni nequeunt, ut ignominia & contumelia nobis ac nostris immerenter illata, excidium patriæ, everasio religionis. & id genus alia

23. *Sed nec omnis mors indifferenter*, licet inter ea, quæ ita terribilia sunt, ut constan-

tiam non superent hominis, præcipuum sit vitæ periculum, sive mors ipsa. Nam etsi in illâ v.g. morte, quam vel in mari tempestas, vel domi morbi vis affert, vir fortis non sit animo abjecto, tamen hæc non est *εἰς*, præcipuum, inquam, munus fortitudinis, ut quæ hanc mortem molestè ferat, eò quòd virtuti & rectè factis in eâ non sit locus, sed altera debeatur naturæ, altera fortunæ. Non detrectat quidem mori vir fortis, sed ita, ut morte suâ præclarè de aliis mereatur. Unde Achilles apud Homerum, & Æneas apud Virgilium, cum hic metueret naufragium, ille, ne in Scamandri fluvio periret, similiterquè Ajax apud Sophoclem, uno ore conqueruntur, quòd non in præliò, multis hostibus priùs cæsis, sibi cadere licuerit potiùs, quàm ita miseram atque ingloriam vitam oppetere. Verba quirantium sunt:

----- *O terquè quaterquè beati,*

Quæis ante ora patrum, Troja (sub mœnibus aliis,

Contigit oppetere!

Neque alia causa fuit, quare olim Cimbrorum & Celtiberorum fortissima gens, in acie exultarit, tanquam gloriøsè & feliciter vitâ excessura, in morbo verò contristata sit, quasi turpiter & miserabiliter peritura. Certè, si circa mortem naturalem occuparetur fortitudo, tum omnes, qui moriuntur, absque exceptione essent fortes, &, si circa mortem,

quæ

quæ ex simplici naufragio , eadem occuparetur , tunc fortiores multò futuri forent nautici , qui propter experientiam benè sperant , etiam cùm viri fortes desperant , atque tam ægrè mortem eam non ferunt , verè fortibus , quod absurdum.

24. Ubi notandum interpunctoriè , & quasi interlineariter , licet circa mortem , cui nullo modo possibile est obviare , eò quòd non sit in nostrà potestate eam evitare , licet , inquam , circa talem mortem non vertatur principaliter fortitudo , tanquam circa specificum objectum , tamen aliquo modo accidentaliter habere locum etiam in tali morte , eò quòd mors sit omnium terribilium terribilissimum homini , quà homo est , ut quæ sit finis omnium rerum ad civilem vitam pertinentium , tollens omnia corporalia & incorporalia bona , ipsum quin etiam spem , quæ in reliquis malis ultimum est solatium , neque tantùm τὸ ὄν εἶναι , benè esse , sed etiam τὸ εἶναι , ipsum esse , cùm sit non ens , hoc est , negatio aut privatio entis : Jam verò naturaliter quòdlibet potiùs appetit esse , quàm non esse , ad bestias usque inclusivè. Dico , homini , quà homo est , non quà homo fortis , aut Christianus , cui mors est via ad meliorem vitam , hætenus bona , verùm per accidens.

25. Notandum deinde autem , quòd , quamvis in adeundis ac sustinendis mortis

periculis vir fortis non vacet omni metu, instar furiosorum, & mente captorum, qui pericula contemnunt, quia non cognoscunt, perterritusquè sit, ut homo, cùm timor sit naturalis affectus, qui per se omni homini, & quatenus est animal, & quatenus est homo, competit, perquè naturam nihil dolere haud sit in potestate hominis, eò quòd dolor & voluptas necessitate naturæ sensum consequantur, quem non tollit fortitudo, cujus proprium dolores fortiter ferre, quorum si sensus nullus foret homini, huic nec opus esset fortitudinis, quâ ei peropus tamen, etiam quâ fortis, quia viri fortis ἀφοβία non excludit simpliciter omnem sensum doloris, sed metum tantum ejus, quo homines absterreri solent ab adeundis periculis dolorem afferentibus, quamvis, inquam, vir fortis non vacet omni metu, sed perterritus sit, ut homo, tamen imperterritus, ut homo talis, hoc est, fortis, ut cui mortis pericula, parùm terribilia, aut nihil, non quasi ei mors & vulnera non per se sint molesta, invitoquè accidant, aut quasi hic ei finis simpliciter sit propositus, ut aut vulnere-tur, aut mortem abs se appetat, cùm sciat se per eam maximis bonis spoliari, quin quò virtute præstat magis, & patriæ cupit magis, hoc magis sæpè doleat, se incommodo tempore illi eripi, lacrimas quin etiam.

etiam in tali casu mittat, non quasvis interrim, non utique, quæ ab ignaviâ timiditate impatienciâ desperatione profluunt, sed quæ à justâ indignatione, piâ commiseratione, honestoque gaudio, promanant, juxta proverbium, quo boni viri lacrimabiles dicuntur, sed quòd, quia finis fortitudinis, ob quem actio acerba & molestiæ plena suscipitur, ipsa honestate jucundus est, non tantum illa constanter ferat, verum insuper letetur conscientiam rectè factorum, & gloriæ factis suis debitiæ, saltem, si non gaudeat, cum mortem appetit pro patriæ salute, eò quòd vi cruciatus impediatur, ne gaudium queat præ se ferre, non doleat, utquè fortè doleat corpore, non tamen doleat animo, aut, ut incunctis operationibus, procedentibus à fortitudine, non gaudeat, gaudeat tamen in pluribus, exemplo gladiatorum, quibus molestos quidem videmus esse ictus, plagas, tumores, livores, vulnera, at spem plausus & victoriæ præmiaquè longè jucundissima.

25. Summa summarnm huc redit, ut mors sit terribilium terribilissimum Physicè, non tamen esse Ethico-Theologicè, utique sit terribilissima homini, quàm hominì, non tamen esse talem, quàm homini forti, aut Christiano. Non quàm homini forti, ut qui sibi persuasum habeat, mensuram vitæ esse honestatem, non temporis diuturnitatem, eademquè sciat, se non fugere debere:

ex hâc vitâ, sed exire : Non etiam, quâ homini Christiano , ut qui sibi perindè persuasum habeat , mortem non obitum esse , sed abitum , nec interitum , sed quandam quasi migrationem , commutationemquè vitæ pejoris cum meliori.

27. *Tantum de Objecto Negativo Fortitudinis. Objectum ejus Positivum sunt Pericula & Mors Bellica.* Objectum speciale appellant aliter , ad differentiam objecti communis , quod omne formidolosum , secundum hominem honestum , ejus vires non superans , ut mori cum Socrate, certare cum Hectore.

28. *Pericula illa , vel Togata sunt , vel Sagata.* Sicut enim foris , & in bello , occurrunt res arduæ ac periculosæ , ita & domi , atque in foro & curiâ. Ac in foro quidem vir fortis adversus injustas accusationes famam suam defendit fortiter , etiamsi in magno se periculo versari animadvertat , potentesquè adversarios habeat , cum Scipione & Catone Romanis , in curiâ verò , neglectis itidem periculis , quæ sentit , liberè profitetur , verbisquè & consiliis sæpè majores res gerit , cum Scipione Nasicâ , & Cyneâ oratore, quàm armis & telis.

29. *Viræque vel Prævisa sunt , vel Improvisa , adeoque Objectum Positivum Fortitudinis utraque , sed Positivum interim hac , quàm illa , tum quia ea animi constantia & præsentia , quæ in repentinis periculis , καὶ ἀνέμενον non*

non *ὀπίσσω* tamen, se exerit, ad bonum virtutis salvandum, aut malum culpæ fugiendum, (dico, ad illud salvandum, hoc fugiendum, quia, etsi quis invasus ab inexpectato defendat se viriliter, ad conservandam vitam suam, non propter hoc ocyùs operatur actum fortitudinis, prout est virtus moralis, cùm sic habere se possit canis ad canem, quod ideo naturale, non morale:) nescio quomodo magis est ab habitu, ut quæ minus habeat præparationis & consilii, quantò autem minor præparatio, tantò major animi magnitudo, laudem fortitudinis merens majorem, eò quòd subita & repentina perferre animi sit suo habitu confirmati, tum quia, qui operatur fortiter in subitis periculis, fortius animum percellentibus, faciliusquè destitutione dejicientibus, fortior nã fortior eo, qui in prævisis, semel, quia hic fortem operationem producere potest, licet non operetur per habitum, ille non item, cùm non habeat spacium consultandi, sed agat ex consuetudine, iterum, quia quòd subita minus perspicitur, quanta sint, ideoquè nec caveri depellivè facile possunt, hoc magis ardua, circa hæc autem potissimùm occupatur virtus, tum quia pericula, in quibus cernitur fortitudo, non debent esse indifferenter cuiusvis temporis, non utique longinqui, sed propinqui, cùm fortis nomen haud mereatur, qui v. g. mortem in decem annos, aut

periculum aliquod longè positum, non metuit, eò quòd hoc sit extra periculum potius esse, quàm in periculo.

30. *Mors hinc Bellica*, quæ tantùm non sola objectum fortitudinis, determinatè secundum ultimum, in quod potest, & quia ab hominibus intenditur, humanisque viribus depelli potest, & quia una omnium honestissima propter causam, pulcherrima propter decorum, nobilissima & gloriosissima propter famam, ut quæ ubique locorum, præmiis & honoribus maximis, afficiatur cum suis alumniis, quibus orationes & pompæ funebres, statuae, pyramides, colossi, columnæ, sepulcra publica, victus publicus in Prytanéo, aut Xenodochio, vel etiam Nosocomio, privilegiaque nescio quæ, decernuntur, in favorem exortivæ posteritatis, quæ non item decernuntur iis, qui naufragio, ruinâ, terræmotu, fulmine, morbo, insensis latronum aut piratarum, perierunt, difficillima hinc propter certamen, utilissima propter fructus emolumenta & commoda, cum religionem pariter & regionem, aras, inquam, & focos, libertatem, leges, liberos, fortunas, defendat, fortunatissima denique, cum nulla sit fortunatior mors, loquendo civiliter, quàm ea, quæ, cum naturæ sit debita, pro patriâ potissimùm redditur, in cujus gremio securè dormit ecclesia, defensionem suam proximò Deum illi debens.

13. *Officium Fortitudinis circa suum Ob-
jectum in eo vertitur, ut vir fortis teneat
Medium Fiducialia inter & Terribilia,*
& quoad passiones inter plùs & minùs ti-
mere, & quoad operationes, inter plùs &
minùs aggredi, & quoad habitus, auda-
ciam inter, quæ excessus in aggressu, &
ignaviam, quæ defectus in aggressu, de-
nique audaciam & ignaviam inter ex unâ
parte, quæ vitiant aggressum, timidita-
temquè & intimidatam inter ex aliâ par-
te, quæ vitiant regressum, adeoque, ut agat,
ex quâ causâ debet, circa materiam, cir-
ca quam debet, eâ formâ, quâ debet, ob
eum finem, ob quem debet, hoc est, quâ
de re, & quâ in re, quomodo, quando, &
cur oportet. *Ut ita, subdusus subducendis,
ut quis sit vir verè & possivè fortis, ad
hoc requirantur sequentia requisita.* I. Ut
non ex quâlibet causâ quis indifferenter
adeat pericula. II. Ut non quâlibet indif-
ferenter, sed honesta, laudabilia, utilia: Ho-
nesta, quia in inhonestis virtuti, ejusquè
mediocritati, non est locus: Laudabilia,
quia sicut omne, quod ex vitio fit, vitupe-
rio dignum, ita contrâ omne, quod ex virtu-
te, dignum laude: Utilia, quia virtuti
præter honestatem proposita utilitas. III.
Ut non temerè, & desultoriâ levitate,
sed prudenter, hoc est, tempore, loco, mo-
do, quo oportet. Nequè enim fortitudo est

impetus præceps atque inconsultus, aut bruta ferocia, sed prudens ac præmeditata animi in rebus formidolosis magnitudo. IV. Ut honestatis causâ, non ostentationis, lucri, vindictæ, aut alius rei gratiâ, utquæ adeo fine honesto, ita & mediis honestis, ad foeminam usque inclusive, ut quæ & ipsa suo loco capax sit fortitudinis, tû quia omnis homo sanæ mentis per naturam est capax virtutis, cum nulli ea sit præclusa, omnes admittat, & nec sexum, nec censum eligat, tum quia contraria vitia in eam cadunt experientiæ testimonio, quare & virtus opposita, cum opposita sint nata fieri in eodem, sed universè interim magis vir, quàm foemina, in comparatione, tum quia foemina per naturam impotentior viro, unde mulier quasi mollior à mollitie, tum quia hæc virtus temperamentum virile, hoc est, calidum & siccum, animum quin etiam magnum, cor excelsum, hoc est, solidum & compactum, corpusquæ spiritus ac caloris plenum, desiderat, quo foeminæ, quæ ordinariè habent temperamentum humidum & viscosum, destituuntur, tum quia virorum officio competit, interesse belli pacisque rebus, non item foeminarû, illorum fortitudine differente ab harum fortitudine, quantitate tã continuâ quàm discretâ, continuâ, quoniam tantû præcellit fortitudo viri fortitudini foemine, quantû foeminus sexus infra masculinum subsistit, discretâ, tum quia occasiones pro patriâ fortiter pugnandi

gnandi ad mortis usq; confiniū, infrequen-
tes admodū in fœminis, quæ quàm audacu-
læ, tam timidulæ, tum quia actus, quibus ac-
quiritur fortitudo, gravibus undiquaq; sunt
circumsepti periculis, ideoquè etiam hoc
nomine rariores in fœminis, ad quarū m-
suram qui fortis de classe virorum, nã ille
timidus potiùs quàm fortis, in suo genere.

32. *Quod si ita, si, inquam, hoc Officium
Fortitudinis circa suū Objectum, ut teneat Me-
dium inter Fiducialia & Terribilia, tunc Aὐ-
τόχεις ἢ Αὐτοφόροι Græcis, Propricida Latini-
nis: Coöperantes ad propriam mortem, vel
ipsius judicii iussa: Milites Classarii, ignem in-
pulverem pyrium mittentes superioris autorita-
te: Milites hinc Stipendiarii sive Mercenarii,
quæstus gratiâ stipendia merentes, causâ belli
sulquè deque habitâ: Milites quin Desperabun-
di, sive desperatione pugnaces: Martyres: Ipsi
quin etiam Μορόμαχοι hinc sive Duellatores,
tam Privati, quàm Publici: Denique Analogi-
cè atque Adumbratè Fortes, hoc est, tales Poli-
ticè, Empiricè, Patheticè, Fiduciarè, Casuali-
servè atque Insciè, γνῶσις fortes non sunt.*

33. *Aὐτόχεις ἢ Αὐτοφόροι sive Proprici-
da idèò, quia αὐτοχέια, tam naturalis, sive
ea sit totalis, sive partialis, quàm moralis,
qualis eorum, qui vel intemperantiâ, vel ne-
gligentiâ & temeritate, sibi mortem accele-
rant, ut homines audaculi, & medicinas
contemptores, ea verò adversis frontibus pu-*

gnat.

546 I N S T I T. E T H I C A R U M
 gnat cum Lege Naturali , Divinâ , Civili , &
 Morali , ex quâcunque tandem causâ fiat , sive
 ex tædio vitæ , senectutis , morbi impatien-
 tiâ , amoris vehementiâ , patriæ amissione ,
 mortibus uxoris liberorum amicorum , metu
 supplicii , ignominia , paupertatis , timore item
 vel odio servitutis , pudoreve ereptæ pudicitie ,
 aut non benè gestæ rei , ex desperatione quin
 etiam , avaritiâ , similivè animi imbecillitate ,
 & vel ipsius ex immortalitatis cupiditate , so-
 lo delirio , ut excipiendo , ita excepto . Cum
 Lege Naturali pugnat hætenus , quia ea re-
 quirat , ut omne animal suiipsius intendat
 conservationem , cujus contrarium , putà ,
 suiipsius destructionem , intendit homo *ἀν-
 θρώπος* , dum unionem animæ & corporis dis-
 solvit contra naturæ legem , quæ animam
 homini dedit , non ut dissociata à corpore vi-
 veret , sed ut corpori semper esset devincta ,
 cui etiam semper devincta fuisset , nisi tristis-
 sima Protoplastarum nostrorum *παράβασις
 καὶ παραβίασις* , transgressio & prævaricatio ,
 secuta esset . Cum Lege Divinâ pugnat hæte-
 nus , quia ea præcipit , ne occidas , & ne occi-
 das hominem : Jam verò , si neminem debeo
 interficere , ergò propter generalitatem legis
 neque meipsum , cum ; qui se necat , necet
 hominem , contra legis interdictum . Qui
 enim tollit genus universaliter , eum etiam
 omnes ejus species tollere consentaneum est : .
 Atqui hoc facit lex divina : Ergò !

34. *Coöperantes ad propriam mortem, vel ipsius magistratus jussu, idèd, quia sive permiserit judex αὐτοφονίαν, sive jusserit, peccatur, tum quia sic committitur αὐτοχειρία, tam naturalis, quàm moralis, cùm licet illa præcepta sit poena, dum sustinetur, tamen infimul est culpa, dum à semet infer-tur, cùm nemo debeat esse suus carnifex, si-biquè ipsi scindere ventrem regis Japonii jussu, tum quia hîc non tam respiciendum ad id, quid judex possit, (immò verò non possit, cùm nequeat punire, nisi more pa-trio, hoc est, usitato,) quàm quid da-mnatus, qui ut possit exercere actus præ-paratorios ad mortem, actus, inquam, indif-ferentes, v.g. ire in carcerem, aut exilium, scalam gemoniam sive patibularem con-scendere, carnifici præbenti citutam os ap-plicare, tamen non potest exercere actus coö-peratorios ad ipsam mortem, qualis actus, si v.g. tonsor, damnatus ad sanguinis mis-sionem, ipse de se supplicium hoc capiat, vel magistratus imperio, quia hoc in casu legi naturæ parendum potius, quàm magi-stratui id, quod naturæ contrarium est, præ-cipienti.*

35. *Milites Classarii, ignem in pulverem pyrium, ejusdem magistratus mandato, mi-tentes idèd, & quia magistratus nequit di-spensare de legibus divinis naturalibus moralibusvè, & quia in malis moralibus*
neque

neque majus neque minus eligendum, sicut nec ex uno morali, naturali altero, graviore utrobique existente culpâ ipso malo, quæ ne admittatur, cætera ferenda, nec voluntariâ morte antevertendi cruciatus, & turpissima quæque supplicia, malis gravioribus ea, quæ minora sunt, intercipiendo, & quia tales in patiendo succumbunt, feruntque pericula, non feriunt, nisi incertissimo eventum, & quia hic eorum actus est actus desperationis, viri autem fortes sunt ἀέλιπιδες, non αἰέλιπιδες, tum hæc actio versatur tantum circa terribilia, nulla fiducialia vitæ civili proportionata, & quia denique objectum veræ fortitudinis audit τὸ terribile quidem, verum propulsabile à viro forti, quæ conditio hîc deficit.

36. *Milites hinc Stipendiarii sive Mercenarii, stipendia merentes quasi gratiâ, causâ belli susque deque habitâ, idèa, quia hi stipendii præcipuè causâ, speque prædæ ac rapinarum, militant, cutemque venalem circumferunt, non tam decus & gloriam captantes, quàm rem, quibus idèa finis nequit esse honestus, cùm his nihil spei sit reliquum, nisi capax spoliolum bulga, & pecuniæ bursa, quæ spes si fallat & decollet, palearum instar dissipantur, ut qui non pugnent pro aris & focis propriis, verum alienis, quæ minùs afficiunt, quàm propria, neque verò cum ratione, sed sine. Dico, præcipuè.*

Meren-

Merenter siquidem viri fortes quoque etiam stipendia, at ea non respiciunt, tanquam causas moventes, & finem principalem, sed ut finem secundarium, & minus principalem, quid autem vetat, virtutem primò spectari, nummos verò post virtutem? Quòd si tamen superiores consentiant in prædam, tanquam præmium virtutis, belliquè causa sit honesta, siquè illi, qui nomina dant militiæ, populi salutem sibi potiùs propositam habeant, quàm rapinas & spolia, næ tales milites probantur.

37. *Milites quin Desperabundi. sive desperatione pugnaces*, idèd, partim quia illorum audacia & pugnacitas non est conjuncta cum ratione, nedum cum virtute, quæ ~~en~~ *en* ~~per~~ *per* ~~ais~~ *ais* ~~iotus~~ *iotus*, ex certo animi proposito ac consilio, proficiscitur, cùm milites desperabundi contrà omnia agant impetu, eò quod nihil impetuosius sit desperatis, Vespasiani effato, quibus cum idèd malum pugnare, quoniam sæpè hominibus dat desperatio, quod non dat fortitudo, partim quia vera fortitudo est sine desperatione, resti, præcipitiis, ferro, ut quæ, cùm mala eam premere cœperunt, animum non despondeat plenè ac planè, verùm fiduciâ misericordiæ divinæ, seriæquè pœnitentiæ, meliorisque fortunæ spe, eum postliæ iniò colligat, partim quia etiam timidissimæ quæque bellux, conclusæ & quasi captivatæ, ubi nullum se ha-

habere effugiū sentiunt, efferatiores ac ferociiores factę, ob desperationem acerrimę pugnant, neque tamen Ideò fortiores sunt ceteris, quę idem faciunt citra talem necessitatē.

38. *Martyres quin hinc idē*, tum quia non versantur circa objectum fiducialem, vitę civili proportionatum, tum quia non versantur circa objectum terribile, propulsabile à viro forti viribus humanis, tum quia non ex habitu fortitudinis sive virilitatis versantur circa illud vel istud, tum denique, quia in martyrio non bellant plures inuasorię, sed nec defensorię, ita ut vel defendendo invadant, vel invadendo se defendant, verum solummodò mortem mortisque periculum sustinent, ne incurrant malum culpę, abnegando fidem, contra fidem semel datam in sacramento initiationis, & confirmatam in sacramento obsignationis. Quid ergò martyres? Spiritualiter fortes, non moraliter, ut qui, quod agunt, agant vī gratię superioris.

39. *Sed & Μοιμαχοί, sive Duellatores, tam Privati, quàm Publici.*

40. *Duellatores Privati idē*: I. Quia in tali duello ille, cui non licet alterum interficere, nititur eum interficere, putā privatus privatum, idquē consultò, extra casum & causam necessitatis. II. Quia duella privata suscipere, hoc ipsum sanē quàm temerarium, contraquē officium viri fortis, qui non
adit

adit quævis pericula, sed ea tantum, quæ honesta, non scelestæ, laudabilia, non vituperabilia, utilia in publicum, non noxia, qualia pericula, quæ adeunt duellatores privato consilio & auctoritate. III. Quia idem iudiciorum jurisque publici tutela est constituta, ne quis sibi permittat ultionem, quæ, si privata, prohibita, siue quis injuriam acceperit in rebus, siue in personâ & personalibus, cum viâ juridicâ res suas & honorem possit recuperare, saltem spem recuperandi habeat, quæ iudicia, & quam juris publici tutelam, contra se habent duellatores, dum ad sui defensionem utuntur illegitimis mediis, iracundiâ, fremitu, tremore, furore, rabie, maledictis, conviciis, blasphemis, temulentâ, insaniâ, execrationibus, odio, vindictâ, inanisque gloriolæ vento, malis sodalitis frigidam suffundentibus, temeritatemque loco magnanimitatis, fortitudinem loco ignaviæ, veramque gloriam loco ignominie habentibus. IV. Denique, quia si honor tuus videatur venturus in discrimen, non ideo petulantius exponenda vita, quæ pluris merito esse debet, quam quivis honor, cum vita semel erepta nequeat restitui, honor verò queat, qui hic non eripitur, eò quod infamia ex delicto & propriâ turpitudine oritur, non calumniantis calumniâ, siue ea sit verbalis, siue realis, siue mixta.

¶ I. *Duellatores Publici* idem, quia, licet ad
lites

lites publicas dirimendas ac componendas , majoris malorum acerbitatis propulsandę causā , adeoque ob honorem & salutem patrię , seu bonum publicum , utquę sic parcatur sanguini humano , cujus minimę debemus esse prodigi , & quod sic in compendium mittatur bellum , publicā auctoritate , vel à militibus jussu ducis , exemplo Horationum & Curiatorum , pueri item Vandalici & Alemannici , vel ab ipsis ducibus immediatę , exemplo Caroli Andegavenfis , & Petri Tarraconensis , licet , inquam , horum suscipiatur duellum , tamen non tenet , tum quia certius omen ac pręjudiciū de belli eventu capi potest ex iis , quę fortuitō , & quasi divinitus , offerri videntur , quale fuit certamen duarum aquilarum in castris Bruti , & ludicrum in castris Alexandri Magni ; tum quia justitia belli non est habenda ludibrio , & in duorum triumvę pacitum fortunā collocanda , id quod sine tentatione Dei vix fieri potest , tum quia , siquidem dux , ab hoste provocatus ad singulare certamen , huic se sistat , si occubuerit , facile totus exercitus animum despondet , quod ne fiat , etiam atque etiam cavendum . Sed non temerę interim recedendum etiam hęc à communi viā sive sententiā , quam his verbis complexus est Franciscus Piccolomineus : Singulare , inquit , certamen , cum absolutę & per se malum sit , cum conditione

ditione tamen, & ex accidenti, concedi potest, putà, si versetur inter duos principes legitimum bellum, vel ex parte unius, vel ex parte utriusque, quod tamen, an de-
 rur, dubitatur. In tali quippè casu, pro vi-
 tando majori malo, vel ipsimet principes,
 vel alii ab his electi, singulari certamine li-
 rem universam dirimere posse videntur, quia
 sic non obtinet amplius locum certaminis
 singularis, sed publici, & præsupponitur id
 fieri ob bellum legitimum, cum majoris
 mali evitacione, cujus respectu minus ma-
 lum obtinet locum boni. Hæc ille.

42. Denique Analogicè atque Adumbratè
 Fortes idèd, quia hujus commatilis homines
 exercent exteriorem solummodò actû for-
 titudinis, impulsî ad pericula subeunda ap-
 parente aliquo & specioso nomine, hoc est,
 ex aliquâ aliâ causâ, quàm ex virtute, id est,
 exercent illi quidem actum fortitudinis, sed
 materialiter tantùm, non formaliter. Ap-
 pello analogicè fortes, quia hæc eorum for-
 titudo ficta atque e mentita, veræquè forti-
 tudinis simulacrum potiùs, quàm species,
 εἰδωλον, inquam, quàm εἶδος. Quamvis e-
 nim quid habeat cognatum genuinæ ac ger-
 manæ fortitudini, observantiam putà legû,
 spem præmiorum, metum poenarum, expe-
 rientiam, idquè secundariò, tamen insimul
 quoque habet quid cognatum oppositis vi-
 tiis, putà, spem temerariam, iram inordina-
 tam

tam, cupiditatem effrenem, idquæ primariò, ideoquæ his magis analogæ in comparatione, quàm oppositæ virtuti, adeoque quasi intermedium quiddam, hoc est, nec virtus omninò, nec vitium.

43. *Ceterùm Analogica hæc sive Apparens Fortitudo, universè vel Politica est, vel Empirica, vel Pathetica, vel Fiduciaria, vel Casualis sive Inscia.*

44. *Fortitudo Politica* est, quam leges à singulis civibus, in propugnandâ patriâ, propositis præmiis & pœnis, exigunt. Duplex numero. Vel enim est spontanea, ut cum milites, ad legum jussû, solo honore ac præmiis, ad fortiter pugnandum incitantur, quodquæ agunt, id omne agunt spe præmiorum: Vel Invita, & propemodùm Coacta, ut cum milites, formidine pœnarum compulsi, juxta legum tenorem, fortiter se periculis objiciunt, non tam id, quod turpè, quàm quod molestum, averfantes, ne scilicet, si pugnx se subducant, jussu Agamemnonis Homerici fiant canibus voracibus esca. *Differt à Verâ Fortitudine.* I. Causâ efficiente, quia leges hanc singulis imperant, sub comminatione pœnx, si recusent, non mores. II. Causâ finali, quia non tam honestatem, quàm vel præmii adeptionem, vel pœnx declinationem, spectat.

45. Ad civilem hanc fortitudinem referri solent etiam eorum ausa, qui coacti se viros

græ-

præstant, & vel verberibus, incensis navibus, abruptis pontibus, oclusis portis, aguntur in hostem, vel à fronte hostem, à tergo fluvium lacus fossas & fossata habent, sicquæ obsessi pugnant præter communem modum, non tam dedecus effugere cupientes, quàm mortem

46. *Fortitudo Empirica sive Militaris* est, quæ milites, ob experientiam in periculis ad-
cundis, intrepidus reddit. Empirica ob experientiam, sive adjuncto ejus: Militatis verò à militibus, sive subjecto ejus, eò quòd in veteranis atque exercitatis militibus præcipuè invenitur, qui instar veterum murum uni haud fidunt antro. *Differt à Verâ Fortitudine.*

I. Causâ efficiente, quia non à prudentiâ consilio, sed experientiâ, quæ sicut animosos facit alios in aliis periculis, nautas in mari, dum malos scandunt, & contractum cum ventis ac fluctibus bellum gerunt, scandularios, dum tecta scansitant, urinatores, dum aquas subeunt, venatores, dum feras in silvis persequuntur, fossores, dum metalla in subterraneis specubus scrutantur, athletas, dum congregiuntur cum adversariis in arenâ, ita milites in bello, dum pericula contem-
nunt, quibus sunt assueti. II. Causâ finali, quia mortem, quàm turpitudinem, magis verentur hujusmodi milites. III. Adjunctâ perseverantiâ, quia tales milites tam diu præsentis sunt animo, quàm diu peritiæ suæ fidunt,

eaquè hostibus se longè superiores esse autu-
mant : At ubiprehendunt , hanc non esse
tantam , quantam putârunt , vel successus præ-
ter opinionem non respondet ipsorum expec-
tationi , majusquè sit periculum , inferiores-
què se esse videant numero atque apparatu ,
næ illi tunc primi sæpè fugiunt , stationem-
què deferunt suam.

47. *Fortitudo Pathetica sive Affectuosa* est,
quæ ex odio , irâ , vindictæ cupiditate , & cu-
piditate in genere , sine certo consilio , ma-
xima pericula adit , atque ad tempus sustinet ,
non tam ob actum tolerandi & sustinen-
di , quàm aggrediendi tamen. Quod qui fa-
ciunt , non tam fortes dicendi , quàm pugna-
ces , quia ex affectu faciunt , quod faciunt.
Differt à Verâ Fortitudine. I. Causâ effi-
ciente. Nam à passione aliquâ , putâ , irâ , odio
amore excitatur : Jam vir fortis , non tam af-
fectu , quàm consilio , pugnat , nec ob iram
doloremvè , sed ob honestatem. II. Subje-
cto , quia & bestiis , & malis hominibus , non-
nunquam inesseprehenditur. Nam & be-
stiæ , dolore atque irâ accensæ , periculum præ-
sentissimum contemnunt , ipse quin immò
afinus , omnium aliàs ignavissimum animal ,
nullas plugas metuit , cùm esurit , neque se
à pastu abigi sinit , & mœchi , sceleratiquè ho-
mines , nihil scelerum storum perpetrando-
rum causâ intentatum relinquunt , neque ta-
men vel illæ vel illi fortes , nisi bestias , cùm
irri-

irritatæ magno impetu feruntur in eos, à quibus læsæ, quamvis alios homines formident, fortitudinis titulo ornare velis, hominesquæ extra se affectibus raptos, v. g. Chorcæbum Virgilianum, qui, dum videt sponsam Casandram crinibus ad templum pertrahi, insano ejus accensus amore, medium se in hostium agmen moriturus præcipitavit, nihil minùs quàm fortis. III. Causâ formali, quæ in verâ fortitudine moderatio affectuum rationi consentanea, in hâc verò inconsideratus impetus. Neque enim rationi obtemperat hæc fortitudo, sed ab affectibus rapta præceps inconsideratèq; fertur. IV. Causâ finali sive fine, qui veræ fortitudinis honestas, hujus vindicta.

48. *Fortitudo Fiduciaria* est, quam confidentia victoriæ, externaquæ præsidia, in periculis prævisis, adeoque spes certa evasione, excitat in animo canentium ἐπινίκιον ante triumphum. Unde apparet, fortitudinem hanc δι' δουλπίαν esse eorum, qui, cum sæpè & multùm vicerint, resquæ habuerint secundas, ita ut ex voto aliquoties successerint omnia, perpetuam sibi ex eo felicitatem promittunt, intrepidequæ se ideò periculis objiciunt, id quod familiare inprimis militibus veteranis. *Differt à Verâ Fortitudine*: I. Causâ efficiente, quæ illius, persuade veræ fortitudinis, fiducia bonæ causæ, & bonæ conscientiæ, sive spes nixa causæ

ed usque progrediens, donec se imparem viribus esse sentiens, mortemquè magis quàm ignorantiam metuens, in pedes conjiciat, exemplo Argivorum, qui, cùm in Lacedæmonios incidissent, quos Sicyonios esse putabant, re animadversâ protinùs terga vertunt, similes pueris, qui præsentì animo tractant aspides & serpentes ignari veneni, eosdemquè mox è manibus abjiciunt, ubi didicerunt periculi magnitudinem. *Differt & ipsa à Verâ Fortitudine.* I. Causâ efficiente, quæ illius notitia periculorum, hujus ignorantia eorundem. II. Subjecto, quod illius experti rerum bellicarum, quæ juvenes, quæ viri, hujus imperiti & inexperti rerum adolescentuli, qui ad bellum vadunt, tanquam ad choréas, quod dulce inexpertis. III. Causâ formali, quæ illius aggressio periculorum cum consilio & constantiâ, hujus fuga eorundem tumultuaria & temeraria, ubi innotuerunt. Quàm primùm enim ignorantia periculi est detecta, stationem deserit, dumquè reliqui pugnant maximè, fugit maximè. IV. Causa finali sive fine, qui illius honestas, hujus privata salus, vel cum ignominiâ, quàm honestati præfert.

53. *Timiditas* est vitium morale, quod in metuendo modum excedit, in confidendo verò deficit, exemplo Pisandri, qui, ne mortuus umbram suam videret, pertimuisse dicitur, item Artemonis cujusdam,

cui æreum usque scutum supra caput duofervuli tenere, ne illapsu rei alicujus læderetur, si fortè coelum rueret. Atque hujus loci sunt proverbia: Timidi nunquam statuunt trophæum: Qui observat ventum, nunquam seminat, & qui observat nubes, nunquam metit. Item illa: Prætervolantes muscas metuere: Ad soricis stridorem expavescere: In pulicis morfu Deorum opem implorare: Ne $\mu\upsilon$ quidem aut $\chi\rho\upsilon$ dicere audere.

54. *Differt à Timore Physicè considerato*, sumto, inquam, pro affectu appetitus irascibilis, ab objecto ingrato proveniente, inclinante, non tantum ad non aggressum, sed etiam ad fugam. terribilium: *Etiam quia Ethicè*, sumto eo, vel pro motu vitioso, unâ vice in animo timentis excitato, vel pro dispositione, ad habitum timiditatis vitiosum comparandum ducente, natâ partim ab educatione servili, timidiores ad omnia reddente homines liberos, partim à præteritorum malorum recordatione, maximè recentium, quæ vix evasimus, partim à conscientia sceleratè factorum, cum nihil sit mericulosius animo hominis sibi malè conscio, qui, sicut

Qui semel est laesus fallaci piscis ab hamo

Omnibus unca cibus ara subesse putat.

Differt deinde autem à Fortitudine per excessum timoris, in quantum scilicet timet, quod non

non oportet, vel secundum quod non oportet, cuius contrarium facit fortitudo, servans medium rationis in materiâ, circa quam est, quam transit vitium circa eandem materiâ, v. g. timiditas in præfenti argumento, quæ licet non semper pertineat ad pericula mortis, v. g. timor amissionis pecuniæ in avaro, voluptatis in intemperante, tamen opponitur fortitudini, non quidem sumpta pro timore inordinato communiter, pro timore, inquam, servitutis vel ignominie, verum pro timore inordinato in subiectâ materiâ, hoc est, periculis mortis, qui desperationis principium, sicut principium audaciæ spes.

55. *Ignavia* est vitium morale, quod in confidendo, hoc est, audendo & aggrediendo, deficit, in metuendo verò excedit, exemplo Arati Sicyonii, qui signo pugne dato secedere, & eventum præstolari solitus pugne, præterquæ Thrasionem Terentianum, stantem post principia, & inde omnibus signum dantem, Anonymus quidam, qui Herculis famâ auditâ præ metu in specum se abdidit, vidensquæ eum exanimatus est.

56. *Intimiditas sive ludolentia* est vitium morale, quod in metuendo deficit, in confidendo verò excedit, quæ si planè nullum formidabile reformidet, insania appellatur, qualis fuit Celtarum Pŷllorum & Canniorum, qui aërem hastis pullârunt, Gladiatoris

item Anonymi, qui, cùm in Cæsaris ludo vulnera ejus à Medicis exsecarentur, ridere solitus est, necnon alterius Anonymi, qui cùm minutissimis cultellis scriptoriis peteretur, dedoluit magis, quàm indoluit, dicens, nihil agis, ô dolor!

57. Quamvis verò quatuor extrema in scholâ morali ponantur fortitudinis: (verba sunt Alberti Magni,) superabundans putà in audaciâ, & deficiens in eâdem, superabundans item in timore, & deficiens in eodem, tamen hæc quatuor solùm duplicis moris sunt in eâdem scholâ. Etenim superabundans in audaciâ est deficiens in timiditate, & superabundans in timiditate deficiens in audaciâ, & sic audaciam inter, quæ, dum nimiùm confidit, in confidendo excedit modum, dum verò minùs, quàm debebat, metuit, in metuendo eundem deserit, & timiditatem inter, quæ, dum nimis metuit, in metuendo excedit modum, dum verò minùs, quàm debebat, confidit, in confidendo eundem deserit, medietas est fortitudo. Cùm enim duæ sint fortitudinis actiones, confidere & metuere, audacia excessus est in confidendo, defectus in metuendo, timiditas contrà excessus in metuendo, defectus in confidendo, cumquè princeps hujus virtutis sit actio confidere, moris est, ut absolutè quidem audacia excessus, timiditas verò defectus appelletur.

58. *Quarum ultra media Fortitudini propior sit, Audacianè an Timiditas, questionis est?* Sunt, qui propiorem esse dicant fortitudini *παρρησιαστικῇ* audaciam, ut quæ animo sit præsentī, sicut illa, aggrediaturquè magna pericula, sicut illa, contrà propiorem fortitudini *φοβιστικῇ* timiditatem, ut quæ metuens sit periculorum, sicut hæc, fugiatquè pericula, sicut hæc, at ignobiliorem interim, eò quòd magis gloriosum sit, magna pericula aggredi, quàm fugere. Sed propiorem scilicet, non probiorem. Est enim fortitudo virtus, & viri prudentis, audacia verò vitium, & viri imprudentis, illa rationem sequitur, hæc contenmit, quæ non magis ideò cum illâ consistit, quàm cum ratione insania: Quòd si non consistit cum fortitudine audacia, multò minùs timiditas, cùm potior actio fortitudinis sit, confidere, quàm metuere.

60. Quicquid sit, audacia ad medium fortitudinis faciliùs reducitur in comparatione, quàm timiditas, sicut prodigalitas ad liberalitatem faciliùs, quàm opposita avaritia, quæ ideò ei propior, sicut hæc illi, ob rationis identitatem, quæ est utrinque.

*De Temperantiâ, & hujus Extremis, id est. inde Intemperantiâ, hinc Stupere in genere: In specie-
verò de Frugalitate, & hujus Extremis, id est, inde
Edacitate & Bibacitate, hinc Nimia à Libo & Po-
tu Abstinentiâ: De Castitate item, & hujus Ex-
tremis, id est, inde Libidine & Impudicitia, hinc
Diogenicâ à Venere Venereisquò Abstinentiâ.*

§. 1. **T**emperantia, si Nomen siue Nominali-
tatem ejus spectes, ut sic accipitur
generalissimè, pro quâlibet moderatione, si-
ve pro quâcunque naturali continentia, qua-
lis in apibus, quæ feruntur eos odisse, qui
unguentis sunt delibuti, aut à recenti veni-
unt Venere, capitone item & accipensere
piscibus, cicadisquè, necnon in aquilâ Jovis-
alite, & in genere in bestiis, quæ subjectum
ejus communissimum.

2. *Si Rem, siue Realitatem, ut sic iterum
accipitur vox temperantiæ, aut generali-
ter, pro eâ virtute, quæ in quovis animi mo-
tu modum servat, pro moderatione, inquâ,
omnium actionum humanarum, quæ cum
voluptate conjunctæ sunt, dolorevè, quod
subjectum ejus commune, ut sic deducta à
tempore, eò quòd quamque rem suo tem-
pore faciat, nec nimis citò, nec serò nimis,
sed nec sæpè nimis, nec diu, aut specialiter
pro eâ virtute, quæ ventri, tam superiori,
quàm inferiori, modum imponit, inquè gulæ
atq; inguinum voluptatibus mediocritatem*

servat.

servat, ut sic Latine deducta à temperie. Græcè Σωφροσύνη, audit, vel quasi σώζουσα τὴν φρόνησιν, conservans mentem subjective, vel quasi σώζουσα τὴν φρόνησιν, conservans prudentiam, quæ habitus mentis perfectivus, adjunctivè, utramque effectivè. Cum enim opposita intemperantia nullam altam notionem magis corrumpat, quàm prudentiam, (Neque enim intemperantia ita impedit, quò minùs sciamus triangulum habere tres angulos duobus rectis æquales, quod est scientiæ, aut quomodo navis sit fabricanda, quod est artis, sed solum, saltem maximè, pervertit id, quod sub actionem cadit, in quo versatur prudentia,) sequitur vi oppositionis, oppositam temperantiam prænominatam prudentiam, judiciumquæ ejus practicum, salvando salvare, & propter conservationem sanitatis, quam omnium maximè tuetur temperantia, & propter moderationem sensuum, ac refrenationem affectuum, qui sæpenumerò turbant mentem, & propter suppressionem ac strangulationem voluptatis & doloris, adversantium judicio ejusdem, quæ monstra domat hic Hercules.

3. Aristoteles τὴν Σωφροσύνην sive Temperantiam, sumtam sub hoc ultimò conceptu objectivo & formali, sic finit: *Temperantia est Virtus, (putè Moralis sive Ac-*

quisita More,) servans Mediocritatem in Voluptatibus & Doloribus Gustatus & Tactus, virtus, inquam, moderans Cupiditatem Nutricem, quæ gustus, & Generatricem, quæ tactus.

4. *Juvat ἀναλύειν. Definitio hæc constat Genere, & Differentiâ Specificâ.*

5. *Genus Temperantia est Virtus Moralis, ut quæ, & ipsa sit habitus προαγωγικός electivus, habens requisita virtutis moralis, rectam putà rationem pro principio agendi, mediocritatē inter duo extrema pro medio, honestatem verò pro fine, bonumquē faciat habentem, opusquē ejus rectum ac perfectum der, quod proprium virtutis moralis: Ubi autem ingredienria virtutis moralis, ibi & ipsa virtus moralis.*

6. *Differentia Specifica Temperantia sumitur ab Objecto, Adjunctoquē Officio circa illud Objectum.*

7. *Objectum Temperantia, vel Internum est, vel Externum, idquē iterum vel Primarium, vel Secundarium.*

8. *Objectum Temperantia Internum est Cupiditas Nutritionis & Generationis, non tam naturalis tamen, sive toti speciei communis, qualis cupiditas cibi porus & Venæris, in quâ per se vitium committi nequit, sed ratione accessoriaræ *μικροσίας καὶ ἀταξίας*, Injudicii & Inordinis tantum, quàm moralis & propria, sive uniusculque peculiaris. In*

illâ specie, ut cùm quis hunc vel illum cibum potum aut Venerem expetit.

9. *Objectum Temperantia Externum Primarium est Voluptas inde Exortiva:* Omnium una ratio. Cùm enim temperantia cupiditatum moderetur voluptates, versabitur insimul, & circa cupiditates, & circa voluptates, harumquè, ut causas, ita effecta, adjuncta, omniaquè, quæ cum ipsi's cohærent.

10. *Objectum Externum Secundarium Temperantia est Dolor,* quatenus ex rerum jucundarum privatione sive absentia nascitur tamen. Cùm enim res jucundæ, quibus homo fruebatur, absunt, dolere solet homo, qui dolor ne nimium intendatur, facit temperantia.

11. Ex his objectis externis, illud, quod primarium, est objectum per se temperantia, hoc verò, quod secundarium, objectum ejus per accidens, nec nisi, ubi quem intemperans, ex privatione atque carentia voluptatis, capit dolorem. Ut ita temperantia sit moderatrix, & voluptatis, & doloris, pertinentis ad sensum gustus & tactus, sed universè Interim magis voluptatis, quàm doloris, quia virtus versatur in rebus difficillioribus, difficilioribus autem resistere voluptatibus, quàm doloribus, eò quòd voluptates sint blandæ dominæ, & quasi

perantes, sed φιλάρετοι, φιλόσοφοι, φιλοχρημασταί, φιλότιμοι, φιλόμυθοι, φιλόφιλοι; studiosi virtutum, sapientiae, opum, honorum, fabularum & historiae, amicorum, amicæque conversationis, siquidem in his servant modum, & contra, affectatè virtuosì sive virtuosuli, sapientuli, scioli, lucripetæ, ambitiosi, nugivenduli, Placentini sive Gnathones, siquidem eum histrionice transeant. Scilicet illud est objectum temperantiae, ex quo quis temperans vel intemperans appellatur: At propter voluptates animi, quas quis percipit ex virtute, sapientiae studiis, pecuniâ, honore, fabulis, amicis, nemo temperans vel intemperans appellatur: Ergò non sunt objectum temperantiae!

16. *Voluptates Corporis* dicuntur, quibus corporis sensus titillantur & hilarantur, tanquam suavitatibus quibusdam, quibusquæ adeò sensus movetur, & jucunditate quâdam perfunditur.

17. *Sed nec circa Voluptates Corporis omnes occupatur Temperantia, non usique circa Voluptates Visus Auditus atque Odoratus*, quales voluptates sunt, cum v g intuentes hortorum amœnitatem, aëris puritatem, coeli serenitatem, astra, pulchram virginem, pictas tabulas, statuas, colossos, cum audientes Musicam, tam Vocalem, quam Instrumentalem, comœdias, tragœdias, fabulas, ora-

orationes, conciones, historias, cum odorantes thymiamata, flores, rosas, mala Punica, citronia, cottonia, præter animum oculos his aures & nares pascimus, nisi fortè per accidens, sive alienæ causæ interventu, hoc est, hætenus, quatenus reducant in memoriam voluptates gustus & tactus, quatenusquè verè temperantes & intemperantes his quoque delectantur, eò quòd voluptatum ipsis propriarum recordationem excitent, spemquè faciant earum voluptatum, quæ ad gustum & tactum directè spectant, quomodo etiam belluæ voluptatem ex hisce sensibus percipiunt, per se non item. Dico per accidens, non per se. Quòd si enim quis v. g. picturis obscœnis delectetur, sermombusquè Fescenninis & Priapejis, hæc voluptas, quam inde percipit, eum haud dubiè intemperantem arguit, sed per accidens scilicet: Quòd si alius delectetur tabulis pictis, acroamatibus, thymiamatibus, ad profusionem usque, luxus ille non item ad intemperantiam referendus erit, ne per accidens quidem, si nihil aliud accedat, verùm per se ad oppositam liberalitati prodigalitem, cujus liberalitatis proprium τὸ φιλόκελον καὶ φιλόπρεπον, observantia honestatis & decori. Certè etiam hæc voluptates, ex oculis auribus & naribus cognitione quæ distinctâ percipiuntur, debent esse materia alicujus virtutis, circaquè eas versari debet.

me-

mediocritas ; quæ mediocritas reduci debet ad aliquam virtutum , non reducitur autem ad temperantiam , nisi comparatè ; quare ad aliam , saltem aliquam virtutem absolutè & per se. Quid multis ? Illud dicitur objectum per se virtutis , circa quod virtus aliqua per se versatur : Atqui temperantia non versatur per se circa voluptates visus auditus & odoratus : Ergò non sunt ejus objectum per se ! Tunc quippè quis temperans dicitur , quando gustum & tactum benè temperatum ac contemperatum habet , non autem , quando visum auditum & odoratum. Quis enim , amabò , intemperantem vocitet eum , qui venustæ puellæ aspectu condelectetur , si modo eam inordinate non concupiscat ? Quis intemperantem eum , qui auditione pulchræ cantilenæ , & odore suaveolentium rerum , capiatur , si modò voluptate iuguen ac gulam explendi haud extimuletur , idquè ideò fiat , quòd memoriam aut imaginationem aliarum voluptatum contineant , quomodo videmus , canem odore leporis capi , leonem mugitu bovis , non odorem propter , aut sonum , sed pastum propter & prædam , sive escam propter prædæ causâ , quam ex odore & sono præstò esse sentiunt , bovem item mugitu vaccæ , non pabulum propter , sed coitum.

toti speciei, dicuntur, quas natura cunctis animalibus necessariò indidit, ad individui & speciei conservationem, ut subveniretur naturæ necessitati, non tam quoad voluptatem tamen, quàm quoad victum & Venerem, quoad victum, qui necessariò requiritur pro conservatione individui, quoad Venerem, quæ necessaria, non pro generatione ejus individui, in quo est, sed pro generatione alterius individui, in suâ specie.

19. *Sed nec circa has Voluptates propriè occupatur Temperantia*, tum quia uniusmodi sunt, unoquè semper agunt modo, vel absolute, cum eadem apud omnes sit, ut fames, ita sitis, quarum illa est calidi & sicci, hæc frigidi & humidi, vel comparatè, pro generibus animalium, nominatim hominum, quomodo melancholicos ferè voluptatem capere cernas ex amaris naturaliter, sanguineos ex suavioribus, septentrionales ex multâ carne & potu, meridionales verò ex herbis, hunc abhorreere à butyro & caseo, illum à vino aut cerevisiâ connaturaliter, ipsâ corporis constitutione, quæ naturalis est, & affectione seu crasi, multum huc conferre, tum quia in his vitium per se ratione objecti committi nequit, sed ratione quâritatis tantum mediocritatem transilientis. Neque enim peccant, qui cibi & potus tantum sumunt, quantum satis est ad sedandam famem aut sitim, at edere & bibere, quæcun-
que

que offeruntur, donec plenior sis, quàm naturæ necessitas postulat, adeoque non tam edere, quàm vorare, bibere, quàm potare, hoc nihil aliud est, quàm modum naturæ convenientem copiâ superare, cujusmodi homines à Græcè philosophantibus appellantur γαστρομαρχοι, rabie ventris accensi, ἀπὸ τῆς γαστῆρος καὶ μαρχαίνων, à ventre & furendo, item γαστρίδες, hoc est, belluones, glutones, comedones, ventres. Similiter appetitus sexus ad sexum, voluptasquæ, quæ inde percipitur, per se peccatum non est, sed tale evadit, quando in quantitate mediocritas exceditur, ut cùm libidinum flammæ atque incendia ad simplicem appetitum accedunt, quod ubi fit, tunc opus generationis leprâ libidinis inficitur in libidinantibus libidinem, argumento ejus, quòd etiam in naturâ integrâ locum habuerit appetitus cibi potus & Veneris.

12. *Tantum de Objecto Negativo Temperantia. Objectum ejus Positivum, vel est Minus, vel Magis, vel Maximè Positivum.*

13. *Objectum Temperantia Minus Positivum sunt Voluptates Gustus.* Hæ enim, quia serviles & belluinæ, ipsoquæ excessu per se vitiosæ, virtute aliquâ moderandæ sunt, ne servis, immo bestiis, quis similis evadat, nominatim temperantiâ. Tunc siquidem temperantes dicimur, quando gustum rectè moderamur, quoad saporum judicium &

& usum, non quando visum auditum odoratumve.

14. *Objectum Temperantia Magis Positivum sunt Voluptates Tactus*, tum quia & ipsæ nobis cum bestiis communes, cum in nobis sint, non quâ sumus homines, sed quâ animalia, quantò autem voluptates nobis magis communes cum bestiis, tantò magis subiciuntur temperantiæ, tum quia hic sensuum omnium latissimus, saltem latior fratre suo gustu, qui in exiguâ corporis parte, purâ, linguâ summo gutture & palato, est positus, cum tactus diffundatur per totum corpus, cujus ideo voluptates, & plures, & majores, quàm gustus, eò quod linguæ & palati voluptates, non nisi interveniente tactu, percipiuntur, ad eumque referantur, si ve ille sit in esculentis, si ve in potulentis, quoniam gustus per se voluptatem haud afferre videtur, sed tantum ratione tactus, quatenus scilicet cibus vel potus attingit nervos & membranas, quæ tactus instrumenta, unde intemperantes, non tam visu odore & sapore delectari comperias, quàm comestione ciborum, & bibitione liquorum, hoc est, fruitione, quæ tota in tactu efficitur, quo qui gaudent, non capiunt voluptatem, nisi ex plenâ & omnimodâ fruitione, totos cantharos exhaurendo, integrasque obsoniorum patinas deglutiendo, judicio vini, quod est in gustu, nullo

nullo ferè existente helluonum, qui non ol-
faciunt temetum, cum Varrone Noniano,
& poculum naribus sæpè admovètes omnes
vini suavitates aucupantur, cum Sileno
Euripidéo, plitissando & repitissando vina
probantes, aut probaturientes verius, sed
cum temulentâ aniculâ Plautinâ, cum eo-
rum naribus objicitur veteris vini flos, non
contenti odore ejus, cupiunt dari, non naso
tantùm, sed gutturi suo gaudium; quò tan-
gere, invergere in se liquorem ejus ductum
possint, immò haustum, cujus rei causâ Phi-
loxenus fertur sibi optâsse collum trium cu-
bitorum, haud minùs, inquam, longum,
quàm collum gruls, cur, nisi quia impensè
delectabatur tactu, tum quia tactus volu-
ptatibus temperare difficilior, quàm gustus,
circa difficiliora verò magis occupatur vir-
tus, & per consequens etiam temperantia.

15. Neque interim circa omnes volupta-
tes tactus indifferenter occupatur tempe-
rantia, non utiq; circa liberales & ingenuas,
quæ in gymnasiis, ex frictione atq; unctione
gymnasticâ, aut in balneis, ex calefactione
sudatione atque lotione balneariâ, natatione-
què, revè simili, percipiuntur, quæ naturaliter
bonæ, ut quæ eandem cum exercitatione
vim habeant, debitoquè modo adhibitæ vi-
tale robur excitent, modicè calefaciant, &
alimenti concoctionem ac distributionem,
adeoque nutritionem, mirum in modum,
promo-

promoveant, eâdemquè operâ ad valetudinem potenter conferant, sed circa illiberales & serviles, quæ tactu, in determinatis corporis partibus, gulâ putâ & inguine, ex cibo potu ac Venere, percipiuntur.

16. *Objectum Temperantia Maximè Positivum sunt Voluptates Propria atque Adventitia Gustus & Tactus*, quales, quæ cuique peculiare, secundum varias complexionem, conditionem, mores, immò morbos, tam animi, quàm corporis, ut cùm quis hunc vel illum cibum potum venerem expetit, vel propter perversam & flagitiosam naturam, vel ex consuetudine pravâ, quæ animi morbus. *Φιλοποιήτης* Græci appellant tales, quasi tu dicas, cujuscunque rei præter modum studiosos, v. g. piscium, ut *φιλιχθύες*, vini, ut *φίλοινοι*, mulierum, ut *φιλογύναιοι*. Sed cur maximè positivum? Quia enim circa has speciales gustus & tactus voluptates vel maximè occupatur temperantia, eò quòd in his facilior sit lapsus, nec is uniformis, verùm pro circumstantiarum varietate varius, ob invitamenta & incitamenta varia, quæ hominum curiositas adinvenit. Fieri quippè potest, immò subindè solet, ut quis non tantùm plùs simpliciter delectetur aliquâ re, quàm decet, sed & eâ parte, quâ non decet, vel quomodo quando ubi & coram quibus non decet, ratione objecti, cupiendo ea, quæ non oportet, voluptatemquè capiendò

do iis ex rebus, ex quibus non oportet, v g, ex cibo potu Venere non conveniente, curiosè, inquam, præparatis alimentis & liquoribus, nec minùs curiosè ornatis mulieribus, ratione qualitatis accessorizæ, cupiendo, voluptatem quæ ex his capiendo, alio modo, loco, tempore, vel etiam magis, quàm oportet, v g, vescendo in publico, in diversorio, cum infamibus sodalibus, utendo comeestionibus nocturnis, nullà honesti aut decori habità ratione, & si quæ aliæ circumstantiæ in fruendis voluptatibus observari solent, negligi verò ab utriusque ventris, tam superioris quàm inferioris, mancipiis.

17. Ut totam tractationem de objecto temperantiæ, quasi in tabellâ pictâ, domi exhibeam, temperantia, uti ex ipsâ vocis acceptance notum, circa voluptates versatur, hisquè modum ponit. Hæ voluptates sunt duplices, aliæ animi, aliæ corporis: At illæ huc non pertinent, quare tantùm corporis voluptates: Verùm nec hæ omnes, non utique, quas visu auditu & olfactu percipimus, quare eæ, quas gustu & tactu: Ac ne hæ quidem æqualiter, quare potissimum eæ, quas percipimus tactu: Sed nec hoc omni, aut omnes, non utique, quæ toto corpore percipiuntur: Relinquitur ergò, eas voluptates tantùm hujus loci esse, quæ gulâ percipiuntur, & iis corporis partibus, quibus sexus distinguitur.

18. *Officium Temperantiæ circa suum Objectum*

jectum in eorum vertitur, ut vir Temperans teneat Medium in Cupiditatibus & Voluptatibus Gustus & Tactus, servando quintuplex hoc Decorum, Physicum, Ethicum, Oeconomicum, Politicum, & Theologicum, non solum ab intra appetendo, sed etiam ab extra exequendo atque operando, quando, ubi, quantum, quale, & quemadmodum, appeterequè oportet, appetitisquè uti: *Decorum Physicum*, quoad indigentiam naturæ, ac virium naturalium, virtutisque digestivæ quantitatem, satietatemquè appetitus, cum parvo sit contentus venter, si des illi, quod debes, non quod potes, contra verò turpe sit, stomachi sui haud nosse mensuram, majoremquè palati & gulæ, gutturis, inquam, & ventris, quam valetudinis, habere rationem, magisque id operam dare, ut opprimantur vires, quam ut reficiantur: *Decorum Ethicum*, & quoad bonam habitudinem mentis, ritè appetendo appetenda, fugiendoquè fugienda, & quoad honestatem moris, nihil voluptatum causâ faciendo, quod nomen atque estimationem boni viri lædat, & neque se efferendo voluptatibus præsentibus, nec dolendo absentibus, & quoad loci ac temporis circumstantiam, ne licitis quidem voluptatibus apud quosvis, quovis loco & tempore, indulgendo:

Decorum

Decorum Oeconomicum, quoad proportionem ac facultatem substantiæ corporalis, siue sumtus, non plus impendendo, ne in voluptates licitas quidem, quàm res familiaris & facultates patiuntur: *Decorum Politico-Theologicum*, quoad jura & leges, non capiendo, nedum captando, voluptates, quæ lege civili vel divinâ sunt prohibitæ.

19. *Extrema Temperantia duo sunt, alterum in Excessu, alterum in Defectu. In excessu ei opponitur Intemperantia, in defectu Stupor siue Stupiditas, non natura, sed consuetudinis.*

20. *Intemperantia est vitium morale, quod in concupiscendis & fruendis voluptatibus gustus & tactus excedit modum, omnemquæ molestiam, quæ ex harum absentia oriri poterat, inordinatè declinat ac fugit, furiosè amplectens præsentis voluptates, nec minùs anxie appetens absentes, &, siquidem comparari nequeant, dolenter do' es, pueri malè educato nō ab similibus hæc parre. Sicut enim ille, si non castigetur, cupiditatem potiùs sequitur ducem, quàm pædagogum, suoquæ vivit arbitrio & arbitratu, refraganeus immò refractarius rectæ rationi, ideoquæ ejus directorio, quasi capistro morali, opus habet: Ita, nisi vò τὸ πικρὸν πικρὸν hominis dissoluti à ratione coercetur, nã ille eundo vires acquirit, contraquæ*

rationem petulanter insurgit, nullâ habitâ ratione qualitatis, dum, quæ jucunda, promiscuè concupiscit, etiam turpiâ, quantitatis, dum plura & majora, quàm par est, modi, dum ita avidè, ut illa omnibus rebus habeat potiora, dolore anxius, & dum illis potiri non potest, & dum concupiscit, denique circumstantiarum, dum nec loci, nec temporis, nec personarum, ullam habet rationem, dum malè desideratis desideriis potiatur modò, appetendo, vel cum famæ atque existimationis jacturâ, ea, quæ non oportet, eovè modo, quo non oportet, aut quando vel ubi non oportet, plura quin subindè, quàm oportet.

21. *Deterior Ignaviâ & Timiditate in comparatione*, tum quia actiones singulares, quibus comparatur intemperantia, magis nescio quomodo sunt voluntariæ, ut quæ sint junctæ cum voluptate, quàm ultrò expetimus, tanquam optabilem, quàm quibus comparatur ignavia timiditasvè, ut quæ sint junctæ cum dolore, quem ultrò refugimus, tanquam inimicum naturæ, jam verò, quò vitium aliquod magis voluntarium, hoc deterius, reprehensionequè, & odio majori dignum, quò autem minùs voluntarium, hoc minùs malum, reprehensionisque idèò minoris, & per id odii, tum quia, quò faciliùs virtuti alicui assuescitur, hoc foediùs ab eâ desiscitur declinaturquè ad extremum magis

gis contrarium , jam verò multò faciliùs temperantiæ quis affuescit , & per eam voluptatibus moderatè expetendis ac perfruendis , quàm fortitudini , & per eam periculis intrepidè adeundis ac sustinendis , quorum illud crebras habet occasiones , & sine periculo , hoc raras , & cum periculo.

22. *Stupor* est vitium morale , quod in concupiscendis fruendisquè voluptatibus gustus & tactus deserit modum , omnes , etiam necessarias & honestas voluptates , spernens , nullamquè molestiam , quæ ex hauriri poterat absentiâ , capiens , à quo defectu , quòd videlicet deficiat in consecretandis voluptatibus , describitur potiùs , quàm ab excessu , quòd excedat in his aspernandis. Sic dictus à stupâ , quia ut hæc rimas in carinis obturat , ita stupor sensus & rationem. Græcè Philosophantibus ἀσύνετος audit , non negativa tamen , inferens negationem sive extirpationem sensus , & appetitus sensitivi , sed privativa , inferens defectum ejus circa voluptates legitimas gustus & tactus , eò quòd nihil ampliùs sentire videatur stupidus.

23. *Atque hæc de Temperantiâ in genere , cum ejus Extremis , puta Intemperantiâ & Stupore : Excipit Temperantiâ in specie , quoad Partes Subjectas , cum suis item Extremis.*

24. *Partes Subjecta Temperantia sunt, Abſtinentia, Sobrietas, Caſtitas, & Pudicitia.*

25. *Abſtinentia* eſt temperantia, in cibis ſumendis temperamentum rectæ rationi conſentaneum ſervans, tam objectivè, ſive ratione materiæ ſeu quantitatis, quàm formaliter, ſive ratione formæ ſeu qualitatis: Ratione materiæ ſeu quantitatis, capiendò tantum cibi permiſſi, ejusquè parabilis, & ſalubris potiùs, quàm delicati, oblati, quàm quæſiti, & nec corpori gravis, nec patrimonio, tantum, inquam, cibi, quanto opus eſt: Ratione formæ ſeu qualitatis, capiendò cibum, habito intercè reſpectu honeſtatis, non ſaturitate, ſed voluntate edendi, finem faciente, tum Proportionè, non Arithmeticâ, ſive ad pondus, ſed Geometricâ, ſive ad juſtitiam. Neque enim omnibus indifferenter hominibus, cujuſcunque ſint ætatis, ſexus, complexionis, una menſura cibi, vel ſecundum quantitatem diſcretam, ſive numerum & multitudinem, vel ſecundum quantitatem continuam, ſive molem & magnitudinem, præſcribi, vel poteſt, vel debet.

26. *Extrema Abſtinentia duo ſunt, alterum in Exceſſu, alterum in Deſectu. In exceſſu ei opponitur Edacitas ſive Voracitas, in deſectum Nimia à Cibo Abſtinentia.*

27. *Edacitas ſive Voracitas intemperan-*

perantia circa cibum , in edendo temperamentum ejus excedens , idquè quintupliciter.

Preproperè, Lautè, Nimis, Ardentè, Studiosè :

Quorum adverbiorum , quæ in moralibus emphaticætera, quàm ipsa verba, hæc ratio classica reddi solet, quòd excessus abstinentiæ spectari possit, vel circa ipsam cibum, qui comeditur, vel circa illius sumtionem sive comestionem. Circa cibum iterum, vel ratione substantiæ, vel ratione qualitatis, vel ratione quantitatis, sicut circa sumtionem ejus, vel ratione modi, vel ratione temporis. Ratione substantiæ est excessus, cùm appetuntur cibi preciosiores, quàm convenit statui, ut si religiosus, contemtis aliis cibis, nolit comedere nisi perdices phasianos ficedulas, id quod insinuatur per τὸ Lautè. Ratione qualitatis est excessus, cùm in condimentis, & studio præparandi, est excessus, ut si nolit idem comedere, nisi multo saccharo, vel succis variis, sit conditum, si, inquam, quæ sapida sunt, salubribus præferat, nullâ valetudinis habitâ ratione, id quod insinuatur per τὸ Studiosè. Ratione quantitatis est excessus, cùm nimium comeditur, hoc est, plus quàm natura requirit, abdomine cibis supra modum onerato & distento, id quod insinuatur per τὸ Nimis. Ratione modi est excessus, si

quis voraciter comedat, cibos non mansos devorando, si primus, ut canis in ollam, in patinas irruat, cumquè Philoxeno raptim abliguriat omnia, atque in ventris barathrum conjiciat, diripiendo optima quæque, & aliis præripiendo, pane obsoniorum, & obsoniis panis loco habitis, id quod insinuat per πῖ Ardentem. Ratione temporis est excessus; cùm tempus debitum prævenitur, sæpiusquè, quàm decet, cibus capitur, ut si quis à summo mane ad nocturnam usque stellam epuletur, horamquè prandii aut cœnæ impatientiâ gulæ præstolari nequeat, id quod insinuat per πῖ Præproperè, Tales voraces homines Græcè philosophantes vocant φιλοδείπνεις, ἐπεργνάθεις, ὀψοφάγεις, γαστριμαργείς, γαστρίεις, Latine verò Philosophantes, lurcones, comedones, glutones, catillones, liguriones, ventres, & in genere gulosos à gulâ, vocabulo gulæ accepto strictè, de inordinatione in cibo, non potu.

28. *Nimia à Cibo Abstinencia* est stupor circa cibum, in edendo temperamentum ejus deferens. Dico nimia, quia non omnis abstinencia à cibo est vitiosa, non utique ea, quâ corpus factum est sanius: Quæ ergò? Illa, quæ est noxia, qualis eorum, qui non tam ventri, quàm ventriculò, bellum indixerunt, subducendo huic necessaria cibi stabilimenta.

29. *Sobrietas* est temperantis, in potu assumendo temperamentum rectæ rationi consentaneum servans, tam objectivè, sive ratione materiæ seu quantitatis, quâ discretæ, quâ continuæ, quàm formaliter, sive ratione formæ seu qualitatis, capiendo tantû & talem potum toties, quantum & qualem & quories oportet. Ut ita objectum, tam materiale, quàm formale, sobrietatis sit potus ritè sumtus, argumento ipsius etymii. Dicitur quippè sobrius quasi sebrinus, ex *seβri* privativo, & voce ebrius, quasi tu dicas, non ebrium, quæ vox ebrii descendit à vocabulo briâ, valente mensurâ, ut sobrius nominaliter sit, qui è briâ tantum hauserit potus, quantum par est,

30. *Extrema Sobrietatis & ipsa duo sunt, alterum in Excessu, alterum in Defectu. In Excessu ei opponitur Bibacitas sive Ebriositas, in defectu Nimia à Potu Abstinencia.*

31. *Bibacitas sive Ebriositas* est intemperantia circa potum, in bibendo temperamentum ejus excedens, vel ad violentam rationis privationem usque. Dico, circa potum, quia sicut edacitas consistit in excessu in cibo, ita bibacitas in vini, remeri, vel cujusvis alterius potus, sive liquoris inebriantis, excessu. Vinolentia & Temulètia exindè.

32. *Differt ab Ebrietate*, quia ebrietas, sicut ira, ex causâ, ebriositas verò, sicut iracundia, ex moribus, cum ebriosus nihil sit aliud.

quàm sæpè multumquè ebrius, illa affectio corporis & animi ex vino orta, nonnunquam & sapienti obveniens; hæc ipsa propensio & proclivitas ad ebrietatem, sive ipse vitii habitus, ex vitiosâ consuetudine inebriandi natus, sicut ex consuetudine irascendi videmus nasci iracundiæ habitum, ex consuetudine scurrandi, habitum scurrilitatis.

33. *Nimia à Potu Abstinencia* est stupor quidam circa potum, in bibendo temperamentum ejus, hoc est, modum rectæ rationi convenientem, deferens. Dico nimia, quia non omnis à potu abstinencia est vitiosa, non utique ea, quâ corpus factum est sanius. Quæ ergò? Illa, quæ est noxia, qualis eorum, qui non bibunt, cum est opus, quod tam in vitio, quàm bibere, cum non est opus, quorum utrumque noxium, sed illud magis naturæ, hoc moribus.

34. *Castitas* est temperantia in Venere exercendâ & inexercendâ temperamentum, hoc est, modum rectæ rationi consentaneum, servans, tam objectivè, sexum erga, quàm formaliter, sive eo tenore & modo, quo convenit. Quemadmodum enim abstinencia moderatur internè affectum, externè effectum sive usum, in cibo seu esculentis, sobrietas in potu seu potulentis, ita castitas in Venere, ne plus alio, tempore, loco, modo, fine, illâ delectemur

mur utamurvè, quàm ex rectæ rationis præscripto, secundum præsentem statum, unicuique convenit.

35. *Differt à Cognatâ Pudicitia* quoniam castitas est animi, pudicitia verò gestuum exteriorum.

36. *Extrema Castitatis duo sunt; alterum in Excessu, alterum in Defectu. In excessu ei opponitur Libido, in defectu Nimia à Venere Abstinentia.*

37. *Libido* est intemperantia circa Venerem, in hac temperamentum, hoc est, modum rectæ rationi convenientem, excedens, tam objectivè, quàm formaliter.

38. *Differt ab Impudicitia* quia libido intus in animo est, impudicitia verò extus in verbis gestibus & actionibus.

39. *Nimia à Venere Abstinentia* est stupor quidam circa Venerem, temperamentum ejus, hoc est, modum rectæ rationi convenientem, deferens, intra conjugium quod fiat tamen. Abstinentia enim à Venere in conjugatis tantum, non in ex libem vitam agentibus, potest esse vitiosa, nisi amorem etiam licitum, qualis conjugii, fugiant & aversentur cum Diogene Cynico misogamo, contra omnem rationem. Sicut enim ad conservationem vitæ unius hominis ordinatur usus ciborum, ita ad conservationem totius generis humani usus venereus sive Veneris... Quod enim est cibus ad salutem

hominis, hoc est, concubitus ad salutem generis humani, & ideò, sicut usus ciborum potest adhiberi absque peccato, si fiat debito modo & ordine, secundum quod competit salutis corporis, ita etiam usus Veneris potest adhiberi absque peccato & scandalo, si fiat debito modo atque ordine, secundum quod est conveniens ad finem generationis humanæ.

40. *Pudicitia* est temperantia, in rebus Venereis temperamentum, hoc est, modum rectæ rationi convenientem, servans, tam objectivè, circa oscula, complexus, colloquia, gestus, & id genus alia, quàm formaliter, si- ve eo tempore tenore ac modo, quo convenit, sic dicta à pudendo, quòd eam pudeat facere, quod putet, si- ve turpe est.

41. *Differt à cognato Pudore*, quòd pudicitia ad actiones, pudor ad verba referatur, non sine metu infamix. Quid enim aliud pudor, quàm ob aliquam rem sordidam timor?

42. *Extrema Pudicitia duo sunt, alterum in Excessu, alterum in Defectu. In excessu ei opponitur Impudicitia, in defectu Nimia à Rebus Veneris Abstinencia.*

43. *Impudicitia* est intemperantia circa res Venereas, in his temperamentum, hoc est, modum rectæ rationi convenientem, excedens, tam objectivè iterum, quàm formaliter.

44. *Nimia à Rebus Veneris Abstinencia* est stupor quidam circa res Venereas, temperamen-

ramen.

ramentum earum, hoc est, modum recte rationi convenientem, deferens, tam objectivè iterum, quàm formaliter.

CAPUT XXXIV.

De Liberalitate, & hujus Extremis, id est, inde Prodigalitate, hinc Avaritiâ.

§ 1. **L**iberalitas, si Nomen siue Nominalitatem ejus spectas, sic appellatur, vel à subiecto, siue liberalibus & ingenuis hominibus, quibus digna vel maximè, non quasi his tantum debeatur tamen, sed quòd à libero eorum animo proficiatur, vel ab objecto, seu re liberali & ingenuo homine digna, vel à formâ, siue liberâ & libenti datione, vel ab effectu, eoquè duplici, tum quòd possessores suos efficiat liberales, eosquè in libertatem asserat è divitiarum atque opum servitute, quarum complures sunt vilissima & abjectissima mancipia, tum quòd alios à necessitate egestatequè liberet. Munificentia, Largitas, Parsimonia, Benignitas, Beneficentia aliter Latinis, Græcis verò Ελευθεριότης χρηστότης, Εὐεργεσία, ab actione princeps.

2. *Si Rem siue Realitatem, ut sic definitur ab Aristotele, quod sit Medietas circa τὴν Κρίσιν καὶ τὸ Πρῶτον, Prodigalitatē inter & Avaritiam: Vel, quod eodem redit, Virtus, (puta Moralis, siue Acquisita More,) servans Me-*

diocritatem in appetendis dandis & accipie-
endis Pecuniis Mediocribus.

3. Juvat ἀναλύνειν. *Definitio hac constat Ge-
nere, & Differentiâ Specificâ.*

4. *Genus Liberalitatis est Virtus Moralis,*
ut quæ & ipsa sit habitus ἀρετικὸς ele-
ctivus, habens requisita virtutis moralis,
rectam putâ rationem pro principio agendi,
mediocritatem inter duo extrema pro me-
dio, honestatem verò pro fine, bonumquæ
faciat habentem, ejusquæ opus rectum ac
perfectum der, ut benè utatur pecuniis, qui-
bus malè uti poterat: Ubi autem ingredien-
tia virtutis moralis, ibi & ipsa virtus mo-
ralis.

5. *Differentia Specifica Liberalitatis, illa
verò sumitur ab Objecto ejus, Adjunctoque Of-
ficio circa illud Objectum.*

6. *Objectum Liberalitatis universè, vel
Internum est, vel Externum, ex quo utro-
que simul sumto objectum ejus totale & ad-
æquatum conflatur.*

7. *Objectum Liberalitatis Internum est Φι-
λαργυγία Bona, sive Desiderium & Studium
Pecuniarum Mediocrium, in animo producen-
tis actionem pecuniariam bonam.*

8. *Objectum Externum Liberalitatis, vel
Negativum est, vel Positivum.*

9. *Objectum Externum Negativum Libe-
ralitatis sunt Bona Animi & Corporis, quia
ea nequimus, ut elargiri, ita prodigere,
nisi,*

nlfi fortè quoad usum, non substantiam, hoc est, impropriè, non propriè. Non elargiri propriè. Si enim v g, Doctor aliquis alicui liberaliter comunicet doctrinam suam, eo ipso non communicare præsumitur propriam scientiam docendo, cùm nemo queat scientiam suam transferre in dominium discantis sive discipuli, nedum ut queat illam transferre, quam sibi discipulus discendo acquirit, cùm eam nunquam habuerit, licet interim communicare laborem suum queat discipulo, quem docendum suscipit, usumquè sui ipsius ad scientiam acquirendam, qui labor, & qui usus, nummo utique mensurari potest. Qui enim, v g, sapientiam suam & artes non congruo parat tempore, in què medium profert, nã ille prodigus dici potest, sicut, qui easdem abscondit & sepelit, præterquè se neminem alium scire vult, avarus, verùm analogicè scilicet.

10. *Objectum Externum Positivum Liberalitatis sunt, in genere Bona Externa, neque tamen omnia indifferenter, in specie verò Pecunia Mediocres, quã utiles, hoc est, non secundum seipsas, sed secundum quod veniunt in usum humanum, ceduntquè in utentium utilitatem, ut aliæ res venales, donabiles, hæc abiles. Atque harum erogationi modum ponit hæc virtus, & ratione æquas sive*

possessionis, adeoque quā sunt κτήματα, & ratione χρήσεως sive usus, adeoque quā sunt χρήματα, nomine pecuniæ accepto, non ὁριστικῶς, sive essentialiter & strictè tantùm, pro monetā principis sigillo signatā, pecuniā, inquam, numeratā, verùm ἀναλογικῶς, interpretativè & fusè, pro omni re, quæ in communicationem cadit, cujusquē valor numismate potest mensurari, ex quācunque tandem materiā illa sit, adeoque pro pecudibus & pecoribus, arboribus, agris, fundis, prædiis, satīs, vinetis, vino, oleo, equo, nave, ædificiis, rebusquē, tam immobilibus, quā mobilibus, & tam corporibus, quā juribus incorporalibus, tribus verbis, pro patrimonio, sive rebus & facultatibus, quæ sunt in patrimonio.

11. *Officiū Liberalitatis est, Dare & Accipere*, quorum alterum, putā accipere, pertinet ad generationem pecuniæ, alterum verò, putā dare, ad usum ejus

12. *Ut ita duplex sit actus Liberalitatis, Δόσις καὶ Λήψις, Datio & Accipio, sed hætenus, ut Officiū ejus cernatur universè magis cū Δόσει, sive in Dando, quā cū Λήψει, sive in Accipiendo, fide sequentium. I. Quia species actus sumitur ex objecto, quod liberalitatis est pecunia, actus verò ejus proprius, rectè eā uti: Atqui hic actus consistit in datione ejus potius, quā in acceptione: Ergo! Vel ideo etiam, quia præstat ditare, quod dationis,*

tionis, quàm ditescere, quod acceptionis, quorum illud ingenio liberalis magis convenit, qui δδπικῆς potiùs, sive dativus, vel naturâ, vel moribus, quàm ληπτικῆς καὶ φυλακτικῆς, sive acceptativus & custoditivus. II. Quia virtutis moralis magis proprium, ὅς ποιεῖν, benè de altero mereri activè, quàm ὅς πάσχειν, beneficio affici passivè, quorum illud honestum, hoc utile: Atqui dando quis εὖ ποιεῖ, accipiendo verò ὅς πάσχει: Ergò! III. Quia ejusdem virtutis moralis magis proprium, honestè agere, quàm non agere turpiter, quorum illud largitionis & impensæ, hoc acquisitionis & custodiæ: Atqui dando quis honestè agit, accipiendo verò non tam honestè agit, quàm sibi cavet tantùm à turpitudine, dum non accipit, quando, ubi, à quibus, & quomodo non oportet: Ergò! IV. Quia dictæ virtutis morlis id magis proprium, quod majorem amorem favorem & laudem causatur: At dando id magis fit, quàm accipiendo, cùm amabilius, adeoque gratiosius sive favorabilius fit, laudabiliusquè, dare quàm accipere, ob utilitates, quæ inde in alios redundant, non item hinc: Ergò! V. Quia in difficilioribus magis conspicitur virtus moralis, quàm in facilioribus: Atqui difficilius, suâ dare aliis, quàm ab aliis accipere, quin immò quàm non accipere aliena: Ergò! VI. Quia, servatoris nostri effato, beatius dare, quàm acci-

accipere, ut vel ipsum nomen liberalitatis arguit, sic dictæ à liberando, quòd retinentis quasi vinculis liberetur pecunia tunc, quando ad alterum liberè transit.

13. *Sed tamen & ἐν Ἀκρίβει sive Accipiendo quoque*, tum quia usque dare non potest, qui nihil unquam recipit, tum quia, qui nihil ab aliis accipere vult, tacitè damnare videtur eos, qui accipiunt, quasi & ipsi nihil debeant accipere, tum quia denique æquè peccari potest in accipiendo, cum avaro, qui nimium accipit, & cum prodigo, qui minimum, atque in dando, cùm eodem avaro, qui minimum dat, & cum eodem prodigo, qui nimium.

14. Scilicet is est actus liberalitatis, qui contrarius est actui prodigalitatis & avaritiæ: Ergò actus ejus non tantùm dare, in quomodum excedit prodigus, deserit avarus, sed etiam accipere, in quo modum deserit prodigus, excedit avarus, quem modum utrinque ritè tenet & servat liberalis.

15. *Ceterùm Pecunia, ut Datur ita Accipitur Benè Moraliter septupliciter, nempe, Quantitatis Qualitatis Finis Modi Personarum Loci & Temporis respectu.*

16. *Respectu Quantitatis dant benè*, qui in dando habent rationem sui, sive Dantis, & alterius, sive Accipientis: Dantis, dum succurrunt aliis ἐκ τῶν ὑπαρχόντων pro facultatibus suis, copius & viribus, subindè anima-

ma-

majori, quàm opere, qui animus in virtutum actionibus magis spectatur, quàm res, quæ sub aspectum cadunt, atque in oculos incurrunt: Accipientis hinc, dum plus dant, v.g. pauperi quàm minùs inopi, ceteris paribus, libero quàm servo, calamitoso quàm felici, amico quàm alieno, viro probò quàm improbo, & univerè ei plus, ex cujus parte causæ, quæ ad benefaciendum invitant, plures sunt, efficacioresquè.

17. *Respectu Qualitatis dant benè*, qui dant justè, & utiliter: Justè, hoc est, de suo, non alieno, ita ut eripiantur aliis, quæ aliis dentur, cùm nihil sit liberale, quod non idem sit justum, quæ liberalitas, quamvis non sit species justitiæ, quia justitia exhibet alteri, quod est ejus, necessariò, liberalitas verò id, quod est suum, voluntariè, tamen arctam quandam convenientiam cum eâ habet, ut quæ sit & ipsa principaliter ad alterum, sicut justitia, sed illa necessariò, hæc voluntariè, ut modò annotavi: Utiliter hinc, hoc est, ita, ut eorum, putà dantium benè, liberalitas profit amicis, noceat nemini, quoniam ea danda & donanda moribus, (moribus autem, immò & legibus,) quæ prodesse & juvare queunt, non obesse & nocere, qualia vel petentibus negare beneficium est, v.g. frigidam ægris, ferrum lugentibus ac sibi iratis.

18. *Respectu Finis dant benè*, qui dant ad

καλῶ καὶ πρέποντι ἐνεκα, honesti & decori causâ, non sequentes fructum beneficiorû, ut illi, qui ad alienum commodum pro suo veniunt, sed ipsa. Usque adeò liberalis, sive ille parum & parvum, sive multum & magnum largiatur, tam illic, quàm hic, servat τὸ καλὸν καὶ πρέπον, exemplo artium, quæ tam in parvis rebus elucet, quàm in magnis, quin immò sæpè magis in parvis, v.g. ars pictoris, tam in parvâ tabulâ, quàm magnâ, ars sculptoris, tam in sigillo, quàm signo.

19. *Respectu Modi dant benè*, qui dant Celeriter, quia omnis benignitas properat, & proprium est libenter facientis, citò facere, unde, qui citò dat, bis dicitur dare vulgò: Hilariter, hoc est, non tantùm sine molestiâ, sed insuper cum voluptate: Humiliter adhæc, quia in beneficio nihil æquè vitandum, ac superbia.

20. *Respectu Personarû dant benè*, qui dant dignis beneficentiâ suâ. Digni autem sunt: I. Viri boni, II. Ii, qui vel necessitudinis & sanguinis, vel mutux benevolentix nexu, nobis sunt conjuncti, nisi quid aliud accedat. III. Benè de nobis & nostris meriti. IV. Egeni, vel indigni, sed hætenus, ut, quando utrosque dextrâ largitatis provehere nequimus, dignos indignis præferamus, non quasi liberalis non interdum det etiam indignis, sed quòd, ad pecunias quod attiner, mini-

minimè sic difficilis, ideoquè decipi facilè queat, obrepi ab indignis illi queat, sed quòd in tali casu magis doleat, quòd non consumserit, cùm oportuit, quàm quòd consumserit, cùm non oportuit, non piget dedisse egenis, sed dedisse talibus egenis, hoc est, indignis.

21. *Respectu Loci dant benè*, qui beneficia, quæ honoris causâ tribuuntur benevolis aut benè meritis, apertè & publicè tribuunt, quòd suum erga illos, quibus exhibentur, testentur studium, atque animum gratum, ita tamen, ut absit ostentatio, quæ verò tribuuntur egestatis sublevandæ ergò, ea privatim & clam, cùm ea vulgare nihil aliud sit, quàm accipienti inopiam exprobrare, huicquè pudorem incutere, etiam quin inscienti quandoque atque ignaro, putà tunc, cùm egestatem ejus cum Arcesilao sublevare studemus, cui cordolium est aliorum opibus indigere, quicquè adedò domesticam paupertatem suam, foris dissimulat cum Ctesibio Philosopho.

22. *Respectu Temporis dant benè*, qui dant in loco, hoc est, tempore opportuno, in quo venire etiam hîc omnium rerum est primùm, convenienter dicto Anthologi, odi amicis seriùs succurrere.

23. *Respectu hinc Quantitatis accipiunt benè* qui non accipiunt quidvis indifferenter, quâvis
dosi,

dosi , sæpè multumquè , gnari , liberalis hoc esse proprium , esse , sæpè dare , rarò accipere , rariùs petere.

24. *Respectu Qualitatis accipiunt benè*, qui non accipiunt , nisi quod oportet: Utrumque idèd, quia accipere plus , quàm oportet , & illud, quod non oportet, neutrum est ejus , qui pecuniam contemnit , hoc est, liberalis, sed avari potiùs.

25. *Respectu Finis accipiunt benè* , qui accipiunt eo consilio atque animo , non quasi ipsum accipere honestum sit, ipsa , inquam , acceptio per se honesta sit, sed ut hâc acceptione utantur ad largiendum , hincquè eis domi suppetant copiæ ad donandum. Cùm enim duo sint actus hominis liberalis, dare videlicet & accipere , secundus ex his est gratiâ primi.

26. *Respectu Modi accipiunt benè*, qui verecundè & cunctanter, quasiquè cum accismo quodam morali: Non est namque hominis liberalis, libenter beneficium accipere , cùm excellat in dando, non accipiendo.

27. *Respectu Personarum accipiunt benè*, qui non accipiunt ab illis, quibus nollent dedisse, v g, à tyrannis. Grave siquidem est, debere, cui nolis. Ne dicam , quòd talis acceptio auctoramentum sit servitutis , quasiquè sacramentum militare ad sceleris commilitiam , quam militant tyranni cum suis commilitonibus.

28. *Respectu Loci accipiunt bene*, qui accipiunt, ubi debent, privatim accipienda privatim, publicè accipiēda publicè, sive in publico.

29. *Respectu Temporis accipiunt bene*, qui accipiunt quandoque, ne, si nunquam ab aliis accipiant, prædamnare hâc abstinentiâ suâ videantur eos, qui accipiunt, quasi & ipsi non debuerint accipere.

30. *Extrema Liberalitatis duo sunt, alterum in Excessu, alterum in Defectu. In excessu ei opponitur Prodigalitas, in defectu Avaritia*, utraque in dando, non accipiendo, quomodo prodigus potius deficit, avarus excedit.

31. Scilicet prodigalitas & avaritia, diversâ ratione, & excedunt, & deficiunt. Versantur enim in duobus, nimirum in dando & accipiendo, in eisquē se habent modo quodam contrario. Nam prodigus in dando, & sumtus faciendo, modum superat, sed in accipiendo eundem deserit, contra avarus in accipiendo modum superat, in dando verò eundem deserit, atque ita prodigus in consumendo est nimius, in accipiendo autem restrictior, avarus contra in accipiendo nimius, in dando autem, sive erogando restrictior. In primo horum consistit exorbitantia prodigi propriè, in ultimo verò avari, non mediis actibus.

32. *Prodigalitas* est vitium morale, sua temerè prodigens ac profundens, & ab aliis, vel nihil, vel parum, vel inhonestè, accipiens.
alterum

alterum per se, alterum per accidens. Sed cur inhonestè? Quia enim, dum vult usque largiri, cum sua prodegit, cogitur aliundè rapere, quod aliis largiatur: Atque horum prodigalitas est causa avaritiæ. Qui enim multa profundunt, cum non sint ipsis opes inexhaustæ, nã illi coguntur malis artibus ac studiis aliundè fomenta conquirere pro vitio profusionis. Prodigentia & Prodigitas aliter *γρηγορία* Latinis, à prodigendo, item Profusio, à profundendo. Græcis *Α'Γωρία*, ab *α* privativo, & *ωρία*, eò quòd prodigi, neque sua satis servant, neque se. Dum namque victum perdunt, eo ipso vitam etiam pessundant, cum perditio quædam suiipsius sit facultatum interitus, ut quibus vitam tueamur. Perire siquidem videtur, qui perdit, unde vitam sustentare possit.

33. *Prodigalitas hac, vel Simplex est, vel Composita sive Mixta.*

34. *Prodigalitas Simplex* est, quæ dando excedit, amore ipsius dationis, in quantum ipsa datio secundum se videtur esse bona & honesta, nisi sequatur quid inhonesti, accipiendo verò deficit, vel, quod eodem redit, prodigalitas simplex est, quæ modum in dando excedit, nullâ habitâ ratione honestatis & decori, merâ prodigendi libidine, sine respectu ad facultates, personas, locum, tempus.

35. *Prodigalitas Composita sive Mixta* est, quæ & in dando, & in accipiendo, modum exce-

excedit, non amore ipsius dationis, sed ex aliis occasionibus, asciscendo alia vitia, intemperantiam, ambitionem, injustitiam, opibusquē ad voluptates, libidines, luxuriam, blanditias ciborum & liquorum, ambitionem, ostentationem, vim, injuriam abutendo, qualis eorum, qui dant pecuniam meretricibus propter fornicationem, histrionibus propter delectationem, adulatoribus propter laudationem, omnibus propter ostentationem.

6 Dicitur composita sive mixta, composita, quia secundum eam agens, partim prodigus est, partim avarus, prodigus in quantum erogat, ubi non oportet, avarus, in quantum capit, unde non oportet, mixta verò, quia aliis cum vitiis miscetur, maximè intemperantiā, quoniam plerique, saltem multi prodigorum, solent esse intemperantes. Cum enim facile sua profundant, etiam in libidines & delicias sunt sumtuosi, sicut ambitiosi in honorum nundinationes, vindictæ cupidi in ultionis studia.

37. *Avaritia* est vitium morale, quod vel in dando parum, vel in accipiendo nimium, mediocritatis fines egreditur: Sic dicta ab auro & avendo, quod avida sit auri, illudquē accipiat magis, quàm det. Aviditas & Tenacitas aliter Latinis: Græcis φιλοχρηματία, φιλοπλουτία, φιλαργυρία, & παρ' ἑξοχὴν Αὐταλουργία sive Illiberalitas audit, eò quod sit res illi-

illiberalis, & homine libero indigna, in dando deficere, & contra in accipiendo excedere.

38. *Avaritia* & ipsa, vel *Simplex* est, vel *Composita* siue *Mixta*.

39. *Avaritia Simplex* est, quæ dando deficit, & accipiendo excedit. Atque hæc pessima est, quia & in dando simul, & in accipiendo, peccat, dum nihil, quibus dare debebat, dat, & plus quàm debebat, accipit.

40. *Avaritia Composita* siue *Mixta* est, in quâ dividuntur hæ actiones, quæquæ ad eò, vel tantum largiendo deficit, sine excessu *λειτουργίας* siue sumtionis, vel tantum accipiendo excedit, sine defectu *δότης* siue dationis.

41. Tantum largiendo deficit, sine excessu sumtionis, dans infra modum quidem, dum non dat, quibus debebat, neque interim aliena supra modum appetens, aut accipiens injustè, idquæ, vel probitate quâdam, rerumquæ turpium fugâ, hoc est, studio fugiendæ turpitudinis, consistentis in eo, quòd, cum non det, nihilominus accipiat, quod turpe utique, vel præ metu, ne, si accipiat, cogatur majora reddere, quod qui facere amant à Græcè philosophantibus nominantur *φειδωλοί* præparci, eò quòd nimis quàm parci sint, sumtusquæ recusent facere, non solum in amicis, verum in seipsis alendis, *γλιχτοί* tenaces & viscosi, eò quòd nimis quàm lenti sint

in dando , metaphorâ ductâ ab iis rebus , quæ manibus facilè adhærescunt, cùm tanguntur, ita siquidem eorum manibus pecuniæ videntur esse agglutinatæ , ut inde avelli nequeant , *χιμβιμῆς* item , quasi sordidè parci, tenaciterquè restricti , instar vespæ, & *ρυνάργι*, sordidè avidi, atq; avidè sordidi, sumtâ metaphorâ, vel à metallorum scoriis, adulterinâquè monetâ, vel à sordibus, quæ in summis digitorum unguibus colliguntur, vel ab illuvie, quæ distringitur à corporibus oleo illitis post sudorem, denique *χυμνοτεῖσαι* cuminifectores, eò quòd minutissima quæque magni faciant, & nimis quàm parcè dispensent, tantæ tenacitatis, ut cumini granum non ausint integrum dare , sed partem ejus abscindere contentur , vel cum periculo læsionis , *τεργάβιοι* item , fece victitantes , & *μοροφάγιοι* solivescæ , & premiummi , eò quòd faciliùs Herculi quis clavum extorserit è manu , quàm his nummum. Tantùm hinc accipiendo excedit sine defectu dationis , idquè tam in contractibus voluntariis , lucri gratiâ sordidissima quæquè subiens ministeria , nullumquè in accipiendo modum tenens , etiam cum infamiâ, quàm in contractibus invitis.

42. Prioris generis avari sunt , lenones , perductores , meretrices , fœneratores , hereditetæ , testamentorum captatores , caussidici , parasiti , & si qui hujus furfuris alii : Posterioris generis avari sunt , sycophantæ, alea-

tores, fures, latrones, grassatores, qui turpilucres, sive turpis lucri studiosi, omnes.

43. Quærunť hoc loco in Peripato, *Avaritiæ deterior sit Prodigalitate, an Prodigalitas Avaritiâ*? Respondent, quòd Avaritia Prodigalitate, hoc argumento, quia prodigalitas sit vitium sanabile & curabile, propter saniores animum ac mentem prodigi, quàm avari, facilioremquè ejus reductionem ad medium, causatam, vel ab ætate atque consilio, vel ab inopiâ, enimverò avaritia vitium insanabile atque incurabile, & ipsum, tum ab ætate, tum ab inopiâ, quam explere omnes studemus naturaliter.

44. Sunt & aliæ rationes, quæ idemmet probant in specie. I. Quia avaritia minùs affinis virtuti mediæ, ut quæ minorem cum eâ cognitionem habeat in operando, difficiliusquè ideò ad medium ejus reducatur, non secùs ac ignis ad aquam difficiliùs, quàm aërem: Jam verò, quòd vitium aliquod minus est affine virtuti mediæ, difficiliusquè ad ejus mediocritatem redigitur, hoc utiq; majus, sive magis malum! II. Quia avaritiæ vitium aliis nocet, quâ negativè, dum nulli benè facit, quâ positivè, dum vi sæpè & rapinâ ab aliis accipit, prodigalitatís contrà vitium aliis prodest, dum eos profusâ largitione suâ beat: Jam verò, quod aliis nocet, id utiq; deterius eo, quod aliis prodest. III. Quia vitium avaritiæ ignominiosius, cùm per illud homo se reddat mancipium pecuniæ, rei infimæ: Ignomi-

miniosius autē? Immo & damnosius in publicum, ut quod Reipublicæ sit, vel conversivum, vel perversivum, vel everisivum, eam reddens venalem, auro corruptis magistratibus, dū emtorem inveniat modò: Jam verò, quò vitium aliquod ignominiosius & damnosius, hoc pejus.

IV. Deniq;, quia magis in avaritiâ peccant homines, quàm in profusione, magisque ad illam, quàm ad hanc, sunt propensi naturaliter, cum pleriq; mortalium potius sint φιλοχρήματοι, pecuniæ studiosi, quàm δόλκοι, ad largiendum faciles, loquēdo de hominibus adultis: Jam verò, quò vitium aliquod est familiarius usitatus & frequentius, quòquē ad id homines magis suâ sponte propendent, quò, inquam, illud est ἀνθρωπικώτερον utroq; modo, hoc utiq; deterius est, virtutiquē magis adversatur.

CAPUT XXXV.

De Magnificentia, & hujus Extremis, id est, inde Luxu, hinc Sordibus.

§. I. **M**agnificentia, s; Nomen sive Nominalitatem ejus species, à magnificiando descendit Latinis, transferturquē subindē ab eis quoq; ad alia, ne r̄pē ad honores, quo magnifici dicuntur modo, qui in magno gradu honoris sunt constituti, ad orationem item, habitū, & incessum, quomodo magnificē quē loqui, vestitum esse, incederequē dicimus, verūm impropriē, non propriē. Græcis Μεγαλοπρέπεια vocatur, ὅτι τῷ μεγάλῳ κ̄ πρέποντι, eò quòd servet τὸ πρέπον ἐν μεγάλοις, decorum in

magnis. Ut ita vocabulum μεγαλοπρεπείας constet duabus partibus, quarum altera loquitur magnitudinem, altera decorum, illam ratione materiæ, hoc ratione formæ.

2. *Sin Rem sive Realitatem ejus*, ut sic est Virtus, (putà Moralis, sive Acquisita More,) servans Mediocritatem & Decorum in Magnis Sumtibus faciundis, Δαπάνη, inquam, πρέσβυται ἐν μεγέθει, non ipsa δαπάνη interim, sed virtus circa eam, quâ ad publicam utilitatem sumtus, opibus nostris tolerabiles, facimus.

3. Juvat ἀναλύνειν, *Definitio hac constat Genere, & Differentiâ Specificâ.*

4. *Genus Magnificencia est Virtus Moralis:* Eccur? Quia enim docet benè uti sumtibus, quibus malè uti poteramus, quod proprium virtutis moralis, de cujus officio, benè uti his, quibus malè uti possumus, & quia & ipsa est habitus θεωρητικὸς electivus, habens requisita virtutis moralis, rectam rationem pro principio agendi, mediocritatem inter duo extremâ pro medio, honestatem verò pro fine, bonumquè facit habentem, ejusquè opus rectum ac perfectum dat, quod proprium virtutis moralis: Ubi autem ingredientia virtutis moralis, ibi & ipsa virtus moralis. Ut enim videatur consistere in extremo ratione excellentiæ & magnitudinis objecti, consideratâ quantitate ejus, & qualitate personæ agentis, splendorequè actionis in ordine ad usum, tamen in medio consistit ratione modi

modi & operationis, consideratâ regulâ rationis, à quâ nec deficit, nec eam excedit, non magis quàm liberalitas.

5. *Differētia Specifica Magnificētia sumitur ab Objecto eius, & adjuncto Officio circa illud objectū.*

6. *Objectū Magnificētia & ipsū universè, vel internū est, vel Externū, ex quo utroq; simul sūto objectū ejus totale & ad quatum cōflatur.*

7. *Objectum Internum Magnificētia est Φιλοδοκασία, sive Desiderium & Studium Faciendorum Sumtuum, Actionumquē Sumtuarum, amor, inquam, grandioris pecuniæ impendendę, requirens peculiarem virtutem, ob difficultatem operationis circa magna.*

8. *Objectum Externum Magnificētia, vel Negativum est, vel Positivum.*

9. *Objectū Negativū Magnificētia sunt Bona Animī & Corporis, quia ea nequimus sumtuosè, utelargiri, ita prodigere, nisi fortè quoad usū, non substantiâ, hoc est, improprie, non proprie.*

10. *Objectum Externum Positivum Magnificētia in genere est Operabile Magnum, ut Magnum, in ordine ad Bona Fortune, in specie, & ipsi Sumtus, quibus utitur Magnificus ad Opus Magnum faciendum, & ipsa Pecuniæ, quibus idem utitur ad Sumtus Magnos faciendos, illis materialiter, his instrumentaliter.*

11. *Sumtus hī, vel Publici sunt, vel Privati.*

12. *Sumtus Publici sunt, qui publicè fiunt à magistratu, aut à privato quidem, verūm ex causâ publicâ.*

13. *Suntquæ vel Sacri, vel Profani.*

14. *Summus Sacri* sunt, qui fiunt in res, quæ Deo dicantur, ad quæ sacra pertinent, cultumquæ divinum, ut sunt, templa, sive ædes sacræ, quæ & κυριαρχίαι sive dominica aliter, basilicæ, proscenchæ, καθεσκαδαί, inquam, καὶ ὠρεσκαδαί, asceteria pia, sacella, sacrificia, aræ, vasa atq; instrumenta sacra, εἰκαστικά sacra, imagines & statuæ sacræ, Academiæ, bibliothecæ, atque, ut verbo absolvam, omnes sumtus, qui in honorem Dei fiunt, nominatim verò, atque in specie, beneficia, quæ vocant, ecclesiastica, collegiaquæ, cum redditibus eò pertinentibus, & piis usibus destinata spacia, ceu sunt, Ptochotrophia pro pauperibus, Xenodochia pro hospitibus, Brephotrophia pro infantibus, Gerontotrophia pro senibus, denique Orphanotrophia pro orphanis.

15. *Summus Profani* sunt, qui ad publicum civitatis usum ornatumquæ spectant, ut sunt, curiæ, dicasteria, archiva, palatia, theatra, fora, porticus, portus, navalia, triremes, propugnacula, armamentaria, mœnia, turres, portæ, viæ publicæ, aquæductus, fontes, pontes, nymphæa, balneæ, thermæ, aulæa, statuæ hydraulicæ, exoticothamiæ, epulæ publicæ, viscerationes, donativa sive donaria, congiaria, xenia, apophoreta, stipendia opima, & in genere omnia, quæ non sine maximis publicis sumtibus fieri possunt.

16. *Summus Privati* sunt, qui privatim ipsi

psum magnificum spectant, ut sunt edes ejus, pergulae, umbracula, horti, praedia, agri, suppellectilia, vasa argentea atque aurea, vestes, & universae res illae, quae splendide quidem frunt, sed raro, ut nuptiae, convivia solennia, celebrationes festorum, congratulationes, exequiae. Sed & hoc ad privatas impensas pertinere videtur, si qua res tota civitate aut natione sit honorata, quemadmodum Thebis olim studuerunt conviviiis, Lacedaemone palaestris, Athenis & Romae spectaculis, hodie Neapoli & Genuae hortis, Venetiis cymbis, Antverpiae villis, quodque Hispani & Angli comitatu gaudent, Germani torquibus, poculisque celatis, Belgae tabulis & signis, Poloni armis & equis, item vestibus, feris atque animalibus rarioribus alendis aliis.

17. *Officium Magnificentiae, vel Primarium est, vel Secundarium: Primarium Δαπανᾷ, Facere sumtus, siquidem honestè id fieri queat: Secundarium Parcere Sumtibus, siquidem impensa non sit necessaria.* Atque ita, sicut ex uni parte cavet magnificentia, ne modum expensae, vel superent, vel non attingant, ita ex altera parte cavet, ne sumtus fiant, ubi non est opus.

18. *Vnde duo resultant Actus Magnificentiae, Facere, inquam, Sumtus, & Parcere Sumtibus, sed haecenus scilicet, ut officium ejus universè magis vertatur in faciendis sumtibus, quàm in contrahendis, sicut liberalitatis in dando magis, quàm in accipiendo, neque ta-*

men semper, cum præstet interdum sumtibus parcere, quàm sumtus facere, hisquè se dare.

19. *Ceterū Sūtus fīit, hisquè Parcitur Morali-
ter Benè septupliciter, nèdè Quātitatis Qualitatis
Finis Modi Personarū Loci & Tēporis respectu.*

20. *Respectu Quantitatis sumtus faciunt be-
nè*, qui eos faciunt secundum facultates; h. e.
ita, ut convenient facultatibus, & neq; majores sint, quam fert familia, minoresvè, ad plus interim potius declinent, quàm ad minus, in
comparatione, quia magnifici proprium, ope-
ribus & impensis usque antecellere, neq; pati,
ut ab aliis in hoc genere superetur, absq; præ-
judicio tertii quod fiat tamen, v g. Bibuli con-
sulis, cujus magnificentiam suam fecit Julius.

21. *Respectu Qualitatis sumtus faciunt be-
nè*, qui eos impendunt in opera, non tantum
magna, sed honesta, splendida, utilia, diutur-
na. Honestas debent esse opera magnifici, quia
si pecuniæ, quæ in ea conferuntur, per rapi-
nas, & civium injurias, comparentur, rustici-
què miselli angariis ac perangariis, & in ge-
nere, operis prægraventur, quale opus fuit
Neronis domus aurea, innocentum civium
sanguine extructa, hujuscemodi opera, quan-
tumvis honestè suscepta, pro operibus magni-
ficentiæ cōmendari nequeunt, quia nihil ma-
gnificum, quod non idem sit justum: Splen-
dida debent esse opera magnifici, quia opus
magnificum convenit esse quàm pulcherri-
mum & decentissimum, neque esse tantum

magnum & magnificum, sed fieri etiam magnificè: Utilia quoq; esse debent opera magnifici, certante eorum magnitudine cum magnitudine sumtuum, utrisque cum utilitate: Diuturna deniq; esse debent opera magnifici, quia hæc, præterquam quòd durabiliora, quippe ex optimâ materiâ confecta, cumque immortalitate conjuncta, cujus magnificus est studiosissimus, etiam graviora, ut quæ non eos tantum, qui jam sunt in vivis, sed seram quoque posteritatem, delectent.

22. *Respectu Finis sumtus faciunt bene*, qui eos faciunt honestatis, sive solius honesti, intuitu. Cum enim magnificentia sit virtus, hæc autem agat ob honestatem, etiam magnificus aget ob honestatem.

23. *Respectu Modi sumtus faciunt bene*, qui hos faciunt hilariter, largiter, utiliter: Hilariter, quia splendore & elegantiâ operum suorum, in quæ magna impendit, vir magnificus mirum quantum delectatur, id quod fieri nequit sine animi exhilaratione: Largiter, quia idem non tam de pretio cogitat, quam de pulchritudine & specie operis, spectans magis, quam præclarum esse debeat, quam quanti consistet, ita tamen, ne extra modum sumtu & magnificentiam prodeat: Utiliter, quia idem modò laudatam mediocritatem refert ad communem vitæ usum cultumque.

24. *Respectu Personarum suis faciunt bene*, qui in personis servat decorum, quod vocat, personale, quoniam non idem omnibus magnum, sed aliud

privato, aliud magistratui, aliud trieracho, aliud archithero, sive legato sacro, accomodatequè sumtus faciunt, majores minoresvè, pro re natâ, majores, v. g, in excipiendo consule, quàm viro consulari, minores contrâ, in excipiendo viro prætorio, quàm prætore.

25. *Respectu Locī & Temporis sumtus faciunt benè*, qui eos faciunt loco & tempore convenienti, obscurante ac deformante operis claritatem ac pulchritudinem, quamvis sit sumtuosum, ipsâ loci & temporis impertinentiâ, ut si quis in primâ aut ultimâ urbe consule dignam excitare paret domum, idquè appetente hieme.

26. *Respectu hinc Quantitatis sumtibus parcunt benè*, qui hos non faciunt, ubi non est opus factis. Sicut enim impendere sumtus, ubi est opus, virtutis est, ita iisdem abstinere, ubi non est opus, & ipsum virtutis est, nisi quòd illic se virtus videatur magis habere affirmativè, dum facit tantos sumtus, quantis opus, hîc negativè, dum eos facere posthabet, quia eis non est opus, saltem non tantis.

27. *Respectu Qualitatis sumtibus parcunt benè*, qui abstinēt à sumtibus absurdis, supervacaneis, inutilibus, injustis.

28. *Respectu Finis sumtibus parcunt benè*, qui his abstinēt, ne aut vanam inde aucupari gloriam, aut turpe venari ac fœnerari lucrum parcendo videantur.

29. *Respectu Modi sumptibus parcunt bene*, qui hisce abstinent, sed cum laudabili temperamento, non illaudabili, quale fuerit, si quis præ animi angustia, operi magno pares sumtus haud faciat, v. g. templo, quod extruendum suscepit, cratitios parietes, aut stramineum tectum, inducere velit, quò hoc minus expendat.

30. *Respectu Personarum sumptibus parcunt bene*, qui eos non faciunt indignos, v g. in libertum Pompeji potius, quàm Catonem, duplo maioribus studiis eo digniorem, eò quòd opera magnificentiae non per se ipsa sint magnifica, sed perindè habeantur, ut eorum, qui ea sustinent, est virtus, quæ non cadit in indignos.

31. *Respectu Loci & Temporis sumptibus parcunt bene*, qui iis abstinent loco & tempore alienis, loco v g obscuro, obscurante lucem eorum, temporequè calamitoso, suadente eorundum compendium, & phiditia præ syssiis & symposiis.

22. *Ad Pauperes & Privatos usque inclusivè*. Quamvis enim subjectum primum magnificentiae sint homines divites, clari, illustres, nominati homines magistratus, quia ad eos pertinet maximis sumptibus maxima opera facere, quod proprium magnifici, qui ea rectè facere possunt, sed hoc facere posse videntur illi solùm, quorum opulentia potentia dignitas & splendor plurimum com-

mendationis necessariæ operibus conciliat, accedente ad τὸ πρίπον sive διὰ τῇ ἀξίᾳ, sive dignitate agentis, minimè autem pauperes, obscuri, ignobiles, privati, eò quòd his, aut opes non suppetant ad faciendos sumtus, externalquè actiones magnificentiae celebrandas, ad quas requiruntur bona fortunæ, ut instrumenta quædam, aut si fortè suppetant, opibusquè suis freti magnificentiam aliquam velint ostentare cum Lycinio tonsore, qui sibi marmoreum tumulum erigi curavit, operibus decorum detrahat obscuritas, quæ res Thebanos movit, ut nollent urbis suæ moenia sumtibus meretriciis restitui: Tamen subiectum secundarium magnificentiae quoquo modo esse possunt, si minùs in his, quæ sunt magna simpliciter, nominatim in publicis sumtibus operibus atque apparatibus, minimùm in his, quæ sunt magna per comparisonem, persuade, in privato aliquo opere, quod etsi in se sit parvum, potest tamen fieri magnificè, secundum proportionem illius generis, cum parvum & magnum dicantur relativè, necnon iis, quæ semel in vitâ fiunt, aut raro, ut in nuptiis, & similibus rebus, in quibus pauperes & privati videntur posse aliquam qualemcunque magnificentiam exercere, non tantùm quoad actum interiorem, affectum, inquam, & habitum, sed etiam quoad actum exteriorem, si vel tantillæ eis sint fortunulæ.

Sic descripta Magnificentia, differt à Liberalitate

litate gradu magis, quàm specie completâ, ut manus contracta ab expansâ, cur, quia magis & minùs non diversificant speciem, licet interim objecto, modo operationis, fine, consecutione sive consequenti, domi distinguantur: Objecto, quod magnificentiae pecuniae maximae, & sumtus publici excellentes ac grandes, liberalitatis pecuniae mediocres, & sumtus privati, erogationesquè quotidianæ: Modo operationis, qui illius δαπανᾶν, sumtus facere, hujus δίδουσι καὶ λαμβάνειν, dare & accipere: Fine, qui illius magnum opus efficere, & subvenire publico, hujus debitè uti pecuniis, & subvenire singulis, horumquè egestati opitulari? Denique consecutione sive consequenti, quia omnis magnificus quidem liberalis in excellentiori gradu, includente remissiore, non contrà omnis liberalis magnificus, quia talis in remissiore gradu, non includente intensiorem, nisi in propinquâ dispositione.

34. *Extrema Magnificentia duo sunt, alterum in Excessu, alterum in Defectu. In excessu ei opponitur Luxus, in defectu Sordes.*

35. *Luxus est vitium morale, in magnis sumtibus faciendis excedens, inepta, inquam, supercacanea & inutilis magnorum sumtuum profusio, ut si quis in theatro, loco pellium vela purpurea, æstus defendendæ causâ, cum Megarensibus obducatur, aut convivis ad cœnam vocatis in hieme ignem*

faciat ex cinnamomo, filivè in epulo natali omnes cibos, unà cum patinis argenteis, cum referrentur à mensà, in Tyberim projiciat, aut in Euripis vino plenis navales circenses exhibeat cum Heliogabalo, sumtus inconcinnè augens, supra quàm res postular, decorumvè permittit, cunctaque faciens, non tam honestatis quàm honoris gratià, ejusquè popularis.

36. *Estquè vel Simplex, vel Compositus.* *Simplex*, qui provenit ex solo affectu magna faciendi: *Compositus*, qui aliunde, sive ex aliquo altero, provenit, v.g. ex luxuria, vano honore, turpi delectatione, lucro-
vè, quorum ille sordibus melior, hic avaritià pejor, non ratione luxus tamen, sed aliorum vitiorum, cum quibus conjungitur.

37. Græcè Philosophantibus, dicam, an Philologantibus, modò ἀπρόνοια, quasi ἀπείρεια τῆς νοῦ, inscientia atque imperitia decori & honestatis elegantiaquè in sumtibus, vocatur, non ἀπυρροαλία, quòd ad modum ignis omnia consumat inutiliter, modò, βαναυσία, à sordidis opificibus, & illis quidem maximè, qui opera sua ad ignem focum & caminum faciunt, qui βαῦν
Græcis, à βάνω, quod est accendo, uro. Latine Philosophantes illam insolentiam appellant cum Cicerone, à sumtibus insolentibus, quos facit ἀπρόνοια, hanc inhumanitatem cum eodem, à sumtibus inhumanis, quos facit
ὁ βα-

ἡ βαρύτης, quorum utrumque luxus vocabulo exprimitur, sic dicti à luxando, quòd luxet & solvat hominem in luxuriam, sive immoderatam profusionem.

38. *Sordes* sunt vitium morale, in magnis sumptibus faciendis deficiens, defectus, inquam, circa sumptuarias opum actiones, cum in res magnas minutus sumtus fit, præquæ animi angustia operi magno paræ impensæ non impenduntur, aut, si impenduntur, ob nimiam parsimoniam, exiguumquæ lucellum, opus cœptum ad exitum non perducitur, vel si perducitur, cunctanter admodum, anxie vocatis ad calculum sumtuom, rationibus, horumquæ magnitudine deploratâ publicè privatimquæ Græcè Philosophantibus, dicam, an Philologantibus, Μεγεροπενδία nuncupatur, ἀπὸ τῆς μικροῦ καὶ μεγεροπενδία, illo positivè, huc negativè: A Latine verò Philosophantibus, sed minùs Latine, Parvificentia appellatur, à sumptibus parvis, magis Latine sordes, à sumptibus sordidis, item inhumanitas, à sumptibus inhumanis, haud decentibus hominem, mundum illud animal,

39. *Utrumque vitium, quia à mediocritate in sumptibus faciendis deflectit utrumque, neque interim vel aequè vitiosus in excessu Luxus ac Prodigalitas, vel aequè in defectu vitiosa Sordes ac Avaritia, quia non videntur æquè esse probrosa, dedecorosa, reprehensionequè graviori.*

graviori digna, tum quia aliis non nocent, quin immò profunt potius, tum quia non irasunt turpia flagitiosa & deformia in comparatione, cum luxus magnificentiae sit similis, sordes verò frugalitati sive parsimoniae, & per consequens vix vitiositates, praesertim cum perdifficile sit, in sumptibus atque operibus magnis non hallucinari. Est quidē omne vitium vituperabile, atque odio dignū, interiorē si habitum vitiositatemquē spectes, sumtum fuisse, non equē interim opprobriosum omne, si actiones externas spectes, sumtum strictē.

CAPUT XXXVI.

De Magnanimitate, & huius Extremis, id est, inde Fastu, hinc Pusillanimitate.

§. 1. **M**agnanimitas, si Nomen sive Nominalitatē ejus spectes, à magno animo, sive magnitudine animi, quæ vox magis usitata, quàm vox magnanimitatis, dicitur Latinitatis magistris, accipiturquē aliàs generaliter, pro omnium virtutum affectione, ad præclara quæque; endē e, magnanimitate omnes virtutes accessu suo faciente majores, aliàs specialiter pro fortitudine, aliàs specialissimē pro virtute, quæ in magnis honoribus appetitum humanū dirigit, mediocritatemquē auream in his custodit. Græcitatis magistris Μεγαλοψυχία audis, eadē origine & sēsu, vel ἀπὸ μεγάλης ψυχῆς, à magno animo, vel ἀπὸ τοῦ μεγέθους τῆς ψυχῆς, à magnitudine animi.

2. *Si Rem sive Realitatem ejus, ut sic est*

Vir-

Virtus, (putà Moralis sive Acquisita More,) fervans Mediocritatem in Magnis Honoribus appetendis & admittendis, pròquè re natà contemnendis ac rejiciendis.

3. Juvat ἀναλύνειν *Definitio hac constat Genere, & Differentiâ Specificâ.*

4. *Genus Magnanimitatis est Virtus Moralis.* Quà de re? Quia enim & ipsa suo loco est habitus ἀγαθῶν ἐκλεκτῶν electivus, habens requisita virtutis moralis, rectam rationem pro principio agendi, mediocritatem inter duo extrema pro medio, honestatem verò pro fine, docens benè, ut appetere admittere & custodire, ita contemnere ac rejicere magnos honores, quibus malè uti poteramus, id quod proprium virtutis moralis, de cujus officio, benè uti his, quibus malè uti possumus: Positis autem omnibus virtutis moralis requisitis, ponitur & ipsa.

5. *Differentia Specifica Magnanimitatis sumitur ab Objecto, & Adjuncto Officio circa illud Objectum.*

6. *Objectum Magnanimitatis & ipsum, vel Internum est, vel Externum, ex quo utroque simul sumto objectum ejus totale & adequatum conflat.*

7. *Objectum Internum Magnanimitatis est Μεγαλοφιλότης, Desiderium & Studium Magnorum Honorum, his omnibus ingeneratur, qui sunt generosi, hoc est, qui habent animum magnum, cor excelsum, & corpus spi-*

spiritus ac caloris plenum, quem spiritum immane quantum auget honoris amplitudo, aliaquè ejus invitamenta ac incitamenta, sicut eundem minuunt contraria, ad quam rem habitu morali opus, contra spem excessivam in certis hominibus, quæ in fastum ducit ascendendo, & desperationem defectivam, quæ in pusillanimitatem ducit descendendo, hic autem habitus magnanimitas.

8. *Objectum Externum Magnanimitatis, vel Negativum est, vel Positivum.*

9. *Objectum Externum Negativum Magnanimitatis sunt Bona Animi, quæ longè majora, atque infinita quâdam laude anteponenda bonis corporis & fortunæ, nominatim honori, sive eum sumas populariter, pro statu dignitatis, & applausu multitudinis, sive Philosophicè, pro præmio virtutis, quod minus in comparatione merito virtutis præmiandæ, tanquam accessorium ejus.*

10. *Objectum Externum Positivum Magnanimitatis, vel Generale est, vel Speciale.*

11. *Objectum Generale Magnanimitatis sunt in genere Magna, fide sequentium. I. Quia magnanimitas nomen habet à magnitudine, ergò cernitur in magnis! II. Quia magnanimus dicitur, qui res magnas quidem, sed quibus dignus est, sibi deberi autumat, ergò magnanimitas, unde nomen ducit magnanimus, cernitur in magnis! III. Quia, si, qui cùm magnis dignus non sit, sed parvis, inquè his acquiescit,*

scit, rectè dicitur modestus, ergò, qui cùm magnis sit dignus, ad hæc aspiraverit, dicendus fuerit magnanimus! IV. Quia, Si nemo audit superbus, nisi magna petat, quibus non est dignus, neque quisquam pusillanimitis, nisi qui parva sibi arrogat, cùm magnis sit dignus, ergò magnanimus audiet; qui, cùm magnis dignus sit, magna somniat!

12. *Objectum Magnanimitatis, vel Præmarium est, vel Secundarium.*

13. *Præmarium Objectum Magnanimitatis sunt Honores Magni, sumti materialiter, pro re honorabili, non formaliter, pro honore debito tali rei, ut est signum aut exhibitio reverentiæ in testimoniū virtutis. Summa sic concluditur: Maximum externorum bonorum ad magnanimū pertinet, quia magnanimitas ex vi nominis significat quandam ad magna extensionem: Sed honor, isquē magnus, est maximum externorum bonorum, tum quia Deo tribuitur, quasi non habeamus quid majus inter bona externa, tum quia cum affectant ii, qui sunt in dignitate constituti, quæ refertur ad bona externa, (cùm enim quem dicimus dignum, non intelligimus dignum virtute, quæ bonum animi, sed dignum honore, vel quo alio bono externo,) tum quia tribuitur pro præmio virtutis, rei præstantissimæ, tanquam exhibitio reverentiæ in testimonium virtutis, testificatioquē de virtute alicujus: Ergò ad magnanimū pertinet.*

14. *Objectum secundarium Magnanimitatis sunt Bona Corporis, & cetera bona Fortune siue Externa, quæ non sunt maxima, ut robur, forma, statura, familia, nobilitas, dignitates, officia publica, amici, divitiæ, omnia denique εὐτυχίαι, quæ conferunt ad magnanimitatis actiones promptius obeundas, organicequè deserviunt ad actus virtutum, operandiquè facultatem juvant, vel ut occasiones, vel ut instrumenta, res magnas & præclaras agendi. Summa sic concluditur: Quæ ornant & juvant magnanimum, illa pertinent ad magnanimitatem: Externa bona hoc faciunt, unde majorem honorem videas exhiberi his, quibus adsunt hæc exteriora bona, à multitudine, siquidem eis obtingat virtus cum fortunâ, quàm si sine: Ergò pertinent ad magnanimitatem! Ut enim forma corporis, dignitas, gravitas, non constituent magnanimum intrinsecè, tamen ornant eum extrinsecè, ipsâ pulchritudine & magnitudine personæ, afferente dignitatem, deformitate verò & parvitate, contemptum. Sed hoc objectum est quodammodò improprium.*

15. *Officium Magnanimitatis & ipsum, vel Primarium est, vel Secundarium.*

16. *Officium Primarium Magnanimitatis est, Resse Appetere atque Admittere Magnos Honores: Secundarium, eosdem Contemnere, & Rejicere Resse. Vnde duo resultant Actus Interni Magnanimitatis, Appetitus Magnorum Ho-*

norum, cui subordinatur Admissio eorum, & Contemptus Magnorum Honorum, cui subordinatur Rejectio eorundem.

17. De priori anquiritur: *Verùm bonâ conscientia quis honorem, quantumvis magnum, appetere possit?* De posteriori: *Verùm bonâ conscientia eundem contemnere?* De utroque: *Verùm potius appetere, quàm contemnere eundem, salvâ eâdem?*

18. *Licere bonâ conscientia honorem, ut magnum, appetere, vincunt, cùm alia, tum hæc. I. Quia virtutem appetere licet, ergo & honorem! II. Quia aliàs magnanimitas foret vitiosa, ut quæ doceat appetere honorem vel magnum, malè, si non licet honorem appetere ullo modo. III. Quia contingit honorem appetere vitiosè, circaquè eum, ut excedere, ita deficere, quare & virtuosè, servando medium! IV. Quia infamia est fugienda, ergo contrarius honor appetendus! V. Quia honoris desiderium, maximis animis, & optimis ingeniis, generosissimis, in quâ, animis, splendidissimisquè ingeniis, est inditum, per Cupiditatem quandâ naturalem, natura autem nihil facit frustra VI. Quia ipse Deus, autor naturæ, præmii loco piis pollicetur honorem, non sine ratione, ut puto, cùm sit ipsa ratio faciendorum & fugiendorum. VII. Quia benè constitutæ Respublicæ, sine honorum ac præmiorum distributione, subsistere nequeunt, quæ si distrubueret licet, licebit etiam*

etiam appetere. IIX. Quia honor inter externa bona principatum tenet, quæ si licet appetere, licebit & honorem. IX. Denique, quia honor est testimonium vitæ honestæ, negligere autem, quid de se quisque sentiat, non solum arrogantis est, sed etiam dissoluti.

19. *Quod si, fide horum argumentorum, honorem licet appetere, licebit etiam admittere.* Quamvis enim virtus sibi sit pulcherrima merces, satisquæ fructus esse videatur in ipsâ conscientia pulcherrimorum factorum, tamen hoc non impedit, quod minus, ut sperare atque expectare, ita admittere honores liceat, tum quia ipse Deus hos cultoribus suis promittit, tum quia, præmia ubi sunt demta, ibi, qui præmio aliquid dignum faciat, haud ferè reperitur ullus, cum nemo gratuito sit bonus, nisi perfectionem Philosophicam fortè habeat, quæ requirit, ut solius virtutis amore bona faciamus, quam apud paucos admodum invenias, cum pauci post genus hominum natum sint reperti, pro aris & focis, qui nullis præmiis propositis, vitam suam hostium objecerint telis.

20. *Licere hinc honorem, utut magnum, bonâ conscientia contemnere;* convincunt, cum alia, tum illa. I. Quia appetendi honoris impotentiam, hoc est, non tam appetitum, quam appetentiam, magnanimus ideò contemnit rectè, ne virtutis suæ præmium videatur plurius facere, quam ipsam virtutem. II. Quia,
cùm

cùm honores magni, magnis meritis debiti, contra omnem æquitatem, immò rationem, denegantur magnanimo, ne ille tum eos contemnere potest, immò debet, meritorum suorum conscientiam, similibusquè exemplorum scientiam, se erigens. III. Quia saltem honores parvos ac populares magnanimus contemnit rectè: Parvos, ut qui non respondeant virtuti ipsius & meritis, neque hos appetendo magnis se indignum judicare videatur, non sine præjudicio: Populares, partim, quia populus

————— *Stultus honores*
Sapè dat indignis, & fama servit in-
prius.

Qui stupet in titulis, & imaginibus,
 cui populo *ὀπίσκειν* placere, nihil aliud est,
 quàm bonis omnibus *ἀντιπρίσκειν* displicere.

21. *Licere denique universè magis appetere honorem, utut magnum, quàm contemnere.* evincunt, cum alia, tum ista. I. Quia absolute, & secundum se, à magnanimo appetuntur honores, nec contemnuntur, nisi quatenus sunt impedimentum studiosorum operum, detrimentumquè virtutis, quo in casu contemni, & possunt, & debent, per se non item. II. Quia causa, propter quam honor alicui principaliter debetur & defertur, est virtus, & hujus operationes, quas si appetere licet, licebit & honorem. III. Quia in boni viri honore & gloria cohonoratur & conglo-

rifi-

rificatur Deus, gloriæ qui est centrum. I V. Quia illi, qui vident & audiunt quem honorari propter virtutis studium, eo ipso incitantur ad virtutis constudium. Sed scilicet, neuter duorum culpandus, nec qui appetit honorem, nec qui contemnit, quoniam uterque ad gloriam pari cupiditate, sed diverso itinere, contendit, dum alter expetit debitos titulos, alter verò mavult videri contempsisse.

22. *Ceterum Honores Magni Appetuntur atque Admittuntur & Contemnuntur ac Rejiciuntur Moraliter Benè septupliciter, nempe Quantitatis Qualitatis Finis Modi Personarum Loci & Temporis respectu.*

23. *Respectu Quantitatis magnos honores appetunt, & per consequens, Admittunt benè, qui. cum sint digni magnis honoribus, se his dignos esse censent, dignè de se sentientes eòpse, sive eo ipso, dum arrogant sibi honores, virtuti ac meritis suis æquales: Æquales autem? Immodò inæquales, cum nullum satis amplum virtutis perfectæ præmium reperitur, eò quòd bona corporis & fortunæ, cum bonis animi comparata, evilescant & fordescant, itaque parvæ & exiguæ sint istæ accessiones bonorum, ut, quemadmodum stellæ in radio solis, sic istæ in virtutum splendore, ne cernantur quidem.*

24. *Respectu Qualitatis magnos honores appetunt, & per consequens, admittunt benè, qui nō & isti proportionatos statui ipsorum ambiunt atque*

atque admittunt honores, non impropor-
 natos, Julii Cæsaris tragico exemplo, qui non
 honores solum immodicos, mox eum prægra-
 vatuos, ut justè cæsus videretur, à patribus ac-
 cepit, continuum censulatum, perpetuam di-
 ctaturam, præfecturam morum, Imperatoris
 prænomen, patris patriæ cognomen, statuam
 inter reges, sedem auream in curiâ, & pro tri-
 bunali, verùm ampliores humano fastigio, tē-
 pla, aras, pulvinar, flaminem, lupercos, simula-
 cra juxta Deos, thesaurum & ferculum circensium
 pompâ, appellationē mensis de suo nomine, aliosquē
 similes honores novos, quos nē à volē-
 tibus quidē accipiēdos temerè monēt Politici.

25. *Respectu Finis magnos honores appetunt*
atque admittunt benè, qui hos appetunt
 admittuntquē per & propter virtutem, siue i-
 psum operum excellentiam, non honorem
 accessorium, cū virtus non sit honoris ergò,
 sed hic virtutis, ut qui à virtute per virtutem in
 virtutem tendat.

26. *Respectu Modi magnos honores appetunt*,
atque admittunt benè, qui eos cum Mamerti-
 no, non cupide nimis & ardentè, sed verecun-
 dè & cunctanter, quasquē iterum cum acci-
 sino quodam morali, appetuntquē, admittunt-
 quē, admissisquē quàm modestissimè utuntur,
 non effusè aut insolenter gaudentes ob dela-
 tos eò quòd magnanimo non accidunt novi
 atque alieni, sed hos accipiat quasi ad se per-
 tinentes, sibi quē debitos. Sed & illi magnos
 D d hono-

honores non tam accipiunt, quàm custodiunt benè, qui honorem suum, per retorsionem, sive recriminationem moralem civilem vè, defendunt, cum Epaminondâ Thebano contra Callistratum, dum id non injuriandi, sed sui purgandi causâ, fiat modò. Cùm enim injuriam verbalem quis repellit verbis, eandem injuriam videtur retorquere materialiter, non infimul inferre novam formaliter.

27. *Respectu Personarum magnos honores appetunt atque admittunt benè*, qui eos non nisi à bonis & gravibus viris expetunt, expetitosquè admittunt, faculam ad eam rem preferentibus, Achille Homérico, & Hectore Neviano, ex quibus ille, cùm Nestor ei autor esset, ut acciperet honores ab Agamemnone delatos, reposuit, à Jove se præmia expetere, in hæc verba :

*O Phœnix, venerande senex, non est mihi cordi
Talis honos, magnos sed honores à Iove quero,
Qui me inter naves, atque hac tentoria Gra-
jùm,*

Reddit honoratum, & reddet :

Hic laudari quidem voluit, sed à laudato viro.

28. *Respectu Loci magnos honores appetunt atque Admittunt benè*, qui loca honorata, in quibus eodem honoris genere afficiuntur, seu pares habentur omnes, qui accesserunt, (ut sit in ludis & spectaculis, ad quæ promiscua confluit multitudo, in quibus omnes se

ver-

vertunt ad spectacula illa, quæ admirantur, magnanimus verò postquæ habetur postquæ ponitur,) prudenter declinant, sicut & ea loca honorata, ubi distribuuntur honores, ne eos accessu suo tacitè petere præsumantur, ultrò se offerendo, quò honorentur, cum verè magnanimus expectet potius honores, ut ultrò sibi offerantur, æquoquæ animo ferat, vel potius despiciat, si non exhibeantur, magnitudine animi ductus, qui, inquam, hos appetunt & admittunt, ἡ γὰρ λόγος, ubi honestum est, palàm, si ornamenti & gratitudinis ergò conferantur, clàm, si necessitatis ergò. Quanquam etiam sic verè magnanimus det nobilitatem vel ignobili loco.

29. *Respectu Temporis magnos honores appetunt atque admittunt benè*, qui id faciunt pro occasione, quæ rerum omnium caput, ut in quâ æquè peccet, qui non sequitur eam, atque qui antecedit. Quid ergò? Ambiendus honor non quivis, sed quem præsens status Reipublicæ, & temporum conditio, sine difficultate indulget.

30. *Respectu hinc Quantitatis magnos honores contemnunt, & per consequens, rejiciunt benè*, qui, cum magnis honoribus sint digni, eos non admittunt tamen cum Biante, qui, cum ei tripus aureus, à piscatoribus inventus, cum hac inscriptione, ut sapienti deferretur, fortè oblatus esset, eum non admisit, sed ad Apollinem remisit, eum sapientem professus, &

Coriolano, qui, eò quòd non caperet eximios honores, à patriâ decretos, dignus visus est ex eo, qui magna caperet, vel ipsis adversariis, qui impensius virtutem ejus ab eo tempore sunt exosculati.

31. *Respectu Qualitatis magnos honores contemnunt, & per consequens rejiciunt benè*, qui in casu, quo meritis magnis denegantur præmia magna, non laborant anxie de eo, contemnentes illa, & solâ meritorum conscientiam se erigentes, Pædareti consilio atque exemplo, qui, cum non allectus fuisset in numerum trecentorum, hilaris ac renidens è comitiis discessit, revocatusquè ab ephoris, causamquè risus rogatus, replicuit, gratulari se civitati, quæ trecentos se meliores haberet cives.

32. *Respectu Finis magnos honores contemnunt, & per consequens rejiciunt benè*, qui id faciunt, non honoris causâ, sed honestatis, quia illos pro illo tempore contemnere honestum est. Dico honestatis, non honoris. Ut enim levitatis est, inanem aucupari rumorem, omnesquè umbras etiam falsæ gloriæ consecrari, sic levis animi, lucem splendoremquè fugientis, vel justam gloriam, quæ est fructus veræ virtutis honestissimus, temerè repudiare.

33. *Respectu Modi magnos honores contemnunt, & per consequens rejiciunt benè*, qui vel quæsi, etiam quin rogati, id faciunt, si ita videatur esse è re, quâ privatâ, quâ publicâ, sed hæc maximè.

34. *Respectu Personarum magnos honores contemnunt, & per consequens rejiciunt benè, qui eos; nec ambiunt, sed nec accipiunt ab iis, quibus nollent eo nomine esse obligati, hoc est, ab improbis, qui virtutem, cujus præmium honor, nec agnoscunt, nec ejus amore capiuntur, neque ejus causâ amant, ideoquè nec verum honorem deferre possunt, qui non nisi à bonis, qui soli τιμηπικὸι honorabundi, deferretur bonis, qui soli πικητοὶ honorabiles.*

35. *Respectu Loci magnos honores contemnunt, & per consequens rejiciunt benè, qui id faciunt in loco, imitatione Agesilai, qui, cum puer, in gymnico-rum ludorum celebritate, in loco parùm honorifico, à chori magistro collocatus esset, respondisse fertur: Benè habet, ego verò ostendam, non loca viris, sed viros locis, auctoritatem conciliare.*

36. *Respectu Temporis magnos honores contemnunt, & per consequens rejiciunt benè, qui id faciunt tempori, sive in tempore, hoc est, quando debent, ne, si eos admittant, cum non debent admittere, privatim superbi, & in publicum ambitiosi, videantur.*

*Difficile est tamen, hic remis utaris, an aurâ,
Dicere, consilium resquè locusquè dabunt.*

37. *Quòd attinet Proprietates sive Attributa Magnanimi, illa & ipsa, vel Negativa sunt, vel Positiva. Attributa Magnanimi Negativa sunt.*

38. *Quòd Απαθής, καὶ ὅτε Εὐτυχῶν Περιχαρής, ὅτε Αὔτυχῶν Περιλυπτός, non Servus, sed Dominus Passionum, & neque Secundis Rebus Erectior, neque Adversis Dejectior: Μηδ' ὀλυφουρπικός καὶ Δειπικός. Inquerulus & Insupplex: Μη Θαυμαστικός, Inadmirator: Μη Μιησίκακος, Immemor Injuriarum: Μη Συμμερητικός, Minimè Vindex: Μη Ἀνθρωπολόγος, Minimè Pronus ad Laudandum vel Vicerperandum: Μη Καυχολόγος, Immaledicus sive Inconviciator: Μη Ἐπαινετικός ἢ Κολακευτικός, ut non Laudator sui, ita nec Adulator aliorum: Μη Πυκνοκίνδυνος, Μικροκίνδυνος, ἢ Φιλοκίνδυνος, denique, non Crebrorum, inquam, nec Parvorum Periculorum Amator.*

39. *Dominus Passionum, non Servus, est Magnanimus ἁσθενής, dum has perimit moraliter, pugnamque earum in animo suo tollit, non pugnantes, haud extirpans passiones cum Stoicis exuens, sed compescens & refrenans cum Peripateticis, inducτὰ ἐν λόγῳ ἀπαθείας ἐν παθείᾳ ἢ μετριοπαθείᾳ.*

40. *Nec Rebus Secundis Erectior, nec Adversis Dejectior, est Magnanimus ἁσθενής, dum, utcunque ceciderit res, utcunque, in quā, ceciderint Jovis taxilli, inde τὰ ἐντυχίματ' αὐτοῦ, hinc τὰ ἐνδυσυχίματ' αὐτοῦ, fert rectè & erectè, ut qui æqualitatem server in utrāq; fortunā, & neque secundis rebus efferatur lætitiā, nec in adversis superetur mœrore, ut ut interim gravioribus casibus afficiatur & ipse, saltem cum.*

cum sine arbitris est, verum ira, ut nihil interim committat contra dignitatem suam.

2. *Inquerulus & Insupplex est Magnanimus hactenus*, dum de rebus, ad vitam tuendam necessariis, si fortè hæ ei desint, non muliebriter conqueritur, aut aliis eo nomine supplicat, propterea quod hæc illi factitent, qui toti in his rebus sunt, omnemque operam in re familiari conquirendâ ponunt, ut vulgus hominum, & opifices manuarii, quæ res à magnanimi genio atque ingenio remotissima, qui, cum alia pleraque, tum hæc, contemnit.

3. *Inadmirator est Magnanimus hactenus*, quia nihil ei magnum, præ se, ac suâ virtute. Quod fit, ut non facillè admiretur, vel homines, v g. multorum famulorum comitatum, vel res, v g. delicias & victorias, cum nihil ipsi sit magnum, ut quæ ea, quæ eximia plerisque & præclara videntur, parva ducat, eaque ratione stabili firmaque contemnat, haud ignorans eorum causas. Jam verò ignoratio est mater admirationis & stuporis. Quid, si distinguamus cum Donato Acciajolo, inter admirationem internam atque externam, & illam magnanimo competere dicamus, admiranti virum summa virtutibus præditum, hanc ei non item, utpote inadmiranti divitias, potentiam, & similia.

4. *Immemor Injuriarum est Magnanimus*

D d 4. hactenus

hactenus, dum parvi pendit injurias sibi non digno illatas. Cum enim sibi non sit malè conscius, ideò suam existimationem illis non putat lædi, quarum propterea nec meminit.

44. *Minimè Vindicativus sive Vindex est Magnanimus hactenus*, dum non citò move-
tur ad vindictam, sive depulsionem injuriæ,
ne, dum vult contumeliâ probari indignus, fa-
ciat se dignum videri contumeliâ. Quid ergo?
Συγγνωμὸς potius est, quàm Τιμωρὸς, a-
pri Æsopici exemplo, qui, cum ab asino fortè
irrideretur, perhibetur dixisse, malum quidem
meritus eras ignavissimè, sed ut maximè di-
gnus sis poenâ, tamen indignus sum ego, qui
dentes meos in te exacuam.

45. *Minimè Pronus ad Laudandum vel Vi-
tuperandum est Magnanimus hactenus*, dum
neque de se, neque de aliis, præsertim humili-
bus, libenter loquitur, ut qui, neq; ut ipse lau-
detur, neque ut alii vituperentur, magnoperè
curet, ideoquè nec nova audiat libenter, vel de
se, vel de aliis, quia hocipsum hominum ven-
torum, aliorum reprehensiones suas laudes,
alienas laudes sua probra existimantium; à
quibus dissimili ingenio est noster.

46. *Immaledicus sive Inconviciator est Ma-
gnanimus hactenus*, dum convicia, quæ vocant,
stoliditatis, inscitix, inopiæ, ignobilitatis ne-
gligit, saltem dissimulat, neque interim sem-
per. Est enim, cum dedecorosos ac turpes ho-
mines conviciis accipit, ut Ulysses Therfitem,
apud Homerum.

Al-

47. *Minimè Dissimulato, nedum Ludificator, est Magnanimus hætenus*, dum ea, quæ in se laudabilia sunt, haud dissimulat, nisi fortè apud vulgus, non capiens magnitudine in ipsius, cujus laudes haud quærit, nec huic consilia sua aperit. Et quî dissimulet magnanimus dissimulantiâ positivâ, cùm sit παρρησιαστικός, apertè omnia dicatquè & agat, intra limites prudentiæ justitiæ & veritatis quod fiat tamen.

48. *Non Laudator Sui est Magnanimus hætenus*, dum se non laudat cum Pindaro, magnificè loquente de se, & suâ facultate, ut quicum Pisone, quæ agenda sunt, curet, sine ostentatione agendi, cumquè Jugurthâ Sallustiano, plurimum facere, & minimum de seipso loqui, soleat. Est tamen, cùm seipsum laudat magnanimus, sed rarò scilicet, & tempestivè, citraquè invidiam ac offensionem, id quod fieri potest multis modis, quâ directè, quâ indirectè, benè tamen.

49. *Sed nec Adulator aliorum est Magnanimus hætenus*, dum nemini blanditur, ut qui nesciat οὐκ ἄλλοι ζῆν, ἐπεὶ ἄλλοι εἶναι, alterius vivere ac regi imperio, ad exemplum scurrarum & parasitorum, quos constat se ad aliorum nutus & voluntates accommodare, quod servile admodum, ideoquè ab ingenio magnanimi alienissimum.

50. *Denique, nec Crebrorum nec Parvorum Periculorum est Amator Magnanimus hætenus*, dum pericula quidem adit, sed nec plura.

nec parva nimis, cum pauca virtute suâ digna putet, eaque magna, quæ constat esse pauca: At, qui multa curat, multa magni facit, hunc pro multis quoque adire pericula necesse est.

51. *Attributa Magnanimi Possiva sunt:*
Quod Καταφρονητικός, *Contemptor:* Φανερός.
 λῶ καὶ Φανερός, *Aperit Amicus & Ini-*
micus: Ἀληθευτικός, *Verax:* Παρήσιας πρὸς,
Liberi Animi & Lingua, Ὁμιλετικός, *Con-*
versabilis: Βαρύφων καὶ Βαρυβάτης *Vocis*
Gravis, & Orationis Sedata, Incessusque Tar-
di: Εὐργετικός, *Munificus, & Benefactor po-*
tius, quàm Beneficiarius alterius: Κτητικός
 μὲλλον τῶν Καλῶν καὶ Ἀχρίτων ἢ Ὁ Φελί-
 μων, *Possessor potius Pulchrarum & Instru-*
mentum Rerum, quàm Fructuosarum & Utili-
um: Μειδιότης hinc, *Cunctorum:* Demique Ὁ λι-
 γοκίνδυνος καὶ Μυζαλοκίνδυνος, *Paucorum qui-*
dem, ast Magnorum Periculorum Sestator.

52. *Contemptor est Magnanimus hactenus,* dum contemnit contemnendos. Rectè namque de unoquoque judicat, magnos magni, parvos parvi æstimans, & illos sibi pares, hos inferiores, judicans, ut non sine contemptu, ita sine injuriâ, quia non tam contemnit personas, quàm quid personæ, qui contemptus bonus, quippè à virtute profectus, & non ab aliis causis.

53. *Aperit Amicus & Inimicus est Magna-*
nimus hactenus, dum se palàm amicum vel ini-
 micum profitetur, animatum in primori fronte
 gerens,

gerens, ut qui neminem metuat, ideoque nec dissimulet cuiusquam causâ, quod metuentis, cuius proprium, fronte occultare sententiam.

54. *Verax est Magnanimus hactenus*, dum nullius hominis vel rei causâ mentitur, apertè omnia dicensque & agens, cum temperamento prudentiæ justitiæ & veracitatis quod fiat tamen, quarum peripheriam non egreditur.

55. *Liberioris, ut Animi, ita Lingua, est Magnanimus hactenus*, dum, quæ libertatem dicendi prohibere possunt, magno animo despicit, & extra miseras, & in miseriis, præsertim ultimis, quæ hoc habent, ut dent animum ad loquendum liberè, si Livio credimus.

56. *Conversabilis Nautra quoque est Magnanimus hactenus* dum, pro exigentiâ personarum loci temporis, aliis se prudenter accommodat, cumque tria sint genera hominum, summi, putà, medi, & infimi, adversus summos, hoc est, eos, qui vel dignitate, vel copiis & genere, excellunt, magnitudine suâ & gravitate, utitur, non quò jactare etiâ inter magnos se velit, sed ut locum suum teneat, neque se ab aliis superari patiatur, exemplo generosorum, qui solent inter magnos *sepius*, gravitatem præ se ferre: Dum deinde autem adversus mediocres, & multò magis infimos, moderatum se ac facilem præstat, gravitatem comitatis condimento temperando.

57. *Vocis Gravis, Orationis Sedata, & Incessus Tardi, est Magnanimus hactenus*, dum

utitur gravitate vocis, indice majoris, & caloris, & roboris, oratione item stabili constanti æquabili, non confusâ præcipiti interruptâ, instar hominum vocalium & clamorum, quos videas uti contentione vocis majori, quam ferè sequuntur jurgia, vociferationes, sermonis varietas atque inconstantia. Cùm enim non festinet magnanimus, quoniam paucula curat, nihilquè magni ducit, præter se, & suam virtutem, ut acuitas verò vocis, ita velocitas, competat his, qui de quibuscumque amant contendere, ideò contentione vocis haud utitur, sicut nec gradus acceleratione, ob geminam causam, quia paucula curat, ita ut properato ipsi non sit opus, sicut iis, qui multis rebus & negociis distrahuntur, quos convenit esse *perplexos*, huc illuc discursitare & volitare, quò omnia exequantur. Celerior certè incessus, vel negociorum multitudinem, vel levitatem, nescio quam, significat, neque levitatem tantum, sed indigentiam. Atque hæ causæ, cur magnanimus cum gravitate moveatur.

58. *Munificus, & Benefactor potius, quàm Beneficiarius alterius, est Magnanimus hætenus,* quum libentius dat, quàm accipit beneficia, libentiusquè audit, quos ipse beneficiis affecerit, quàm à quibus his affectus sit, quia illud virtute superioris hominis, hoc inferioris, illud perfectioris, hoc minus perfecti. Agens enim.

nim, eâ ratione, quâ agit, perfectius esse videtur, quàm patiens: Atqui constat, magnanimum cupere omnes antecellere, nemini què se velle obligare: Quare & hâc parte.

59. *Possessor Pulchrarum, sed Infructuosarum Rerum potius, quàm Fructuosarum atque Utilium, est Magnanimus hâtenus*, dum mavult possidere res honestas & elegantes, licet infructuosas, (loquendo secundum opinionem vulgi, infructuosas æstimantis possessiones, quæ nihil afferunt lucri,) v. g. hortos, equos, canes, fervorum comitatum, signa, tabulas, statuas, arma, & suppellectilem omnis generis, quàm res alias fructuosas atque utiles, v. g. pecuniam, agros, villas, pecudes, & similia, tum quia illud magis sufficientis hominis, sequè ipso contenti, tum quia sic agendo honestum utili anteponit.

60. *Cunctator est Magnanimus hâtenus*, dum non ingerit se indifferenter quibuscunque operibus, sed solum in agnis, & per consequens, paucis, quia magna ferè pauca sunt. Nam & hoc gravitatis est, omnibus de causis, etiam levissimis, non impelli continuo, omnemquè occasionem se ostendentem non apprehendere continuo, sed expectare pulcherrimam. Quid ergò, semperna cunctator est, & quietem agit, magnanimus? Nihil minùs, non utique tunc, ubi res magna, & magnus honor, proponitur, quo in casu celeritate utitur & acceleratione.

61. Denique, *Paucorum quidem, aſt Magnorum Periculorum Seſſator eſt Magnanimus haſtenus*, dum non indifferenter ſe pluribus periculis exponit, ut qui non indifferenter multa quaſi magna exiſtimet, ſed paucis, atque magnis, ſive magnâ laude dignis, quæ pauca eſſe conſtat.

62. *Sic deſcripta Magnanimitas differt à Modeſtiâ*, gradu magis, quàm ſpecie, ut pulchritudo in magno ac vaſto corpore, à pulchritudine in parvo ac tenui corpore. Ut enim unum cum eâ habeat ſubjectum, putà appetitum ſenſitivum, unum objectū, putà honorem, unum ſinem, putà honeſtatem, tamen quantitate illius objecti, & modo operandi circa illud objectum, ab eâ differt, dum altera nō niſi in magnis honoribus cernitur, altera non niſi in parvis, illa operando eminentiùs, hæc ſummiſſiùs & remiſſiùs.

63. *Extrema Magnanimitatis duo ſunt, alterum in Exceſſu, alterum in Deſectu. In exceſſu ei opponitur Faſtus, in deſectu Tuſſillanimitas.*

64. *Faſtus eſt vitium morale, in magnis honoribus appetendis & admittendis excedens, quo mediante quis majoribus honoribus, quàm quibus eſt dignus, ſe dignum eſſe judicat. A Græcè Philoſophantibus & Philologantibus χανρότης appellatur, à χανρόν, quod eſt inflō, quaſi tu dicas inflationē, & illi, qui hoc vitio laborant, χανροι pun-
pantur*

panantur quasi rudis, inflatus, fungosus, tumidos, ventosus, è quorum idè animis non minus elati spiritus sunt excutiendi, atque sèr ex utribus, exprimendique, atque aqua è spongis. A Latinè Philosophantibus & Philologantibus Arrogantia indigiratur, èd quòd homines fastuosi majores sibi, quàm merentur, honores arrogent, & illustra quardam, vel quæ non habent, vel majores, quàm habent, sibi vendicent: Item Jactantia, à jactando, sive frequenter jaciendo, èd quòd homines jactabundi crebro sermone jactent, quæ planè non habent, aut plura & majores, quàm habent, flantes inanes gloriæ, neque quicquam habentes in ore, nisi decumanum, grande, magnificum, portentosum.

65. Qui huc vitio obnoxii sunt, nã illi I. Fatui, ut qui magnas res aggrediantur indigò, velintquè, & ad dicendum, & ad agendum, idonei videri, cum non sint, magnificè præterea de se loquantur & sentiant, ornatum sibi quærentes ex vestitu, atque habitu corporis, & similibus aliis, putà divitiis, quas simulant se habere, etsi non habeant, aut, si habent, importunè has atque invidiosè ostendant, ut facile vel inde stultitia eorum deprehendatur. II. Injusti, ut qui sibi domi sumant, quod ab aliis tributum oportuit. III. Auditoribus molesti, eoràm quibus vitium suum celare nequeunt,

sed

sed actionibus suis insolentibus id his planum faciunt.

66. *Pusillanimitas* est vitium morale, in magnis honoribus appetendis & admittendis deficiens, quo mediante quis omnes honores magnos promiscuè negligit, etiam eos, qui ipsi jure merito debentur. A Græcè Philosophantibus *Μικροψυχία* appellatur, ἀπὸ τῆς μικρῆς ψυχῆς, à pusillo animo, quasi tu dicas Pusillanimitatem, & illi, qui hoc vitio laborant, *Μικροψυχοί* Pusillanimes, sive pusilli animi homines, habentes quidem quid αἰξίας, sed αἰξίνωμα, vel nullum, vel justo minus. A Latinè Philosophantibus Humilitas & Demissio Animi indigitatur, Pusillus item & Angustus Animus.

67. Qui huic vitio sunt obnoxii, næ illi solent esse: I. Stolidi, ob hanc animi dejectionē, neque tamen ita, ut fastuosi sive elati, quia non planè sunt incogitātes, ut alteri illi, sed toti cogitabundi, cogitantes semper, se hoc vel illo honore esse indignos, quod non item faciunt elati. II. Injusti, dum se honore debito spoliant, & Reipublicæ se subducunt, cui utilem operam præstare poterant. III. Seipsis deteriores, quoniam hæc eorum pusillanimitas facit, ut eorum animi, propter opinionem, quam habent de seipsis, semper humi repant, neque ad altiora unquam assurgant. IV. Suspecti hoc nomine aliis, vocando se in suspicionem aliqujus mali occulti eo, dum se ipsos honoribus indignos.

indignos domi æstimant. Cur enim alioqui se indignos judicarent rebus optimis, nisi intestinis quibusdam malis, atque occultis vitiis, laborarent, malè sibi conscii hâc parte. V. Ignorantes sui, quia non videntur se suaquè satis nôsse. VI. Segnes & ignavi, ut qui bona sibi debita haud poscant.

68. *E duobus his Extremis Pusillanimitas deterior est Fastu in comparatione*, tum quia frequentior, cum plures in vitâ communi, vel paupertate fracti, cui non benè convenit cum fastu, ad quem pompa quædam est necessaria, vel pudore rustico præpediti, vel metu laborum ac periculorum territi, vitam obscuram atque ingloriam agere malint, quàm ad clavam Reipublicæ sedere, quæ autem mala frequentiora, eadem & graviora, tum quia pejor; & respectu medii, & alterius extremi, medii; dum deprimit ac dejicit animos, neque ad illud assurgere finit; extremi, quia non ita citò corrigi potest, atque fastus. Utut interim non infitear, in opposito fastu plus esse stultitiæ vanitatis temeritatis periculi & detrimenti, quàm in pusillanimitate.

CAPUT XXXVII.

De Modestâ, & huius Extremis, id est, inde Ambitione, hinc Inambitione.

§ 1. *Modestia*, si Nomen sive Nominalitatem ejus spesles, à modo descendit Latine, quem si servet abs se, naturalis modestia audit, quæ insita homini verecundia circa hono-

honore n, sin in loquelâ, risu, statione, fessio-
 ne, incessu, gestu, motibusquè, tam animi,
 quàm corporis, nec plus quicquam nec minus
 agens, ut sic accipitur generaliter cum Stoicis,
 pro moderato omnium virtutum usu, earum-
 què reru n, quæ aguntur, aut dicuntur, loco
 suo collocandarum, dispositione: Quodd si
 eundem fervet in cupiditatibus & voluptati-
 bus gustus & tactus, ut sic accipitur specia-
 liter pro temperantiâ: Si denique eum ser-
 vet in honoribus, iisque minoribus, ut sic
 accipitur specialissimè cum Peripâteticis,
 pro moderato honoris studio. Humilitas alio
 nomine. Quid enim aliud humilitas, quàm
 virtus, per quam honores tantum debitos
 appetimus, hosquè aliis libenter cedimus.
 Apud Græcè. Philosophantes virtus hæc ca-
 ret nomine proprio, appellatur interim no-
 mine extremi φιλοκμία, quæ vox media est,
 & nonnunquam in bonam partem capitur,
 pro ἀφιλοκμία ἢ εὐφιλοκμία, nonnunquam
 verò in malam, idquè crebrius, ut nomina
 composita à φίλ.

2. *Sin Rem sive Realitatem ejus*, ut sic est
 Virtus, (putà Moralis, sive Acquisita More,) *servans Mediocritatem in Cupiditate ac Stu-
 dio Mediocrium & Parvorum Honorum.*

3. *Juvat ἀναλόγῃ. Definitio hac constat Ge-
 nere, & Differentiâ Specificâ.*

4. *Genus Modestia est Virtus Moralis, cùm &
 ipsa sit habitus ὡραίου ἐκλεκτός electivus, inclu-
 dens*

dens requisita virtutis moralis, rectam rationem pro principio agendi, mediocritatem inter duo extrema pro medio, honestatem verò pro fine, bonum faciens habentem, ejusque opus rectum ac perfectum dans: jam verò positus omnibus virtutis moralis requisitis ponitur & ipsa.

5. *Differentia Specifica Modestia sumitur ab Objecto, & Adjuncto Offitio circa illud Objectum.*

6. *Objectum Modestia & ipsum, vel Internum est, vel Externum, ex quo utroque simul sumto objectum ejus totale & adæquatum conflatur.*

7. *Objectum Internum Modestia est Mixto-Philotimia, Desiderium & Studium Parvorum Honorum, iis omnibus ingenitum, qui minus sunt generosi, bonæ indolis tamen.*

8. *Objectum Externum Modestia, vel Negativum est, vel Positivum.*

9. *Objectum Externum Negativum Modestia sunt Bona Animi, quæ infinità quâdam laude anteponenda bonis externis, nominatim honori, eique parvo, qui præmium virtutis, sed parvæ, idque accidentale, quod minus merito virtutis præmiandæ, tanquam accessorium sui principalis.*

10. *Objectum Externum Positivum Modestia sunt Honores Mediocres & Parvi, qui & ipsi gubernandi aliquâ virtute, tum quia hos quis plus appetere potest, quam oportet, & quando ac quomodo non oportet, ubi autem extrema.*

646 INSTIT. ETHICARUM
extrema, ibi & medium, tum quia par ratio honorum & pecuniarum, cum utraque sint bona externa, sicut ergo in his duplici virtuti locus, uni in parvis pecuniis, alteri in magnis, sic in illis item duplici, uni in magnis, alteri in parvis honoribus.

11. *Officium Modestia circa suum Obiectum, & ipsum vel Primarium est, vel Secundarium.*

12. *Officium Primarium Modestia est, Rectè Appetere atq; Admittere Honores Mediocres & Parvos: Secundarium, eosdem Contemnere atq; Rejicere. Rectè Vnde duo resultant Actus Interni Modestia, Appetitus, inquam, Parvorum Honorum, quem comitatur Admissio eorum, & Contemptus eorundem, quem Rejectio sive Repudium.*

13. *Ceterum Honores Mediocres & Parvi Appetuntur atque Admittuntur & Contemnantur ac Rejiciuntur Moraliter Benè septupliciter, nempe Quantitatis Qualitatis Finis Modi Personarum Loci & Temporis respectu.*

14. *Respectu Quantitatis parvos honores appetunt atque admittunt benè, qui, cum sint digni parvis honoribus, se his dignos esse censent, dignè de se sentientes eòpsè. dum arrogant sibi parva honorum, dignequè his gaudent, neque se extollendo, quod hominum levium, sed nec deprimendo, quod infanorum.*

15. *Respectu Qualitatis parvos honores appetunt atq; admittunt benè, qui debitos & debite, non fustes, inanes, ex actionibus leviculis, parumquè honestis, per vim, fraudes, largiciones, detractiones & detractiones, quia*

nihil verè modestum, quod non itē honestū.

16. *Respectu Finis* parvos honores appetunt atque admittunt benè, qui hos appetunt atq; admittunt, non ut finem, nec ut vulgò placeant, sed ut bonis.

17. *Respectu Modi* parvos honores appetūt atq; admittunt benè, qui decenter, hoc est, nec nimis cupidè atq; ardēter hos expetēdo, exunā, nec frigidè nimis ac remissè ex alterā parte, adeoquē nec gaudēdo immodicè ob collatos, nec dolēdo immodicè ob negatos, ereptosvè.

18. *Respectu Personarum* parvos honores appetunt atq; admittunt benè, qui, servatis ordinum discriminibus, supra alios, æquè aut aliquantò etiā minùs honoratos, se insolenter, & cū contemptu, haud efferunt, locum suum sic tuentes, ut nihil aliis detrahant, sed majores honores libenter majoribus, minores minoribus, pares paribus, tribuant, docti, neminem aded esse beatum, quem nemo æquiparer.

19. *Respectu Locī & Temporis* parvos honores appetunt atque admittunt benè, qui hos contestantur, in foro, quod ajunt, competenti, tempore competenti, tum non plures majoresvè, quàm vel præsens Reipublicæ status, vel occasio temporum, permittit.

20. *Respectu Quantitatis* hinc parvos honores contemnunt. & per consequens rejiciunt benè, qui id faciunt per accisimum quendam moralem, ne præmium virtutis plurius facere

cere videantur, quàm ipsam virtutem. Quàvis enim non delinquat, qui se parem suæ conditioni gerit, tamen tutius esse videtur, ob philautiam penitus mentibus nostris infidentem, paulò infrà metam subsistere, quàm in ipso medio periclitari.

21. *Respectu Quantitatis* hinc parvos honores contemnunt, & per consequens, rejiciunt benè, qui, cum debiti honores ipsis denegantur indebitè, non propterea crucem sibi figunt, solâ meritorum conscientia se erigentes, dictosquè honores contemnentes, non simpliciter, sed in tantum, in quantum non putant hanc repulsam esse tanti, ut propterea animo turbentur gravius, eò quòd, nec primi, nec soli sint, qui passi tale naufragium in hoc honorum pelago.

22. *Respectu Finis* parvos honores contemnunt, & per consequens, rejiciunt benè qui id faciunt modestiæ causâ, non ostentationis, quæ plerumque latet sub hoc velo, quia major pars hominum mavult videri, quàm esse, amans magis faciem, quàm personam.

23. *Respectu Modi* parvos honores contemnunt, & per consequens, rejiciunt benè, qui hos, siquidem indebiti, non admittunt, sin debiti, oculi amore, & vitæ abstractivæ dulcedine, posthabent, cæteris paribus.

24. *Respectu Personarum* parvos honores contemnunt, & per consequens, rejiciunt benè qui eos non admittunt à quibusvis indifferenter.

renter, nominatim ab illis, quos ipsi domi laudare nequeunt, hoc est, ab hominibus improbis, qui virtutem, cujus præmium honor, nec agnoscunt, nec amant, ideoquæ verum honorem deferre nequeunt.

24. *Respectu Loci & Temporis parvos honores contemnunt, & per consequens, rejiciunt bene, qui hoc faciunt pro occasione, debitis locis & temporibus, dantibus consilia hominibus, non homines rebus.*

25. *Sic descripta Modestia differt ab Humilitate propriissime sumptâ, vilitatem sortis & conditionis, miserasquæ atque ætumnas, desinente, nomenclatione ductâ ab humo, lovente hominem humi abjectum, contemnim, afflictum, calamitosum, non item mortuâ in suo significato.*

26. *Extrema Modestia duo sunt, alterum Excessu; alterum in Defectu. In excessu ei opitur Ambitio, in defectu Inambitio, vocemata eo modo, quo Inappetitionem & pparitionem, inobservationem, inreligionem sive Irreligionem, indelictum, inmeritum, dicimus Latine.*

7. *Ambitio est vitium morale, in parvis rebus appetendis atque admittendis edens, quo mediante quis majoribus rebus, quàm quibus dignus est, se dignum judicat, seipsum & omnia sua pluris facit, quàm debebat: Vel, quod eodem re-
st inordinatus appetitus parvorum ho-
norum.*

norum, ortus ex præsumptione virtutis, quam
 quis non habet, saltem non habet ad eam
 mensuram. Hoc nominis mutuata est à ver-
 bo ambire, quod est circumire, honoresquæ
 am, hoc est, circum eundo captare, malis ar-
 tibus, precibus, largitionibus, pollicita-
 tionibus, pensationibus, blanditiis. Ali-
 ter Præsumptio vocatur Latinis, cujus pro-
 prium, supponere in intellectu falsam opi-
 nionem de se, cum aliorum, qui in eodem
 honorum gradu sunt constituti, contemptu.
 Item Superbia, hoc nomen sortita à super
 & ire, ita ut superbus dicatur quasi super
 iens, eo quod supra, quàm est, videri cu-
 pias, οὐπορήφαι, usque eminere deside-
 rans, & cæteris superior esse. Horsum Græ-
 cè docti φιλοτιμίαν appellant, cujus verbi
 hæc vis, ut interdum de eo dicatur, qui ho-
 norem expetit, ut oportet, interdum verò
 de eo, qui plus quàm oportet, quomodo
 φιλόπαις & ille dicitur, qui liberos suos amat,
 ut oportet, & ille, qui nimium, utut interim
 hæc verba, junctæ ad verbum φιλ, ple-
 rumque confineant nimium, ut φίλοι, φιλό-
 γονι, ἢ φιλογύναι, γαστέφιλ, Etc :
 Item Μικροφιλοτιμίαν, ambitionem gloriæ
 ineptam & frivolam, ipsosquæ ineprè glorio-
 sos, aut gloriosulos verius, Μικροφιλοτίμους,
 ambitiosè pauperes. Germanicè docti ean-
 dem denominant à vocabulo Stolz, deducto
 à Stultitiâ, eò quod potissimum cadat hoc
 vitium

vitium in rudes, tardos, stupidos, fatuos, & in genere, cæco amore sui occæcatos homines, qui amor superbire facit etiam sapientes.

28. *Inambitio* est vitium morale, in parvis honoribus appetendis atque admittendis deficiens, quo mediante quis honorem, quo est dignus, quemquæ honestè poterat suscipere, vel repudiat, vel saltem factum tectum non servat. Græcè docti Α'φιλοζήμιαν nuncupant, non negativè, sed privativè. Latinè docti, jam vacuitatem appetitus honoris, jam despicientiam in contemnendis honoribus, jã honoris contemptum, vertunt, quo honores etiam licitos, nostrâquæ virtute promeritos, indecentiùs despiciamus rejicimusquæ, ob præfidentia, quã quis, nimiã virium suarum confidentiã, aggreditur, quod est supra ipsius captum, oppositam diffidentiam, quã quis omnia, tanquam nimis alta & magna, suamquæ facultatem & dignitatem excedentia, animo suo concipit, diffidensquæ viribus suis, etiam ea officia refugit, ad quæ pulchrè est idoneus, quæquæ facilitè præstare posset, si vir esset.

C A P U T XXXVIII.

De Mansuetudine, & hujus Extremis, id est inde Iracundiã & Crudelitate, hinc Lentitudine & Indulgentiã.

S. I. **M**ansuetudo, si Nomen si ve Nominaliastem ejus spectes, ut sic, secundum idiotismum Latinum, nihil est aliud, quàm manu
E c
facta

facta suetudo sive assuetudo. Mansues namque, sive mansuetus, quasi manu assuetus dicitur Latinitatis magistris, ad manum, inquam, venire suetus, eò quòd omnia, quæ naturâ fera sunt, manuum permulsiōe mitescant, voce ductâ à manu & sueo, hoc est, sueco, qui genuinus vocis significatus, quæ si capiatur metaphoricè, lenem placidum placabilem misericordem clementem valet in concreto, verbo tractabilem, lenitatem verò placiditatem placabilitatem misericordiam clementiam in abstracto. A Græcè Philosophantibus, jam *πραΰνεις* appellatur, Latinè longanimitas, rectiùs lentitudo, eò quòd vocabulum longanimitatis, præterquam quòd passum Latinum, *μακροθυμίαν* loquatur, non *πραΰνισιν*, sicut opposita *δορυνησία* lentitudinem potius, quàm lenitudinem, æquipollentem lenitati, jam *πραότης*, quanquam non satis propriè. Nam qui propriè vocatur *πραός*, ille non nihil declinat à medio ad defectum, eò quòd non tam *τιμορητικός*, quàm *συγγνωμικός*, esse videatur, id est, non tam ad ulciscendum pronus, accedendo magis ad iræ vacuitatem, quàm moderationem, cum tamen medio utrumque adesse conveniat. Et enim non minùs irascendum & ulciscendum est, cum oportet, quàm non irascendum atque ignoscendum, cum non oportet, prout illud vel hoc recta suadet ratio.

2. *Sin Rem sive Realitatem ejus spectes,*
ut

LIB. II. CAP. XXXVIII. 653
ut sic est Virtus, (putà Moralis, sive Acquisita
More,) servans Mediocritatem in Irâ & Vin-
dictâ, sive in Irascendo & Vindicando.

3. Juvat ἀναλύειν. *Definitio hac consistat
Genere, & Differentiâ Specificâ.*

4. *Genus Mansuetudinis est Virtus Mora-
lis, cur, nisi quia & ipsa suo loco est habitus
αἰσθητικὸς electivus, habens requisita virtu-
tis moralis, rectam rationem pro principio
agendi, mediocritatem inter duo extrema pro
medio, honestatem verò pro fine, docens be-
nè, ut irasci, ita ignoscere: Positis autem
omnibus virtutis moralis requisitis, ponitur
utique & ipsa.*

5. *Differentia Specifica Mansuetudinis su-
mitur ab Objecto, & Adjuncto Officio circa il-
lud Objectum.*

6. *Objectum Mansuetudinis & ipsum, vel
Internum est, vel Externum, ex quo utroque
simul sumto objectum ejus totale & adæ-
quatum conflatur.*

7. *Objectum Internum Mansuetudinis est
Ira, non dolor ex irâ, qui effectum potius
illius objecti, quàm objectum, ira, inquam,
quæ, quia est omnium affectuum vehemen-
tissimus, violentissimus, & turbulentissimus,
communissimus quin & familiarissimus, evi-
dentissimus, turpissimus, perniciosissimus, stul-
tissimus, maximequè omnium degener, deni-
que alienissimus, & ab æquitate, & à commu-
ni conversatione, idèò peropus virtute aliquâ*

quæ eam redigat in gyrum rationis , hæc autem nulla alia, quàm mansuetudo, iræ domitrix & expultrix.

8. *Objectum Externum Mansuetudinis, vel Negativum est, vel Positivum.*

9. *Objectum Externum Negativum Mansuetudinis, vel Reale est, vel Personale, illud Reum, hoc Personarum.*

10. *Res vel Inanimata sunt, vel Animata, & quidem, vel Animâ Vegetativâ tantum, vel insimul Sensitivâ,*

11. *Neutris irascilicet, quia utræque nocere quidem nobis possunt, injuriam verò facere minime, eò quòd nulla injuria detur, nisi à consilio profecta. Cur nulla? Quia enim, ubi nulla ratio, quæ animâ juris, ibi nullum jus, & ubi nullum jus, ibi nulla injuria, ubiquè nulla injuria, ibi nullum delictum, & ubi nullum delictum, ibi nulla ira, pœna nulla, quam inanimata, nec metuunt, nec sentiunt, sicut & animata vegetabilia, sed benè animata sensibilia perfecta, ast non ut pœnam formaliter & Ethicè, præsupponentem culpam in eâ creaturâ, penes quam steterat, quò minùs peccaret, sed ut pœnam materialiter & Physicè, secum ferentem passionem dolorificam.*

12. *Persona, ratione ætatis, vel Pueri sunt, vel Senes, ratione sexus Mulieres, ratione generationis & regenerationis, Parentes, & quasi Parentes, siue Præceptores, qui alteri parentes, ratione officii Iudices, ratione status, Reges, ratione ætatis morum Boni Viri.*

13. *Nec,*

13. *Nec his irasci licet per mores* : *Non Pueris*, ætati donandum, nesciunt, an peccent : *Non Senibus*, dandum aliquid annis & canis, dandum infirmitati judicii & memoriæ : *Non Mulieribus*, errant, saltem errare possunt, ob debilitatem τοῦ βουλευτικοῦ καὶ ἡγεμονικῶ, hoc est, animum insipientem atq; impotentem illius sexus : *Non Parentibus*, plurimum profuerunt, indiesquè profunt, ut illis etiam alicujus injuriæ jus sit, aut fortassis, ipsum hoc meritum eorum est, quo offendimur : *Non Præceptoribus*, sunt alteri parentes, idem autem tenet in ficto, quod in vero : *Non Iudicibus*, plus illorum credere convenit sententiæ, quàm suæ, publicæ, quàm domesticæ : *Non Regibus*, qui, si nocentem puniunt, cedendum justitiæ, si innocentem, cedendum fortunæ, cumquè sint potentiores, quis eis irasci sapienter potest : *Non Bonis Viris*, dicuntur magis fecisse injuriam, quàm facere : *Non denique Homini, siue speciei, sed huic homini v g. Cleoni, siue homini in individuo*; quia ad iram proritat propriè, non homo, verùm hic ille iste homo antecedenter, nec ea excitata fertur in hominem, verùm in hunc illum istum hominem consequenter.

14. *Objectum Externum Positivum Mansuetudinis est Vindicatio siue Vindicta*, quâ contumeliam, vel vim, adeoque omne, quod offuturum est, defendendo aut ulciscendo, à nobis vel nostris, propulsamus, red-

dendo malum pro malo, pœnale pro culpabili.

15. *Est quæ vel Defensiva, vel Offensiva.*

16. *Vindicta Defensiva est*, quâ malum propulsamus in locis, ubi judicia sunt nulla, ubiq; No nadum more vivitur, neque communis judicis copia habetur, quæ & qui si dentur, cessat hæc vindicta, cæteroquin licita.

17. *Vindicta Offensiva est*, quâ malum irritantia aut delinquenti inferimus, deficiente scilicet defensione, cui sic succedit offensio, ut positivum negativo. Ubi namque defensio non valet, ibi valet offensio, mutatis armis defensivis seu evasivis in offensiva seu invasiva.

18. *Est quæ vel Privata, vel Publica.*

19. *Vindicta Offensiva Privata est*, quâ malum malo privati propulsamus, sive id fiat à merè privatis, sive à magistratu quidem, verùm ex causâ privatâ, affectu vè.

20. *Adhuc duplex. Vel enim est Simpliciter Privata, vel Secundum Quid.*

21. *Vindicta Offensiva Simpliciter Privata iterum, vel est Voluntaria, vel Necessaria: Illa illicita*, quando videlicet quis, injuriâ læsus, irâ quæ accensus, vel incontinenti, vel ex intervallo, ulciscēdi animo, illegitimè reddit malū pro malo, quia talis vindicta Deo exosa, legibusquæ adversa, cū ideò lex forum judex magistratus tribunalia sint constituta à majoribus, ne sui quisque doloris vindex esset: *Hæc licita*, quando videlicet quis, verbi gratiâ, furem nocturnum occidit, tanquam insidiatorem vitæ,
tantò

tantò horribiliorem , quantò minus auxilii à
 vicinis haberi potest, aut vitam liberosvè con-
 tra vim latronis defendit , vel cum ejus nece
 sive internecione , qualis cædes non tam vo-
 luntaria per se, & directè , quàm indirectè, &
 per accidens, adeoque consecutivè, isquè, qui
 talem cædem patrat , dicitur dare operam rei
 licitæ , facerequè opus licitum , dum adhibeat
 totam diligentiam modè , quam potest, idquè
 operam det, ne ad opus licitum sequatur mors
 alterius merè voluntariè , quod faceret pecca-
 tum , cujus est esse voluntarium , quæ mors si
 præter intentionem consequatur, hoc accesso-
 rium, & quodammodò casuale, quia hic effe-
 ctus secutus est præter intentionem particula-
 ris agentis, saltem primam. Quin tantum ab-
 est, ut hæc vindicta sit illicita, ut, qui se contra
 vim illatam non defendit, ille non minùs pec-
 cet, ac si sibi ipsi manus inferret , quia suâ cul-
 pæ & negligentia vitam amisit, quam tueri, &
 poterat , & debebat , servato moderatè in-
 culpatæ tutelæ , subducendo huic suppositum
 communitatis , quod Pragmatici verti dicunt
 in sequentibus , tempore, loco, modo, causâ,
 eâquè tam efficiente quàm finali : Tempore ,
 ut propulsio sive propulsatio fiat incontinen-
 ti , non ex intervallo , quæ vindicta , non de-
 fensio : Loco, eoquè tali , ut elabi aliter non
 possit vim aggressoris congressor : Modo , re-
 quirente proportionem instrumentorum , ut
 armatus cum armato , pari telorum genere ,

congregari, non dispari, utque, cum per vul-
neris inflictionem evadere potest, non occi-
dat: Causâ efficiente, ut defendendi animo
suscipiatur, non vindicandi, ex impatientiâ,
v.g. irâ, vindictę cupiditate, quoniam defensio
jure concessa, ultio verò prohibita: Denique
causâ finali, ne primò intendatur offensio, ne-
dum occisio, sed sui defensio.

22. *Vindicta Offensiva Secundum Quid Privata* est, cum paterfamilias, tanquam rex
familix, vindicat peccata suorum domestico-
rum: Dico, secundum quid privata, quia fami-
liæ pater similitudine quâdam dici potest ma-
gistratus hâc in re imitari, quatenus in domo
est, quod magistratus in civitate.

23. *Vindicta Offensiva Publica* est, quâ me-
diante magistratus, injuriam, vel Reipublicæ,
vel cuivis privato, illatam, juxta leges propul-
sat ac punit.

24. *Estquæ vel Vniversalis, vel Particularis.*

25. *Vindicta Offensiva Publica Vniversalis*
est, quâ magistratus ditionem suę fidei com-
missam bello defendit, cum ab aliis hostiliter
infestatur. Quid enim aliud bellum, quàm
actio hostilis, ad injuriam propulsandam, vel
vindicandam, à magistratu, vi armisque, con-
tra hostes, pacis retinendæ vel consequendæ
causâ, legitimè suscepta, administrata, finita?
Et ipsa licita. Quoties enim in pace non licet
sine injuriâ vivere, quoties de religione agi-
tur, de libertate, patriæ parentum liberorum
de-

defensione, tam justum, quàm necessarium, bello se finesquè suos tueri defensivè, hostiumquè fines, (siquidem priores laceffiverint tamen,) invadere offensivè. Et cur, (amabò,) non sit licita, cùm sit actus mansuetudinis, fortitudinis, & justitiæ punitivæ, quem exercere utique jus fas, vel per Dei legem, qui non tantùm præcepta militiæ dedit, ejusquè tam directæ quàm indirectæ, sed etiam piis, suo jussu belligerantibus, Josuæ, Gedeoni, Davidi, sæpè miraculosè auxilium tulit, non facturus, si bellum per se moraliter malum foret, quo de judicandum, non ex iis, quæ per accidens huic conveniunt, aut adveniunt potiùs, verùm ex conditionibus essentialibus. Verùm hoc de argumento latè in Politicis.

26. *Vindicta Offensiva Publica Particularis sive Pœna* est, quæ suscipitur à magistratu, ad vindicandam injuriam personæ cuidam privatæ illatam, cui propriè jus redditur, cùm punitur is, qui injuriam intulit. Quod si id fiat admonendo, revocatâ alicui in mentem officii sui obligatione; ea vindicta sive pœna dicitur *Νουθεσία* Græcis, Admonitio Latinis: Si increpando, revocatâ alicui in mentem sui officii oblivione atque incuriâ, *Παράννομις* Græcis, Improperatio Latinis: Si castigando, revocatâ alicui in mentem officii sui prostitutione & profanatione, *Κόλασις* Græcis, Castigatio Latinis, respiciens emendationem.

E.e 5. puniti,

puniti, quibus tribus generibus pœnarum, pro re natâ, videas vindicare patrem delicta filiorum, præceptorem discipulorum, Deum piorum, qui, quem diligit, corripit & corrigit: Quòd si populus exemplo reddatur deterior, Παράδειγμα Græcis, Exemplum Latinis, cujus proprium, ut latius terreat, quàm noceat, instar fulminum, quæ paucorum periculo cadunt, omnium verò metu, pœnâ ad unum aliquem, aut paucos, fructu verò ad omnes perveniente, quòd alii à similibus peccatis deterreantur terrore suppliciorû: Quòd si damnum aut periculum sentiat inde Republica, ἰσὺς, qui huic præest, Τιμωρία Græcis, Honoris Reparatio sive Compensatio Latinis, quòd satisfiat parti læsa, ne prætermissa animadversio contemptum illius pariat, honoremquè lever, idquè, vel malefactorem tollendo, cui sic debetur pœna, ut benefactori laus, vel vires nocendi ei adimendo, ne, qui uni nocuit, aliis noceat, vel malo ejus deducendo delinquere. Scilicet ita legum præsidem civitatisquè rectorem decet, quàm diu potest, verbis, & his mollioribus, curare ingenia eorum, qui per ætatem, imperitiam, imprudentiam, aliove casu, sive volentes, sive nolentes, peccant, ut facienda suadeat, cupiditatemquè honesti & æqui conciliet animis, faciatquè vitiorum odium precium virtutum, quæ τοῦ βίου Græcis, transeat deinde ad tristiore m orationem, quæ

quæ moneat adhuc & exprobrer, quæ πα-
 ραινεις Græcis, novissimè ad pœnas, & has
 adhuc leves atque revocabiles, quæ κόλασις
 Græcis, ultima & irrevocabilia supplicia
 sceleribus ultimis ponat, ut nemo pereat, ni-
 si quem perire pereuntis intersit, quæ παρὶ-
 δειγµα Græcis, vel perdentis, quæ τιµωρία
 Græcis, inter quam & κόλασις hoc interest,
 quodd hæc sit pœna ejus causâ, qui patitur,
 illa veid ejus gratiâ, qui exigit, quod ejus
 damnis aut injuriæ satisfiat.

27. *Officium Mansuetudinis circa suum Obje-
 ctum, illud verò, vel Internum est, vel Externum.*

28. *Officium Internum Mansuetudinis est,
 Rectè Irasci, Externum, Rectè Vindicare: Vnde
 duo resultant Actus Mansuetudinis, Internus,
 qui Ira Ordinata, Externus, qui Vindicatio si-
 ve Vindicta Ordinata & Regulata. De quo-
 rum priori anquiritur: Vtrum bonâ conscien-
 tiâ liceat irasci? De posteriori: Vtrum bonâ
 cum scientiâ & conscientiâ vindicare?*

29. *Licere bonâ conscientiâ irasci, observatis
 observandis, evincunt, cum aliâ, tum hæc ar-
 gumenta. I. Quia simplex ira est affectus na-
 turalis, naturaliter bonus, moraliter indiffe-
 rens. II. Quia, sicut nunquam, aut nimis
 sæpè, minimùm aut nimium irasci, illicitum,
 ita licitum contrarium, irasci pōt. III.
 Quia quædam ira laudatur, ira, inquam,
 tam viri quàm officii, summa cum debitis
 circumstantiis, ubi autem laus, ibi virtus.*

quæ licita utique, quare & talis ira. IV. Quia injuriam propulsare licitum, quare & irasci injuriæ depellendæ causâ. V. Quia mediante irâ homo in genere ad obeunda acriùs atque alacriùs munera excitatur, attenuato sanguine, spiritibusquè per totum corpus diffusis, qui sanguis, & qui spiritus, membra corporis vegetant, viresquè ejus commasculant, in specie verò ad fortitudinis & justitiæ punitivæ munia meliùs exercenda, cujus utriusque cos ira, probanda quoque hoc nomine. VI. Quia ira antecedens rationem culpatur, non item concomitans aut sequens.

30. *Licere hinc bonâ cum scientiâ & conscientiâ Vindicare*, (sive vindicatio illa, facta per pœnas consuetas, justasquè ob causas, adhibeatur tanquam medicina patientis pœnam, sive in præmium correspondens culpæ, sive in remedium aliorum,) id verò convincunt, cùm alia, tum illa argumenta. I. Quia, sicut in corpore humano, si quid ejusmodi, ut reliquo corpori noceat, illud uri secariquè patimur, quò membrorum aliquod potius, quàm totum corpus, intereat: Gemino modo in Reipublicæ corpore, quò totum sit salvum, cui quælibet pars totius servire debet, & ad constitutionem ejus, & ad conservationem, quicquid pestiferum est, amputari compatimur, occidendo homines bestiales, quos æquè licet occidere in commodum communitatis, atq; bestias in usum hominum.

fin.

singularium & singulorum, cùm non sint nisi bestiae, loquendo moraliter. II. Quia meritò suffert poenam à magistratu constitutam, qui legibus civilibus repugnat, nisi notoriè sint impiae tamen, adversantes legi divinæ, aut tyrannicæ, adversantes legi naturali. III. Quia vanæ sine poenis leges, aranearumquè telis similes, Zaleuci verbo, in quas si musca aut culex inciderit, detinetur, sin vespa aut apis, disrumpit telà avolat. IV. Quia etiam parva delicta non punita nocent Reipublicæ, non secùs ac parvi sumtus, si sæpè fiant, familiæ. V. Quia ubi nulla judicia poenaria exercentur, ibi etiam optima ingenia corrumpuntur, fenestram ad peccandum aperiante humanitate & clementiâ magistratus bonis, impunitatisquè spe malis, præteritione peccati invitante culpam, injuriâquè veteri novam, Mimi monito. VI. Quia multitudinis hæc est conditio, ut necessitati potius, quàm rationi, metui quàm pudori, poenis quàm honestati, pareat, quæ ideò non licitæ tantum, sed subindè necessariæ.

31. *Ceterum datur, ut Irasci & Vindicare, ita Inirasci, siue non irasci, nec Vindicare, Moraliter Benè septupliciter, nempe Quantitatis Qualitatis Finis Modi Personarum Loci & Temporis respectu.*

32. *Respectu Quantitatis irascuntur & vindicant, siue vindictam publicam exercent.*

benè, qui id domi operam dant, ne ira sit diuturna, nevé pœna culpâ sit major, crebriorvé, hominum mores nescio quomodo magis corrigente parcitate animadversio- num, quàm assiduitate, per quam severitas amittit auctoritatem.

33. *Respectu Qualitatis irascuntur & vindicant benè*, qui justè, hoc est, tunc, cum aut gloria Dei conscientia religio violatur, patriæ libertas honestæ leges Respublica turbantur, nostra vel nostrorum salus periclitatur, existimatiové læditur, injuriæ nobis nostrisque infertur.

34. *Respectu Finis irascuntur & vindicant benè*, qui hoc faciunt, non tam propter ultio- nem, sive ulciscendi animo, quàm propter injurię propulsionem, sui què ac suorum defen- sionem, id què vel emendationis, vel exem- pli, vel satisfactionis causâ.

35. *Respectu Modi irascuntur & vindicant benè*, qui, si vel justæ irascendi ac vindicandi causæ incidant, paulùm iræ cursum sufflami- nant, ut de impetu suo nonnihil remittat, ra- tio què, cui per iram, tanquam per nubem & nebulam, res grandiores videntur, accuratiùs offensam perpendere possit. Quid si enim a- quam calidam tardiùs attulerit puer, (verba sunt Senecæ,) aut si calidam te postulante, vel non auscultaverit, vel audiens tepidiore n- porrexerit, vel mensam negligentius posue- rit, annon ad ista concitari insania est? Sicut

&c.

&, si alicujus sternutamentum, aut musca curiosè fugata, in rabiem quem agat, vel versus calix, aut clavis negligentis fèrvi manibus elapsa?

36. *Respectu Personarum irascuntur & vindicant benè*, qui non indifferenter omnibus, à quibus causas iræ vel vindictæ sibi præberi præsumunt, promiscuè irascuntur. Sunt enim, qui suâ sponte, vel etiam per ludibrium, causas iræ objiciunt, in quos justa potest esse, ut indignatio, ita vindictio nostra: Sunt etiam, qui per imprudentiam offendunt, absque malitioso proposito, quibus, si cum poenitentiâ delicti veniam petant, irasci inhumanum est, modò imprudentia illa non sit affectata, & dolo careat.

37. *Respectu Loci & Temporis irascuntur & vindicant benè*, qui, quando lætitiâ loca & tempora exigunt, sibi temperant ab irâ pariter & vindictâ, nominatim in consultationibus seriis, quando de rebus magni momenti consilia agitantur, quibus inimica ira, in solennitatibus publicis, festis, nuptiis, convivis ac symposiis, non tantum ad corpus, sed etiam ad animum reficiendum, spectantibus, in quibus se iræ dare, vel permittere vindictæ, strictis super mensâ gladiis, ea res Scythismum & Cyclopi-smum sapit.

38. *Respectu hinc Quantitatis, non irascuntur, sed nec vindicant, benè*, qui semel iterum-
què.

què, suadente sic, vel ratione status, vel lege admittente hoc temperamentū. Absq; hoc fit, irasci peccāti, ut corrigatur, nō magis reprehensione dignū, quàm contristari afflicto, quò liberetur, timere periclitanti, ne pereat, quorū neutrū quisquā sanę mētis culpaverit.

39. *Respectu Qualitatis* non irascuntur & haud vindicant benè, qui pro re subjectā. Sunt enim quædam delicta, quibus ignovisse. velimus, v g, delictis eorum, qui τῇ τόχῃ, ἢ αἰαίγῃ, ignorantia vè probabili, communivè imbecillitate peccarunt, lapsique culpam agnoscunt, veniamquè ejus precantur, pollicentes vitæ & factorum emendationem.

40. *Respectu Finis*, non irascuntur, sed nec vindicāt, benè, qui τῷ καλῷ ἔνεκα, honestatis ergò, v g, qui non irascuntur domi illis, qui sibi solis nocēt, intus mali, sapientissimi Socratis non insipienti dicto pariter & facto, qui, calce impetitus ab adolescentulo feroculo, cū suos videret indignè id ferre & fremere, aded quidem, ut illum in jus trahere cogirarent, quid ergò, inquit, an, si me asinus calce feriisset, iusuri eratis, ut contrā calcem ei impingerem?

41. *Respectu Modi*, non irascuntur, sed nec vindicant, benè, qui convenienter pietatī, humanitati, & bonis moribus, hoc est, tantisper, quantisper legis voluntas clementiā vel veniā rationabiliter admitrit. Dico, clementiā vel veniam. Est enim clementia quædā gratia & condonatio, v g, clementia Friderici

Bar-

Barbarossæ, non perfecta tamen, ut venia, v.g., Conradi Saliqui, sed imperfecta, hoc est, talis, ut officium & opus justitiæ vindicativæ non excludat, sed solum acerbiteriam & asperitatem ejus nonnihil mitiger.

42. *Respectu Personarum, non irascuntur, sed nec vindicant, bene*, qui non irascuntur infontibus sive innocentibus, jure potentioribus, bene de se meritis, v. potentioribus, putà divitibus, superioribusvè, putà, magistratibus, parëtib, præceptoribus, præfectis, paribusvè, putà, fratribus, sororibus, agnatis, cognatis, affinitibus, inferioribusvè sive impotētioribus, putà pueris infantibus, senibus, mulieribus, fatulis.

43. *Respectu Loci & Temporis non irascuntur, sed nec vindicant, bene*, qui non irascuntur vindicantquē, ubi & quando lētitiā tempora exigunt, contrā quā fecit Tiberius Imperator, cujus postremis annis tā crebra fuerunt supplicia, ut nullus à pœnā hominum cessaret dies, ne religiosus quidem ac sacer, animadversumquē sit in quosdam ipsius jussu vel ineūre anno novo, quo jure, quāvè injuriā.

44. *Sic descripta Mansuetudo, differt, in speciem magis, quā specie, à Clementiā, adeoque Vsu Loquendi magis, quā Vsu Artis.* Ut enim communi loquēdi stilo mānsuetudo à clementiā distinguatur per subjēctū, quod illius, tā privatę personę, quā publicę, tā inferiores, quā superiores, hujus verò publicę tantū, sive superiores, distinguatur per objectum, quod.

quod illius, tanquam moderativæ interioris passionis, ira, hujus, tanquam moderativæ exterioris punitionis, poenæ, distinguantur officio, quod illius, imponere iræ modum, hujus imponere poenæ modum, distinguantur extremis, quod illius iracundia, importans excessum iræ, hujus crudelitas, importans excessum poenæ, tamen re penitus inspectâ, usu artis, quem artifices sequuntur, pro synonymis habentur, vel ideò, quia etiam privato in privatum jus poenæ competit, v g, patri in filium, hero in servum, qui clementes ut sic, cùm eam diminuunt, mansueti verò ex alio capite, dum iræ suæ moderantur, per ejus excessum impediri poterat illa actio, quoniam ex passionē iræ quia animari & provocari poterat ad graviores infligendam poenam. Ut ita idem utrobique, & quoad mansuetudinem, & quoad clementiam, sit habitus virtutis, sed quatenus ille habitus temperat iram, vel iræ, dicatur Mansuetudo, quatenus verò temperat poenam, vel poenæ, dicatur Clementia.

45. *Extrema Mansuetudinis sunt quatuor numero. duo in Excessu, totidem in Defectu. In excessu ei opponitur, ratio Ira, Iracundia, ratione verò Poena, Crudelitas: In defectu contra eadem opponitur, ratio Ira, Lentitudo, ratione verò Poena, Indulgentia.*

46. *Iracundia est vitium morale, quod in*
ira-

irascendo modum excedit. Quòd si quâlibet ex causâ, quibuscumque, ubivis, quovis tempore, irascatur, idquè citius, vehementius, diutius, quàm oportet, tunc Perfecta audit, eò quòd in eâ convenient omnia, quæ mediocritati mansuetudinis adversantur, atque hæc non temerè reperitur in homine, quia seipsam, ut omne malum, siquidem sit totum atque integrum, conficit, & quidem quàm ocysimè, aut, si reperitur, hominem intolerabilem planè atque inconversabilem reddit, ut neque secum satis, neque cum aliis, agere possit: Sin defit aliqua harum conditionum, tunc Imperfecta audit, eò quòd in eâ non convenient omnia, quæ mediocritati mansuetudinis adversantur, sed quædam tantùm.

47. *Species ejus tres sunt, secundum tres ejus inordinationes specie distinctas, Ἀκροχολία ἢ Ὀργιλότης Græcis, Excandescencia Latinis, Πικρία ἢ Πικρότης Græcis, Amarulësia sive Amara-tudo Latinis, deniq; Χαλεπότης Ἀγριότης Ὀμότης Βαρυνμία Græcis, Asperitas & Savitia Latinis, gravem versans sub pectore iram.*

48. *Ὀργιλότης ἢ Ἀκροχολία, Stomachatio sive Excandescencia, est, cum quis ob leviculas causas subito irascitur, subitoquè placatur iratus, quemadmodum ad iram proclivis antecederet, atque ἐν λήψει ejus, ita injuriæ illatæ de memor consequenter, adeoque ἐν φυλακῇ ejus, festinus in illâ, breviculus in*

in hâc. Ut ita primū genus iracundorū sit eorū, qui ἀκρόχολοι Græcè dicuntur ex eo, quod ad omnē occasionē irascantur, sintquē ἄκροι in celeriter irascendo pariter, & deirascendo.

49. Πικρία ἢ Πικρότης, *Amarulentia* sive *Amaritudo*, est, cū quis tardè quidem irascitur, sed conceptam semel iram tantisper fovet, donec vel temporis tractu, vel partā victoriā, consenescat, dicam, an obsolescat. Ut ita secundum genus iracundorum sit eorum, qui πικροὶ Græcè dicuntur, acerbī verò & amari Latine, contrario ferè genio & ingenio à prioribus.

50. Χαλεπότης ἢ Βαρυθυμία, *Asperitas* sive *Savisia*, est, cū quis ita irascitur, ut non nisi vindictā extraordinariā placetur, nec nisi injuriam prius sit ultus. Ut ita tertium genus iracundorū sit eorum, qui χαλεποὶ Græcis vocantur, item ἄγριοι, hoc est, feri & agrestes, & βαρύθυμοι, gravis iræ, Latinis verò, difficiles, asperi, atroces, sævi. Atque hi omnium sunt deterrimi, & ex duobus prioribus concreti.

51. *Ceterum Differt Iracundia ab Irâ*, quod hæc πάθος naturale, fundamentum habens in naturæ dispositione, illa verò habitus moralis, circa eam excedens modum, hæc moraliter indifferens, hoc est, nec bona nec mala per se, illa mala moraliter.

52. *Cruelitas* est vitium morale, quod in vindicando modum excedit, atrocitas, inquam, animi in exigendis asperius pœnis. Sicut enim
cle-

clementia minuit poenam, quantum ratio patitur, ita crudelitas illam supra modum exacerbatur atque exasperat, quâdam animi acerbitate & asperitate, malo alterius minimè compatiens. Nomen accepit à cruditate. Quemadmodum enim ea, quæ cocta sunt & digesta, amant habere suavem ac dulcem saporem, ita contrà illa, quæ sunt cruda adhuc & indigesta, asperum atque insuavem.

53. *Differt à Feritate*, sicut malitia humana à bestialitate. Quemadmodum enim immanes bestię dilaniant homines, & eâ re delectantur, spectantes solam voluptatem pastus: Ita, qui non vindictæ causâ cruciatus inferunt, sed quia tormentis ac sanguine humano delectantur, næ illi meritò dicuntur feri, utpote bestiis quàm hominibus similiore affectu.

54. *Lentitudo* est vitium morale, quod in irascendo modum deserit, quovè adeò non irascuntur homines, quibus quando quomodo ubi & ob quæ oportet, inde peccantes tarditate *ἡψευς*, hinc *φυλακῆς* brevitate, dum tardè sumunt iram, & citò ponunt. Aristoteles hunc defectum in irâ vocat *Ἀοργησίαν* Inira-scientiam, (Iræ Vacuitatem alii,) eamquè duplici nomine reprehendit, tum quia, qui non irascuntur, cum licet, & decet, sint homines *ἡλίθιοι*, stulti, fatui, stupidi instar *λίθου* sive lapidis, tum quia sint *ἀνδροποδιδες*, animi servilis & abjecti, instar vilium mancipiorum, convicia & dicteria dominorum stupidâ patientiâ perferentium.

55. *In-*

55. *Indulgentia* est vitium morale , quod in vindicando modum deferit, inconsultè pœnam mitigans , vel omninò remittens , etiã cùm bonum delinquentis , vel dignitas & auctoritas ejus , cujus intererat non peccatum esse , vel exemplum aliorum , aliud requirunt.

56. *De quatuor his præexplicatis Extremis, Iracundiâ Crudelitate Lentitudine & Indulgentiâ , deterior in comparatione, Iracundia Lentitudine, Crudelitas Indulgentiâ.*

57. *Iracundia Lentitudine.* I. Quia ἀσπι-
πικωτέρη , usitator, inquam , & frequentior ,
ut in quâ sæpiùs peccent homines , ad ulci-
scendum plus æquo propensi. II. Quia me-
diæ virtuti , hoc est , mansuetudini , magis
adversatur. III. Quia minùs accommo-
data ad vitæ conversationem. Cum lento
quippe adhuc vivi potest , cum iracundis ve-
rò , inprimis sævioribus illis , vix ac ne vix
quidem.

58. *Crudelitas Indulgentiâ.* I. Quia fre-
quentiùs peccant homines magistratus per
crudelitatem , quàm per indulgentiam. II.
Quia crudelitas est remotior à mansuetudine.
III. Quia indulgentia magis est accommo-
data ad vitæ societatem. IV. Quia incendium,
ortum ex crudelitate , in Republicâ difficiliùs
extinguitur , quàm quod ortum est ex nimia
indulgentiâ.

*De Veracitate, & hujus Extremis, id est, inde
Arrogantiâ, hinc Dissimulatione, utrinque Men-
dacitate.*

§. I. **V**eracitas, si Nomen siue Nominalita-
tem ejus spectes, sic audit à Veritate,
non Rei, siue in Essendo, quæ Transcenden-
talis aliter, nihilquè aliud, quàm congruen-
tia & conformitas entis, cujus est quædam
affectio & proprietas, cum suâ naturâ inexi-
stens rebus extra intellectum, Cognitionis-
vè, siue in Cognoscendo, quæ Logica aliter,
nihilquè aliud, quàm congruentia & con-
formitas conceptuum mentis cum ipsis
rebus, sed Signi, siue in Significando,
quæ Ethica aliter, nihilquè aliud, quàm
congruentia & conformitas dicti & facti
cum mente, atque animi sententiâ, siue, si-
gni cum re signatâ, ductâ voce ejus, non à
vere, sed vel à ve & res, vel à ve & reor.
Græcè loquentibus veritas Ἀληθεια audit
ab α privativo, & verbo λαθεῖν, quod est la-
tere, quodd nequeat latere & latitare, sed pres-
sa atque oppressa semper emergat, quamvis
respectu nostræ mentis, in rerum cogni-
tione cæcutientis, in profundo lateat sæpè.
Veracitas verò Φιλαλήθεια, siue eam acci-
pias pro animi quâdam affectione, ample-
ctente atque amplexante verum, partim na-
turâ insitâ, partim usu acquisitâ, siue pro ve-
ritatis, vel Theoreticæ, vel Practicæ, habi-
tu.

9. *Objectum Externum Negativum Veracitatis est tergeminum, Veritas Rei sive Metaphysica, Doctrina sive Logica, & Iustitia sive Politica*, quarum illa generale attributum entis, quatenus est ens, sive in quantū est ens, ista orationis, aut, si qua alia re cōceptus nostros aliis prodimus, convenientia cum objecto, sive re significatā, probans per syllogismos veritatem conclusionibus inesse, utraq; virtutum intellectualium potius, quā moralium, hæc veri, quatenus ejus confessio ad justitiam pertinet, quæ vult, ut nōminatim atque in specie ibi, ubi idē verum dicendum est, ut alteri suum tribuamus, (ex debito tamen magis legali, quā morali, eo modo, quo videmus contrahentem contrahenti debere satisfactionem vel satisfactionem in contractibus,) veritati studeamus, v g. in judiciis; pactis conventis, testimonii dictione, jurejurando, quam postremam veritatis speciem Philosophus definit, quod sit μεσότης πρὸς τὴν τοῦ ἀληθοῦς ὁμολογίαν ἐν ὁμιλίαις Πολιτικαῖς, mediocritas circa veri professionem in congressibus Politicis, quæ & ipsa alterius loci, non hujus.

10. *Objectum Externum Positivum Veracitatis est Veritas Moralis sive Ethica*, quam extra judicium, in communi conversatione, aliis debemus, tam quoad dicta, quā quoad facta, quæ in convictu & congressu hominum quotidie occurrunt, absque omni falsitate fictione & dolo, id quæ eōpse, sive eo ipso, quis

tali animi habitu præditi sumus, & quia id quodammodò proximo, tanquam objecto cui, est debitum, non tam ex parte ipsius tamen, quàm ex parte nostrâ. Est namque hoc debitum morale, proveniens ex honestate virtutis, per se consideratâ, seposito omni alio obligationis vinculo.

11. Hic loci incidenter quæri solet in Diatribis Philosophicis, *Annon, quod Logicè falsum est, possit esse Ethicè verum, adeoque quis Logicè possit mentiri, ut tamen Ethicè dicat veritatem?* Affirmatur communiter, atque in hanc ferè sententiam, si oratio cum dicentis intellectu conveniat quidem, verùm ab ipsâ re interim discrepet, qualis verum dicit Ethicè, mentitur interim Logicè, ut, si homo Pontificius, convenienter opinioni suæ, dicat esse purgatorium, quod non est in rei veritate, à ut si quis antipodes esse dicat, neque tamen eos credat esse, qualis verum dicit Logicè, quia pronunciat, ut res est, mentitur interim Ethicè, quia non credit eos esse.

12. *Officium Veracitatis circa suum Obiectum, vel Primarium est, vel Secundarium.*

13. *Officium Primarium Veracitatis est, Ἀληθύνειν Pectore Ore Re, non alterius rei gratiâ, quæ Veracitas Composita Moralitatis, sed sui ipsius causâ, quæ Veracitas Simplex & Pura iisdem: Secundarium, Μὴ Ἀληθεύειν, veritatem tegere, celare, premere, dissimulare pro re, natâ, ubi ejus dictio haud est neces-*

necessaria, adeoque, ut loqui, ita tacere, in loco, gnarum, sermonem quandoque præstare silentio, & hoc sermone, Euripidis dicto.

14. *Vnde duo resultant Actus Interni Veracitatis, Appetitus ut Dicendi ita Tacendi Veritatem.* De priori anquiritur, *utrum bonâ conscientia quis possit veritatem dicere?* De posteriori, *utrum bonâ conscientia quis possit eandem tacere?*

15. *Licere, immò decere, salvâ conscientia veritatem dicere,* (neque interim omnem omnibus indifferenter,) id convincunt cum alia tum hæc argumenta. I. Quia ad hoc tenemur ex officio veracitatis, quæ vult, ut ficum appellemus ficum, ligonem ligonem, dulcia, quæ in se dulcedinem habent, amara, quæ amaritudinem. II. Quia, si licet veritatem defendere, licebit etiam dicere, ne defensio feratur in incognitum, cujus quemadmodum nulla cupido, ita nec defensio. III. Quia, si licet veritatem audire, nec huic claudere aures, licebit quoque dicere, nec huic claudere os, hoc magis, quia audita, sive de auditu, ferè loquimur. Dico ferè, quia de visu etiam loquimur sive lectu. IV. Taceo, quod veritatis dicendæ studium homines Deo similes reddat, qui nunquam mentitur, cum sit ipsissima veritas, & pater veritatis, sicut diabolus mendacii.

16. *Licere hincb conscientia veritatem quoque etiam tacere pro re nata,* id evincunt &

pervincunt cum alia tum ista argumenta. I. Quia non minùs sapientis est, tacere tacenda, cùm non omnibus teneamur cor nostrum manifestare, fieriquè possit, ut quis alteri obligatus sit ad silentium, v. g. consiliarius suo domino, Medicus Patienti, Confessor Confessionario, & verò etiam subindè veritas cum virtute reticeri possit, putà tunc, cùm prudentiæ lege obligamur ad tacendum, & absque ejus violatione ad interrogata respondere nequimus, ut si res dicenda interroganti, non modò non comodo, sed proximo insuper sit futura detrimento, ut præstet eam premere, quàm promere, intervè homines feroces, ebrios, aut hostes si versemur. II. Quia viro bono & prudenti licet domi occultare sua consilia, vel ideò, ne impediantur, quodquè tacitum est, id potest aliquandò dici, non item, quod dictum, taceri. Quò respexisse videtur Simonides poeta, cùm dixit, nunquam se silentii perituisse, at sæpè sermonis. III. Quia non, sicut mentitur, qui dicit, quod non est, ita occyùs mentitur, qui tacet, quod est, quod aliquandò licet facere per dolum, consistentem in actu negativo, ut cùm quis dissimulatione tuetur sua, vel aliena. IV. Denique, hoc ipsum requirit nominatim taciturnitas, quà honesta, quà linguam tantisper continemus, donec conveniens loquendi locus detur, quà necessaria, quà cognita nobiscum retinemus, ne in-

per-

perniciem alicujus divulgentur. Scilicet hoc discendum, Apuleji salubri monito, ut, cum dicto est opus, impigrè dicamus, & cum tacito opus est, libenter taceamus, auribusquè frequentius utamur, quàm linguâ, memores, eum, qui nescit tacere, nescire loqui.

17. *Ceterum Veritas, ut Dicitur ita Taceatur Bene Moraliter, septupliciter, nempe Quantitatis Qualitatis Finis Modi Personarum Locis & Temporis respectu.*

18. *Respectu Quantitatis veritatem dicunt benè*, qui nec excedunt, dicendo plus, quàm dicendum est, nec deficiunt, dicendo minus, quàm dicendum est, parte unâ veritatis disparatæ, plures habentis partes, subindè dictâ, indictâ alterâ, Athanasio ad eam rem suo exemplo præeunte, qui rogatus ab emissariis, annon Athanasius hâc ivisset navi, modò, inquit, hâc ivit, dicens verum parte unâ, non item alterâ, veritatem, inquam, sed non omnem & totam, non utique, se esse illum ipsum Athanasium, quem quærerent.

19. *Respectu Qualitatis veritatem dicunt benè*, qui eam dicunt, non solùm ubi interest, putà, si vel Reipublicæ vel amici utilitas agatur aut salus, eaque periclitetur suppressâ veritate, sed etiam, ubi nihil interest, putà, in quotidianâ vitæ conversatione, ubi sine alterius damno mentiri poterant, neque verbis apertis semper, verùm ambiguis, sed tamen significantibus, & usitatis, quod cum fit,

alter propterea non decipitur, aut si, imputet id sibi, non alteri.

20. *Respectu Finis veritatem dicunt benè*, qui honestatis ergò, quod proprium hominis veracis, qui, præterquam quòd ἀνθρώπος, omnia, ut reverà se habent, proferensquè gerensquè, neque à vero dictis vel factis in aliorum gratiam vel tantillum recedens, sed τὸ ἡγστὸν proferens, ut est ipsum αὐτὸ, quodquè ἐπιεικής, justus & bonus, nihil propter còmodum privatum dicensvè faciensvè, quod reverà non sit, etiam est φιλαλήθης, veri studiosus, idquè, sive spectes actum ejus intrinsicum, consistentem essentialiter in habituali amore veritatis, sive extrinsecum, consistentem in amore ejus actuali, qui autem talis, nã ille verum dicit τὴ καλὴν ἐνεκα. Cùm enim mendacium fugiat per se, tanquam naturà suà malum & vituperandum, quì ille non prosequatur oppositam veritatem item per se, tanquam naturà suà honestam & laudabilem?

21. *Respectu Modi veritatem dicunt benè*, qui circumspèctè, & cum cautione, miscentes columbinam simplicitatem cùm serpentinà astutià, aliquandò diversum à veritate dicentes, nunquam contrarium, falsumvè, aliàs directè, aliàs indirectè, aliàs conjunctè, aliàs disjunctè, aliàs categoricè, aliàs hypotheticè.

22. *Respectu Personarum veritatem dicunt benè*, qui eam non dicunt apud quosvis, sed apud eos, quibus obligati sunt eam, ex officio

mo-

morali, vel civili, communicare rogati, interdum etiam non rogati, sed hactenus scilicet, ut nec odium eorum timeant inde, nec gratiam aucupentur.

23. *Respectu Loci & Temporis veritatem dicunt bene*, qui in loco & tempore, hoc est, ibi & tunc, ubi & quando eam dictam oportuit. Usque adeò

Nobile lingua bonum, si fari in tempore novis!

24. *Respectu hinc Quantitatis veritatem tacent bene*, qui non omnem veritatem effe-
runt, cum fieri possit, ut alicui non sint obli-
gati ad eam dicendam, alteri vero obligati ad
silentium, vel per leges prudentiæ, vel per le-
ges taciturnitatis, vel per leges datæ fidei, si-
lentium imperantes in indebitâ materiâ.

25. *Respectu Qualitatis veritatem tacent bene*, qui cum virtute, eò quòd ejus professio
subindè pugnet, & cum prudentiâ, & cum ju-
stitiâ, & cum taciturnitate, quique adeò ta-
cent tacenda, ex officio, vel morali seu mo-
rum, vel civili seu legum.

26. *Respectu Finis veritatem tacent bene*,
qui τὸ καλὸν καὶ ἀγαθὸν ἐνεκα, eò quòd res di-
cenda quærenti, non modò non commodo,
sed proximo insuper sit futura detrimento, ut
præstet eam honestè premere cum Jonathane,
quàm turpiter promere.

27. *Respectu modi veritatem tacent bene*,
qui cautè & circumspectè, hoc est, ita, ne
prudentiæ vel taciturnitatis leges violentur,

illius positivè , dicendo falsum , hujus negativè , non dicendo verum.

28. *Respectu Personarum veritatem tacent benè*, qui eam non dicunt apud quosvis , nominatim inter homines feroces, ebrios, hostes, cosvè, qui ex levitate vel curiositate quærunt, cum Papyrii prætextati matre, nedum si quærant ex impietate & malitiâ.

29. *Respectu Loci & temporis veritatem tacent benè*, qui in loco & tempore, hoc est , ubi & quando eam tacitam oportuit. Est quippè, cum veri manifestatio est intempestiva , putà tunc, cum sine offensione Dei & conscientiæ, proximiquè scandalo atque incommodo, reticeri poterat , cum aliud sit veritatem dicere, aliud effutire. Usque adeò

Nobile lingua bonum, si fari in tempore nescit

30. *Differt à Veritate*, quòd veritas sit universè magis intellectualis , sive cognitionis & scientiæ , veracitas verò universè magis moralis, sive orationis & actionis, illa actus secundus, isquè unicus, hæc actus primus, illa objectum hujus, hæc habitus circa illud objectum.

31. *Extrema Veracitatis duo sunt, alterum in Excessu, alterum in Defectu, nisi quòd Mendacitas ei opponatur utrinque, complectens utrumque extremum. In excessu ei opponitur Arrogantia sive Simulatio, in defectu Ironia sive Dissimulatio.*

32. *Arrogantia est vitium morale, quo quis*
si-

simulat, sibi aut ea inesse bona, quæ non insunt, aut majora & plura, quàm insunt. Latine Philosophantes Simulationem appellant aliter: (Quid enim aliud simulare, quàm simile facere, id est, præ se ferre foris quod non inest?) Item jactantiam, quia per eam se verbis extollit, & quasi in altum elevat homo, sicut solemus ea, quæ volumus longè jactare. Græcè Philosophantes vocant eam Ἀλαζονείαν, & eum, qui hoc vitio laborat, Ἀλάζονα, quasi ἀπὸ τῆς ἄλης ζωῆς, ἢ ἀλλω ζῶντα, quales homines vagi, & peregrinationibus dediti, qui, si revertantur ad suos, prodigiosa quæque commemorare solent, & splendide mentiri, vanissimequè vivere.

33. *Arrogantia hæc, vel Simplex est, vel Composita sive Mixta.*

34. *Arrogantia Simplex est, quando quis μηδένος ἐνεκα simulat, mentiturquè ex solâ vanitate, sive mentiendi libidine, secundum habitum, qui in eo est, nullâ aliâ extrinsecâ causâ ductus, putà, præmio, metu, poenâ, pactis, sinevè ulteriori, hoc est, cùm quis mentitur, ut mentiatur, atque hæc propriè est hujus loci. Sicut enim veraces veritatem dicunt, ut veritatem dicant, ita mendaces mentiuntur, ut mentiantur.*

35. *Arrogantia Composita sive Mixta est, quando quis ἐνεκα τινός, id est, honoris gloriæ pecuniæ aut quæstus gratiâ mentitur, adeoque propter aliud, hoc est, propter causam.*

Et 5.

ali-

aliquam exteriorem magis, quàm propter interiorem habitum mentiendi. Atque hæc arrogantia ferè sub alia cadit vitia, ambitionem, avaritiam, injustitiam.

36. *Estquè duplex. Vel enim est Gloria, vel Quæstus.*

37. *Arrogantia Gloria* est eorum, qui eas res sibi arrogant, ob quas homines vulgò laudari, aut beati prædicari solent, qualia sunt bona corporis & fortunæ, v g, pulchritudo, vires, nobilitas, divitiæ, opes, dignitates.

38. *Arrogantia Quæstus* est eorum, qui ea sibi arrogant, quorum hominibus necessarius est usus, quibusquè carere nequeunt, cujusmodi ferè sunt bonâ animi, quæ vulgò usum afferunt, ceu sunt disciplinæ & scientiæ. Quis enim ignorat, multos in omni genere artium esse, qui, cùm imperitissimi sint, harum peritamen sibi vendicent quæstus causâ.

39. Ex his priores, simplicis qui sunt arrogantia, mali, saltè malis similes, quia aliàs non delectarentur mendacio, licet inani, & nemini damnofo, neque interim tam improbi, quàm stolidi & leves, eò quòd animum nocendi non habeant: Posteriores verò, compositæ qui sunt arrogantia, siquidem honoris gratiâ mentiantur, & ipsi non adeò improbi videntur, ut qui nemini noceant & ipsi, reprehendendivè in comparatione, cùm animi generosioris sit indicium, honoris causâ mentiri, quàm pecuniæ, aut eorum gratiâ, quæ

quæ pecuniæ loco sunt, vel habentur, qui cæteris vitiosiores & turpiores. Atque hi propriè gloriosi dicuntur.

40. *Diffimulatio* est vitium morale, quo quis, quæ in se laudabilia sunt, verbis aut gestibus, dissimulat, nimiumvè extenuat, adeoque bona, tam sua, quàm aliena, vel nulla esse fingit, vel minora, quàm sunt reapse sive reipsa. Quid enim aliud dissimulare, quàm dissimile facere, id est, foris præ se non ferre, quod inest? Græcè Philosophantes eam vocant *Εἰρωνείαν*, per eam intelligentes, non Ironiam Rhetoricam, contrarium è contrario significantem absque mendacio, sed Ethicam, idem significantem cum mendacio, & eum, qui hoc vitio laborat, vocant *Εἰρωνία*, quasi *εἰρωνόμοι*, dissimulatione utentem deceptorie in loquendo.

41. *Est quæ duplex numero, puta, Philosophica & Pseudo-Philosophica.*

42. *Diffimulatio Philosophica* est eorum, qui res magnas, gloriosas, & aliis incognitas, v.g, raram eruditionem, dissimulant, ne videantur esse *αἰκνίζοντες*. Atque hi propriè *εἰρωνεῖς* dicuntur, humaniquè gratiosi atque elegantes habentur, eum, quod faciunt, non lucri, sed modestiæ causâ, faciant, utquè declinent arrogantiae suspicionem.

43. *Diffimulatio Pseudo-Philosophica sive Phaulo-Philosophica*, est eorum, qui minima, quæque & apertissima, hoc est, res parvas.

plebejas vulgares, v g, plebejam doctrinam, dissimulant, quò videantur esse modesti, quoque alii, assumentes & redassumentes has nugas, eas amplificent, ridiculi hâc parte, & despicatui omnibus honestis, ob fictam humilitatem, sub modestiæ involucro.

44. *Viraque, tam Simulatio, inquam, quàm Dissimulatio, sumta ἐν πλάτῃ sive latè, vel Bona est Moraliter, vel Mala, vel Indifferens.*

45. *Simulatio & Dissimulatio sive Dissimulantia Moraliter Bona est, quæ non est conjuncta cum mendacio, neque ad decipiendum, sed ad cavendum tantum, comparata, vel cum dolo aliquo, sive is consistat in actu negativo, sive in actu positivo, non malo tamen.*

46. *Simulatio & Dissimulatio sive Dissimulantia Moraliter Mala est quæ est conjuncta cum mendacio, neque tam ad cavendum prudenter, quàm ad decipiendum malitiosè, comparata, veluti, si quis dicat, se habere, quod non habet, aut non habere, quod habet, quorum illud simulationis, hoc dissimularionis, sic prudentia, ut malarum rerum audacia fortitudo.*

47. *Simulatio & Dissimulatio sive Dissimulantia Moraliter Indifferens est, quæ non potest dolos actu colere, apte què scitè & decorè agere fabulam in foro vitæ humanæ, stulta potius & ridicula, quàm scelestæ, neque possessionem intrans sceleris & flagitii, verum in confinio vitiorum consistens:*

48. *Inter hec querere nape, ὅτι καὶ, utra ex his, loquendo de malâ, sit peior in comparatione, Arrogantianè sive Simulatio, an Ironia sive Dissimulatio?* Respondunt communiter, quod Arrogantia sive Simulatio, saltem regulariter, & secundum se, tum quia arrogantia minorem habet cum veracitate convenientiam, deflectente magis ad defectum, quam excessum, tum quia molesta civili societati, atq; incommoda communi conversationi, tum quia ex turpiori causâ procedit, persuade ex cupiditate vanæ gloriæ, cum ironia sive dissimulatio contrâ, negando, quæ insunt, vel minus dicendo, plerumque id faciat, quod factum & jactantiam declinet.

49. *Virumque hoc extremum ambitu suo complectitur Mendacitas,* quæ, cum inclinât ad excessum, & transcendit veritatem in majus, tunc speciali nomine Arrogantia audit, at cum declinat ad defectum, & transcendit veritatem in minus, quæ æqualitas quædam inter majus & minus, tunc speciali nomine Ironia audit, inde Simulatio, hinc Dissimulatio.

50. *Mendacitas* est vitium morale, quo quis, non tam ex ingenii vanitate, affectatâve ignorantia, supinâve negligentia, quam ex pravitate cordis, mentiendiquè habitu, dictis, scriptis, factis, gestibus, vestibus, contrarium significat illi, quod est in mente & voluntate, & quidem cum intentione fallendi. Dico, non tam ex ingenii vanitate,

688 INSTIT. ETHICARUM
affectatâve ignorantia, supinâve negligentiâ, quia tales mendacium potius dicunt, quàm mentiuntur. Differunt quippè mentiri & mendacium dicere, quia, qui mentitur, is contra mentem suam loquitur falsum, ex malâ voluntate fallendi & nocendi, qui verò mendacium dicit, ille non tam fallit, quàm fallitur, id quod accidere potest quoque viro optimo, qui dicere mendacium scienter minimè vellet, eò quod fallere maiorum fit, falli etiam bonorum. Ut ita igitur dicere mendacium materiale tantùm sit mendacii propriè dicti, igitur mentiri verò formale ejus, hocquè posito, possit quis mendacium dicere, neque interim mentiri, ut si quis v. g. falsa, quæ ab aliis audirione accepit, aliis narret, absque fallendi proposito, qualis eo ipso mendacium dicit, quia narratio ejus à vero est aliena, neque interim mentitur, quia animus & intentio fallendi, quæ rationem formalem mendacio largitur, & nō voluntas sola falsum enunciandi, ab ipso longissimè abest. Cæterùm denominationem hanc accepit mendacitas à mendâ vel mendando, quæ voces significant defectum, in præsentî argumento, circa orationem. Qui enim minus, quàm opus est, dicit, is veritatem imminuit, diciturquæ mendax. Isidorus tamen vult id nominis mendacium traxisse à mente, eò quod contra mentem sit dicentis, & mentem fallat audientis, verùm repugnante

gnante scripturâ , quia sic rescribendum foret mentacitas, pro mendacitas.

§ 1. *Objectum Mendacitatis sic est Mendacium, ut Veracitatis Veritas*, est què illud nihil aliud, quàm fallax significatio vocis, sive falsa significatio vocis, cum intentione fallendi. In quâ definitione per vocem intelligitur omne signum, sive illud sit sermo, sive scriptura, sive nutus, sive gestus, sive actio seu factum. Additur in definitione, cū intentione fallendi, nec ab re. Neq; enim statim, qui falsum dicit, cujus species est mendacium, ille mendacio se obstringit, cū fieri possit, ut quis dicat, quod res non est, verum inscius, & sine animo falsa proferendi, qualis profert mendacium materialiter, sive τὸ ψεύδῃς, non etiam formaliter, sive τὸ ψεύδεσθαι.

§ 2. *Mendacium universè, vel Simplex est, vel Compositum.*

§ 3. *Mendacium Simplex est, cū quis ex solâ mentiendi libidine mentitur, secundum habitum tamē, qui in eo est: Compositum, cū quis mentitur intentione alicujus effectus ex mendacio secururi, purâ, lueri, vel damni.*

§ 4. *Est què vel Officiosum sive Benignitatis, vel locosum sive locositatis, vel Perniciosum sive Malignitatis.*

§ 5. *Mendacium Officiosum est, quod ex benignitate inordinatâ, in salutem alterius, adeoque boni utilis causâ, suscipitur: locosum, quod voluptaria causâ, vel suæ, vel alic-*

niæ.

næ, ideoquæ boni de lectabilis causâ, suscipitur, idquæ ferè à juvenibus temerariis, qui falsorum denunciatione fallere solent æquales, magnâquæ cum voluptate ridere, siquidem ejusmodi nugas credant creduli, hisquæ fidem adhibeant. Ubi notabis obiter, non statim dici mendacium jocosum, si quis falsum dicat joco, ita ut omnes facilè intelligant, ex gestu, & orationis habitu, qui pro capite non habent peponem, & pro cerebro fungum, illum non ex animi sententiâ loqui, sed aliud significare, quàm dicit, verùm id demùm, cùm animi causâ, & quòd delectationem inde capiat, falsò quis narrat, quæ tamen aliis ut vera persuasa esse cupit: *Perniciosum*, quod ex malignitate in alicujus perniciem suscipitur.

§ 6. *Omnia indifferenter mala & vitiosa, quocunque nomine veniant*, tum quia talia formaliter per se atque intrinsecè, cùm destituantur rectitudine ac concinnitate morali, quæ in verbis factisque desideratur, in quæ extremitate, non mediocritate, consistant, quæ autem talia, illa nullo bonæ causæ obtentu, nullo quasi bono fine, nullâ velut bonâ intentione, possunt ullâ circumstantiâ extrinsecâ, v g, temporis, loci, personarum, mutari, atque honesta fieri, cùm externa rerum essentias haud mutant, tum, quia Deo pariter & hominibus invisâ, prohibita ab utrisque sine exceptione, ut quæ
diabo-

diabolum autorem habeant, qui mendax inde ab ovo, hominemquè spollent *ἀξιωματική*. Hoc quippè lucrificiunt & compendificiunt mendaces, ut ne vera quidem dicentibus credatur.

§ 7. *Nominatim, atque in specie, Mendacia Officiosa*, tum quia non licet mentiri, ne pro Dei quidem laude, nedum pro proximi famâ, bonis, vitâ; eò quòd intentio sola haud reddat, actionem moraliter bonam, cum naturâ suâ est mala; (Neque enim ideò mendacium officiosum putandam est non esse peccatum, quia possumus aliquandò prodesse mentiendò, cum possimus & furando aliquandò prodesse, si pauper, cui palàm datur, sentit commodum, & dives, cui clam tollitur, non sentiat incommodum, possumus & adulterando prodesse, si aliquis, nisi ad hoc ei consentiatur, appareat amando moritura:) tum quia non sunt facienda mala, ut inde eveniant bona, putà, mala moralia, non civilia, quæ boni alicujus gratiâ, suscipiquè possunt, suscipiquè quandoq; debent, exemplo ejus, qui projicit merces in mare, aut latroni numerat pecuniam, vitæ conservandæ ergò, tum quia etiam in talibus mendaciis est quidam verborum abusus, quædam deceptio & fraus, cumquè omne mendaciū, in latitudine suâ sit turpe, qui honestum queat esse mendacium, quod vocant, officiosum, cujus si nobis è scripturis
sacris

sacris proponuntur exempla , aut mendacia non sunt , sed putantur esse , dum non intelliguntur , aut ; si mendacia sunt , imitanda non sunt , quia iusta esse non possunt. Ut enim scriptura ea non vituperet , sufficit ut non laudet.

58. *Nominatius Mendacia Iocosa*, tum quia vanitas est , delectandi causâ quid fingere ac proferre falsè & lepidè , vel citra perniciem tertii , eo animo , ut huic auditor fidem habeat , tum , quia etiam in talibus mendaciis est quidam verborum lusus , dicam , an abusus , quædam amica deceptio & fraus , dum joculariter mendax , quasi honestus deceptor , falsò narrat , quæ aliis ut seria persuasa esse cupit , vultu ac pronuntiatione seriâ & severâ proferens joca , cumquè omne mendacium in latitudine suâ sit malum & turpe , quî bonum & honestum esse possit mendacium , quod vocant , jocosum , quod si non mendacium , ergò veritas.

59. *Nominatissimè Mendacia Perniciosa*, tum quia per se mala , immò pessima , cum nihil contineant boni , ut mendacia officiosa & jocosa , quo malum illud quomodolibet compensetur , tum quia , præter propriam rationem mali , perniciem afferunt audientibus , tanquam deceptiva & violativa proximi , quoad ejus personam , vitam , famam , facultates , tum quia etiam in perniciosis mendaciis est quidam verborum abusus , contra naturalem eorum

rum institutionem, & quædam deceptio ac
 fraus, suspectum reddens hominem, fidem-
 què ejus in dubium vocans, ob contradic-
 tionem, quæ est mentem inter & linguam, in-
 teriora, inquam, hominis & exteriora, quæ si-
 cut consentiunt in veritate, internus homo
 cum externo, ita dissentiunt in mendacio, in-
 ternus homo ab externo.

60. *Ex his Mendaciorum sortibus Levissimum in comparatione Officiosum*, quia pro salute & commodo proximi profertur, isquè, qui hoc profert, mentitur emolumentum alieni causâ: Jam verò culpa mendacii utique minuitur ex eo, quod ad aliquod bonum, utile præsertim, malivè alicujus aversionem, sit comparatum atque ordinatum: *Gravius locosum*, quia minus bonum delectare, quàm prodesse, bonum, inquam, delectabile, quàm utile: *Gravissimum Perniciosum*, ut quod, præterquam quòd in perniciem proximi dicitur, nihil boni contineat, quo malum illud compenfetur.

61. *Sed quid fiet Fabulis, Apologis, Parabolis, Hyperbolis, Allegoriis, Tropis, nominatim Ironiis, cadunt nè sub Mendacii, vel Officiosi, vel locosi, vel Perniciosi. & in genere, sub speciem Mendacii propriè dicti?* Minimè gentium. *Non Fabula & Apologi*, quia, qui fingunt ejusmodi fabulas doctrinales, his non est animus fallendi nocendivè, sed veritatem secretiore & amœniore quâdam ratione docendi:

cendi: *Non Parabola*, quia, quamvis qui his utuntur, narrent aliquid, quod ita reverà non est factum, tamen nec his est animus decipiendi nocendivè, sed docendi similitudinè: *Non Hyperbola*, quia, qui hyperbolicis locutionibus amant loqui, non magis intendunt fallere, quàm si vel allegoricè, & universè, tropicè loquerentur. Ut enim absurdum sit τὸ πᾶν, tamen inabsurda est ἡ ἀλγίστα: *Non Allegoria*, quia, qui allegoricè loquuntur, allegoricè quoque volunt intelligi, adeoque ἤτοι ἀλλο ἢ ἄλλο, procul fuco & fumo: *Non Tropi*, quia, quicquid figuratè fit, aut dicitur, non est mendacium, cum omnis enunciatio ad id, quod enunciat, referenda sit, omne autem figuratè, quà dictum, quà factum, hoc enunciat, quod significat: Quod si ergò vocabula per tropum sint modificata, non in propriâ significatione accipienda erunt, verùm in impropriâ, in quâ significant, quod hîc mendacium? *Non denique Ironia*, quia, quamvis qui ironicè loquuntur, aliter videantur loqui, quàm sentiunt, adeoque loqui contra mentem suam, tamen in his, nec est voluntas dicendi falsum, neque animus fallendi, immò ne falsitas quidem. Quod enim ironicè dicitur, ironicè intelligendum est.

De Comitatu, & hujus Extremis, id est, inde Blanditiâ, hinc Morositate.

§. I. **C**omitas, si Nomen siue Nominalitatem ejus spectes, sic dicta à comi, & hic à Græcanico κόσμιος, expuncto σ, quasi κόμιος, ed quodd, qui hâc virtute præditus est, omnia in conversatione communi agat μετὰ χάσιν, decenter, & cum decoro. Latine Philosphantes, Humanitatem, Facilitatem, Affabilitatem, Familiaritatem, Popularitatem, appellant aliter: Humanitatem, ed quodd sectatores ejus sint longè humanissimi: Facilitatem, ed quodd in respondendo & obsequendo longè facillimi: Affabilitatem, ed quodd in salutando & alloquendo sanè quàm affabiles: Familiaritatem, ed quodd tales sint erga familiares: Popularitatem, ed quodd tales sint erga populares. Græcè Philosphantes consimiliter eam appellant, jam Παιδίαν, jam Χαρεινισμόν, jam Φιλανθρωπίαν, jam Εὐπρεσηγορίαν & Φιλοπρεσηγορίαν, jam Φιλίαν denique: Παιδίαν, ab eruditione atque institutione in humanioribus artibus, quibus qui dant operam, ne illi humaniores ceteris: Χαρεινισμόν, à morum & sermonū suavitate: Φιλανθρωπίαν, quodd sit plena boni affectus in homines, quibus cū versatur: Εὐπρεσηγορίαν hinc! καὶ Φιλοπρεσηγορίαν, quodd libenter alios dignetur alloquitos: Denique Φιλίαν, quodd, quemadmodum amicus

amicus amico jucundus & gratus esse consuevit, nisi cum obsequium illi est detrimento & dedecori, sic & comis suo loco det operam, ut jucundè & suaviter vivat in hominum congressu, salvâ honestate & moribus.

2. *Sin Rem sive Realitatem ejus spectes*, ut sic Comitas est Virtus, (putâ Moralis sive Acquisita More,) servans Mediocritatem in Dictis & Factis, quâ parte in iis Voluptas aut Molestia spectatur, in communi cōversatione.

3. *Juvat ἀναλύειν. Definitio hæc constat Genere, & Differentiâ Specificâ.*

4. *Genus Comitatis est Virtus Moralis*, cum & ipsa suo loco sit habitus *ἡμετεπικὸς* electivus, habens requisita virtutis moralis, rectam rationem pro principio agendi, mediocritatem inter duo extrema pro medio, honestatem verò pro fine, bonumquè faciat habentem, opusquè ejus rectum ac perfectum det, quod proprium virtutis moralis: Ubi autem ingredientia & requisita virtutis moralis, nã ibi est ipsa virtus moralis.

5. *Differentia Specifica Comitatis sumitur ab Objecto ejus, & Adjuncto Officio circa illud Objectum.*

6. *Objectum Comitatis & ipsum, vel Internum est, vel Externum*, ex quo utroque simul sumto objectum ejus totale & acq̃ratum conflatur.

7. *Objectum Internum Comitatis est Delectatio, restricta ad delectabilem usum Dilectorum*

✠

Factorum, in communi conversatione, cui delectationi modum ponit hæc virtus.

8. *Objectum Externum Comitatus, vel Negativum est, vel Positivum.*

9. *Objectum Externum Negativum Comitatus est Conversatio Ludicra Hominis cum Proximo*, qualis eorum, qui ad placitum loquunturquæ & agunt, neque in colloquiis, convictu, congressu, actionibus, ullatenus offendunt, vel tunc, cum & offendentium, & offensorum interest, offendentium, quia omnia indifferenter probare turpe, offensorum, quia talem obsecundationem & Gnathonismum admittere perindè turpe.

10. *Objectum Externum Positivum Comitatus est, Conversatio Hominis Seria cum Proximo, ipsa, inquam, Attemperatio Conversationis Seria cum Proximo*, huic accommodata, quæ sermonem, quæ gestus, quæ actiones, & ubi gratiæ locus, sive delectationi, & ubi ingratia, sive offensioni, quorum objectorum alterum est materiale, alterum formale.

11. *Officium Comitatus circa suum Objectum, vel Primarium est, vel Secundarium.*

12. *Officium Primarium Comitatus est, Συνδύειν Δελασσε, hoc est, hunc habere sibi propositum finem, ne quem offendat, sed potius ut delectet: Secundarium, Αὐχσεγειν Offendere*, si quando sine turpitudine alios oblectare non potest. Ut ita placere maximè studeat comitas, sed tamen & offendere, nem-
pè

pè cùm videt, vel sibi esse turpe probare omnia, vel ei, quo-cum agit, aut turpia, aut damnosa.

13. *Vnde duo resultant Actus Comitatus, Delectare, puta, & Offendere, universè interim magis Delectare, quàm Offendere, in comparatione. De priori anquiritur, utrum bonâ conscientiâ liceat quem delectare in communi conversatione? De posteriori, utrum bonâ conscientiâ quem offendere? De utroque, annon interim universè magis delectare, quàm offendere.*

14. *Licere bonâ conscientiâ quem delectare in communi conversatione, id vincunt cum alia tum hæc argumenta. I. Quia homo est animal sociale & sociabile naturâ, societatis autem condimentum, & quasi mensa secunda, est delectatio. II. Quia comitas nihil aliud est, quàm morum & sermonum suavitas in communi congressu & convictu, φιλανθρωπία inde Græcis, humanitas Latinis, leutschlichkeit Germanis, eò quòd sit plena boni affectus in homines. III. Quia ejusdem comitatus hoc ἰδιον ἔργον, id unicè, saltem maximè, operam dare, ut nostra conversatio proximo sit grata & delectabilis.*

15. *Licere hinc bonâ conscientiâ quem offendere in communi conversatione, id còvincunt cùm alia tum illa argumenta. I. Quia non tenetur quis omni tempore & loco se affabilem præbere cuivis offerenti sive obvio, vel consilio,*

vel

vel casu. II. Quia licet utique, mali exclu-
dendi, vel boni consequendi causâ, quem
contristare, ruiturum in præceptis malorum
absque hoc. III. Quia etiam offendendo de
aliis licet meriri benè, atque adeò, haud scio,
annon subindè meliùs, quàm vel delectando.
Cum enim in conversatione communi tria
veniant spectanda, honestum utile & jucu-
dum, hoc tunc demùm debet vir comis con-
fectari, si prioribus non adversetur, quoniam
honestum & utile pluris faciendum, quàm
id, quod jucundum est.

16. *Sed interim universè magis delecta-
re, quàm offendere*, id quod evincunt cum
alia tum ista argumenta. I. Quia officium
comitatis est, in omni hominum congres-
su hunc habere sibi propositum scopum,
ne quem offendant, sed ut delectet. II. Quia
vir comis eo est ingenio, ut in congressibus
omnia dicta & facta potiùs suavitatem ali-
quâ condat, quàm acerbitate, quasi pipe-
re quodam, & sale mordicante, aspergat.
III. Quia verè & *γυναικας* comis delectat
per se, offendit per accidens, quasi què in-
vitus, venatorum exemplo, qui canes ve-
naticos malunt familiari tractatione cicurare,
quàm verberibus flagellis & catenis, agricola-
rumvè, qui caprificos malos silvestres, & olea-
stros malunt infitione mitescere, quàm ex-
cindere.

17. *Ceterùm Comias ut Delectat ita Offendit*

benè Moraliter septupliciter, nempe Quantitatis Qualitatis Finis Modi Personarum Loci & Temporis respectu.

18. *Respectu Quantitatis delectant benè*, in communi congressu & convictu, qui parcè, hoc est, ita, ne quid nimis.

19. *Respectu Qualitatis delectant benè*, qui suaviter & amicè.

20. *Respectu Finis delectant benè*, qui honestatis utilitatis & voluptatis causà, loquentes cum Antalcidà Lacedæmonio jucundissima, & facientes honestissima atque utilissima.

21. *Respectu Modi delectant benè*, qui faciles sunt in admittendis & compellendis aliis, compellaturisvè, hilares in retinendis, humani in dimittendis.

22. *Respectu Personarum delectant benè*, qui in delectando personis se accommodant, tam præsentibus, quàm absentibus, tam notis quàm ignotis, tam familiaribus quàm infamiliaribus, doctis quàm indoctis, divitibus quàm pauperibus, patriciis quàm plebejis, superioribus quàm æqualibus & inferioribus, erga absentes humani litteris, erga præsentis alloquiis & colloquiis, erga notos liberiores, ignotos verò circumspèctiores, erga familiares faciles atque aperti, infamiliares non item, saltem non æquè, erga doctos affabiles, indoctos blandi, erga divites & patricos officiosi, pauperes & plebejos populares, erga denique superiores modesti & summissi, æquales amici, inferiores graves.

23. *Re-*

23. *Respectu Locī & Temporis delectantur* benè, qui aliter in templo, aliter in curiâ, aliter in conviviis, aliter in disceptationibus & colloquiis, aliter in itinere, aliter in justis faciendis, aliter in diebus vulgaribus, aliter in festis, humanitati dant operam.

24. *Respectu hinc Quantitatis offendunt* benè, qui parcè, exemplo medicorum, modicum dolorem ægris valetudinis causâ infligentium.

25. *Respectu Qualitatis offendunt* benè, qui modeste, non moleste

26. *Respectu Finis offendunt* benè, qui id faciunt, vel propter boni alicujus consecutionē, vel propter mali alicujus averfionem & exclusionē, in ordine ad proximum, ac ne fortè præsumantur illius peccatis delectando consentire, peccandiquè audaciam huic sumministrare.

27. *Respectu Modi offendunt* benè, qui, si quando sine turpitudine, aut damno suo, alios oblectare non possunt, multò malunt offendere, quàm delectare, siquè quid ei, qui facit, magnum dedecus, nec minus damnum, sit allaturum, adversatioquè parùm sit futura molesta, non probant illud factum, sed moleste ferunt, & reprehendunt.

28. *Respectu Personarum offendunt* benè, qui in offendendo personis se attemperant, non tam leviter offendentes magistratum, quàm privatum, notum quàm ignotum, conjugem ac liberos, fratres ac consobrinos, hosquè ac affines, affines ac amicos, amicos ac cives, hos ac populares.

29. *Respectu Locī & Temporis offendunt bonè*, qui adversantur, ubi & quando adversandum est proximo in communi cōversatione. Neque enim omni loco & tempore tene-
mur nos affabiles præbere cuivis se offerenti.

30. *Sic descripta Comitas*, quā Objecto, & quā Officio circa illud Objectum, *differt à Φιλίᾳ sive Amicitia*. I. Genere, quia comitas est habitus, cū sit virtus, quam constat esse habitum, vacantem affectu, amicitia verò affectus, saltem conjuncta cum affectu. II. Modo operandi, quia comitas agit sine affectu, cū non, quò amet, sed quia hoc habitu præditus est vir comis, quia, inquam, est τοῖς τῷ, ita se gerat, amicitia verò, aut amicus potius ex agat affectu, & cum affectu, adversus eum, quem amat. III. Objecto, tam reali, quod comitatis τὸ delectabile, amicitia verò τὸ amabile, quàm personali, quod illius, tam noti, quàm ignoti, tam ii, quorum familiaritate utimur, atque quorum familiaritate non utimur, verū inæqualiter, ut quæ non eodem modo se habeat ad notos, speciali amicitia junctos, hujus verò noti tantum, & quorum familiaritate utimur, ipsā notitiā & familiaritate existente causā amoris & amicitia. IV. Adjuncto proprio, quòd comitas distinguit personas, amicitia indistinguit, sive non distinguit.

31. *Extrema Comitatis duo sunt, alterum in Excessu, alterum in Defectu. In excessu ei op-*
poni-

ponitur Blanditia, in defectu Morositas.

32. *Blanditia* est vitium morale, quo quis in communi conversatione, eâque seriâ, omnia ad voluntatem & voluptatem aliorum agitquè & loquitur, laudans & probans omniâ, saltem simulans se laudare & probare omnia, nullâ in re cuiquam adversans, neque quenquam offendens, adeoque voluptatem omnibus, molestiam nemini, afferens, nullâ honestatis, utilitatis, gravitatis, decori, habitâ ratione, unius & solius voluptatis causâ, qualis *Ἀρεσκία* Græcis, *Blandus* Latinis, ipsum verò vitium *Ἀρεσκία* Græcis, *Blanditia* Latinis. Quòd si quis utilitatis causâ, hoc est, solùm ut commodum atque emolumentum inde capiat, id faciat, talis *Κόλαξ* Græcis vocatur, Latinis *Adulator*, ipsum verò vitium *Κολακία* Græcis, Latinis *Adulatio*, sic dicta, vel ab aulâ, quasi *adaulatio*, quòd adulatores tam sint frequentes in aulis principum, in quibus *πρῶτος ἄριστες ὁ κόλαξ*, primas tenet adulator, *Mænandri* verbo, atque in culinibus muscæ, vel ab aulâ sive ollâ, quòd adulatores sectentur ollam more canum, iis caudâ blandientium, à quibus catillones esse sinuntur, vel *ἀπὸ τοῦ δούλου*, à servo, quòd servile sit, linguam cibo venalem habere, & *παράσιτοι καὶ γλωσσόμασῃρα* agere, *assieclam*, inquam, cibi, cœpulonem, cœnaturionem, fundendo verba coquinaria, facientia, ad ventrem pascendum, ventris causâ, vel denique

ab adludendo, quòd hijs adludant familiariter, qui seipſos magnificiunt, primosquè ſe omnium rerum eſſe volunt, neque ſunt tamen, qui ſui aſſentatores interni cum ſint, facile externos aſſentatores admittunt, κερκοπιζοῦτας, moventes κίεχ, ſive adulatoriam caudam, κροκοδιζοῦτας, colligentes προκίδας, floccos & pilos è veſtibus, cum Valeriâ Hortenſii ſorore, & adulatore Ariſtophanico, denique μυιοσόβους, abactores muſcarum.

3.3. Utraque vitioſa & mala formaliter, ſive delectandi tantum gratiâ fiat, ſive commodi alicujus conſequendi ergò, & ſive ſermone, ſive geſtu, ſive utroque, & ſive eam ſumas pro quodam habitu adulandi, ſive pro actu procedente ex tali habitu, eliciente alium actum malum, quin immò vel ineliciente.

3.4. *Morofitas* eſt vitium morale, quo quis in converſatione ſeriâ nemini ſtudet placere, quamvis ſalvâ honeſtate & utilitate id fieri poſſit, omnibus in omnibus difficilis & moleſtus, exemplo Timonis & Cnemonis μισανθρόπων, Neroniſquè, quem Xiphilinus auctor eſt, nec ſalute nec reſalutatione alios impertiviſſe, tamquè difficilem fuiſſe, ut neque cum ſervis, neque cum liberis, loqueretur, ſed omnia, quæ poſtridie mandaturus erat; pridie in libellis ſcriberet. Latine Philoſophantes eos, qui hoc vitio laborant, appellant moroſos, inhumanos, difficiles, importunos, duros, tragicum &

& Tauricū tuentes , quasiquē sinapi & absynthio victitantes : Græcè verò Philosophantes eosdem , jam μισανθρώπους , jam δυσείδους , jam δυσκόλους , ἀπὸ τοῦ δυσκολλᾶν , quod malè aliis conglutinentur , neque ita , ut κόλακεις , quos ἀπὸ τοῦ προσκολλᾶσθαι idèd volunt ducere nomén.

35. *E duobus his Extremis Blanditia sive Adulatio deterior est Morositate in comparatione , respiciendo materiam ejus effectum & finem .* tum quia est vitium sanè quàm noxium occultum insidiosum , quippè conjunctum cum dolo , adulate sic existente simili amico , ut lupo cani , tum quia frequentius , jam verò quantò vitium aliquod est frequentius , tantò pejus : *Contra Morositas pòtius deterior Blanditiâ sive Adulatione , respiciendo utrumque vitium prætise & per se :* Ecceur , amabè ? Quia enim tantò vitium aliquod est gravius , quantò magis repugnat mediæ virtuti , quale vitium morositas , adulatio non itè . Cum enim comitas primariò , & per se , delectet , secundariò verò , & per accidens , offēdat , morositas excedit in hoc , deficit in illo , longiusquē idèd abest ab officio comitatis , quàm adulatio , quæ excedit in illo , deficit in hoc , idèoque minùs lōgè abest ab officio ejus : Cumquē adulatio noceat occultè , morositas verò manifestè , etiam hoc nomine gravius vitium morositatis , quàm adulationis , sicut gravius delictum rapina , quæ per manifestam fit

706 INSTIT. ETHICARUM
violentiam, furto, quòd per dolum occul-
tum, dolo reddente quidem hoc turpius il-
lo, at non gravius, cùm pejus sit, esse cui
molestum in communi conversatione, quàm
suavem & jucundum.

C A P U T X L I.

*De Urbanitate, & huius Extremis, id est, inde
Scurrilitate, hinc Rusticitate.*

§. 1. **U**Rbanitas, si Nomen sive Nominalita-
tem ejus spectes, sic dicta ab urbibus,
in quibus plus, quàm ruri, & in pagis, leporis
faceriæ, salis, festivitatis, & facundiæ, unde
quos urbanos, eosdem & lepidos, facetos,
salsos, festivos, & facundos, appellant Latini,
usu loquendi, distinguentes interim le-
porem inter, facerías, sales, festivitatem, & fa-
cundiam, usu artis, ita ut lepor ad habitum
corporis referatur, facetiæ ad sermonem, de-
nominatione sumtâ à faciendo, eò quòd
verba cum audientium voluptate faciat fa-
cerus, sales ad ingenium, festivitas ad læti-
tiam festam, facundia ad fandi gratiosam
potentiam & facultatem. Græci eosdem *ευ-
τραπίλους* vocant, quasi *ευτράπους*, ἀπὲ τῶν
εὐτρίπων, à morum volubilitate flexibilita-
te & concinnitate, eò quòd ad aliorum in-
genia se accommodare noverint in conver-
satione ludicrâ, pro rei loci temporis & per-
sonarum exigentiâ, item *ἐπιδείξις*, quòd dex-
trè, citè, peritè, cauté, facetias adhibere que-
ant,

ant, ipsamque virtutem *εὐτραπείαν* flexibilitatem, & *ἐπιδειξιότητα* dexteritatem, eò quòd, qui hâc virtute suis prædiri, dextrè possint suos sermones & actiones ad placitum aliorum flectere.

2. *Sin Rem sive Realitatem*, ut sic Urbanitas est Virtus, (putà Moralis sive Acquisita More,) servans Mediocritatem in Ludis & Jocis, sive in Conversatione Ludicrà & Jocosà, docens *ὀρθῶς χαλάζειν*, benè ponere ocium, cùm reliquæ ejus sorores doceant *ὀρθῶς ἀρχολεῖν*, benè ponere negocium.

3. Juvat *ἀναλύειν*. *Definitio hac constat Genere, & Differentiâ Specificâ.*

4. *Genus Urbanitatis est Virtus Moralis*, cùm & ipsa suo loco sit habitus *ωφαισθητός* electivus, habens requisita virtutis moralis, rectam rationem pro principio agendi, mediocritatem inter duo extrema pro medio, honestatem verò pro fine, bonumque faciat habentem, opusque ejus rectum ac perfectum det, quod proprium virtutis moralis: Ubi autem ingredientia virtutis moralis, ibi & ipsa virtus moralis.

5. *Differentia Specifica Urbanitatis sumitur ab Objecto ejus, & Adjuncto-Officio circa illud Objectum.*

6. *Objectum Urbanitatis & ipsum, vel Internum est, vel Externum, ex quo utroque simul sumto objectum ejus totale & adæquatum consilatur.*

7. *Objectum Internum Urbanitatis est Delectatio, restricta ad delectabilem usum Ludorum & locorum, in Communi Conversatione, cui delectationi modum & metam ponit hæc virtus.*

8. *Objectum Externum Urbanitatis universale, vel Negativum est, vel Positivum.*

9. *Objectum Externum Negativum Urbanitatis est, tam Conversatio Seria Hominis cum Proximo; quàm Ludicra, contra bonos quæ est moris.*

10. *Atque adeò, Objectum Negativum Urbanitatis sunt, in genere, Ludi & loci Illiciti, in specie, de Ludorum Familiâ, Comœdia & Tragœdia, mixta ex Eroticis & Satyricis, Saltationes sive Choræ Τυραιαρχοπινγί Masculo-Fœminæ, Salienses, Mimica sive Gesticulatoria, Superstitiosa, Certamina Gladiatorum Cruentæ & Lacrimosa, &c. Ludus hinc Alea, Foliorumquæ Lusiviorum, de locorum verò Familiâ, loci Impii sive Profani, Obscœni, Contumeliosi, Imperiti, biverbio, Stoico-Cynicismus, & Cynico-Stoicismus. Appello objectum negativum, quia has nugas Ethica non docet, sed dedocer.*

11. *Ludi & loci Illiciti in genere sunt & audiunt, in quibus multum impiæ vanitatis & profanitatis, Inhumanae feritatis, fœdæ obscœnitatis, aculeatæ libertatis & virulentia, asininae quin imperitiæ, denique contingentia & casus, vertitur;*
qui-

quique aded ludi lucri notabilia gratia solummodò fiunt, lusoribus ut plurimum dominante fortunâ, ejus incertitudini facultates suas committere atque exponere, semper in turpi & pro turpi est habitum.

12. *Ludi Illiciti in specie sunt & audiunt: Comœdia & Tragœdia, mixta ex Eroticis & Satyricis*, tum quia in his communiter producuntur in scenam, præter personas vere pias, quarum suscipere personam piæ nemo potest, absque piorum affectuum & effectuum imitatione, non ludicrâ, sed verâ & seriâ, (Quis enim ferat, aliquem per ludum & jocum attollere oculos in cœlum, ducere alta suspiria, precari Deum?) personæ impiæ, quæ Paganæ, quæ Christianæ, fictitiæ, inquam, numina, aut nomina veriùs, lenones hinc & lenæ, meretrices, concubinæ, pellices, stolidi & lascivi adolescentuli, perditæ servuli, procaculæ ancillæ, palpones parasiti, milites gloriosi, denique moriones, quorum sustinere personas ritè quis & qui possit, non expressis improbis atque improbabilibus eorum dictis & factis, hoc ipsum, qui bonâ conscientia? tum quia in iisdem producuntur in scenam mulieres, ad impudicitiam cum impudicitia representandam, viri item habitu muliebri, extra casum necessitatis, tum quia inibi vitia & flagitia ad vivum exprimentur.

Gg 6. argue

atque ita quidem exprimuntur , ut repræsenata in publico , & actores pariter , & auditores atque spectatores , corrumpant , tum denique , quia quasi condimenti loco nostris moribus adduntur saltationes salientes , gesticulatoriæ , & masculo-fœmineæ , cum Musicâ amatoriâ sive lascivâ , & jocis scurrilibus.

13. *Saltationes Masculo - Fœmineæ* idèò , tum quia prædamnatæ in & à sacris litteris , tanquam invitamenta irritamenta & fomenta carnalis levitatis & vanitatis , incentivaquæ libidinum , mollisque inverecondi lascivi dissoluti ac desolati animi argumenta , duobus verbis , diaboli antecœnia , præses qui est & præsul sive præfultor in his corporis exercitus , tū quia repugnant gravitati modestiæ verecundiæ & decoro Christiano , cum scandalo , quâ dato , quâ accepto , dato à saltatoribus , accepto à spectatoribus , quorum conscientis laqueus perditionis tenditur , ut rete accipitri , tum quia primi horum miscellaneorum inventores fuerunt homines athei , idololatræ , dæmonolatræ , Epicuræi , ludiones & histriones , lurcones , comedones , concœnatores & comestatores , næ egregii parentes , quorum nos meritò pudeat. *Salientes* idèò , quia harum finis , saltare ut saltes , non ut , vel membris habilitatem agilitatemvè hoc genere exercitii concilies , vel valetudini tuæ consulas , verùm saltationis tantum causâ ,
ut

ut instar picæ, simiæ, aut lascivæ capellæ, saltet, quo quid ineptius, quid magis nugatorium? Pro me, malim febricitare, quàm ita saltare. *Mimibz & Gesticulatoria idèd*, quia, præterquam quòd sunt otiosæ & ridiculæ, ut quæ capite, pectore, manibus, digitis, pedibus, oculis, contra primam naturæ institutionem, per naturalem pariter & moralem membrorum abusum, gesticulando fictè multa loquantur, etiam levis animi sunt argumentum uon leve. *Superstitiosa idèd*, quia pars fuerunt cultus gentilium, apud quos nullæ unquam celebratæ festivitates, aut ceremoniæ, citra rythmum & saltationem, quorum mores velle imitari, hoc est Christianum extra Christum agere, Paganum, inquam, potius, quàm Christianum.

14. *Certamina Gladiatorum Cruentia & Lacrimosa idèd*, quia omnes ludî, ut benè ait, atque in loco, Panormitanus, in quibus periclitatur, aut vita hominis, aut salus animorum, omninò tollendi, eò quòd pugnent cum verbo Dei, legibusquè civilibus, & bonis moribus, secundum quos ludus noxius, habens in se quid feritatis, est in culpâ. Ut enim exercitia & tyrocinia hominum, ad res bellicas spectantia, non sint universaliter prohibita, tamen prohibentur, siquidem sint inordinata & periculosa,

saltem *ὡς πολὺ*, & siquidem ad corporis atque animi virtutem parùm efficacia.

15. *Ludus Alea sive Aleatorius*, & in genere omnes ludi, qui in puro puro casu consistunt, ideò, & quia non habent justam delectationis causam, quæ tamen finis ludorum, cum victoria, quam solus casus dedit, haud delectet victorem cordatum, clades verò contrà perturbet victum, (Ecqualis enim aleator, annon semper anxius, querulus, iracundus, morosus, difficilis, mœstus, victus pro damno mœret, & quo se pacto redimat, meditatur, ultionemquè affectat, victor verò insanit, exultat, majoriquè lucro inhiat, nunquam insatiabilem aleæ voragine explens, quæ hic voluptas?) & quia non exercent ludentes, ut arma, equi, hastæ, clava, pila, navigationes, cursus, si quis v. g. disco, luctâ, pugnâ, pillo jaciendo, certet, & quia jure, quâ divino, quâ humano, sive civili positivo, quâ morali, damnantur, ut non malè Antonius Florentinus dixerit, tot crimina ex ludo aleatorio nasci, quot in taxillis extant puncta.

16. *Lusus Chartarum, sive Foliorum Lusiviorum*, præsertim si in præcium luditur, hoc est, si ipse victus teneatur victori præcium pendere, & quidem tantum, tamquàm notabile, ut magis quisque lucrum spectet, quàm victoriam, & ludendi exercitium.

Etenim,

Et enim, quia modus acquirendi per ludum videtur æquirati repugnare, ad avaritiam pertinere videtur, lucrispe ludis indulgere.

17. *loci hinc Impii atque Profani idèd*, quia conjunctam habent blasphemiam, ut si quis dictis scripturæ pro dictis joculariter utatur, & tunc-jocetur, ubi opus animi devotione, indignationeqùè contra scelera & flagitia, v g, sub concione, sub precibus, contrà reverentiam & attentionem verbo divino debitam, ædificationemquè proximi.

18. *loci illiberales & Obscœni sive Scurriles idèd*, quia in his rerum turpitudini adhibetur verborum obscœnitas, à quibus castæ & delicatæ aures naturæ quodam sensu abhorrent, vel quia naturales sordes significat stercus, quod verbum sordidiusculum, si de homine, opus naturæ faciente, loquaris, non item, si de agricolis, stercore stercoreantibus agros, vel quia primâ sui impositione res impudicas significant, ut verba prætexta nupta & priapeja, qualibus qui uruntur, næ illi similes ibidi, avi Ægyptiæ, quæ immisso in podicem rostro aquæ alvum purgare perhibetur. Quid enim, annon podicem ex ore suo faciunt, qui sic priapizant?

19. *loci Petulantes Contumeliosi & Mor-
daces idèd*, quia, utcumque sint ingentiosi
tamen.

tamen non sunt ingenui, sed ferè aculeati, dentati, acres, ideoquè conjuncti cum offensione aliorum, hoc magis, si multum ex vero traxerunt, quo in casu acrem sui memoriam relinquunt, unguisque, quod ajunt, existunt in ulcere.

20. *loci Imperiti sive Inficeti Indesori & Inelegantes* idèò, quia, sicut priores habent quid intemperiei, ita hi imperitiæ & indecentiæ nescio cujus, ut si quis, cum alii gravia tractant, quid intermisceat de asini umbrâ, jocosvè dicat, qui non conveniunt in eum, in quem dicuntur, absque acumine, tum intempestivos, extemporaneos, aridos, usitatos, veteres, tritos nimis, denique multos & frequentes.

21. *Deniq; Stoico-Cynicismus, & CynicoStoicismus.* Quid ergò Stoici? His verò placuit, nihil esse turpe dictu, nisi quòd esset turpe factu, qui idèò ructus suos & crepitus sibi voluerunt esse liberos. Quid deinde autem Cynici? Illi verò & ipsi suo loco ridere, quòd ea, quæ turpia re non forent, verbis flagitiosa dicerentur, illa autem, quæ verà re turpia sunt, nominibus appellarentur suis, redarguentes, quòd liberis operam dare re honestum esset, nomine inhonestum & turpe, contrà latrocinari furari fraudare re turpia, nomine honesta, quo jure, quâvè injuriâ. Quasi verò cum Platoniciis & Peripateticis non fugienda potius sit omnis turpitudine earum rerum, ad quas

quas eorum animos, qui audiunt, trahit similitudo immediatè voce audità, aut quasi non præstet ἀεσιπώληπται, præ reprehensionì venire, & ἀειφερίζεσθαι, circuitiōne uti, morante intellectum, cogitationemquè retrahente, ne illicò feratur in sensum obscœnum.

22. *Objectum Positivum Urbanitatis sunt, in genere, Ludi & loci Liciti, in specie, de Ludorum Familiâ, Comœdia & Tragœdia reformatæ sive castratæ moraliter, Saltationes sive Chorœa Solitaria, Militares, Religiosæ, Artificiosæ, Torneamenta hinc, Stadiodromia, Hæstiludia, Pugilationes, Desultationes, Equitationes, Aurigationes, Natationes, Lucta, Pugna, atque adedò haud scio, annon etiam Lusus Chartarum sive Foliorum Lusiviorum, saltæ Latrunculorum sive Calculorum, Pila, Sphæra, Globi & Globulorum, Trochi, Pyramidum, & similium, de locorum verò Familiâ, loci Piè-Probi, & Probè-Pii, Liberales atque Ingenui, Modestè hinc, Impetulantes & Incontumeliosi, denique Eruditi Ingeniosi & Elegantes.*

23. *Ludi & loci Liciti in genere sunt & audiunt, in quibus nihil impiæ vanitatis & profanitatis, contravenientis religioni & fanis, nihil inhumane feritatis, contraveniētis humanitati comitati & justitiæ, nihil foedæ obscœnitatis, contravenientis, in genere temperantiæ, in specie castitati, nihil aculeatæ libertatis & viru-*

virulentia, contravenientis modestia, nihil
 afinina imperitia, contravenientis prudentia,
 quique adeo, praeter pietatem, comitatem, ju-
 stitiam, pudorem, modestiam, eruditionem
 conjunctam habent, quales ludi & joci nã
 boni omnes, & Theologicè, & Philosophicè,
 quia inde animi petitur medicina ac relaxa-
 tio, ad res serias promptius obeundas, curas-
 què & molestias pellendas condebite.

24. *Ludi Liciti in specie sunt Comœdia & Tragedia Castrata Moraliter: Licita* idèò, quia
 innoxium usum præstant, & lectoribus, quoad
 profectum in humanioribus litteris, dum in-
 de lectissimorum verborum messem metunt,
 & actoribus, quoad profectum in moribus
 & civilitate, dum inde proficiunt ad mores, &
 præterquam, quòd linguæ vitium ac hæsitanti-
 am inde corrigunt, (quorsum oratores olim
 usi histrionibus præceptoribus hanc ipsam ob
 causam,) fiduciam quoque loquendi pariter
 & agendi acquirunt, & spectatoribus, quoad
 profectum in vitæ communis regimine, dum
 totius vitæ humanæ cursum intuendo, inde sibi
 exempla domi capiunt, saltem capere possunt.

27. *Saltationes Solitariae* idèò, tum quia
 nuspiam in scripturâ prohibentur tales salta-
 tiones, quin probantur potiùs, & dicto, & fa-
 cto, dicto, cùm dicitur, tempus ut lugendi ita
 saltandi esse, facto, cùm exempla sic saltan-
 tium referuntur sine ullâ reprehensione, no-
 minatim Mariæ, soror quæ fuit Moysis, Je-
 phthæ

phæ filia, Siloniticarum item puellarum, Davidis hinc, & chori puellaris, epinicium canentis in laudem Davidis gigantici dæ, tum quia etiam sic saltavit Socrates, saltarunt Lacones, quemadmodum argumēto esse potest trichoria Laconica puerorum virorum & senum, instituta à Tyrtæo Poëtâ. *Militares idè*, quia nihil aliud fuerunt, quàm gladiorum cum scutis collisiones saltando factæ, belliquè *ωεγυμνάσματα* sive proluſiones ac præexercitamenta quædam. Pyrrhicæ alio nomine, eò quòd à Pyrrho Achillis filio primò essent inventæ. *Religiosæ idè*, quia præter modicò antè enarrata exempla piè saltantium, similem saltationem saltaverunt, neque interim amicitiam desaltaverunt, quæ ipsis erat cum Deo, Syriaci Christiani, quos legimus die resurrectionis dominicæ, aliisque festis celebrioribus, ad templâ, zelo sacro confluisse, cum lyrâ ac citharis, psalmosquè concinuisse devotè, unaquè saltasse, seorsim viros, seorsim mulieres. *Artificiosæ idè*, tum quia tales saltationes sunt motus arte producti, exercentes corpus hominis, idquè agile reddentes, ad eum ferè modum, quo cantu modulato exercetur lingua canentis, quod si licet, si, inquam, licet artificiosè canere, licebit & saltare artificiosè, hoc magis, quia saltatio, quàm saltatio, est actio indifferens, nec mala per se, sed per aliud, sive per accidens. Utut interim ingenuè fatear, non semper res ex naturâ suâ esse

esse estimandas, sed subindè ex ingenio & abusu carnis nostræ, ad eum modum, quo Medici vinum, non ex suâ, sed febricitantis naturâ, æstimant.

26. *Torneamenta, Stadiodromia, Hastiludia, Pugilationes, Desultationes, Equitationes, Aurigationes, Natationes, Lucta, Pugna*, idèò, tum quia valetudinem & vires alumnorum suorum oppidò quàm potenter juvant hujuscemodi exercitia, eosquè præparant ad sui & patriæ defensionem, habentquè in re militari suum usum, ideoquè publicè condecorantur præmiis, maxime in Republicâ Mavortiâ sive Bellicâ, tum quia non sunt periculosa, nisi per accidens. Unde, si quis alium fortè in his vulnerarit, interfeceritvè, non punitur, nisi ex odio dolo vel culpâ fecerit, uti nec, si casu quis occubuerit, quia præter voluntatem ludentis factum utrumque.

27. *Lusum Chartarum sive Foliorum Lusiorum* idèò, (siquidem à ludentibus ludendi exercitium tamen magis, quàm lucrum, spectetur, non contrà, idquè ipsum lucrum sit tam exiguum, ut nec victus doleat amissum, nec victor gaudeat acquisitum,) tum quia hâc ratione nihil aliud efficitur, quàm ut ludentes attentiores sint, tum quia ut sic non periclitantur pecuniæ contra legis interdictum, siquidem in lusum ludatur, non lucrum, saltem ludendi magis animo, quàm lucrandi, tum quia

quia non in solo casu consistat hic ludus, verum partim in casu, partim in peritiâ, emendante casum, uti & cognatus ludus, quem nos vocamus *Verkepen*, ob mille variationes, quas habet. Sed & hîc me libens subijcio iudicio eorum, ad quorum curiam pertinent hæc curialia.

28. *Ludus Latrunculorum sive Calculorum* idè, quia animum ingenium memoriam iudicium immane quantum acuit, suumquè in re militari habet metaphoricum & analogicum usum, prælium hoc umbratile Martis, dicam, an Artis, numerans in utrâque acie, duas reginas, quatuor equites, totidem satellites & centuriones, sedecim pedites. Sed quia multum hoc ludicrum requirit circumspeditionis atque temporis, idè non convenire id putant bonarum artium studiosis, ut quos mentem, studiorum labore fatigatam, recreare præstet cessatione & quiete, quàm novo meditationis genere gravare.

29. *Lusus Sphæra, Pila, Globi & Globulorum, Trochi, Pyramidum, Disci sive Saltus*, idè, quia valetudini ludentium conducunt hæc exercitia ludicra, robur corporis augent, agilitatem & concinnitatem membrorum præstant, *πολυαρχία* sive corpulentiam impediunt, si absit, imminuunt, si adsit.

30. *loci hinc Liciti in specie sunt & audiunt: loci Pii* idè, quia Philippi Melanchtonis poëmatio verè pio,

Non

*Non Deus est animus, cui recte gaudia mentis
Displiceant, si non pietas violesur, & æquum.*
Et certè, sicut ingeniosi est, joculari promptè, ita
ingenui, joculari piè.

31. *loci Liberales atque Ingenui ideò*, quia
in his rerum honestati adhibetur verborum
gratia & venus, absque fallendi intentione,
quod liberale utique & ingenuum, non arte
factum, nedum artibus, à quibus longissimè
abest homo urbanus.

32. *loci Modesti Impetulantes & Incontu-
meliosi ideò*, ne, dum relaxare animum vo-
lumus jocando, omnem harmoniam solva-
mus, pervè scommata acerbiora famam pro-
ximi lædamus, vel læsi, nedum illæsi. Quod
si animo sedet par pari referre, satius næ sa-
tius fuerit, jocosum joco pensare potiùs, quàm
jacere.

33. *loci Eruditi Ingeniosi Elegantes ideò*,
quia jocandum quidem *πικρότης*, adeoque
ab eo, quem natura finxit ad jocos, cùm non
cujusvis sit, argutè dicta componere, verùm
ingeniosi, sed tamen insimul etiam *τεχνικῶς*,
accedente ad naturam arte, alienæquè urba-
nitatis imitatione: Absque his sit, præstat à
jocando abstinere, saltem jocos antè usitatis
parcè uti, quàm malè joculari cum asino. *Æ-
sopico.*

34. *Officium Urbanitatis circa suum Ob-
jectum, vel Primarium est, vel Secunda-
rium.*

35. *Offi-*

35. *Officium Primarium Urbanitatis est, Ludere & locari, sive locos Dicere ritè: Secundarium, Spectare Ludos, & Audire ac Ferre locos ritè. Unde quatuor resultant Actus Urbanitatis, putà, Ludere & locari ritè, Spectarequè Ludentes, & Audire locantes ritè, adeoque alios, quàm ludos, quàm jocos, probare, ferre alios, reprehendere alios, probare liberales tempestivos decoros, ferre imperitos intempestivos indecoros & mordaculos, aculeatos, inquam, & dentatos, reprehendere hinc ac rejicere impios, profanos, obscœnos, petulantes, contumeliosos.*

36. *Atque aded, licere, ut Ludere & locari ritè, ita Spectare Ludentes & Audire locantes ritè, id verò vincunt, immò evincunt, sequentes rationes. I. Quia uterque, tam ludus, quàm jocus, habens se benè moraliter, est actus urbanitatis, ideoquè æquè licitus uterque, atque actus aliarum virtutum. II. Quia ludi & joci ingenui maximarum rerum momenta in se continent, tristes affectus diluendo, frangendo iram & odium, dissolvendo tedium suavi risu, conciliando amorem ac benevolentiam in congressibus, quàm publicis, quàm privatis, harmoniamquè, sive suave temperamentum vitæ, servando. III. Quia ad hominem dextrum, valentem dexteritate ingenii, pertinet ea agere, dicere, spectare, audire, quæ sunt hominis ingenui & ingeniosi: Talis autem suo loco atque ordine est vir urbanus, dex-*

42. *Respectu Personarum ludunt & jocantur benè*, qui in ludendo & jocando ingeniosè distinguunt inter persōnas, habitā ratione dignitatis, ætatis, sexus. Aliter quippè jocandum, si quis magistratus, aliter si Theologi, aliter si Politici, aliter si præceptoris, aliter si parentis personam sustineat. Neque enim quilibet ludi & joci quoslibet decent, neque apud quoslibet, alii senes, alii juvenes, privatos alii, magistratus alii, viros alii, mulieres alii. Præterea, aliter ludendum & jocandum inter familiares, aliter inter ignotos, aliter cum æqualibus, aliter cum inferioribus.

43. *Respectu Loci & Temporis ludunt & jocantur benè*, qui competenti loco ac tempore. Est quippè *φορηκώτατον*, tum ludere & joculari, cū aut sacra peraguntur, aut luctui indulgetur, aut de rebus gravioribus seriò deliberatur, atque, ut verbo absolvam, cū tempus locusquè seria requirunt: Sicut &, si v g ad amicam, laborantem febri, quis veniat lusum & jocatum, eosquè, qui è longinquo itinere modò advenerunt, invitet ad deambulandum secum, vixquè incipientem dormire excitet è somno, atque ad ludendum & jocandum provocet, quales committunt solœcismum moralem.

44. *Respectu Quantitatis hinc spectant ludos & audiunt jocos benè*, qui loco accessorii, & diludii, non principalis, eam rem habent, utrumq;

facientes parcè, & minùs frequenter, saltè
rariùs quàm crebriùs, serio vincente ludi-
crum, cibo condimentum, non contrà, ludicro
serium, condimento cibum.

45. *Respectu Qualitatis spectant ludos & audiunt jocos benè*, qui licitos spectantquè au-
diuntquè, hoc est, honestos, decoros, vere-
cundos, liberales, elegantes, impetulantes, a-
deoquè Terentianos potiùs, quàm Plautinos.

46. *Respectu Finis spectant ludos & audiunt jocos benè*, qui honestæ recreationis, & ingenui
oblectamenti ergò, spectantur audiunturquè.

47. *Respectu Modi spectant ludos & au-
diunt jocos benè*, qui modestè, & cum tempe-
ramento domestico, alios probando, ferendo
alios, reprehendendo alios, nunquam jacièn-
do & jaculando, nisi urgente necessitate. Si-
cut enim hystrix non ejaculatur spinas suas,
nisi cùm provocatur aut urgetur, item vir ur-
banus jocos.

48. *Respectu Personarum spectant ludos & audiunt jocos benè*, qui sine scandalo proximi
id faciunt, haud faciunt autem, qui præbent
efficacem causam lapsus sive ruinæ eo ipso,
quòd spectant libenter ludos, audiuntquè jo-
cos, quia propè est, ut, quæ quis patienter spe-
ctat vel audit, ea tacitè probare videatur.

49. *Respectu Loci & Temporis spectant lu-
dos & audiunt jocos benè*, qui loco & tempore
commodo, putà, in conviviiis, nuptiis, festivitati-
bus, aliisque congressibus, reficiendi & re-
congligendi animi causâ institutis.

50. Ut

50. Ut breve faciam : Quamvis ad urbanitatem aliquid conferat natura , quæ finxit quosdam narratores atque imitatores facetos, tamen necesse est, ut ad τὴν δύναμιν φυσικὴν, facultatem naturalem, accedat exercitatio sive ars, urbanitatisquæ alienæ imitatio. Ludendum quippè & jocandum φυσικῶς naturaliter, sed & τεχνικῶς artificialiter.

51. *Extrema Urbanitatis duo sunt, alterum in Excessu, alterum in Defectu. In excessu ei opponitur Scurrilitas, in defectu Rusticitas.* Opponitur quidem aut coöpponitur veriùs , urbanitati quandoque etiam incivilitas in capiendo cibo & potu , quo sensu poëta lusit in Urbanum quendam minimè urbanum.

Diceris Urbanus, sed non urbanus habebis,

Cùm ceu vacca bibas , & suis instas edas,
verùm minùs civiliter & propriè.

52. *Scurrilitas* est vitium morale, quo quis in cominuni conversatione, eaq; ludicrà, se patitur superari à ridiculo, hoc est, à re, quæ parit risum, atq; ita quidem superari, ut nec sibi, nec aliis , parcat , dummodò ridiculum afferat in mediū. risuquæ omnia dissonent , ad eum ferè modum , quò intemperans se patitur superari à voluptate. Sicut enim hic in voluptate plura sibi, quàm patitur recta ratio, indulget, ita ille similiter in ludis & jocis ampliùs sibi permittit, quàm eadem compatitur ratio, proferendo nugas aniles, sales insulsos, facetias invenustas & frigidas, Sardosquæ venales. Id nominis

*Fortiter absumtis urbanus coepit haberi,
Scurra vagus, non qui certum praeſepe teneret
Impransus, non qui civem dignoſceret hoſte,
Qualibet in quemvis opprobria fingere ſavus.*

§ 6. *Ruſticitas* eſt vitium morale, quo quis in converſatione ludicrâ nemini ſtudet placere dictis vel factis, nec ipſe ludere joculari, nec aliorum, ſymbolam urbanitatis conferentium, ludos & jocos ferre. Arque hæc ruſticitas propria eſt hujus loci, contrâ ut diſtincta ita diſtinguenda ab eâ, quæ à naturâ, ſenectute, morbo, calamitatibus gravioribus, occupationibusquæ crebrioribus, quæ neceſſaria magis, quàm voluntaria, excuſabilisquæ, ſiquidem non ſit talis datâ operâ. Id nominis accepit à ruſticis, quorum propria inamœnitas inſuavitas inſuſtitas, aliena quæ eſt ab omni ludorum & jocorum genere, etiam honeſto & licito, qualis noratur in Anaxagorâ apud Græcos, qui nunquam riſiſſe, ac ne riſus quidem veſtigium præ ſe tuſiſſe ullum, perhibetur, in M. hinc Crasso apud Romanos, quem præ acrimoniâ & acerbitate animi ſemel tantùm in vitâ riſiſſe ferunt.

§ 7. *E duobus his Extremis Scurrilitas* deterior eſt *Ruſticitate* in comparatione, eò quòd, qui in ludicris deficiunt, minùs peccent, in vitæ humanæ regimine, quàm qui excedunt. Cùm enim ludus ſit utilis propter delectationem & quietem, delectatio

autem & quies non propter se intenduntur, nisi fortè ab ignavis, quibus semper feriæ, sed propter operationem, ideò defectus ludi minus videtur esse vitiosus, quàm excessus, vitiosus tamen, quia inordinatus, & extra medium, extra, inquam, cœli solisque viam.

CAPUT XLII.

De Iustitiâ Universali, & huius Extremo, id est, inde & hinc, hinc & inde, Injustitiâ Universali.

§. I. **J**ustitia, si Nomen siue Nominalitatem ejus spectes, sic dicta, vel quasi iustitia, quòd vim sistat, vel quasi iuristitia, quòd cuique jus suum sistat, verè si rem, falsò si nomen attendas. Deducitur quippe à justo justitia, sicut à malo malitia, ipsum porrò justum à jure, idquè iterum à jubendo. Quid enim aliud jus, quàm naturæ, populi, ejusvè, qui vicem gerit populi, jussum? Græcè loquentibus Διηγχοσύνη audit, tracto nomine à δίχα, quod valet bifariam, siue divisim & quatum, mutato χ in κ, διφωνίας ἐρεχθ, cur, nisi quòd ὁ διχασις rem quamlibet in duas medietates secet, verè διχασις hoc nomine. Quid, si dicamus, διηγχοσύνη nihil aliud esse, quàm διηγχίς σύνησις, justiti intelligentiam internam, & disciplinam externam, eamquè vel generalem, vel specialem.

2. *Si Rem siue Realitatem ejus spectes, ut sic Iustitia est Habitus, Virtus, inquam, (putà Moralis, siue Acquisita More,) quâ homines propensi sunt ad res justas gerendas, quâque*

res.

res justas gerunt, & volunt etiam gerere, constans, inquam, & perpetua voluntas, jus suum cuique tribuendi, quarum definitionum altera Aristotelica, Ulpianica aut Simonidæa veriùs, altera, utraque justitiæ universalis, ac justitiæ in genere.

3. Sed juvat ἀναλυσεν. *Definitio utraque constat Genere, & Differentiâ Specificâ.*

4. *Genus Iustitiæ Universalis secundum Aristotelem est Habitus, aut Virtus veriùs, eaq; & Moralis, secundum Simonidem verò & Ulpianum Voluntas, aut adjunctus habitus voluntatis veriùs.*

5. *Ac justitiam verâ re esse virtutem moralem, id liquet inde, quòd & ipsa suo loco sit habitus electivus, habens requisita virtutis moralis, rectam rationem pro principio agendi, mediocritatem inter plus & minus pro medio, honestatem verò pro fine, quòdque bonum faciat habentē, opusque ejus rectum ac perfectum det, quod proprium virtutis moralis: Ubi autem ingredientia virtutis moralis, ibi & ipsa virtus moralis. Eandem Iustitiam quoque quoquo modo esse voluntatem, semel per metonymiam causæ pro effectu, sive in sensu causali, quoniam ex actibus voluntatis promanat, iterum per metonymiam subiecti pro adjuncto, sive in sensu subiectivo, pro adjuncto habitu voluntatis latè sumptæ, id iterum liquet hinc, quòd actum justitiæ, per quem definitur & specificatur habitus, conve-*

diat esse voluntarium. Ut enim justitia non sit voluntas, rectitudo vè voluntatis essentialiter, est tamen causaliter, dum facit, ut quis alteri non tantùm velit jus suum tribuere, sed tribuere constanter, sive, cum proposito habituali deliberato firmo, tribuere perpetuè, sive semper, atq; in omni eventu, non semel bis tervè, quod etiam homini injustissimo competere potest, cùm nemo tam injustus esse queat, quin interdum velit illud, quod justum est. Quid ergò? Ut genus vacillet in definitione Ul pianicà justitię quoad τὸ πᾶν, sententia tamē verissima est, quòd videlicet justitia sit firma ἀεὶ αἰσθησις, constans, inquam, & perpetuum propositum voluntatis humanę, suum cuique tribuendi positivè, putà bonum, & intribuendi, hoc est, non tribuendi negativè, putà malum, positivè bonum, tribuendo jus, negativè malum, abstinendo ab injuriā, oppositā juri.

6. *Differentia Specifica Iustitiæ Universalis sumitur ab Objecto ejus, & Adjuncto Officio circa illud Objectum.*

7. *Objectum Iustitiæ Universalis & ipsum, vel Internum est, vel Externum, ex quo utroque simul sumto objectum ejus totale & adæquatum conflatur.*

8. *Objectum Internum Iustitiæ Universalis non tam sunt Affectus, cogendi in gyrum rectę rationis, circa quos justitia occupatur per*

accident, eò quòd reliquæ, virtutes morales subjectum ejus, hoc est, hominem justum domi præparent, ne vel commoveatur metu potentiaë alterius, fiducia vè gratiaë & honorum, quò minus cuiq; jus suũ dicat, vel cupiditate voluptatum & pecuniæ se patiarur expugnari, offa libidinis aut masâ auri objectâ, viventis, quoniam tor habet insidiatores, vel transversus abripiatur irâ odiovè, à viâ justitiæ in avia injustitiæ, quorum illud præcaver fortitudo & magnanimitas, istud temperantia & liberalitas, hoc mansuetudo, quàm *Actiones Internæ Immanentes*, à quibus omnem bonitatem moralem accipiunt actiones externæ transeuntes, quæ idè bonæ, quia illæ:

9. *Objectum Externum Iustitiæ Universalis, universè vel Negativum est, vel Positivum.*

10. *Objectum Externum Negativum Iustitiæ Universalis est Ius, quod, vocât, Oeconomicũ, Metaphoricũ sive Similitudinariũ verũ, quam verũ, continens præcepta seu regulas de officio œconomico personarum domesticarum, quod quæque sibi invicem debent, suoquè jure à se invicem exigere possunt, v g, uxor à marito, ut rei famillari det foris operâ acquirèdo, maritus ab uxore, ut eidẽ rei famillari det domi operâ custodiendo, curãdoquè negotia domestica, similiter liberi à parètib, alimentationem, institutionem, educationẽ, defensionem, parentes à liberis, pietatem.*

reverentiam; obedientiam, servi à dominis
 alimentationem & stipendia, domini à servis;
 operas & obsequia, quæ officia domestico-
 rum domestica juris similitudinem quan-
 dam habent, sed similitudinem scilicet, ve-
 ri magis, quàm veram. Verà quippè re, ma-
 ritum inter & uxorem; parentes & libe-
 ros, dominum & servos, non datur sim-
 pliciter jus, eò quòd, quæ sibi invicem de-
 bent, hæc debeant à naturâ potiùs, quàm
 ab hominum instituto, exquè lege pietatis
 potiùs, quàm justitiæ, nec ut alienis, & pror-
 fus distinctis, sed tanquam sibiipsis, non ma-
 gis, inquam, inter eos datur jus simplici-
 ter, quàm injuria simpliciter dicta, quæ
 nullius ad seipsum, & sua, quare nec ma-
 riti in uxorem, quæ una cum eò caro, uni-
 tate consentaneâ & conjugativâ, nec paren-
 tum in liberos, qui pars quædam parentum,
 saltem aliquid parentum, usque dum adole-
 verint, & ex potestate eorum exierint, nec do-
 mini in servos, ut qui sint possessio & res domi-
 ni, totiquè adeò ejus, Philosophando Oeconomi-
 cè, at benè interim datur ut jus ita in juria Phi-
 losophando Ethico-Politicè, quomodo saltem
 hactenus injuriæ locus, si injuriæ, ergò & ju-
 ri, inter præallegatas personas, in quantum
 uterque, & maritus & uxor, & pater & filius,
 & dominus & servus, homo, & aliquid secun-
 dum se subsistens, atque ab aliis distinctum,
 maritus ab uxore, pater à filio, dominus à

fervo, maritus v g repudiâns alia persona ab uxore repudiâtâ, pater paciscens cum filio, alia persona à filio, qui-cum paciscitur, dominus verberans alia persona à servo vapulante. Ut enim filius, patrem occidens, non videatur peccare contra justitiam præcisè, dum facit contra debitum filii, & jus paternum, cum sic solum peccet contra pietatem, tamen hoc stante, neque interim obstante, peccat contra justitiam *ἐν πλάτῃ*, quatenus sine legitimâ autoritate hominem interimit. Est enim in hoc factò duplex malitia, altera contra justitiam, ratione substantiæ personæ, quæ læditur, altera contra pietatem, ratione circumstantiæ ejusdem personæ.

II. *Objectum Externum Positivum Iustitiæ Universalis est Ius, quod vocant, Politicum, si ve id, quod justum est, tribuîquè cuiq; debet*, voce politici acceptâ latè, in eo sensu, quo hominem appellamus animal politicum, & hætenus civile, quæ differunt. Politicum quippè Græcis id dicitur, quod hominibus, societate quâdam inter se devinctis, est commune, ut vendere, emere, locare, conducere, civile contra Latini, quod suæ cujusque proprium est civitatis, quomodo civilis olim Romæ fuit toga, in Græciâ pallium. Dico, si ve id, quod justum est. Cum enim jus modò propriè sumatur, pronaturæ, populi, ejusvè, qui vicem gerit populi, jussu, impropriè verò, modò per metony-

miam adjuncti, vel pro juris scientiâ, regulâ, inquam, sive normâ, cuique id, quod suum est, tribuendi præscribente modum, adeoque directivè & activè, ut cùm jus à Celso definitur, quòd sit ars boni & æqui, vel pro loco, in quo jus dicitur, veluti cùm dicimus, aliquem in jus vocare, modò per metonymiam causæ, pro potestate jure concessâ, ut in definitione itineris, cùm iter dicitur esse actus eundi ambulandi homini, actus verò jus, id est, potestas agendi, vel jumentum, vel vehiculum, modò per metonymiam subjecti, pro eo, quod juri propriè dicto sive legibus conveniens atque consentaneum est, quodquè cuique tribuitur, adeoque passivè & objectivè, sola omnium ultima significatio est hujus loci, siquidem jus spectetur, ut præstandum tamen, quomodo objectum fuerit justitiæ formaliter, eâquè prius, quia à jure sive justo justi nuncupamur nominaliter, & inde porrò justitia, non ut præstitum, quomodo effectum fuerit justitiæ, eâquè posterius realiter, jus sive justum prius justo, & hic justitiâ Grammaticè, sive derivatione Grammaticâ, concretum abstracto, justitia contrà prior justo Logicè, sive derivatione Logicâ, abstractum concreto.

12. *Ius Politicum* dicitur, quod obtinet inter homines liberos, numero aut proportionè æquales, vitæquè communione junctos, ut iis omnia suppetant, quæ ad vitam sunt.

sunt necessaria. Inter homines liberos, quia inter servos, quemadmodum nulla civitas, ita nec jus: Inter æquales, quia æqualitas maxime propria juris, adeò, ut inter quos est communis libertas, sitamen non sit æqualitas, nullum verè sit jus, ut inter maritum & uxorem, patrem & filium, quia jus inter eos propriè, inter quos lex, quæ nulla inter maritum & uxorem, patrem & filium: Et quidem numero vel proportionè, numero, in populari Republicâ, eaque liberiori, proportionè in aristocratiâ & regno: Vitæque communione junctos, quia inter liberos, æquales, & civitatis communione junctos, solùm est legis communio, quare & juris, quoniam id propriè ab omnibus justum dici consuevit, quod legibus est consentaneum, legibus definitur, estque legitimum, quo fit, ut, quibus lex data, iis quoque jus datum esse videatur, interquè eos solùm sit legis communio, qui se mutuò lædere atque injuriâ afficere possunt: Ut iis omnia suppetant, quæ ad vitam sunt necessaria, qui fini societatis in genere, & hujus societatis in specie.

13. *Estquè vel Naturale, vel Positivum si-
ve Legitimum.*

14. *Jus Naturale est; finitore Aristotele, quod ubiq; & semper eandem vim obtinet, idquè naturâ suâ, non quia ita decretum vel non decretum est. Ut ita tres ejus sint notæ famosæ, una loci, quòd omnibus in locis eadem vim &*

potestatem habeat, non aliam Romæ, aliam Athenis, aliam in Europâ, aliam in Asiâ, altera temporis, quod sit perpetuum, non aliud olim, aliud nunc, aliud posthâc, tertio, quod suâ vi & per se valeat, non quia ita hic vel ille statuit, Lycurgus aut Solon, adeoque veritate, non opinione, obligando obligans omnes homines in latitudine, si minus in actu secundo, quomodo obligat adultos tantum, sed habiles, minimum in actu primo, quomodo obligat ipsos etiam pueros infantes, naturale, ratione causæ & originis, Politicum ratione usus, utroque modo immutabile, non quasi ab omnibus & semper præstari soleat in vitâ communi, cum non observetur apud eos, arque ab illis, qui rebus non ita utuntur, sicut à naturâ est comparatum, apud bestiales, inquam, homines, sed quia omnes, idque semper & ubique, suo loco obliget ad illud præstandum, obedienter & directivè bonos, hoc est, secundum naturam viventes, inobedienter & coactivè malos, hoc est, contra naturam viventes, utrosque in foro interiori sive conscientiæ, cuique ut distantis ita reddentis suum jus, arque vel excusantis, vel accusantis, absolventis vel condemnantis.

15. *Ius Positivum sive Legitimum* est, finitore eodem Aristotele, quod ab initio, hoc an illo modo fiat, nihil refert, cum
verò.

verò constitutum est, tunc refert. Et hujus juris tres sunt notæ famosæ. Prima, quòd juris positivi sive legitimi hæc sit vis & natura, ut, priusquam decreto est sancitum, sit ἀδιάφορον, hoc est, nullam vim obligatoriam habear, citraquæ culpam servari possit, vel non servari; postquam verò semel sancitum est, non item sit ἀδιάφορον sive disobligatorium. Ita v g in vestibus possum ego pileam, qualemconque velim, gerere, est ἀδιάφορον, at si constituatur lex, ne quis pileo holoserico utatur, post constitutionem non est amplius ἀδιάφορον. Secunda, quòd jus positivum & legitimum per se, suâquæ vi, haud valeat, sed θεός, νόμος, νόμος, ut quòd, ab hominibus suam habeat ut originem ita auctoritatem, qui illud constituerunt, adducti probabili aliquâ ratione, desumtâ, vel ex lege naturæ, vel ex aliquâ circumstantiâ: Ex lege naturæ, quæ v g docet, fures esse puniendos, cui lex positiva addit modum poenæ, damnando eos ad duplitionem triplitionem quadruplitionem, latomias, triremes, fustuarium, exilium, laqueum, sequens in eo constituendo probabilem rationem: Ex aliquâ circumstantiâ, ut cùm frumentum tanto vel tanto precio venditur, ob rei frumentariæ facilitatem vel difficultatem, aut in testamento condendo tot vel tot adhibentur testes, propter aliquas circumstantias, v g, sex septem.

septem numero, quod, antequam certus numerus lege determinaretur, utique fuit ἀδιάφορον. Tertia, quod jus positivum & legitimum præsupponat honestatem, quam habet ex jure naturali, tanquam hypothesis ex thesi, referaturquæ ad utilitatem eorum, quibus fertur, unde & τὸ δίκαιον κατὰ σύμμερον audit, ut intendi, ita remitti, ut exasperari, ita mitigari valens, aut etiam, siquidem sit ex usu Reipublicæ, planè abrogari, saltem mutari, etiam si omnes circumstantiæ, cum quibus antea obligabat, eadem maneant, cum ideò dicatur jus positivum, quia in ponentis est potestate, rationabiliter tamen.

16. Quid multis? *Ius Positivum sive Legitimum à Jure Naturali differt*: I. Origine, altero existente à Deo & naturâ, altero ab hominum voluntate arbitrio & autoritate. II. Objectis, altero existente generis, altero speciei. III. Certitudine, altero existente αὐτοπείῳ, saltem ἀξιοπείῳ, altero πιθανῷ. IV. Amplitudine, altero existente eodem ubique, si minùs de facto, minimùm de jure, altero aliàs alio alibi, ad similitudinem mensurarum, quæ hic majores, illic minores, & dierum ac noctium, quæ in diversis regionibus dissimiles, cum contrà ignis ubique urat, & in Græciâ, & in Persiâ. Ut ita alterum omnibus in terris, omni loco & tempore, eandem vim ac potestatem habeat, alterum verò apud alias.

alias atque alias gentes sit aliud, ac ne apud easdem quidem semper idem, sed nec obligatorium semper, cum non antè obliget, quàm fuerit sancitum, V. Duratione, altero existente firmo fixo immutabili, altero verò mutabili & variabili. Jura quippe civilia non ubique sunt eadem, quia non eadem est omnium civitatum ratio, sed varia & multiplex. Apud alios namque viget democratia, cujus multa rursus sunt genera, apud alios monarchia, ejus item, apud alios aristocratia, cujus item: Cùm ergò varientur civitates, ut varientur harum jura necesse est, cùm leges civitatibus, non civitates legibus, accommodatas esse conveniat.

17. *Officium Iustitiæ universalis circa suum Objectum, vel Primarium est, vel Secundariũ.*

18. *Officium Primarium Iustitiæ Universalis est, Æquitatem Naturalem Colere atque Exercere Ritè.* Ut enim jus naturæ nullam correctionem aut laxationem admittat in thesi, tamen admittit in hypothesis, circumstantiis personarum temporum locorum & rerum sic postulantibus, quæ si negligerentur, factum contra jus naturale futurum foret quibusdam in casibus. Hinc fit, ut leges naturæ inferiores à superioribus subindè mitigentur, ubi ambæ servari nequeunt, lex, v g, suum cuique tribuere, à lege, neminem lædere, in materiâ depositi, reddendi prodigo vel furioso, quarum illa infe-

744. INSTIT. ETHICARUM
inferior, hæc superior, lex, non occides, quæ
secundæ tabulæ, à lege, diliges Deum supra
omnia, quæ primæ tabulæ, in historiâ Abra-
hami, quarum illa iterum inferior, hæc
superior, Deo legem ponente, non sibi, sed
hominibus. Ut enim id hâc majore, non oc-
cides, ne Deus quidem dispensare possit, ta-
men in minore facere est potis, ut homici-
dium non sit, per quemcunque tandem exe-
cutio fiat, quod sine ejus indultu alioquin tale
foret.

19. *Officium Secundarium Iustitiæ Universalis est, Æquitatem Moralem, dicam, an Ci-
vilem, colere atque Exercere Rite*, universalem
sententiam legis, ad casus non expressos, se-
cundum rationem utilitatis, & finem legisla-
toris, accommodando, extensâ v g. poenâ par-
ricidæ, in matricidam, ob rationis identitatem,
ideoquè & juris, benignequè interpretando, e-
jusquè mentem potius, quàm verba, respicien-
do, remissâ contra legem, si peregrinus con-
fessit murum capital, esto, poenâ capitali pe-
regrino, confcendenti muros civitatis, ut ho-
stes dejiciat, quem peregrinum, si adesset legi-
slator, æquè absolveret, ac vir æquus bonus,
vicem ejus subiens per ejus absentiam, exacto
& stricto jure neglecto, eò quòd circumstan-
tiæ loci temporis personæ, ipsaque adeò legi-
slatoris mens, mitigationem requirant in hoc
particulari casu, regulamquè; *Lex* biam sive
plumbeam flexibilem & applicabilem, non
At-

Atticam inflexibilem , atque uno tantum applicabilem modo , hoc est , ad casus expressos & determinatos , non indeterminatos , determinatione procedente ex jure naturæ , quod vir æquus bonus rationabiliter sequitur , illius principia præsupponens , & hinc deducens conclusiones illis correspondentes , pro re natâ ne v g. nostro in argumento maleficium patiatur , cui debetur beneficium , contra omnem rationem , quare & jus rationale , quo cum pugnat jus summum , non quidem ratione constitutionis , quomodo quod magis est summum , hoc est perfectius , sed ratione interpretationis , cum v g. in calumniam & sycophantiam vergit , facitque jus pendere ex verbis , cum non verba veniant in judicium , sed ea res , cujus causâ verba in leges conjecta sunt , quas scire , non est earum verba , sed vim & potestatem tenere , executionisque , sumtum pro jure rigido & stricto sine mitigatione , quam legislator admitteret propter aliquam circumstantiam , & probabilem causam , vigorem ejus , dicam , aâ rigorem suspendendo.

20. *Sic descripta Iustitia Universalis , quâ Objecto , utroque tam Negativo quàm Positivo , differt à Virtute Universâ , quod idem habitus , quatenus ad exercitium boni actus inclinât subjectum sive habentem , præcisè virtus dicatur , eaque nuda , atque in se spectata , quatenus verò refertur ad alterum*

rum, huicquè defervit, virtute fuâ alios, totamquè Rempublicam beans, præcisè iustitia dicatur, illic consideratus ut *κτῆμις*, hîc ut *χρῆμις*: Quæ differentia in distinctione, non reali sive re, sed rationali sive ratione, modo, inquam, considerandi, non essendi, quasi toto esse differant, consistit. Nullam quippè aliam virtus universa à iustitiâ universâ essentiam habet, at benè existentiam & operationem, illâ agente domi, hâc foris & foràs, nullâ liberalitate, magnificentiâ nullâ, fortitudine & mansuetudine nullâ existente, nisi erga alios, idquè per imperium & causalitatem iustitiæ universalis, tanquam virtutis architectonicæ, omnibus imperantis, adinstar principis.

21. *Extremum Iustitia Vniversalis est Injustitia Vniversalis in Excessu pariter & Defectu, unum idemquè re vitium, differens interim ratione*, contrà quàm fit in aliis virtutibus. Cùm enim aliarum virtutum extrema, v. g. audacia & timiditas, diversis operationibus committantur atque contrariis, unicâ autem operatione impossibile sit agere secundum audaciam & timiditatem, quæ sunt excessus & defectus fortitudinis, adeoque duo sint vitia distincta, differentia inter se, & re, & ratione, injustitia, una & eadem res, unicâ operatione conficit, & plus, & minus, excessum, inquam, & defectum, qui sunt idem re, differunt ratione. Etenim, qui

v. g.

v. g. aufert, & plus habet, & alicui aufert, cui verò aufertur, is minus habet, & aliquid perdit, quo fit, ut una eademque ablatio faciat plus habere eum, qui aufert, & simul minus eum, cui aufertur, sicque iniustitia, unum re vitium, conficit utrumque extremum, differens inter se ratione tantum, prout subit rationes pluris & minoris, excessus & defectus, quia licet sit eadem res iniustitia, tamen est alia ejus ratio, ut est plus, alia verò, ut est minus. Cum ergo opponitur justitiæ iniustitia, hæc subit vicem duorum extremorum, non vitiorum vitiosorumve habituum, quorum extremorum alterum est plus habere de bonis, putà, divitiis & honoribus, & minus de malis, putà, laboribus & damnis, alterum verò minus habere de bonis, & plus de malis,

22. *Iniustitia Universalis* est vitium morale, quo non præstatur obedientia legibus, humanaque societas turbatur, sicut contraria justitia universalis, vi contrariorum, virtus moralis, quæ præstatur obedientia omnibus legibus, ad publicæ societatis conservationem, illa ἀρετή Græcis, hæc ἐννομία. Universalis namque iniustitia ita se habet ad cætera vitia, ut universalis justitia se habet ad cæteras virtutes: Quare, sicut hæc idem est, quod universa virtus, cæteras virtutes ambitu suo complectens, ita illa idem, quod universum vitium, cætera

cætera omnia vitia sub se continens, hoc cum discrimine interim, quòd iustitia universalis in uno numero homine, sive uno individuo, esse possit, eò quòd virtutes non contrariantur inter se, non item universalis iniustitia secundum totam suam latitudinem, cum vitiorum mutua contrarietas id non permittat, de quorum ratione & conditione est, ut inter se dissideant, atque ita dissideant, ut simul se compati nequeant, eò quòd malum seipsum destruat, quod si integrum, intolerabile. Sic v g unus idemquè homo simul avaritiâ & prodigalitate, audacia & timiditate, nimîâ lenitate sive lentitudine & crudelitate, laborare nequit, cum unum illorum vitiorum alterum suâ naturâ pellat, non in eodem genere tantum, sed in diverso, v g, ambitio avaritiam, hæc ebrietatem. Accedit, quòd cum omni virtuti duo repugnent vitia, qui uno horum laborat, ille nequeat simul laborare altero, v g, simul esse timidus & audax, avarus & prodigus, quo fit, ut non necesse sit, vitia inter se sororio vinculo esse connexa. Quæ res tamen non impedit, quò minùs hæc ratione iniusti dicantur, qui omnibus vitiis oppleti sunt, quia tantum vitiorum tunc intelligitur, quantum cadere in unum hominem potest.

23. *Obiectum Iniustitie Universalis sic est Injuria, ut Iustitia Universalis Ius, estquè illa nihil aliud, quàm damnum, quod invito à volente immeritò infertur. Cum autem triplex*

plex sit damnum, unum, quod ab invito fit, alterum, quod à spontè agente, tertium, quod ab eligente & volente, quorum illud αἰτύχημα Græcis, casus fortuitus Latinis, istud αἰμαρτήμα Græcis, culpa Latinis, hoc αἰδίκημα Græcis, injuria Latinis, non quodvis horum damnorum injuria, sed ultimum: Non primum, quia αἰτύχημα, sive casus fortuitus, qualis, qui humano captu prævideri nequit, aut, si maximè prævideatur, nequit impediri, est, si quid à nobis fiat ἀφ' αὐτομάτης, inopinatò atque inexpectatò, sive, per ignorantiam probabilem, & contra saltem præter rationem quodammodò, ut si venator feram persequens, hominem in vepreto delitescentem, Cephalus v g uxorem suam Procrin, pro ferâ jaculo conficiat, quo in casu, non solùm præter voluntatem agentis, sed præter opinionem atque expectationem omnium, damnum illatum est, neque quicquam, nisi per accidens, attulit, qui occidit, cùm injuria fiat à volente & sciente: Non secundum, quia αἰμαρτήμα sive culpa est, si quid committatur vel omittatur, μὴ ἀφ' αὐτομάτης sive inopinatò atque inexpectatò quidem, absque malitiâ tamen, hoc est, affectatâ ignorantia, sinequè adedò animo nocendi, id quod multis modis accidere potest, ignorando, quem, quo modo, quâ re seu organo, & cujus rei causâ, læseris, ut, si quis ex fenestrâ, in viam publicam, quâ transire solent homines, jaculatus prætereuntem

reuntem percusserit, qualis quidem volens hominem percussit, causam interim aliquam attulit læsionis, eò quòd in viam publicam telum emisit: Non primum, inquam, aut secundum, verùm tertium atque ultimum, quia *ἀδίκημα* sive injuria est damnum, cùm quis nocet sciens, atque eo animo, ut noceat, sive id fiat fraude, sive vi, quarum utraque à proposito ac studio nocendi proficiscitur, utraque etiam invito infertur, sed vis scienti, fraus ignorantì, consultò interim ac cogitatò utraque, non item similiterquè, cùm quis irà, amore, alio vè animi impetu concitatus, sine deliberatione ullà, alteri nocet, qui *ἀδικεῖ μὲν*, neque interim *ἄδικον ἐστὶ*, eò quòd non ex proæresi, atque ex malitià, seu habitu vitii, peccet, verùm *διὰ πάθος*, per affectum, qualia *ἀδίκημα* sunt *ἀπεργάζεσθαι καὶ ἀπεθρῆναι*, ut horum causæ, *τὰ πάθη*, putà, quæ ut sint *ἐκείνα* propriè, quia cum scientià, & quia voluntas ea frenare, & potest, & debet, tamen *ἀκείνα* impropriè, quia horum non est autor is, qui irà, aut alià animi perturbatione commotus, quid fecit, sed is, qui laceravit. Atque hujus rei signum est, quòd illi, qui injuriæ postulatur, quam non intulerunt deliberato animo, sed justà irà provocati, confitentes factum soleant se tueri ipso jure, cùm, qui deliberato animo alicui intulerunt injuriam, non se jure, sed facti negatione, soleant defendere.

De

24. De hoc Objecto Injustitiæ Universalis, siue Injuriam, disputatur in Peripato, tum ratione Subjecti Ferentis Injuriam, hoc est, Injuriati, an videlicet volenti eâ queat fieri, tum ratione Subjecti Inferentis Injuriam, hoc est, Injuriantis, an videlicet quis eam sibi queat facere, atque ita simul esse, & Iniuriatus, & Injuriatus?

25. Quod attinet primum nodum, An videlicet volenti possit fieri injuria propriè dicta, hunc solvunt Moralistæ, distinguendo Voluntatem inter Rectè Compositam, Regulatam, Solutam, Absolutam, Plenam, Expressam, Injuriamquè in Sensu Formali, & Voluntatem Defectu Laborantem, Erroream, Ligatam, Conditionatam, Semiplenam, Tacitam, Injuriamquè in Sensu Materiali.

26. Priori concipiendi modo injuriam fieri posse negant volenti, tum quia contrariorum contraria sint attributa, facere verò & pati injuriam sint contraria, quare, si illud voluntarium, hoc involuntarium, tum quia injuria sit spontanea & malitiosa læsio, nemo autem se spontè & malitiosè lædat, lædivè vellet, cum nemo intendens ad malum operetur, injuria autem sit in malis, tum quia nemo appetat simpliciter sui destructionem, appeteret autem, appetendo injuriam, conjunctam cum boni alicujus privatione, majori

752 INSTIT. ETHICARUM
minorivè pro re natâ. Quòd si ita, cùm Glau-
cus Homericus dat arma aurea accipitquè fer-
rea ab hospite Diomede , eo ipso haud passus
est injuriam , quia dedit spontè, inquè pote-
state ejus fuit, non dare. Permutatio quidem
ipsa fuit injusta , permutanti interim non est
facta injuria , quæ nolentis, non volentis, &
à faciente, non patiente. Ex quibus perspi-
cuum , posse quem injustam rem perpeti vo-
lentem , ut tamen nullam accipiat injuriam.
Ut enim omnes , qui perpetiuntur injuri-
am, etiam perpetiantur rem injustam, tamen
non contrâ, qui perpetiuntur rem injustam,
etiam perpetiuntur injuriam , quia fieri ne-
quit , ut accipiatur injuria , ubi nemo est , qui
eam intulit , ut si v. g. ignorans quis alium
percutiat , qualiter percussus non accipit in-
juriam , eò quòd percussor illam non faciat ,
quippe ignorans, quamvis injustum interim,
& ille faciat , & hic patiatur.

27. Posteriori concipiendi modo injuriam
fieri posse affirmant Volenti, Voluntate Defe-
ctu Laborante, sive eclipsin moralem patiente,
propter perturbationem nimiam , quomodo
armiger Saulis haud dubiè injuriam intulisset
homini desperabundo , si ipsum , cædem sui
præcipientem, trucidâisset, licet eam non ap-
peteret sub specie injuriæ : Voluntate Erro-
neâ , sive ea sit simplicis & puræ negationis,
quomodo Josephus haud dubiè fratres suos
magnâ affecisset injuriâ , si in voluntariâ eo-
rum

rum sententiâ , contra seipſos dictatâ , acqui-
 eviſſet , ſive pravæ diſpoſitionis , ut ſi quis fu-
 riſo petenti cultrum porrigeret , eoquè ille
 ſe vel alium læderet : Voluntate hinc Liga-
 tâ , vel Naturaliter , ut ſi puer vellet omne,
 quod ſuum eſt , alteri largiri , & is oblatum
 acciperet , qui injuriam utique hætenus
 pateretur volens , vel Moraliter & Civiliter ,
 ut ſi quis alteri volenti manum detruncaret ,
 cùm nemo ſit dominus membrorum ſuo-
 rum , ita ut de iis poſſit pro ſuo arbitrio diſ-
 penſare : (Ut enim ceſſio juris locum ha-
 beat in iis , in quibus jure noſtro cedere poſ-
 ſumus , v. g. de famâ , honore , & bonis exter-
 nis , quorum ſumus domini , quia ſunt diſ-
 poſitionis noſtræ , tamen non item in iis ,
 quorum non ſumus domini , ſed cuſtodes tan-
 tum , ut vitæ & membrorum , in quibus jure
 noſtro cedere haud poſſumus , aut , ſi cedamus ,
 ceſſio eſt invalida , permanente toto jure in
 vigore , ut ſi quis interficeret Titium volen-
 tem , aut eo volente adulterium committeret
 cum uxore ejus , bis malè , quia neutro jure
 valuit cedere , nec alter ſic ceſſo uti , utroque
 peccante , quia alter voluit , quod velle per
 leges non licet , alter verò fecit , quod face-
 re per leges non licet : Voluntate inſuper con-
 ditionatâ , ut , ſi ſub certâ conditione quis
 perſolvat uſuram ultra sortem egeſtate preſ-
 ſus , quò præſenti neceſſitati ſubveniat , id-
 què volens nolens , qualis injuriam patitur ,

quia ita vult, ut mallet simpliciter sortem restituere absque usurâ, saltem tali usurâ, siquidem gratis usurarius, licitâ vè usurâ, pecuniam mutuari vellet, sicut &, qui latronibus pecuniam dat volens, quò vitam redimat, et si volens eam det, quia non censetur viator cessasse jure suo, si quo modo involuntariè, renitentequè ac reclamante affectu consentiat, inductus ad id ab eo, qui læsurus est, interveniente ex unâ parte voluntate, ex alterâ verò dolosâ persuasionem, deteriore existente violentâ coactione, jam verò is, qui decipitur, pro nò volente habetur, cui ideò fit injuria ex hoc capite: Voluntate præterea Semiplenâ, putâ, cum volens non habet voluntatem integram supra totam actionem cadentem, ut cum martyres volentes martyrium patiuntur, quò lucrentur cœlum, nolentes verò, ne martyrisantes in æternum pereant, atqui, cum volens non totaliter sed partialiter, quid vult, alioquè fine & modo vult læsionem, quàm ipsi infertur, v g. martyres, ut veram religionem sanguine suo confirmarent, τὴν ἀληθινὴν πίστιν, τὴν ἀληθινὴν πίστιν, martyrisantes, ut eam stirpitùs extirparent, excruciatìs & excarnificatis confessoribus ejus, hæctenus injuriam patitur, quoniam, ne cui injuria fiat, non sufficit voluisse quid ex parte, verùm omni ex parte: Adhuc Voluntate Tacitâ, si v g. invidus volens patiatùr levisculum damnum, quò alteri noceat, Titius vè sibi velit Sempronium furari equum, quò ei

suf-

suspensum adjudicetur, qui Sempronius, si optata Titii exequeretur, nã ille injuriam pateretur volens, ut non voluntate expressi, saltem tacitã: Denique in sensu materiali, non formali, ut cùm avarus, suum defraudans genium, opes multas corradi, qui injuriam quidem sibi ipsi infert volenti in sensu materiali, si nudus actus, absq; consideratione intentionis ad ulteriorem finem, perpendatur, at nõ in sensu formali. Quamvis enim, quòd defraudat genium suum avarus, in se, & in rei veritate, injuria sit, tamen injuria ipsi non videtur esse, eò quòd defraudatio illa genii avari ingenio sit conveniens, qui ideò injuriam sibi infert, non formaliter, sive sub specie injuriæ, & cum proposito nocendi, sed materialiter tantùm.

28. Quod attinet secundum nodum, *an videlicet quis sibi ipsi possit facere injuriam propriè dictam, nominatim Αὐτοφόνος sive Propricida*, hũc solvũt Moraliste, negãdo quẽ sibi posse facere injuriã, tũ quia, qui facit injuriã, & spõtẽ faciat, & consultò, & prior, & alteri, habendo plus, at, qui injuriã patitur, & invitus patiatur, nulloquẽ, ut id patiatur, consilio adhibito, & postquam illata ea fuerit, & quidem alteri, habendo minus, jam verò nemo idẽ simul possit esse volens & invitus, consultò & præter cõsilium, prius ac posterius, in se quasi in aliũ & ad alterum agere, haberequẽ simul plus & minus, quorũ illud in lucro, hoc in dãnò esse solet, eodemquẽ adeò tempore inferre simul & pati

malum, quæ συνάδύνατα, immò ἀσύστατα, tum quia, si quis sibiipſi poſſet facere injuriā, tum aut contra univerſalem juſtitiam eam ſibi illaturus ſit, aut contra particularē, non cōtra illam, quia, qui univerſaliter eſt injuſtus, is peccet contra aliquam legem, nulla autē ſit lex, de non faciendā ſibi injuriā, atque ut maximè eſſet, ſic injuria legi fieret & Reipublicæ, non injurianti; cū volens patiatur, quicquid patitur, non etiam contra hanc, quia hæc ſit τοῦς ἑπ' ἐγὼ, nemo autem à ſeipſo ſit ἐπ' ἐμὲ, tum id, facturum quis ſit ſecū- dum certam aliquam ſpeciem injuriæ, putà, furando, adulterādo, decipiendo, id quod fieri nequeat, cū nemo poſſit rem ſuam furari, nemo cū ſuā ipſius uxore adulterium cō- mittere, nemo ædium ſuarum parietem per- ſodere, depositum ſibi reddere nemo.

29. *Quòd ſi quis ſibi nequit facere injuriā volens, ergò nec ἀνιόχετε ἢ ἀνιόφον & ſive Propri- cida*, quia ſicut juſtitia ſemper eſt ad alte- rum, ita & injuſtitia, & per conſequens in- juriā, ſaltem externa, quā ſpontē alicui, con- tra illius voluntatē, nocetur, non perindē in- terna, quā quis adverſus potiorē & nobiliorē ſui partē, putà rationem, in eodem ſuppoſito eſt injurius, licet interim hoc ſtante, neq; ta- tamē obſtante, hic talis injuriā faciat Deo, in quantum eſt aliquid Dei, ſcilicet imago ejus, fa- ciat naturę, in quantum eſt creatura rationalis, faciat Reipublicę, in quantum eſt pars ejus.

CAPUT XLIII.

De Iustitiâ Particulari in genere, in specie verò Iustitiâ Distributivâ, & hujus Extremo, id est, inde & hinc, hinc & inde, Injustitiâ Prosopopeptica.

§. 1. **I**ustitia Particularis, si Rem sive Realitatem ejus spectes, non Nomen sive Nominalitatem, quâ delectum capite antegresso, est Virtus (putà Moralis, sive Acquisita Morè,) servans Mediocritatem in Distribuendo & Commutando, Inter Plus & Minus, ita hominem instruens, ut nec de externis bonis, hoc est, præmiis, honoribus, muneribus, pecuniis, & id genus aliis, sibi sumat plus, & minus alteri relinquat, nec de malis, hoc est, meritis & pœnis, minus sibi & plus alteri tribuat, quàm par est, jurequè illi debetur. Contrà ut distincta ita distinguenda à justitiâ universali. Ut enim in eâ contineatur materialiter, non secùs ac linea in lineato, principium in principio, elementum in ordo ex elementis, unitas in multitudine, ita, ut qui est justus justitiâ universali, etiam sit justus justitiâ particulari, differt tamen ab eâ formaliter, cum justitia universalis nihil sit aliud, quàm *συμμετρία καὶ συμφωνία* omnium virtutum, quod non item dici potest de justitiâ particulari, quæ tantummodò occupata est circa *ισότηα* æqualitatem, tribuendo cuique, quod suum est.

2. *Iustitia Particularis subdividitur in Διανεμητικήν, Distributivam sive Assignativam, & Διορθωτικήν ἢ Εἰσπαιρωτικήν Correctivam, Commutativam vulgò.* Cujus bimembris divisionis hæc ratio bimembris : Una, quòd justitia particularis versetur circa bona fortunæ, ea autem sint, vel publica, vel privata, cumquè illorum nullum sit commercium, permutatio nulla, sed potiùs donatio ac divisio, hinc fit, ut, quæ in rebus publicis cernitur justitia, meritò Græcè sit dicta Διανεμητική, quâ munera & onera distribuuntur inter eos, qui ejusdem civitatis, aut omninò societatis vel familiæ sunt participes, horum verò sit aliquod commercium, hinc fit, ut, quæ in privatis rebus cernitur justitia, meritò Græcè sit dicta Διορθωτική ἢ Εἰσπαιρωτική, quâ fraudes privatorum in commerciis, rebusquè contrahendis, corriguntur, illic spectatâ personarum ratione, hic rerum æquatione : Altera, quòd eadem justitia particularis ordinet, vel totum ad partes, hoc est, id, quod commune, ad singulas personas, quem ordinem dirigit justitia distributiva, distributrix quæ est secundum communem proportionalitatem, vel partem ad partem, hoc est, unam privatam personam ad aliam, quem ordinem dirigit justitia commutativa. Sicut enim vel totum cum parte comparari potest, vel pars cum aliâ aliquâ parte totius, ita etiam, vel Respublica cum privatâ per-

sona conferri potest, vel persona privata cum quâlibet aliâ personâ privatâ. In utroque ordine certa quædam officia continentur, quorum, quæ à Republicâ singulis privatorum præstanda sunt, à justitiâ distributivâ, quæ singuli singulis præstare debent, à justitiâ commutativâ præscribuntur.

3. *Iustitia Distributiva sive Assignativa; si Nomen sive Nominalitatem ejus spectes*, denominationem suâ accepit à distribuendo & assignando, quod unicuique suum distribuat & assignet, præmiâ pro meritis, Remunerativa inde, supplicia pro demeritis, Punitiva inde vulgò: *Sin Rem sive Realitatem* ut sic est virtus, (putâ Moralis, sive Acquisita More,) servans Mediocritatem in Distributione Rerum Communium, quæ inter eos dividi solent, qui unius Reipublicæ communione sunt conjuncti, servatâ Proportionem Geometricâ: Vel sic: *Iustitia Distributiva est virtus moralis, quæ in distributione rerum externarum, pro factis, cuique id, quod suum est, tribuit secundum proportionem geometricam.*

4. Juvat ἀναλύνειν. *Definitio hac constet Genere, & Differentiâ Specificâ.*

5. *Genus Iustitia Distributiva est Virtus Moralis*: Quia de re? Quia enim & ipsa suo loco est habitus *ωρετικὸς* electivus, habēs requisita virtutis moralis, rectâ rationē pro principio agēdi, mediocritatē inter plus & minus pro medio, honestatem verò pro fine, bonū faciens.

tius communitalis omnes ferre tenentur , unde fit , ut quicquid non debetur cuiquam , tanquam de communibus bonis , neque ferendum imponitur , ut publicum & commune onus , illud non distributivæ fed commutativæ fit iultitiæ , five præmia fpectes , five pœnas : Præmia , ut fi Refpublica ftipendium alicui perfolvat , certifvè beneficiis compenfet operam peculiariter fibi præftitam , putà , fi rem in bello quis ftrenuè gesserit , conjurationem detexerit , confiliumvè egregium principi dederit , non erit hic actus iultitiæ distributivæ , verùm commutativæ , quia distributio eft nuda attributio eorum , quæ totius funt ad partes , perfolutio autem ftipendii , collatioquè hujuscemodi beneficiorum , compensatio quædam eft & merces , nec ideò cuiquam contingit , quia civis eft , fed quòd labore & induftriâ fuâ id comæruit , quorfum vel in ariftocratia luculentius beneficium conferri videas nonnunquam plebejo , quàm nobili , licet in distributione communium præmiorum nobilis plebejo illic præferri omninò debeat : Pœnas , quia harum irrogatio non distribuit malum aliquod omnibus civibus commune , quâ civibus , quoniam non ut onera ita pœnæ inter cives omnes diftribui folent , ut finguli partem , auferant ; tanquam de publico , ejusquè aliqua portio omnibus cedat , cumquè his irrogantur , non irrogantur , quâ civibus , cum nemo ideò fupplicio

afficiatur, quia civis, sed quia facinorosus, nemoquè ut sic in Republicâ viveret impunis, (ut enim civis sit, qui punitur, non tamen ideò punitur, quia est civis, sed quia hoc aut illud deliquit, quod puniri Reipublicæ interest,) neque cùm irrogantur, secundum dignitatem seu personam & locum irrogantur, quem inter cives quis tenet, qui ut multis de causis cuiquam contingere potest, ita etiam merita hîc variant, quia secûs, pro eodem delicto, nobilis & liber acriùs, ignobilis & servus mitiùs puniendus esset, sicutquè onera opulentorum sunt majora, ita eorundem poenæ majores esse deberent, contra juris regulam. Quid multis? Ut inflictiò poenarum, vindictioquè injuriæ factæ, ad distributivam justitiam pertineat ratione irrogationis & executionis, ipsa tamen adæquatio, culpam inter & poenam, est actus justitiæ commutativæ.

11. *Objectum Externum Positivum iustitiæ Distributivæ sunt Res Communes, ad universam Rempublicam pertinentes, ceu sunt, Pecuniæ & Reditus Publici, Honores, Magistratus, Dignitates, Victus Publicus, Sepultura Publica, duobus verbis, Munera & Onera Publica. Munera Publica.* Quoto enim dignitatis gradu, v g, capitaneus est superior locumtenente, toto etiam gradu præda capitaneo assignata superare debet prædam locumtenenti attributam. *Onera Publica.* Quoto namque divitiarum gradu superior est merca-

tor

tor sartore, toto etiam onera publica illius, ampliora esse convenit hujus oneribus, Titii, v g, possidentis possessionem mille florenorum, Sempronii, possidentis possessionem centum florenorum, illo in censu annuo pendente tres florenos, hoc tres asses.

12. *Officiū Iustitiæ Distributiæ circa suum Objectum est, Tenere Medium inter Nimum & Parum, secundum Proportionem Geometricam, spectatā dignitate personarum, inter quas fit distributio, hoc est, loco, quem inter cives quæque earum tenet, & precio rerum distribuendarum, non tam personas personis, aut res rebus, æquando, quàm personarum & rerum convenientiam efficiendo, cū certo quodā personarum ac rerum, si fas ita loqui, coāspectu & correspectu, ut si arma Nestoris, habentia se ut 6, in præmium cedant Ajaci, habenti se ut 4, arma verò Achillis, habentia se ut 12, in præmium Ulyssi, habenti se ut 8, quæ distributiæ ter iusta, tum quia, ut Ajax se habet ad Ulyssē, ita se habent arma Nestoris ad arma Achillis, & Ajax cum armis Nestoris ad Ulyssē cum armis Achillis, utquē idem Ajax se habet ad arma Nestoris, ita Ulyssēs se habet ad arma Achillis, & Ajax ac Ulyssēs ad arma Nestores & Achillis inclusivè. Est autē Proportio Geometrica, (ut hoc obiter addā, immò verò nō obiter,) quādo ita numeri progrediūtur, ut, quoties primus eorū cōtinetur in secūdo, toties tertius contineatur in quarto, & sic deinceps,*

qualis proportio in his numeris, 2. 4. 6. 12. Sicut enim se habent 2. ad 4, ita se habent 6 ad 12, & ut binarius bis continetur in quaternario, ita senarius bis in duadenario. Ut ita proportio Geometrica observet rationem qualitatis, hoc est, rationis comparisonem, spectetquè similitudinem, non æqualitatem, consuetudine mensuræ Romanæ.

13. *Sic descripta Iustitia Distributiva, quæ Obiecto, & quæ Officio circa illud Obiectum, differt ne differt à Iustitiâ Commutativâ. I. Functionibus sive actionibus.* Etenim iustitiæ distributivæ proprium munus, distribuere bona & mala inter eos, qui in civili societate versantur, pro dignitate conditione & merito personarum, v. g. pecunias, præmia, honores, horumquè contraria, ignominias, poenas, supplicia, iustitiæ verò commutativæ munus, in rerum permutatione servare æqualitatem, II. Subiecto agente. Etenim iustitia distributiva propriè pertinet ad eos, qui personam publicam gerunt, ut sunt magistratus, vel veri, vel similitudinarii, iustitia verò commutativa ad privatos homines, qui inter se contrahunt III. Obiecto, sive materiâ circa quam. Etenim iustitia distributiva personarum rationem habet, distribuitquè bona & mala, præmia & onera, pro harum dignitate & conditione, iustitia verò commutativa id operam dat, ut in commutationibus, pactis,

paëtis, rebusquë contrahendis, quisque suum consequatur, ita ut commutatione factâ utraque pars æqualem pòrtionem ac proportionem habeat. IV. Objecorū formalibus, hoc est, modis tendendi in objectum. Etenim justitia distributiva tendit in rem quodammodò debitam, cùm non semper civi tantum detur præmii, quantum suâ dignitate meretur, justitia verò commutativa tendit in rem tanquam absolutè debitam. V. Formâ seu mediocritate, tam absolutâ, quàm relatâ. Etenim justitia distributiva servat medium rationis, proportionemquë geometricam, respectu personarum, justitia verò commutativa medium rei, proportionemquë arithmeticam, respectu precii rerum, quæ permutantur.

14. *Extremum iustitiæ Distributivæ est, inde & hinc, hinc & inde, Injustitiæ Prosopoleptica*, vitium quæ morale, quo præmia & pœnæ inæqualiter, hoc est, æqualia inæqualibus, aut æqualibus inæqualia, distribuuntur, quando solvendum est debitum, tantum, v g, ubi præmiorum res agitur, datur Ajaci, quantum Achilli, Achilli, quantum Ajaci, ubi verò pœnarum res agitur, non tantum Sejo furi diviti, eum absolvendo, quantum Titio furi pauperi, eum suspendendo, quo jure, quâvè injuriâ. Ut ita committatur prosopolepsia, sive acceptio personarum, & injustitiæ prosopoleptica, (accepto nomine personæ, non

non in prædicamento substantiæ, pro individuo per se subsistente intelligente atque incommunicabili, sed in prædicamento accidentis, pro qualitate personæ, siue conditione & statu, non histrionico & comico tamen, hoc est, ficto, sed vero,) tam in præmiorum collatione, si circumstantiæ, quæ sunt extra finem illum, ob quem conferuntur honores & præmia, respiciantur, ut si in honore docturæ conferendo spectetur ætas personæ, cognatio, amicitia, non eruditio, officiorumquæ publicorum distributione, ut si oculus flectatur in conditionem officio nihil profuturam, v g. in opes, statutam, formam, quàm in pœnarum irrogatione, cujus finis, ex æsse satisfacere parti læsæ, hoc est, actori, non attentis divitiis familiâ potentiâ rei, & si qua sunt generis ejusdem, quod ubi fit, justitiæ distributiæ lanx non est in æquilibrio, sed disquilibrio.

CAPUT XLIV.

De Iustitiâ Commutativâ, & hujus Extremo, id est, inde & hinc, hinc & inde, Injustitiâ Commutativâ.

§. I. **J**ustitiâ Commutativâ siue Correctivâ, si Nomen siue Nominalitatem ejus spectes, hoc nomen accepit à commutando & corrigendo, ab illo materialiter, eò quòd versetur circa commutationes & contractus, mutuasquæ obligationes moderetur, ab hoc
for

formaliter, eò quòd, si quid in rebus contra hendis peccetur, id corrigat, quòd fraus omnis absit, damnumquè sarciatur, unâ parte tantum dante secundum equalem compensationem, quantum ab alterâ gessit accipere, ne, si altera usque minus acciperet in commutatione, ad paupertatem redigeretur, commutatioquè minus foret diuturna: *Sin Rem siue Realitatem*, ut sic est Virtus, (putà Moralis, siue Acquisita More,) servans Mediocritatem in Contractibus, secundum Proportionem Arithmeticam.

2. Juvat ἀναλύειν. *Definitio hac constat Genere, & Differentiâ Specificâ.*

3. *Genus Iustitia Commutativa est Virtus Moralis*: Quâ de re? Quia enim & ipsa suo loco est habitus *ωσαυτεπικὸς* electivus, habens requisita virtutis moralis, rectam rationem pro principio agendi, mediocritatem inter plus & minus pro medio, honestatem verò pro fine, bonumquè faciens habentem, opusquè ejus rectum & perfectum dans, quod proprium virtutis moralis: Ubi autem ingredientia virtutis moralis, ibi & ipsa virtus moralis.

4. *Differentia Specifica Iustitia Commutativa sumitur ab Objecto ejus, Adjunctoquè Officio circa illud Objectum.*

5. *Objectum Iustitia Commutativa & ipsum, vel Internum est, vel Externum, ex quo utroque simul sumto objectum ejus totale atque adæquatum conflatur.*

6. Ob-

6. *Obiectum Internum Iustitiæ Commutativæ, non tam iterum sunt Affectus, quàm Actiones Interna inde prodeuntes*, uti notatum capite præcedenti, præquè declaratum præquè cedenti, quæ vide.

7. *Obiectum Externum Iustitiæ Commutativæ universè, vel Negativum est, vel Positivum.*

8. *Obiectum Externum Negativum Iustitiæ Commutativæ sunt Contractus Publici, & Poena Publica. Contractus Publici*, tam quoad formam, cùm sint actiones publicæ, non privatæ, quàm materiam, quæ & ipsa publica, hætenus fori distributivi; non commutativi, cui subjiçiuntur tantùm res, in quas juris quidquam alicui est, alio quàm publico nomine, ut si Respublica quid emat à privato, quo in casu illa cogitur solvere precium juxta proportionem arithmeticam, equè atque quilibet privatus, quoniam equè contrahit ac privatus, uti &, si solvat stipendia pro præstito servitio iis, quorum operam peculiariter conduxit, quoniam omne salarium compensatio quædam est operæ, quam ex contractu quis præstat, cùm distributio publicorum bonorum, nec ex contractu fiat, nec ad quidquam compensandum, verùm ideò, ut ejus, quod jam antea est communitalis totius, singuli partem possideant. Dico, alio quàm publico nomine, ut si Respublica contrahat fœdera, vendat regalia vetera, vendat privilegia atq; officia

officia publica, redditus publicos, quæ venditio actus justitiæ distributiæ esse videtur, non commutativæ, cum præcisione, sive in rigore. *Pœna hinc Publica*, centesimatio, vicesimatio, decimatio, exautoratio integræ legionis, pœna universitatis in qualitate universitatis, ceu sunt, multa, publicatio bonorum, privilegiorum ademptio, æquatio murorum, reductio & redactio urbis in agrum pascuum, supplicium sumtum vel de universis, vel de solis capitibus, hoc est, ducibus & ductoribus, qui actus justitiæ distributiæ, si minùs ratione adæquationis, spectantis æqualitatem culpam inter & pœnam, quæ fori commutativi, minimùm ratione executionis, quæ fori distributivi.

9. *Objectum Externum Positivum Iustitiæ Commutativæ sunt Res Privatorum, sive Contractus, qui inter Privatos ineuntur*, vocabulo contractus sumto, non strictè, pro unâ contractuum specie, obligatione putà ultro citroquè factâ, ita ut utrinque nascatur obligatio, ceu sunt, emptio & venditio, conductio & locatio, quomodo qui vendit, ex eo quodd vendidit, obligatus est ut tradat, sicut & qui locat, ex eo, quodd locavit, altero obligato, ut prectum persolvat, id quod in aliis contractibus non ita fit, v g. in mutuo, in quo petens centum coronatos mutud, est obligatus, ut reddat, mutud dans non item,

item, stipulationequè, in quo contractu, promittens centum coronatos, est obligatus ad persolvendum, alter non item, non, inquam, strictè pro obligatione ultrò-citrò-què facti, permutationevè, cùm res pro re datur, equus pro bove, commerciovè, inter v. g. furem, & eum, cui quid furto auferitur, raptorem, & cui quid eripitur, inter quos nemo facillè dixerit intercedere commercium, nisi latiùs vocabulum commercii, quàm vulgò, accipiat, sed latè & laxè, pro quâlibet obligatione, sive ex contractu nascatur, sive ex Quasi-Contractu, sive ex Maleficio, sive ex Quasi-Maleficio, quò & JurisConsultos Contractus vocabulum videas interdum porrigere, cùm contrahere fraudem, contrahere delictum, dicunt.

10. *Et ita Contractus, circa quos vertitur & versatur Iustitia Commutativa, tanquam circa Objectũ Externũ Positivũ, universè sint Contractus Voluntarii, vel Quasi-Voluntarii, & Involuntarii sive Inuiti, vel Quasi-Involuntarii, sive Quasi-Inuiti.*

11. *Contractus Voluntarii dicuntur obligationes ex contractu, cùm utrinque est animus contrahendi, resquè aliqua ex consensu utriusque partis transfertur in alienam personam; cum ratione debiti. Dico, cum ratione debiti. Si enim omninò transferatur, non modò quoad usum, sed etiam*

etiam quoad dominium , absque ullâ spe compensationis , actio liberalitatis erit , non justitiæ commutativæ. *Fiuntquè , vel Re , vel Verbis , vel Litteris , vel Consensu. Contractus re* perficiuntur , qui non consistunt in conventionem solâ , sed requirunt rei traditionem , ceu sunt , Mutuum , quò referenda est Usura , Commodatum , Depositum , Pignus. *Contractus verbis* perficiuntur , qui requirunt certam verborum formulam , ceu sunt , Stipulatio , Promissio , Fidejussio. *Contractus Litteris sive Scripturâ* perficiuntur , qui ante scripturam rati non habentur , nec nisi confecto à notario publico instrumento , ceu sunt Nomina. *Contractus Consensu* perficiuntur , qui non requirunt certam verborum formulam , & in quibus sufficit consensus , quovis modo exterius utrinque explicatus , ceu sunt , Emtio , Venditio , Locatio , Conductio , Societas , Mandatum.

12. *Contractus Quasi-Voluntarii* dicuntur obligationes ex quasi-contractu , quales , qui nascuntur ex Negociorum Gestione , Rei communione , Tutelâ , Aditione Hereditatis , Solutione Indebiti.

13. *Contractus Involuntarii sive Involi* dicuntur , obligationes ex maleficio , fiuntquè unâ parte invitâ , non ratione ejus , qui eos suscipit , seu agentis , qui sciens & volens agit , sed
ratione

ratione ejus , in quem suscipiuntur , seu patientis , cui vel ignoranti vel nolenti fit injuria. Suntquè , vel Clandestini, vel Violenti. Contractus Involuntarii Clandestini dicuntur, qui per dolum nolentibus inferuntur, ceu sunt, Furtum, Adulterium , Veneficium, Lenocinium, Servi Alieni Corruptio , Cædes Dolorosa, Falsum Testimonium. Contractus Involuntarii Violenti dicuntur, qui per vim nolentibus inferuntur, ceu sunt, Verbera, Vincula, Cædes, Rapina , Mutilatio Corporis, Convici-um, Contumelia.

14. *Contractus Quasi-Involuntarii sive Quasi-Inviti* dicuntur obligationes ex quasmaleficio, quales, qui nascuntur ex Venæ Sectione, & Medicamenti Exhibitione, Malâ magis quàm Malitiosâ, adeoque per Vitium Artis potius quàm Moris, Domesticâ hinc Dejectione vel Effusione , per Incuriam magis quàm Injuriam &c.

15. *Officium Iustitiæ Commutativæ circa suum Obiectum est, Tenere Medium inter Nimum & Parum, tam in Contractibus Voluntariis, quàm in Involuntariis sive Invisis, secundum Proportionem Arithmeticam, nullo habito personarum respectu per se, ut quædam tantum differentiam intueatur, personis verò utatur ut equalibus.*

16. *In Contractibus Voluntariis.* Quòd si enim v. g. arma, vinum, frumentum, vestes, & aliæ res, vendantur, iustitia commutativa mercis

mercis & precii summam efficit æqualitatem secundum proportionem arithmeticam, quicumque tandem sint contrahentes, consul an licitor, dives an pauper, amicus an inimicus, cognatus an alienus, civis an hospes.

17: *In Contractibus hinc Involuntariis sive Inviis.* Quòd si enim, (ut maneam in hoc circo & circulo,) homo aliàs probus, si non moraliter, saltem civiliter, defraudet bipedum nequissimum, non minùs nec minor hæc fraus & injuria, quàm si pessimus defraudaret optimum, ideoquè ex eo res poenâ digna, non minùs punienda in istâ personâ, quàm in alterâ. Si enim personæ dignitas non vetat, quòminùs sit delictum, quod delictum aliàs per se est, nec eadem impedire potest, ne poenâ sit dignum, quam aliàs commeretur, servatâ proportionem arithematicâ culpam inter & poenam. Est autem Proportio Arithmetica, (ut hoc obiter addam, immò non obiter,) cùm numeri ita progrediuntur, ut æqualis inter omnes sit distantia, ita, ut quantum primum superat secundus, tantum tertium superet quartus, qualis proportio in his numeris, 2. 4. 6. 8. Quantum enim distant 2 à 4, tantundem absunt 6 ab 8, & ut binarius à quaternario superatur duabus unitatibus, ita senarius ab octonario. Ut ita proportio Arithmetica observet rationem quantitatis, hoc est, numeri intervallum, spectetquè æqualitatem, facta factis, res rebus, sine personarum delectu

774 INSTIT. ETHICARUM
delectu exæquans, consuetudine mensæ Ho-
mericæ.

18. *Sic descripta Iustitia Commutativa, quæ Objecto, & quæ Officio circa illud Objectum, differt à Talione Absolutâ, ut quæ diversa sit ab omni Iustitiâ, quæ Distributivâ, quæ Commutativâ. A Iustitiâ Distributivâ diversa & Talio Absoluta, quia in eâ habetur ratio personarum, secundum proportionalitatem rerum ad personas, ut, quò quisque, qui læditur, est major dignitate aut meritis, eò sit is, qui lædit, gravius puniendus, gravius v. g. is, qui principem aut magistratum, patrem aut matrem, verberavit, quàm qui servum, majoriquè contrà præmio afficiendus, qui v. g. patriam servavit, cui servatori quæ par gratia referri potest à servatâ patriâ; quid contrà pativè aut recipere potest ab eâdem, secundum legem talionis absolutæ? Nihil in rigore, ut cujus talionis tenor sit, ut idem fiat in te, & tibi, quod tute feceris in alio, & alii. A Iustitiâ Commutativâ quoq; diversa est Talio Absoluta, si-
ve, simplex retributio ejusdem pro eodem, citra omnem proportionem, quia neque locum habet in Contractibus Voluntariis, neque in Contractibus Invitis. Non in contractibus voluntariis, quoniam regionum & studiorum diversitas non permittit, ut eadem reddantur pro iisdem, v. g. vinum ejusdem generis pro vino ejusdem generis, & universæ res pro re, eò quòd res alterius possit esse major,*

major, quàm tua, quia, inquam, hoc ferre nequit, vel agrorum & regionum dissimilitudo, cùm non omnis ferat omnia tellus, illa vitibus magis conveniat, hìc benè farra vi-
 reant, segetes hìc, illic veniant feliciùs uvæ, arborei foetus alibi, vel diversa hominum con-
 ditio & necessitas. Quo enim, sodes, modo, aut jure, cùm futor ocreas alicui aut calceos dederit, potest is ei dare vicissim ocreas aut calceos, cùm non sit futor, siquè faber ædifi-
 caverit medico domum, quomodo is vicissim ei ædificabit domum? Sed nec in Contractibus Invitis. I. Quia inæqualitas personarum inducit inæqualitatem in delictis ejusdem generis, nec permittit, ut idem quis specie patiatur, quod fecit, recipiendo æqualia, cùm fieri possit, ut quis percusserit hominem in magistratu constitutum, quo in casu non satis erit, si reperiatur percussor, verùm po-
 nas ille mihi luet, & plus patietur, fieri quia potest, ut in magistratu constitutus percusse-
 rit aliquem ex privatis, qui propterea non o-
 cyùs debet reperi, pative eadem, ob gèmi-
 nam rationem, sicut nec, si vel liber servum percusserit, dominusvè famulo dederit ala-
 pam, oculumvè quis alteri effoderit, quibus in casibus non datur actio ad paria, ob mino-
 rem passionem, majoremvè actionem ejus-
 dem speciei. II. Quia multum interest, spon-
 tè quis, an per ignorantiam, malitiosè an in-
 cautus, percusserit alium, quibus in casibus si

talio absoluta haberet locum, tunc quod per imprudentiam vel incuriam est factum, retaliari deberet per easdem. Quoniam igitur modo imprudentem vel incautum poterit imitari, qui in exequendâ talione, non licentiæ jus habet, nedum decentiæ, sed imprudentiæ & negligentæ, cum ictus fortuitus & incautus non cadant sub ejusdem talionis similitudinem cum consulto & cauto. Taceo, quòd acerba atque inhumana talionis sic futura sit executio. Etenim, cui membrum ab alio ruptum est, si ipsi iterum rumpere membrum per talionem absolutam quis velit, quæro primum, an efficere possit rumpendi pariter membri æquilibrium? Deinde, si quid plus aliterve fuerit commissum, annon res fiet ridiculæ atrocitatis, & annon contraria orietur inde actio mutux talionis, adolescente sub manu infinitâ quâdam reciprocaione talionum? III. Quia talionis ea est natura, putâ absolutæ, ut quibusdâ rebus penitus adhiberi nequeat, saltem nequeat ad vivum, exactè, atque in rigore, cum multa sint delictorum genera, quæ sine turpitudine retaliari haud possunt, v. g. adulterium, furtum, perjurium. Unde concludendo concludo, fide dictorum, utut talio jus sit, inquè rebus contrahendis suo loco sit necessaria, non tamen absolutè simpliciter & verè jus esse.

19. *Non item, similiterve differt eadem Iustitia à Talione Analogicâ sive Proportionali, red-*

reddente non idem unicuique, sed aliquid, quod proportionem ei respondeat, v g, pro institutione æquipollens precium, pro colaphi inflictione æquivalentem multam, quæ talio ipsissima iustitia commutativa, locum habens, tum in Contractibus Voluntariis, tum in Contractibus Inuitis. In Contractibus Voluntariis, siue Permutatione Rerum, quæ, si Æquales, tunc simplex *ἀντίδοσις*, per se iusta, si Inæquales, quæ quantitate, quæ qualitate, hoc est, numero magnitudine bonitate, uti ferè fit, quia Respublica non consistit ex iisdem, verum dissimilibus & specie differentibus artibus artificiis & artificibus, à quibus res quæque fiunt specie differentes, ac proinde inæquales, tum verò, quò eadem sit quantitas, & qualitas, eæ æquandæ, hoc est, ad medium seu æqualitatem revocandæ, absque quâ nulla datur permutatio iusta, hoc ipsum quò commodum fiat, res illas inæquales comparabiles ac commensurabiles esse convenit inter se, si non *ὑπόστασις*, naturam atque essentiam, quo res animatæ præstant inanimatis modo, musculus v g foli, saltem usu, ad quam rem opus Mensurâ, eaque, vel Naturali, vel Artificiali.

20. *Mensura Naturalis Permutationis est Indigentia*, quanti res quælibet sit commutanda, definiens naturaliter. Appello mensuram naturalem, quia est orta à naturâ, necessitatis antecedentis explendæ causâ, quoniam nudi & rerum omnium egent siue indigena-

scimus, estquè primò medium, aut principium veriùs, rerum permutandarum, inconstantiorquè in comparatione ad nummum, eò quòd rerum precia sint incertissima. At cur ita necessaria hæc mensura? Quia enim absque hâc nulla futura foret permutatio. Quòd si enim homines nihil indigerent, aut non similiter, futurum esset, ut ob defectum mutux indigentix, si ego non indigerem re tuâ, cùm tu egeas meâ, si, aut nihil, aut non similiter, egerem, futurum, inquam, esset, ut nulla inter me & te, te & me, daretur permutatiò, cùm tamen civitates idèd primitùs sint constitutæ, ut, quod mihi deest, ab altero suppeditetur, & à me iterum, quod illi deest.

22. *Mensura Artificialis Permutationis est Nummus*, res aptè adæquans, atque ad paritatem traducens artificialiter. Appello mensuram artificialem, quia hominum ingenio est excogitata, lege, inquam, pacto, conventionione, instituto, necessitatis consequentis explendæ causâ, secundariò atque successivè ex eo medium rerum permutandarum, rebus contrahendis per se inæqualibus æqualitatem inducens, non ut mediator tamen, qui iudex, verùm ut communis mensura, constantior priori in comparatione, eò quòd hominum pacto valeat, inquè horum, non indigentix, sit potestate. At cur ita necessaria etiam hæc mensura, ut non in primis, saltem in secundis,

dis, cur? Quia enim non semper fieri potest, ut, cum abs te aliquid consequi volo, semper habeam, quo tu similiter indigeas, ne ergo ea res impedimento foret permutationibus, nummus communi quodam consensu ac conventionem postliminiò suffectus est in locum indigentiae, ita ut, si mihi opus esset aliquà re tuà, neque ullam rem haberem, quàm tibi vicissim opus esset, non tamen ideo oporteret contractum intermitteri, sed possem tibi dare nummum, tanquam *ὑπὸ ἀλλοτρίᾳ ἢ ἀντιλλοτρίᾳ τῆς χρείας*, vicarium necessitatis atque indigentiae, sponsores, inquam, & fidejussores, ut certò scias, quacunque tandem re, aut nunc, aut postea, egueris, te eam, vel à me, vel ab alio, dato hoc tertio interveniente, recepturum. Ut ita nūmi usus sit, quò succurrat permutationibus, quoties nō est mutua & æqualis indigentia. Si enim utrinque res venalis datur necessaria utrique, non ita, saltem non æquè, opus est nummo.

23. Quòd si partibus contrahentibus hic non conveniat de æqualitate servandà in contractibus voluntariis, ventendum ad judicem, quò quisque jus suum, hoc est, restitutionem medii, consequatur, qui judex, intellectà damni & lucri differentià, dimidio lucri damno appposito, tanquam inter medius inter illum, qui habet plus, & illum, qui habet minus, faciet æqualitatem, vel auferendo ab illo, qui habet plus, & ad-

dendo pro ratâ illi, qui habet minus, ad eummodum, quo quis lineam sex pedum, æquare volens lineæ quatuor pedum, quia discrimen est duorum pedum, unum majori lineæ detractum breviori apponit, differentiamquæ componit, vel uni detrahendo solum & simpliciter, quantum deest alteri, atque hunc processum, non in contractibus voluntariis tantum observat iudex, verum etiam in contractibus involuntariis sive invitis, dum, quod ad æqualitatem perveniatur, vel ei, qui lucratus est, plusvè habet iusto, demit quantum satis est, additquæ alteri, qui damnum accepit, iustovè minus habet, vel demit simpliciter uni tantum, quantum is demsit alteri, v.g. homicidæ vitam. Unde iudex ab hæc mediationis sive æquationis officio *διμεστής*. Græcis dicitur, quasi *διχαστής*, quod rem quamlibet in medietates, sive partes æquales, secer, item *μεσιδίκης* καὶ *μεσιδίκη*, quasi *Ἀπὸ μέσων τῆς δίκης ἵεν*, per medium juris transiens, ipsumquæ quin *διμεσίον* audit inde quasi *διχασμόν*, verso *χ* in *κ*, à Græcanico *διχα*, quod valet duatim sive divisim, quasi bifariam sectum, vel quasi *διαμόν*, per omnia means, interposito *κ* euphoniæ gratiâ, quod cuiquæ tribuat, quod suum est.

24. *Extremum iustitiæ Commutativa est, inde & hinc, hinc & inde, Injustitiæ Commutativa, vitium quæ morale, æqualitatem in-*

contractibus violans, dum alterum ferre
 damnum, alterum verò facere lucrum, pa-
 titur, quo jure, quâvè injuriâ, alterum, in-
 quam, habere plus de bonis, & minus de
 malis, alterum contrâ plus de malis, & mi-
 nus de bonis, utrumque injustè, sive quis si-
 bi plus bonorum externorum exspectat, quàm
 convenit, sive minus malorum externorum,
 v. g., paupertatis, tributorum, & similium,
 quàm convenit, licet interim communiter
 in scholâ morali injustus dicatur appetens
 plurius, non miuoris, eò quòd revertatur pe-
 nè in idem, cùm quis dicitur appetens plus
 bonorum, & minus malorum, quia appe-
 tens minus malorum videtur esse plus boni
 appetens, cùm minus malum habeat aliquo
 modo rationem boni, in quantum est eligi-
 bile in comparatione, fide proverbiorum,
 minima de malis, melius uni malo obnoxium
 esse, quàm duobus: Unde fit, ut minus ap-
 petens mali, sit plus appetens boni, ideoquè
 plurius cupidus, quàm æquum est, quare &
 iniquus, etiam quin transgressor legum, sive
 sit plus appetens, sive minus appetens, ini-
 quus particulariter, transgressor legum uni-
 versaliter, eò quòd iniquitas illa se extendat
 ad omne genus improbitatis, injustitiamquè
 omnem comprehendat, omni plus appetente
 existente iniquo & transgressore legum, non
 contrâ omni iniquo & transgressore legum
 plus appetente, cùm possint esse aliæ spe-

cies improbitatis & transgressionis legum, quæ non sunt injustitia illa particularis, quæ est pars vitii, & pars vitii totius, uti doctè disputat Donatus Acciajolus ad Aristotelem lib. 5. Eth. Nic. cap. 1.

CAPUT XLV.

De Virtute Heroicâ, & ejus Extremis, hoc est, inde Feritate Morali sive Voluntariâ, hinc Ignaviâ Stupendâ sive Immani.

§ I. **A**ctum adhuc dum à nobis benè multis & multum, de duobus primis Gradibus Moralibus, Infimo, sive Incipientium, & Medio, sive Proficientium, quorum ille Semivirtus & Semivitiū audit in auditorio morali, hic Virtus & Vitium Commune: Restat, ut de tertio Gradu utriusque, putà Supremo, qui Perfectorum, Virtusquè Heroica, Vitiumvè Heroicum audit, in eodem auditorio morali, aliquid commentemur.

2. *Virtus Heroica, si Nomen sive Nominalitatem ejus spectes, sic denominatur, vel ratione subjecti, hoc est, hominis herois, quem faciunt hæc tria requisita, sive hæc tres partes essentielles, extraordinarius, putà, impetus ad magni momenti rem incipiendam, extraordinaria hinc constantia, ad eam rem promovendam atq; explicandam, extraordinaria deniq; felicitas, ad eam ipsam rem perficiendam, atq; ad umbilicum deducendam, vel ratione adjuncti, putà ἀπὲρ τῆς ἰσως, ab amore singulari ultimi*

timi finis, ad quem altiùs elevant mentem suã heroës, quàm fieri solet ab hominibus vulgaribus, tanquam orti ex mutuo amore Deorum & Hominum, quos, siquidem virtutibus excelluissent intellectualibus, Dei immortalis ac foeminæ mortalis filios ferebat antiquitas, fin moralibus, Deæ immortalis, ac viri mortalis, vel ἀπὸ τῆς ἑγῆς, à terrâ, quòd post magnas terræ eluviones à diis supercoelestibus ex terrâ prodiissent, quasi terrestres dii, minimè omnium terreni interim, vel ἀπὸ τῆς ἡγῆς, à Junone, quasi ἀνθρώτοις, Junonis & aëris filii, medii Deos inter & Homines, quemadmodum aër medius coelum inter & terram, verâ re homines, qui supra communem aliorum sortem & cōditionem elevati actiones inimitabiles producunt, mirandas potius, quàm imitandas. Virtus divina appellatur aliter, non quasi Dei sit, cùm ille habeat omnem perfectionem supereminenti modo, sed quòd faciat homines similes quodammodò Deo, sicut opposita feritas eosdem similes reddit feris, non quasi ferarum sit, cùm non valeat ratione, aut electione, & neque vitia habeant, neque virtutes, sed quòd efficiat homines quoquo modo magis feris similes, quàm cætera vitia, quæ reddunt homines quidem vitiosos, at non feras, hoc est, vitam inferiorem humanâ, similemquè vitæ ferarum, viventes.

3. *Sin Rem sive Realitatem ejus spectes, est*

K. k. 5. Virtus

Virtus (putà Moralis, five Acquisita More,) servans Mediocritatem in Objectis & Actionibus aliarum Virtutum Moralium, cum Gradu quodam Eminentie.

4. Juvat ἀναλύειν; *Definitio Constat Genere, & Differentiâ, at non Specificâ tamen.*

5. *Genus Virtutis Heroica est Virtus Moralis, cum & ipsa sit habitus περὶ αἰσθητικὸς electivus, habens requisita virtutis moralis, rectam rationem pro principio agendi, mediocritatē inter duo extrema pro medio, honestatem, verò pro fine, subjectumquē suum, in quo est, benè affectum reddens, opusquē ejus rectum ac perfectū dans, quod proprium virtutis moralis, ubi autem requisita atq; ingredientia virtutis moralis, ibi utique ipsa virtus moralis. Verum cum gradu eminentie scilicet.* Unde tot ejus species constitui possunt, quot sunt virtutes morales communes, quia in omnibus tenet hic gradus, licet interim potissimum locum habeat in illis virtutibus communibus, in quibus excellere est difficillimum, v g, in Patientiâ Jobi, continentia Josephi, Castitate Lucretie, Fortitudine Alexandri, Clementiâ Julii Cæsaris, Justitiâ Minois, neque in his tantum, verum etiam in Virtutibus Intellectualibus, v g, Sapientiâ Salomonis, Prudentiâ Socratis, Arte Aesculapii, ipsis quin virtutibus Spiritualibus, v g, Fide Abrahami, verum ita, ut maximè propriè interim tribuatur virtutibus moralibus. Cum enim feritas virtuti heroicæ opposita sit.

fit in moribus , ad eosdem & virtus opposita erit referenda. Quid , quòd eos , qui intelle ctualibus virtutibus excellunt supra vulgus , divinos potiùs quàm heroas appellemus , divi- num v g Platonem , Divum Thomam.

6. *Differentia Virtutis Heroica, at non Spe- cifica*, (cùm nihil hìc occurrat discriminis, nisi secundum magis & minus , adeoque quoad accidentia tantùm , essentiam haud mutan- tia,) illa verò sumitur perindè ab *Objecto* ejus, *Adjunctoque Officio* circa illud *Objeetum*.

7. *Objeetum Virtutis Heroicae*, & ipsum, sicut aliarum *Virtutum Moralium Commu- nium*, vel *Internum est*, vel *Externum*, ex quo utroque simul sumto *objeetum* ejus totale atque adæquatum conflatur.

8. *Objeetum Internum Virtutis Heroicae*, si- cut cæterarum *virtutum moralium commu- nium*, sunt *Affectus*, hoc cum discrimine in- terim , ut cùm in virtute communi omnia sint tepidiora & languidiora, in virtute hero- cæ contrà omnia sint vividiora , & ferfidiora sive ferventiora , eò quòd imperus heroum sint heroici , hoc est , magni , ut qui virtu- tis communis mediocritatem excedant, quòd fit , ut, cùm delinquant , modum communem potenter transcant , cumquòd circa magna occupentur , magnis sæpè ex- cidant ausis.

9. *Objeetum Externum Virtutis Heroicae* universè, & ipsum, vel *Negativum est*, vel *Pos- sitivum*.

10. *Objectum Externum Negativum. Virtutis Heroica sunt Objecta Virtutum Moralium Communia, spectata communiter.* Dico, spectata communiter, quia circa idem quidem specie objectum occupatur utraque virtus, tam communis, quàm heroica, at non eadem, vel quantitate, vel qualitate, sed actionibus intensioribus hæc, remissioribus illa. Ita, v g, idem specie fortitudo communis & heroica habet objectum, eademque utriusque est definitio essentialis, utraque est moderatio formidinis & confidentiæ, appetitui irascibili comperit utraque, honestas quin actiones intendit utraque, nihil hic differentiæ aut discriminis, nisi secundum majus & minus, magis & minus, id quod sufficit.

11. *Objectum Externum Positivum Virtutis Heroica sunt eadem Objecta Virtutum Moralium Communium, spectata cum Gradu Eminentia; & Ratione Magnitudinis Objecti pariter, & Operationis circa illud. Ratione Magnitudinis Objecti, quod virtutis communis commune, sine gradu, virtutis heroicæ idem cum gradu, nec hoc quovis, sed heroicæ. Ecquale enim objectum virtutis heroicæ, annon magnum cujusque virtutis, supra communem humanæ naturæ cursum? Ratione Magnitudinis Operationis, eò quod illa occupetur circa actiones humanas communes atque ordinarias, hæc circa eminentiores,*

tiores, quæ propter raritatem atq; excellentiam divinæ appellari solent, ut & ingenia divina, usitatum quæ excedunt modum, Ecquales enim, cecidit, sunt operationes heroicæ, an dō intensioribus actionibus omnia agunt? Ob summam, credo, animi magnitudinem, facultatem quæ res maximas intrepide aggrediendi, constanter sustinendi, feliciter exequendi, quæ est in eis, quas operationes ideò non ad universales Dei actiones, sed nec ad singulares, at bene ad speciales, refert Wendelinus, motus hoc argumento, quòd, si universali tantum actione, influxu vè indifferente, has excitaret Deus, jam non plus ad eas collaturus sit, quàm ad gregariorum militum fortitudinem, vel aliam quamcunque virtutem communem.

12. *Officium Virtutis Heroica circa suum Objectum est, Tenere Medium in his Operationibus inter Nimium & Parum.* Cùm enim mediocritas omnis virtutis moralis sit forma, ab heroicâ virtute ea abesse nequit, ut quæ sit & ipsa virtus, verùm præstantior communi, ex eo què præstantiores edens operationes, intra modum tamen. Est quippè etiam hîc

--- *Modus in rebus, sunt certi denique fines, Quos ultra citraque nequit consistere rectum.*

13. *Sic descripta Virtus Heroica, quâ objecto, eo què tam Negativo, quàm Positivo, quâ Adjuncto Officio circa illud Objectum, differt, & à Virtutibus Moralibus Communibus in genere, &*

à *Magnificentia ac Magnanimitate in specie.*

14. *A Virtutibus Moralibus Communibus in genere*, gradu perfectionis, putà, quòd virtus moralis communis fit perfecta in suo genere, & suà mediocritate, infra virtutem heroicam consistente, virtus verò heroica perfecta absolutè, ad eum modum, quo equus perfectum animal ratione sui, licet interim non sit perfectum animal ratione hominis, quoquè adeò tepor differt modo à fervore, qui collatus cum summo frigore, est calor, at collatus cum summo calore, est frigus.

15. *A Magnificentia & Magnanimitate in specie*, quæ & ipsæ in aliquâ magnitudine quidam sunt positæ, at non in magnitudine heroicâ, cùm illa magnitudo planè sit necessaria ad constituendam essentiam virtutis in iis personis, quibus magnificentia aut magnanimitas competit, quæ tum demùm heroicæ audiunt, quando gradui communi sive populari additur gradus heroicus, differens in eo à communi, quòd abesse possit à quâlibet virtute, manente tamen naturâ atque essentiâ ejus, v. g. à justitiâ communi, manente eâ, quod non item tenet in magnificentia & magnanimitate, quibus sublati remanet liberalitas & modestia, non magnificentia & magnanimitas communis.

16. *Extrema virtutis Heroica duo sunt, alterum in Excessu, alterum in Defectu. In excessu opponitur ei Feritas Moralis sive Voluntaria,*

in

in defectu Ignavia Stupenda sive Immanis, non ut vitia simplicia tamen utraque. Verà quipè re virtus heroica non mediat inter duo vitia, sed duas immanitates, v. g. fortitudo heroica audaciam inter immanem, ut si quis ruptis scalis è pinnaculis murorum in medios hostium globos defiliat, & timiditatem immanem, ut si quis murem aut pulicis morsum timeat. Sunt, qui in excessu & defectu simul huic opponant feritatem, eò quòd & illi ferarum sint similes, qui ad omnem veri & boni honesti sensum obstupeſcunt, quasi què obbrutescunt, verùm, si penitiùs rem introspexeris, deprehendes, feritatis appellationem excessui magis competere, quàm defectui, qui ideò exprimendus nominatim.

17. *Feritas Moralis sive Voluntaria* est, non tam vitium morale, quàm immanitas, ac pravitas vitio communi major, quàm quis excusso rectæ rationis jugo, omniquè tantùm non humanitate abjectâ, horrenda & immanissima quæque, cumquè naturâ humanâ pugnantiâ, patrat, non ex infirmitate animi vel corporis, cum Ajace apud Sophoclem, & Hercule Furioso apud Senecam, educationevè, consuetudinevè, eâquè, tam universali in integris populis, v. g. Barbaris, qui matribus commisceri solebant, crudis quin etiam vesci carnibus, item Achæis & Heniochis, qui dapibus humanis, quàm particulari, in quibusdam hominibus, v. g. Phalaride, qui suum fer-

tur.

tur comessè filium, matremquè immolatam, mulierequè anonymâ, quæ perhibetur gravidarum alvo exesectâ infantes sanguinolentos devorâsse, sed ex solâ libidine peccandi, ortâ ex frequenti actionum summè vitiosarum exercitio. Ὑπερβολὴ τῆς κακίας Græcis, Summa atque Extrema Malitia Latinis, Apostolorum ἐπαλγησία, Dedolentia, quasiquè Depudentia, cùm quis ita dedoluit atque depuduit, manu per frontē ductâ, ut ad omnem honestatis sensum occalluerit & obduruerit. Ejus spicæ; Tyrannis Habitualis, Peccatum Sodomiticum, sive Belluina Intemperantia, Atheismus, Epicureismus, locumquè habet hæc feritas potissimùm in iræ audaciæ atque injuriæ vitiis, distincta ab his gradu, non specie. Nomen accepit à ferâ, sumto vocabula feræ, non pro animali irrationali, sed pro homine, ad feram bestiam similitudine vitiorum quàm proximè accedente, humanam tamen naturam non prorsus exuente, hoc est, non negativè, sed privativè. Atque hinc ortum duxisse videtur fabula de Minotauris & Lycaonibus, qui ob depravationem ex variis feris profeminati finguntur à poëtis, item μετεμψύχωσις Pythagorica animarum humanarum, migrantium in corpora ferarum & jumentorum.

18. *Atque hæc Feritas Moralis sive Voluntaria, à viciositate qua est, non tantùm Feritate Morbosâ, sed omni vitio Morali Communi, deterior.*

rior est in comparatione. Feritate Morbos à ea est deterior, qualis in maniacis & phreneticis, quia hæc agit sine ratione, illa cum ratione, licet corruptâ: Jam verò illud malum, quod est cum ratione, videtur esse deterius eo, quod non est cum ratione, cum atrocior sit excessus, qui *αὐτοματὴς* proficiscitur, quàm qui *ἀπὸ αὐτοματίας*, quo videmus modo, homicidium à latrone commissum, capitale esse, quia commissum *ἐκ αὐτοματίας*, non itè, commissum à furioso, quia commissum *ἀπὸ αὐτοματίας*, illud cū ratione, hoc sine, licet interim terribilior sit. Altera feritas in uno tertio, eò quòd illud, à quo ratio disjungitur, sit terribilius eo, à quo non disjungitur, cum magis perhorrescamus ea, quæ immanitate quâdam, licet minùs gravia mala sint, nobis immitruntur, quia propter terrorem majora videntur. *Omni vitio Morali Communi quoque ea est deterior*, quia opposita virtus heroica omni virtute communi est melior, jam verò regula est tropica, id esse deterius, quod præstantiori opponitur. Sed & idèò deterior, quia rationis usum non excludit, sed depravat, cum si depravatio rectæ rationis.

19. *Ignavia Stupenda sive Immanis est*, non tam vitium morale, quàm immanitas ac pravitas vitio communi major, quàm homo ineptus ad omnem virtutis impetum domi redditur, ad omnem honesti sensum stupens, instar porcorum caprorum & asinorum

792 INSTIT. ETHICARUM
rum, ac ne semel quidem suspiciens cœlum,
eius supinitatis nomine olim malè verò,
immò bis malè, audiverunt Sybaritæ, quo-
rum hæ allegantur leges : Nemo nostrum
frugi esto : Gallus gallinaceus in urbe ne
haberor. Etc.

C A P U T X L V I.

De Amicitia Necessitate & Principiis in genere.

§. I. **Q**UAMVIS amicitia propriè loquendo
virtus non sit, cùm magis videatur
esse affectus, quàm habitus, tamen
cum eâ multum næ multum habet cognationis,
& ideò rectè proximè ab eâ ponitur,
Nam & medietas sive mediocritas est inter
duo extrema, & cadit in bonos viros, estquè
operatio multarum virtutū, medium quidem
utut secundarium, felicitatis comparandæ
fruendævè, hætenus necessaria, voce ne-
cessarii sumtâ, non pressè & compressè ta-
men, sed largiter. Est autem necessarium
pressè sumtum, sine quo homo, quoad esse
primum, quod vitâ definitur, vivere nequit,
ut respirare, sicut necessarium largiter sum-
tum, sine quo homo sanæ mentis, quoad esse
secundum, quod positum est in commu-
nibus studiis, v g, esse Philosophi in Philo-
sophâdo, feliciter vivere nequit. Amicitia est
necessaria non priori modo, cùm sine amicis
vivere possimus, sed posteriori, quia vivere
quidè possimus, at minùs cōmodè. Unde ne-
mo

no vitam sine amicis sibi oprandam ducit, etiam si cæterorum omnium bonorum copiâ sit instructissimus.

2. *Atque adeò Amicitia en Neceſſaria, quâ Privatim, quâ Publicè: Privatim, tam Divitiis, quàm Pauperibus, tam Pueris & Adolescentibus, quàm Viris & Senibus: Publicè quin etiam Rebus publicis.*

3. *Divitiis neceſſaria eſt amicitia, tum ad κλῆσιν domesticam, ſive custodiam rerum ſuarum, quæ absque amicorum præſidio ſervari vix poſſunt, magnæ præſertim, quæ quò majores, hoc majori periculo obnoxia, ob majores inſidias, tum ad χρῆσιν moralem ſive beneficentiam, quâ ſublata nullus penè hujus εὐετηρίας, hoc eſt, copię foret uſus, qui οὐέργεια, immò anima amicitia.*

4. *Pauperibus neceſſaria eſt amicitia, ὡς τὴν κατὰφυγὴν, ad perſugium, quia unicum in adverſis præſidium atque aſylum amici.*

5. *Pueris neceſſaria eſt amicitia, ὡς τὴν τροφὴν, ad alimoniam, alimentorumquæ ſubministrationem, καὶ παιδείαν, diſciplinam atque institutionem.*

6. *Adoleſcentibus neceſſaria eſt amicitia, ὡς τὰς καλὰς πράξεις, καὶ τὸ ἀναμάρτητον, ad ſtudium honeſtarum actionum, ſive rectè factorum, & fugam malè factorum.*

7. *Viris neceſſaria eſt amicitia, ὡς τὰς καλὰς πράξεις, ad præclaras res gerendas, agendasquæ viriliter.*

8. *Senibus necessaria est amicitia* αὐτῶν τὴν ἡγεμονίαν καὶ βοήθειαν, auxilii atque observantiae causâ, ut qui propter imbecillitatem corporis, se & sua curare, resquæ obire nequeant, ideoquæ amicorum obsequio & subsidio indigeant.

9. *Rebus publicis necessaria est amicitia*, ut quæ civitates contineat, statumquæ earum tueatur. Unde civitatum ac legum conditores & fundatores, majorem amicitiae, quàm justitiae, rationem habere videas. Operam quippe dant, ut cives inter se sint amici & concordēs, quæ concordia si adest, non magis inter amicos existunt injuriæ, quàm inter Deos, ubi autem nullæ injuriæ, ibi nec justitia. Quid multis? In omni fortunâ opus amicitia, in adversâ auxilii & levamenti causâ, in secundâ consilii & temperamenti moralis, sed universè interim magis in adversâ, quia in eâ nescio quomodo magis egemus amicis, eò quòd molestior in adversâ fortunâ sit solitudo, adversitates non levans, sed aggravans.

10. *Principia Amicitiae quod attinet, illa vel Prima sunt, vel Secunda, sive Proxima Primis.*

11. *Principium Primum Amicitiae adversus alios est Philautia*, hoc est, amicitia, quæ cuique secum, sua cujusque, inquam, secum amicitia, eò quòd omnis amicitia adversus alios, ex eâ, quæ cuique secum, manet, juxta formulam vulgarem, tam te amo, quàm me ipsum, licet ipsa illa amicitia interim non sit

fit amicitia propriè dicta, quæ requirit dis-
junctionem naturalem in conjunctione mo-
rali, sive adunatione, vel assimilatione
rei amantis cum re amatâ, quæ conditio hic
deficit.

12. *Principia Secunda sive Proxima Ami-
citia, vel Interna sunt, vel Externa, illa Bene-
volentia & Concordia, hac Beneficentia &
Conversatio sive Convictus, ex quibus illa
animos conjungunt amicorum, hæc corpo-
ra eorundem.*

13. *Benevolentia est principium inter-
num amicitiaæ materiale, quoniam ex eâ,
tanquam dispositione, oritur vera amicitia.
Quemadmodum enim amoris initium est
ex aspectu formosæ mulieris, cum nemo a-
more capiatur, nisi quem delectat formæ
venustas, ita initium amicitiaæ est propensa
& benevola voluntas, quâ affecti sumus er-
ga alterum: Et quemadmodum aspectus il-
le non est ipse amor, sed amoris initium, ita
benevolentia non est ipsa amicitia, sed origo
ejus, quoniâ ex eâ, accedente consuetudine,
paulatim proficit amicitia, non est, inquit, be-
nevolentia ipsa amicitia, licet ab eâ nō magis
sejūgi possit, quàm calor ab igne. At qualis
Benevolentia? Aperta, nō occulta, quoniâ be-
nevolentia quoq; eff: potest occulta, altero
alteri benè volente, etiâ si factis illud nondū
declarer, immò nequeat declarare: Tum mu-
tua, quia alioqui sequeretur, etiâ odium esse
inter*

inter amicos, si inter se non amarent mutuè, sed alter duntaxat, amicitiamquè esse posse etià inter ignotos, quos inter esse potest benevolentia, cùm sæpenuerò benè velimus, quos nūquam vidimus, quorumquè virtutes & rectè facta ex aliis vel fando tantùm audivimus, quorumvè de eruditione humanitate moderatione præclarè sentimus, non item amicitia, quam nemo contrahit cum ignoto, verùm cum eo, cujus animum mores & studia apprime novit: Demùm efficax, actiuosa, officiosa, negociosa, non ociosa, ignava, iners, qualis mera & simplex benevolentia, quæ vult quidem alteri benè, sed vult tantùm, facere autem posthabet, tum subito existit, uti videre est in ludis & spectaculis, ubi adversus *ἀγωνιστὴς* statim surgit benevolentia spectatorum, & studium aliquod superficierenus, sed non adjuvandi, omnibus erga eos existentibus benevolis, nemine interim his opem ferente, ac ne cupiente quidem ferre, contrà quàm se habet res in amicitia, quæ, conjuncta cum ardenti atque efficaci studio juvandi amicum.

14. *Est quæ vel Theoretica, vel Practica.*

15. *Benevolentia Theoretica* est, quâ alicui bona volumus & cupimus: *Practica*, quâ voluntatem ratificare atque exequi studemus. Atque hæc ad amicitia generationem requiritur, quia ex eâ proximè oritur amor amicitia, simplici benevolentia superad-

dens

dens contentionem ac desiderium fruendi eo, juvandiquè eum, erga quem benevolentia concepta est.

16. *Concordia* est principium internum amicitiae, nihilquè est aliud, quàm motus, ut cogitationum, ita animorum, consensus, eaque constans, pertinens ad privatam vel publicam eorum, qui concordes sunt, utilitatem, de rebus, quæ tales sunt, ut per nos cogitari effici comparativè queant.

17. *Estquè & ipsa, vel Theoretica, vel Practica.*

18. *Concordia Theoretica* est simplex *ὁμολογία*, sive, opinionum consensus & concentus, consistens in identitate opinionum speculativarum: *Practica* verò animorum congruentia & corresponsus, consistens in consensu & concentu mentis, quoad actiones morales. Ex his illa non semper de necessitate amicitiae, cum possit esse inter ignotos, immò inimicos, & quoad diversas disciplinas humanas, & quoad religionem, cujus diversitas, nec tollit amicitiam naturalem, nec amicitiam civilem, in conversationibus commerciis & contractibus civilibus consistentem, quam diversæ regionis & religionis hominibus imperat necessitas, cum nō omnis ferat omnia tellus, præsertim si necessaria vitæ adminicula, nonnisi ab illis, & per illos, pandisci possimus: Hæc semper de necessitate ejus, ut quæ sit tantum inter notos & amicos,

298 INSTIT. ETHICARUM
cos, virtutequè mediante contrahatur sem-
per inter ejusdem amicitiae membra.

19. *Beneficentia* est principium exter-
num amicitiae, nihilquè est aliud, quàm mo-
tus animae appetentis, ad merendum benè
de illis, quos diligimus. Neque enim satis
est, animo benè velle amico, quod benevo-
lentiæ, & unà cum eo sentire ac facere,
quod concordiae, sed oportet, quoties oc-
casio darur, animi propensionem re & factis
ostendere, quod beneficentiæ.

20. Hic loci quæstionem, non alienam
ab hoc loco, instituit Philosophus, nomi-
natim hanc: *Vtri magis ament in compara-
tione, Benefactoresnè Beneficiarios, an Bene-
ficiarii Benefactores?* Requè ultrò citroquè
ventilatâ, concludit, quòd hi illos I. Quia
naturaliter homo magis amet opus suum,
quàm opus hominem, v g parentes libe-
ros, quàm hi parentes, susceptorem ve-
rò beneficiorum esse opus benefactoris sui.
II. Quia jucundius quid in accipiente repe-
riat is, qui dedit, nempè τὸ honestum, quàm
in dante is, qui accepit, nempè τὸ utile. III.
Quia amare magis conveniat agenti, quàm
patienti, hoc est, danti, quàm accipienti be-
neficium, cùm amare sit actionis, amari ve-
rò passionis. IV. Quia chariora sint laboriosa
& difficilia minùs laboriosis & difficilibus, &
per consequens τὸ dare beneficium, τὸ acci-
pere beneficium.

21. Con-

21. *Conversatio* & ipsa est principium eternum amicitiae, nihilquè aliud, quàm familiaris consuetudo cum eo, cui benè cupimus, quemquè amamus efficaciter. Dico, familiaris consuetudo. Neque enim sufficit, velle cui benè, & facere, sed insuper requiritur, ut amicè cum eo conversèmur, non tam in voluptatibus unà fruendis & fruiscendis, computationibus, concoenationibus, collusionibus, quàm in animi actionibus communicandis, honestisque colloquiis ac sermonibus miscendis, in convivio, què vox exprimit convictum cum Latinis, in symposio, quæ vox exprimit bibendi societatem cum Græcis, malè ab utrisque, siquidem amicorum conversationem coepulationibus concoenationibus & computationibus definiverunt tamen, & non vitæ consuetudine, quam amantes adamant maximè. Sicut enim eroticè amantibus affectus, ita & areticè amicis, si fas ita loqui, consuetudo seu convictus charissimus, maximequè expetendus.

CAPUT XLVII.

De Amicitia, ejusquè Summâ Divisione in specie.

§. I. **E**x superioribus talis extrui potest definitio amicitie: *Amicitia* est mutua quorundam, aperta, atque efficax benevolentia: Mutua, quia, nisi adsit amor mutuus, non tam

amicitia hæc benevolentia fuerit, quàm simplex benevolentia, aut amor quidem, ast non amicitia, cujus proprium, in amore mutuum facere, hoc est, amico in amore bonâ fide respondere: Aperta, quia alioqui sequeretur, etiâ inter ignotos dari amicitiam: Efficax, quia alioqui foret ignava & ociosa, atqui decet amicû amico benè, non tantû velle, sed etiam facere, neque id suâ, verû amici causâ. Quid enim aliud amare, à quo nomen amicitia ductum, nisi velle quem bonis affici quàm maximis, etiamsi ad se ex his nihil redeat?

2. *Est quæ illa universè, vel Arbitraria, vel Necessaria.*

3. *Amicitia Arbitraria est, quæ ex voluntario delectu nascitur.*

4. *Est quæ triplex numero, pro triplicitate Objecti, Honestæ, putâ, Utilis, & Iucundæ. Quot enim sunt amabilia specie distincta, tot quoque sunt species amicitia: Atqui tria sunt amabilia specie distincta, honestum videlicet iucundum, & utile: Ergò! Ubi notandum incidenter, amabile honestum & iucundum se habere in hoc ternario sive ternione amabilem, ut finem, utile verò, ut medium: Notandum deinde autem, honestum includere materialiter, & iucundum, & utile, in amicitia perfectâ, ad eum modum, quo corpus materialiter includit lineam & superficiem, à quibus tamen formaliter differt.*

Ami-

5. *Amicitia Honestæ* est, quæ ex virtute, siue honestatis causâ, contrahitur inter bonos viros. *Estquæ ea Perfectissima, Stabilissima, Rarissima, denique* Ἀνισχυκλή & καὶ Ἀδιόβλη &, *non obnoxia suspicionibus criminatio-*
nibus & querelis in comparatione. Perfectissi-
ma, tum quia amat id, quod est simpliciter amandum, putà, virtutem siue honestatem, tum quia hîc amici se invicem amant propter seipso, quod perfectionis. Neque enim utilitates aut voluptates spectant, sed ipsissimam virtutem, & ob hanc solam se inter se amant. *Stabilissima*, tum quia ex virtute, fonte stabilissimo & perenni, tum quia, quæ in amicis requiruntur, in hâc junctâ reperiuntur omnia, nempe bonum honestum utile & jucundum. *Rarissima* hinc ideo, quia paucî dantur viri boni, quos inter solos tamen est hæc amicitia. Quæ causa, quare in hâc amicitia πολυφιλία non habeat locum, tum quia fieri nequit, ut multi tam exactè explorentur ac cognoscantur, atque heic opus, tum quia vera amicitia in summo gradu est posita, excellentiæ autem non in multos, sed in unum ferè, ut summum, cadere solent, tum quia multos summo amore complecti æquè difficile, ac multas adamare amafias pari intensi amoris gradu, tum quia multos eidem placere valdè non est facile, placere autem debemus amicis, tum quia, qui ubiq; est, ille nusquam est, nullusquæ amicus, cui multi amici, amoris

vi in multos distractâ evanescente, non secûs ac flumine in varios rivos deducto, tum quia convictus multorum, seu cum multis, συνιδύαται, cum multis, inquam, versari, & se tanquam in multas partes dividere ac distrahere, & tanquam scortum cum multis rem habere, hoc tantum non ἀδύνατον, quoniam si v. g. ex multis unus roget ad cœnam, alius ad funus, alius, ut in foro sibi sis advocatus, alius vocet ad nuptias, ad iter alius, aliò alius, pecuniam mutuam roget alius, alius vestem, omnes eodem tempore, nemo par omnibus esse potest, sicut nec ex animo dolere & lætari simul, id quod tamen in amicorum multitudine sæpè usuvenire necesse est, ut quia aliorum res prosperæ, aliorum verò adversæ, uno eodemquè tempore, & lætandum sit, & dolendum, quin immò in perpetuis agendum doloribus & angoribus, cùm fieri vix possit, ut in magnâ amicorum multitudine nemo sit in calamitate, quorsum Hesiodus, næ salubri præcepto, voluit, ut neque nulli essemus amici, neque multis, ἔδὲ ἄφίλοι, ἔδὲ πολύφιλοι, ἀλλὰ φιλόφιλοι. Denique Ἀνίγκλη & ἈΔίβλη, nullis suspicionibus criminationibus & querelis obnoxia, tum quia de iis, quos longo jam tempore spectaveris, non facillè credas crimina aut calumnias afferentibus, tum quia in veris & verè amicis omnia reperias, quæ desiderare possis, quæ res nullum locum relinquit injuriis, ex qui-

quibus alioqui querelæ & crimina nasci solent.

6. *Amicitia Utilis* est, quæ utilitatis causâ contrahitur. *Estquæ ea Amicitia Imperfecta, Instabilis, Frequens, & Εὐκλημεπική, suspitionibus, inquam, & calumniis obnoxia in comparatione. Imperfecta* hætenus, tum quia est inter eos, qui seipsos non propter se, sed propter aliquid aliud, amant, non simpliciter amandum, tum quia est amicitia tantum similitudine quâdam, eâtenus amicitia nomen merens, quia ut boni, quos inter vera amicitia, inter se utiles, ita & hanc amicitiam constituat utilitas, tum quia in hac non omnia *φιλητά* concurrunt, verum tantum utile tantum. *Instabilis* hætenus, quia res, ex quâ hæc amicitia conglutinetur, est fluxa & mutabilis: jam verò qualis causa talis effectus. Quamvis verò hæc amicitia sit instabilis in comparatione ad honestam, duobus tamen modis fieri potest, ut fiat stabilior: Primò, si paria inter se faciant amici, hoc est, par reddant, non aliud, v g utilitatem pro utilitate, non voluptatem, & si ex eadem causâ, si v g, homines utiles utilitatem alter ab altero capiant ejusdem rei ratione, hoc est, ex commodis uterque mutuis: Secundò, si inter eos sit similitudo morum, quâ ut paritur & paratur amicitia, ita retinetur & conservatur. Nam si longâ consuetudine inter se periclitari al-

ter alterius mores adamare cœperit, quia inter se congruunt, certè hi non faciliè postea discedent ab amicitia, ob studiorum similitudinem, quæ parens & conservatrix amicitiae. *Frequens*, ut in quâ locum habeat πολυφιλία, saltem faciliùs, quàm in amicitia ex virtute, tum quia utilitarum studiosi innumerabiles, tum quia ad hanc amicitiam contrahendam non opus multo & longo tempore. *Denique* Ἐγκληματικὴ, (suspicionibus querelis & calumniis obnoxia, partim ob exigui temporis consuetudinem, partim, quia sicut ibi nullæ querelæ; ubi nulla, quæ desideres, ita contrà querelæ, ubi aliqua, quæ desideres, hoc plures & majores, quò plura & majora desiderantur. Hinc videas in amicitia utili statim solere existere querimonias, quando analogia non eodem modo servatur utrinque, & uterque sibi plus tribui postulat, quàm ei ab altero tribuitur. Id quod fit tribus modis. I. Cùm non est æqualis ἀντιφίλησις, alterquè conqueritur, se non tantundem redamari, quantum ipse amat. II. Cùm non fit æqualis ἀντίδοσις, retributio officiorum & beneficiorum, adeoque datur quid pro quo. III. Cùm non fit ἀντίδοσις per eam rem, quam alter expetebat. Id enim perindè est, ac si nulla facta esset retributio. *Ad hanc amicitia speciem referas licet Amicitiam* Χενικὴν *Hospitalem*, quia hospites amicitiam inter se colunt commodi vel adjumenti alicujus causâ.

7. *Amicitia lucunda est*, quæ voluptatis causâ contrahitur. *Estquæ hæc Amicitia & ipsa Imperfecta, Instabilis, Frequens, & Ε'γκλη-
ματική*, suspicionibus querelis & criminatio-
nibus obnoxia. *Imperfecta* tum quia & ipsa est inter eos, qui seipsos, non propter se, sed propter aliquid aliud, amant, non amandum simpliciter, tum quia est amicitia tantum similitudine quâdam, eatenus amicitiae nomen mere-
rens, quia ut boni, quos inter vera amicitia, inter se jucundi, ita & hanc conglutinat jucunditas, tum quia in eâ non omnia φιλητά concurrunt, verum τὸ jucundum tantum, eò quod non faciliè reperiantur, qui sint amici propter jucundum & utile, hoc est, qui propter utrumque simul, vel ament, vel amentur. *Instabilis*, quia similiter res, ex quâ hæc amicitia coalescit, est fluxa & mutabilis. Neque enim eadem adolescentibus, quæ pueris juvenibus senibus jucunda, sed nec fieri semper chari, nisi fortè in conviviliis, in vehiculo, in itinere, in congressibus seriis & gravioribus non item: Quo fit, ut cum jucunda faciliè mutentur, amicitia quoque ex iis conciliata & ipsa mutetur faciliè, nisi quod duobus modis possit fieri stabilis, si videlicet paria inter se faciant amici, hoc est, par pari reddant, non aliud, v g, voluptatem pro voluptate, non utilitatem, & quidem eandem, atque ex eadem causâ, ut si faceti voluptatem alter ab altero capiant

eiusdem rei ratione , hoc est , ex facietis uterque mutuis , & non ὁ ἐρωςὴς amator voluptatem quidem ab ἐρωμένῳ amasio , hic verò contrà utilitatem & munera ab illo , si deinde inter eos sit similitudo morum. Nam si longâ consuetudine inter se periclitati , alter alterius mores adamare cœperit , quòd inter se congruant , certè hi non facilè postea discedent ab amicitia , ob studiorum similitudinem , quæ parens & conservatrix amicitiae , mutuquè convictus , quem tollit absentia , sed non ipsam interim amicitiam , saltem perfectam , cujus usum tantum interrupt , nisi diuturnior fuerit. Tunc enim non usum tantum , sed ipsam quoque amicitiam extinguere videtur , juxta proverbia : πολλὰς φιλίας ἀπορρηγοῖα. δίδυσει : Longè habitantes amici non sunt amici. Nam sicut à vivendo & conversando simul oritur amicitia , sic dissolvitur à contrario , ut omnis habitus , qui sicut augetur ab eisdem operationibus , à quibus oritur , ita corrumpitur à contrariis. Sed videtur scilicet. Ut enim amicitia tollatur absentia quoad actum , usumquè vitæ quotidianum , tamen non item quoad habitum , qui etiam esse potest inter dormientes , quare & absentes , præsertim quoad operationes amicitiae interiores. *Frequens hinc* , ut in quâ locum habeat πολυφιλία , saltem magis , quàm in amicitia ex virtute. Ex virtute autem ? Immo & ex utilitate,

tum

tum quia studiosi voluptatum plures, quàm utilitatum, tum quia ad hanc amicitiam contrahendam non opus longo tempore, sed sufficit exigua ejus consuetudo. *Denique Ἐγκλημὶς πᾶν quidem & ipsa, sed minùs in comparatione.* Nàm vel uterque amicus suavis alterius consuetudine delectatur, & sic neuter habet, quòd queratur, vel si alterutri alterius còsuetudo minùs sit grata, licet illam intermittere, non sic in amicitia utili se res habet, in quâ uterque plus appetit, quàm alter vult aut potest præstare. Quo loco notandum in transitu, amicitiam hanc jucundam propiùs accedere ad amicitiam perfectam, quàm utilem, tum quia convictu gaudet, quem maximè amat vera amicitia, tum quia liberalior est, & magis ingenua, ut quæ amicitiam voluptate non quæstu metiatur, ut altera illa, tum quia eam captant beati, non item eam, quæ ex utilitate. *Ad hanc Amicitia Speciem reducas licet Amicitiam Ἐρωτικὴν Amatoriam*, quæ est amantium & amasiarum, in què adolescentibus ferè hospitatur, in quibus affectuum incendia, & voluptatum desideria, maximè reperiuntur, partes quæ sunt amicitiae amatoriae.

8. *E dictis amicitia speciebus sola amicitia honesta est amicitia per se, amicitia verò utilis & jucunda amicitia per accidens, sive ex eventu*: Illa per se, quia ii demùm verè sunt amici, qui ita inter se amant, ut alter alteri bona, quæ vult, eâ re velit, quia amat, nullam

aliam ob causam : Hæ per accidens , quia hic amici, vel utilitatis, vel voluptatis causâ, inter se amant, ubi autem alter alteri bona , quæ vult, non eâ causâ vult, quia amat, sed quia utilitatem aut voluptatem aliquam cupit , certè hic amici non per se , sed ex eventû, ut cum pauper amat divitem , indoctus doctum , non quia , quem amat , sibi sit charus , sed quia id , quod ab eo expectat , divitias , putà, aut eruditionem. Sic homines facetos amamus , non tam propter ipsos , quàm propter facetias.

9. *Amicitia Necessaria* est, quæ non ex arbitrario delectu , sed ex quodam jure societatis nascitur.

10. *Est quæ duplex, Naturalis & Civilis.* Ex societatis jure utraque , sed non æquæ , quoniam altera earum ex societate tota pendet , alterius verò etiam aliæ sunt causæ, putà, sanguinis necessitudo , & morum ac humorum similitudo.

11. *Amicitia Naturalis* est, quam naturæ vinculum conciliat.

12. *Est quæ vel Συγγενική Cognata, vel Γαμική Nuptialis, vel Συμποθητική, Sympathetica.*

13. *Amicitia Συγγενική siue Cognata* est inter eos, qui sanguinis propinquitate se invicem contingunt.

14. *Est quæ vel Πατρική Paterna, vel Αδελφική Fraternalis, vel Συγγενική in specie sic dicta.*

dicta, quas inter paterna fons, è quo manant & promanant reliquæ.

15. *Amicitia Πατρική* *sive Paterna* est, quæ est inter Parentes & Liberos, qui, licet parentum sint quædam veluti pars, ideoquæ à Jurisconsultis habeantur pro unâ quodammodò personâ, illis diligentibus hos tanquam sua membra, eò quòd liberos amando videntur seipsum amare, quia sunt quasi alteri ipsi, non planè ipsi & uni tamen, sed alteri, quia reverà separati, eo modo, quo amicus est alter ipse; his contrà illos naturaliter redamantibus, tanquam ortus sui principium, à quo post Deum, non tantùm habent τὸ εἶναι, sed etiam τὸ βεβῆναι, amore parentum, quo prosequuntur liberos, formaliter alio existente ab amore liberorum, quemadmodum amor pecuniæ alius ab amorè honoris, hic à voluptatis, formaliter.

16. *Amicitia Αδελφική* *sive Fraterna* est, quæ est inter Fratres erga se invicem. Cujus amicitia causa ταυτότης, generis communio, educatio, ætas, mores, studia: Generis communio, quia ex eodem nati stipite, idem sanguis, eadem stirps, unde & ipsi sunt quodammodò una eademquæ persona, quamvis inter se ipsi Interim sint diversi, non tam ratione sui tamen, quàm parentum: Educatio, cujus quanta, & quàm amica atque amicabile vis sit, notum vel ex collactaneorum amore & redamore: *Ætas*,

quâ mediante fir , ut æqualis æqualem amet , inæqualem verò oderit , natu major v g frater natu minorem : Mores , quorum similitudo sicut copulat amicitiam inter sodales , ita & inter fratres , nisi quòd in fraternâ amicitia , conjunctam habente sodalitiâ , omnia sint majora & aptiora : Studia , quæ mores ferè sequuntur , non κατὰ τὸ αἶψόν , sed ὡς ἐπὶ τὸ πολὺ tamen.

17. *Amicitia Συγγενικὴ in specie sic dicta est* , quæ est inter reliquos , præter Fratres , Cognatos , purâ , Patruales , Consobrinos &c. Ejus eadem , quæ fraternæ amicitiae , origo. Nam quia ab iisdem majoribus descendunt , ideò se inter se amare solent : Et quia horum alii aliis ferè sunt propinquiore , alii verò remotiores ab autore generis , ideò amicitiae inter hos varii existunt gradus , ut alios inter arctior sit amicitia , quòd propior autor generis , vel laxior , quòd idem remotior , quoquè plura & perfectiora sunt φιλητά , ut cùm præter vinculum & nexum sanguinis , ætas & morum similitudo accedit.

18. *Amicitia Γαμικὴ sive Nuptialis est* , quæ est Maritum inter & Uxorem , quoslibet vè Affines , Conjugaliter aliter. Et ipsa secundum naturam , tum quia homo animal συνδυαστικόν μᾶλλον ἢ πολιτικόν , ad uxoriâ conjunctionem propensior , quàm ad civilem , naturaliter , quæ absque eâ consistere nequit , jam verò , quæ magis necessaria , eadem ferè etiam ,
magis

magis naturalia : Tum quia ea hominibus communis cum bestiis, quod autem tale, illud magis naturale : Tum quia liberi sunt commune bonum utrique conjugii naturaliter, vinculumquè conjugii, ipsâ communitate id continente, arctiusquè devinciante, uti vel illud argumento esse potest, quòd, qui carent liberis, hi non ita se invicem ament, facilequè inter hos oriantur diffidia & divortia, vel experienciâ teste.

19. *Amicitia Συμπαιδική Sympathetica* est quorundam inter se occulta benevolentia, etiamsi nihil aut parum conversationis his in antecessum intercedat. De hac accipiendus locus Martialis, cùm ait:

Non amo te, Volusi, nec possum dicere quare,

Hoc tantum possum dicere, non amo te.

20. *Tantum de Amicitia Naturali: Amicitia Civilis* est, quæ oritur ex societate civili, neque tam ex naturæ nexu, quàm humanis pactionibus, conglutinatur, cui naturæ opponitur pactum.

21. *Estquè vel inter Imperantes & Parentes, vel inter ipsosmet Parentes..*

22. *Amicitia Imperantes inter & Parentes, vel Vera est, vel Apparens.*

23. *Vera iterum, vel Monarchica, vel Aristocratica, vel Democratica:* Ex quibus illa respondet Amicitia Paternæ, illa Conjugali, hæc Fraternali.

24. *Amicitia Monarchica est, quam inter-*

se mutuò colunt Monarcha & Cives Monarchici, pro dignitate, hoc est, servatâ æqualitate Geometricâ, non Arithmeticâ. Ut enim non idem jus est civi adversus regem, quod huic adversus civem, ita & amicitia non est æqualis. Etenim regem observat & colit civis, tanquam superiorem, non contrâ, rex civem. *Respondet amicitia paterna.* Ut enim rex subditorum curam agit publicè, ita pater liberorum privatim: Ut rex inter subditos excellit virtute, dignitate, autoritate, item pater inter liberos: Ut rex subditos suos amat, humaniterquè tractat, ut ab iis redametur, item pater liberos eodem fine: Ut rex nihil, nisi quod honestum, subditis præcipit, item pater liberis, instituens eos ad virtutis studium. Appellatione verò parentum etiam cæteri majores, & liberorum quoque reliqui minores ac posterius, intelligendi sunt, in quos eadem illis est potestas, idem jus, quare & eadem cum eis amicitia, putà excellentiæ.

Amicitia Aristocratica est, quam inter se mutuò colunt Optimates, sive Archontes Aristocratici, & Cives Aristocratici, pro dignitate, hoc est, servatâ æqualitate Geometricâ, non Arithmeticâ. Ut enim non idem iterum, jus est civi adversus optimates, quod his adversus civem, ob virtutem eorum eminentem, quæ causa hujus amicitie, in quâ, quantò alter alterum virtute & autoritate superat, tantò plus amoris & honoris convenientis accipere.

cipere debet, ita & amicitia inter hos non est æqualis. Etenim optimates observat & colit heic civis, tanquam eminentiores, non contrà optimates civem. *Respondet amicitia conjugalī*; quæ & ipsa *ἡ ἀξία* tribuit præstantiora, dum maritus pro dignitate imperat in iis, quæ virum decent, remquæ familiarem parat & curat, maritum contrà observat & colit, familiæquæ, maximè ancillis, munia ac pensâ dispensat, cibariaquæ his, totiquæ familiæ, præbet uxor, ex quâ officiorum partitione & descriptione, pro cujusque virtute, quasi aristocratia quædam similitudinaria existit.

26. *Amicitia Democratica* est, quam inter se mutuò colunt Archontes Democratici, & Cives Democratici, pro æqualitate, non dignitate tamen, hoc est, servatâ æqualitate *Ἀριθμητικῇ*, non *Γεωμετρικῇ*, quatenus par heic jure cives sunt, vicissimquæ parent atque imperant, æqualibus istactenus personis, æquali amore, æquali officiorum communicatione, æquali virtute, utquæ sic paribus, non quasi nihil omninò hîc sit dissimilitudinis morum & fortunarum, dignitatisvè, cùm, qui extra collegium *ἀρχόντων* sunt, tantisper pro privatis habeantur, sed quòd à potiori fiat denominatio. *Respondet amicitia fraterna*, quoniam fratres & ipsi inter se sunt æquales. ferè, virtute, divitiis, honoribus, moribus, studiis, quæ causæ solent esse amicitiae, licet impares interim sint ætate, cujus distantia si sit major,

major, non ampliùs inter eos est fraterna amicitia, sed paterna.

27. *Amicitia Civilis Vera sic habet. sequitur Apparens: Quæ vel Tyrannica, vel Oligarchica, vel Ochlocratica.* Ex quibus illa respondet Amicitie Paternæ, sed Tyrannicæ, ista Conjugali, sed Oligarchicæ, hæc Fraternæ, sed Ochlocraticæ sive Anarchicæ. Dico apparens, quia in his deflexionibus amicitia quidem, sed valdè tenuis & exigua, exemplo juris, quod in his, vel est nullum, vel perexiguum: Jam verò in quâlibet societate tantum est amicitie, quantum juris, quo cessante cessat amicitia, cujus proxima cum jure cognatio, quod constat esse æquale. Ut ita vel nulla vel exigua admodum hîc sit amicitia, quia nulla vel exigua æqualitas, ideoquè nullum vel exiguum jus, & per consequens amicitia.

28. *Denique Amicitia ipsosmet inter Parentes sive Subjectos est, quam inter se mutuò colunt Cives Monarchici Aristocratici & Democratici, suoquè modulo, Tyrannici Oligarchici & Ochlocratici.*

29. *Estquè illa vel Publica, vel Privata: Publica iterum, vel Δημότικὴ Concivium, vel Φιλετικὴ, Tribulium & Contribulium, vel Πολιτικὴ, Castrensium, vel Συμμεταχικὴ. Confederatorum belli causâ: Privata vel Ἐταίρικὴ, Sodalium, vel Συσεργτικὴ, Commilitonum, vel Συμπλοικὴ ἢ Ἐμπορικὴ, Connavigantium.*

vigantium & Connegociantium, vel Ὀδοπορικῇ, Comperegrinantium, vel Ξενικῇ Hospitum, quorum alii utilitatem, alii voluptatem, alii utramq; sequuntur. Sed hæ amicitiæ species, videntur potius esse species Amicitie Equipararie, quàm Disquiparantie, qualis illa, cum ex amicitia ἐν ἰσότητι fit amicitia ἐν ὑπεροχῇ hoc modo, ut ex duobus amicis antea paribus, nunc disparibus, ille, qui remansit in eodem gradu, tribuat excellentiori, quod ei est tribuendum ex officio amicitie, consistentis in excellentiâ, ille verò, qui infinitis partibus altero factus est superior, conservet memoriam minùs excellentis, huicquè magis gratificetur, quàm alienis, pristinæ amicitie recordatione, & præsentis intuitu. Et certè, quid impediât, quò minùs v. g. modestus foedus amicitie ineat cum magnanimo, liberalis cum magnifico, mediocriter doctus cum insigniter docto, gradu non habitu differentibus, non quidem ut par cum pari, sed ut similis cum simili, non obstante inæqualitate, tollente paritatem, non similitudinem, quæ esse potest etiam inter inæquales.

30. Verùm de Societatis naturâ agendum explicatiùs in Oeconomicis & Politicis: Quare manum de hâc tabulâ.

Finis Lib. II. Eth.

Spongia Erratorum.


Pag. 103. §. 5. l. 7. *ἐσπερηλικο* pro *ἐνεργηλικόν*.
 p. 130, l. 2. *spettem* pro *speciem*. p. 140 l. 5. *illa*
 pro *illud*. p. 197. l. 3. *narali* pro *naturali*. p. 264. l. 1.
λελλεν pro *κίλλεν*. p. 265. l. 2. dele *cum*. Ib: l. 4.
contentum pro *contemtum*. p. 269. §. 1. l. 3. *us-*
cant pro *vocant*. p. 271. l. 1. *fit* pro *fit*. p. 297. §.
 5. l. 6. *aiimenti* pro *alimentis*. p. 308. l. 1. *cau* pro
causa, p. 321. l. ult: *quadem* pro *quadam*. p. 328.
 l. 1. *Dialectica* pro *Dialectica*. p. 342: l. 10. *peri-*
tus pro *peritis*, p. 355. §. 19. l. 8. *ἐργον* pro *ἐργον*.
 p. 371. l. 3. *quendam* pro *quandam*. p. 384. §. 16.
 l. 11. *dispara* pro *disparata*. p. 397. §. 10. l. 3. *ap-*
petus pro *appetitus*. p. 399. §. 5. l. 4. *tiam* delea-
 tur. Ib: §. 6. l. 12. *virtuosi* pro *virtuosi*. p. 429. l.
 16. *vertente* pro *vertente*. Ib: l. 23. *sumus* pro *simus*.
 p. 433. §. 5. l. 22. *proficiscentibus* pro *proficiscenti-*
buz. p. 439. l. 21. *renum* pro *frenum*. p. 440. l. ult:
fit pro *sint*. p. 480. §. 5. l. 25. ante III: *Qui spe-*
cie, *istis*: p. 485. l. 17. *proprius* pro *propius*. p. 487.
 §. 2. l. 2. *reanti* pro *renati*. p. 507: §. 2. l. 3. *te* pro
ritè. p. 515. l. 10. *perputuo* pro *perpetuo*: p. 530. §.
 10. l. 3. *Negativorum* pro *Negativum*. p. 536. l.
 19. *quirantem* pro *quirantium*. p. 549. l. 1. *me-*
renter pro *merent*. p. 552. l. 20. *pacitum* pro *placi-*
tum. p. 556. §. 47. l. 19. *plugas* pro *plagas*. p. 557.
 l. 14. *inconsideratque* pro *inconsiderateque*. p. 589.
 §. 1. l. 16. *Εὐδαιμονίας* pro *Εὐδαιμονίας*.
 p. 627. l. 5. *consulatum* pro *consulatum*. p. 635. l.
 11. *Disimulato* pro *disimulator*. p. 642. §. 6. l. 7.
honere pro *honore*. p. 649. §. 24. l. 4. omissa in medio.
vox (rebus.) p. 657. l. 23. *Prazmarici* pro *Prazma-*
tici. p. 663. l. 6. *natuli* pro *naturali*. p. 685 §. 4.
 l. 13. *Εἰρωνα* pro *Εἰρωνα*. p. 713. §. 18. l. 5. *si-*
gni pro *significant*. p. 719. l. 1. *consistat* pro *consi-*
stet. Denique p. 773. §. 17. l. 13. *Arithmetica* pro
Arithmetica.










THE UNIVERSITY OF CHICAGO











L.40.

